

**Icitabo Ca Fikope  
ifyakwa  
William Branham**



1. Ici cikope icakupapusha, ne cintengulusha ca mulilo ukulebela pa mulu wa mutwe wakwa William Branham, cakopelwe na Mr. Ayers, ukopa uyo wakopele ifikope ifyakwa shimapepo umukali, uyo walesusha bukapyunga bwakwa Munyina Branham mu Houston, Texas. Ilyo uwalekopa asamfishe negative ena alipapushiwe nganshi icakutula ena aletele yena ilyo line ku hotel uko Munyina Branham aleikala. George Lacy, Kafwailisha wa Makalata Ayayafya bwino bwino acente negative umo apimina fintu no kubilisha yena ukuba mucine iyapwililika.

January 29, 1950

IIYASHI NE TONTONKANYO

UKr: Negative Uvrapushwa

Pa 28 nu January, 1950 ukuphila mu kulomba kwa kwa Reverend Gordon Lindsay, iyo uwalemimhako Reverend William Branham uwa ku Jeffersonville, Indiana, Napoketele ukufuma ku Douglas Studios Yaba ku 1610 Busk Avenue muli uno musumba, filimu iyo bakopelwano no ku samfya iya 4x5-inch. Iyi filimu balandile ukuti yapangilwe na ba Douglas Studios abakwa Reverend William Branham ku Gibansa ca Sam Houston muli uno musumba, Imhu atandahle iyi necende kuno ku kupya kwa January, 1950.

UKULOMBA

Reverend Lindsay alombele ukuti akwate ukufwalishisa ukulingana na science pali negative iyo ihumbiyilwe. Alombele ukuti nshininkishe, nga kuti cacitwa, ngecacitula atemwa iyo no mu kumona kwandi negative yali-kwesawike nangi "ukufalunganisihwa" munshila ili yonse, Imhu filimu yalasanfwa, cilya kuti calenga ulubunto ulunono ukuba ngo lubunto ulwasingulwike pa mlhu wa mutwe wa kwa Reverend Branham.

UKUFWALISHA

Ukufwalishisa kwa masctropic na microscropic no kusoma kwa cihlwe ku mbali shonse shibili sha filimu yonse, iyo iyali Eastern Kodak Safety Film. Imbali shonse shibili isha filimu shali shalilolekeshiwepo no lubunto ululakamba ulwa ultra-violet ulubunto lwa fikope ulo filimu yapangilwike.

Iyashi ne Tontonkanyo - Page 2 - January 29, 1950

Ukufwalishisa kwa microscropic kwafihliwe ukusanga apali ponsa pantu filimu ya kwesawike ukuphila mukusamfwa kwa ma filimu nshila ili yonse. Nakabili, ukufwalishisa kwa microscropic kwafihliwe ukulangisha ukhili konse ukufalunganyo ulubunto lwa filimu mukhati atemwa ukushinguluka kwa lubunto ulwamoneke ululepushiwa.

Ukufwalishisa mukubomfya ulubunto ulukalamba kwali filiwe ukulangisha icintu icile conse icasangilwe po iye, atemwa panulandu wamiti basanfshako ana filimu ku mbali shonse isha negative, ico icingalengo ulubunto ukumoneka, munshila ya kusamfya negative.

Ukukopa kwa kuphila muma lubunto ayakalamba kwafihliwe ukulangisha icintu icili conse ico cingalanga isha ukutula filimu yali iya ikawako atemwa ukw kwesatula.

Ukufwalishisa nakabili kwafihliwe ukulangisha ukutula negative yakopelwe imhku ibhili nangu ukusamfwa imhku ibhili.

Tapali nangu cimo icasangilwe ico icingalangisha ukutula ulubunto ulwa ipushitwa Iwapangilwe Imhu balasamfya filimu. Nangu kwawiko cimo ico icasangilwe icingalangisha ukutula filimu tayasanfwe mu nshila iyalinga kabili iya tanuluka. Takwali nangu cimo ico icasangilwe panuma ya kupisha no kupushanya muma lubunto aya kalamba aya pusanisa i co icshali i ca munshila iya tanuluka.

ITONTONKANYO

Ukulingana no bulondoloshi ubo ubwa pelwa ukuphila mukufwalishisa no kusoma ndi ne tontonkanya ihne ihne ukutula negative iyalelelwe mukufwalishisa, tayalikekwe nangi tayacihlwe imhku ibhili.

Ukufalunganyapo, ndi ne tontonkayo ihne ihne ukutula ulubunto ulwamonekele pa mlhu wa mutwe mu musango wakushinguluka Iwacihlwe ku lubunto ulwasanike pali negative.

No muchinshi capelwa,



2. Icaiyambulwa ice lyashi lyakwa George Lacy palwa ciko po no lubunto ulwakupapusha. Kalata ilya ine yalilembelwe nakabili ukufuma kuli Mr. Lacy, ukushininkisha icakupapusha.



3. Ibumba lya lupwa lwakwa Branham. Ukwa ku kulyo ni Billy Paul, Becky no mukashi wakwa Munyina Branham, Meda Marie.





4. Akayanda kambao umo William Branham afyalilwe, April 6, 1906. Apabela akayanda mupepi na Burkesville, Kentucky. Cali ni pali iyi ncende ilyo bonse babili nyina no mwana bali mupepi no konaika mu menshi makasa ayabipisha mu kupwa kwa mwaka mu 1909. (Mumone Icipandwa ca 11.)


#### **IFIKOPE FIBILI IFYE LYASHI LYA KALE MU BUMI BWAKWA WILLIAM BRANHAM**



5. Ukumoneka kwa Mumana. Umulimo wa lubatisho uyo wacitike mu nshita ya mweshi wa June, 1933 pa lulamba lwa Mumana wa Ohio mu Jeffersonville, Indiana. Ena aletyanya ukubatisha umuntu uwalenga ikumi limo na cinelubali, kabili pali ilya nshita ulutanda lwamonekele pali wene ulo lwamoneke ku bantu abengi kabili ilyashi ilyo lyamoneke mwi pepala lye lyashi iya ilye ncende pali ilya nshita.



6. Itenti pa Ornskoldsvik. Te nkambi ya mulusuba iya kulongana mu America—Umusonkano wakwa Branham wa Kundapa mupepi ne ncende sha Arctic isha ku Northern Sweden. Moneni umulongo wa ba bus kunuma.




7. Umulumendo uwafwa ukubushiwa ku mweo. Uyu mulumendo munono alisendelwe ne Bumba lyakwa Branham panuma ya kupunkwa kwabipisha na motoka.



8. Umukashana aundapwa no kupokololwa ukufuma ku fyakufwika inkasa. Ukukopwa na camera muli kumo ukwa kulongana kwakwe mu Finland, Munyina Branham naiminina kuli umo uwa bana abengi abo kundapwa kwabo kwacitilwe ukupitila mu mapepo yakwe. Umukashana umunono ni Viiera Ihalainen, uwanshiwa mu bulwi, alipokolwewe bwino nganshi ukufuma mukufwala ifyakufwika kunkasa ifyabipa ne nkonto.



9. Pa nshishi yakwa John Wesley mu London, Gordon Lindsay na Jack Moore nabeminina ku kwa kulyo kwakwa Munyina Branham.



10. William Branham pa nshishi yakwa John Alexander Dowie. F.F. Bosworth naiminina ku kwakulyo.





11. Ici cikope cilelangisha iciputulwa ce bumba ilikalamba ilyo lyaliko ku musonkano



12. Umusonkano we tenti wakwa Branham mu



wakundapa uwakwa Branham mu Musumba wa Kansas.




San Bernadino, Calif., November, 1950.





13. Umutebeto mu Minneapolis uko bakapanyunga bakwatwisha mu kulongana kwakwa Branham basanglweko.





14. Ukulongana kwakwa Branham mu Houston, Texas. Icikope cilangisha half tye wa miputule yapa mulu. Inshita ya bushiku iyakonkelepo ukulongana kwalie mu Sam Houston Coliseum, utko 8,000 basangilweko.



15. Ibumba mu Little Rock, Arkansas. Gordon Lindsay




16. Ibumba mu Sam Houston Coliseum,





na Jack Moore nabeminina cila lubali lwakwa Munyina Branham.



Houston, Texas.



17. Icikope ica Tacoma, Washington, ukulongana ukukalamba mu April, 1948.



18. Imimonekele ye bumba mu Cikulwa ca Civic mu Seattle, Washington mu November, 1948.





19. **Ulubunto ukushinguluka Munyina Branham** Ictiengulusha ca lubunto lwashinguluka umuive wakwa Rev. William Branham hlyo ici cikope cakopelwe. Kakopa asosele ukutilla tapali ulubunto pakati kakwa Rev. Branham kabili na kunuma ya cikulwa.





WILLIAM  
BRANHAM

UMUNTU UWATUMWA  
UKUFUMA KULI LESA

na

*Gordon Lindsay*

Kalemba we SHIWI LYA KUNDAPA  
Mu Kwafwilishanya Na  
William Branham

*Lyafumishiwe na*

WILLIAM BRANHAM

*Jeffersonville, Indiana*

# Ifilimo

*Ibula*

Ukwishibisha

i

## *Icipandwa*

1. Ukushinina Ukwaibela 1
2. Ukufyalwa Ukwaibela na Kubwaice 9
3. Amafya ne Cipowe mu Nga'nda Yakwa Branham 13
4. Ukupilibulwa kwakwa William Branham 17
5. Icupo Icansansa kabili no Kusala Ukwabipa 23
6. Ilyeshi Ilikalamba Mu Ohio mu 1937 31
7. Ukupelelwa—Elyo Iciloto ca ku Mulu 35
8. Ifyacitike Ifyaibela Panuma  
Ya Cipempu Cakwa Malaika 45
9. Malaika ukufuma mu Mulola wakwa Lesa 49
10. Ukutendeka ukwa Bukapyunga Ubupya 55
11. Umusonkano Wakwe Uwakubalilapo  
Uwakundapa ku St. Louis, Missouri 61
12. Ifintu Ifyakusansamusha Muli Bukapyunga  
Bwakwa Munyina Branham panuma ya  
Kumoneka kwakwa Malaika 65
13. Ukulondolola mukwipifya mu  
Kulongana kwakwa Branham 71
14. Kalemba Abikamo Ilyashi lyakwa Branham 85
15. Branham ku Kapinda ka kuso na masamba 93
16. “Ishiwi lya Kundapa” Lyafyalwa 97
17. Ibumba Lyakwa Branham  
Lyaya Ku Kapinda Ka Ku Kulyo 107
18. Icikope Icakupapusha Mu Houston Coliseum 115
19. Umulabasa Wa America Wasabankanya  
Ukulongana kwa kwa Branham 125
20. Ifyabupe fya Kundapa Nafimbipo 133
21. Ilyashi Lya Fimonwa Ilya Shimikwo  
Bunte na Munyina Branham 145
22. Ubulendo Bwa Kuciluka Bemba ku Scandinavia 167

There are more than 1179 original English sermons of Brother William Marrion Branham that were recorded and are available in audio format. Many of these sermons are available in printed form. There are offices and lending libraries in nations around the world that have these sermons readily available in many languages.

BEMBA

©2014 VGR, ALL RIGHTS RESERVED

For more information or to obtain sermons of Brother Branham please contact:

**VOICE OF GOD RECORDINGS**  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## *Icipandwa ca 1*

# Ukushinina UkwaiBELA

Ifibi ifyacikulwa icikalamba ica Municipal ica mu Musumba wa Portland, Oregon, fyaliswilwe bwangu ilya November icungulo bushiku mu mwaka wa 1947. Pa 6 koloko abantu abengi ninshi na beminina kale mu mulongo pa nshita itali ukulolela ishuko ukwingila no kukwata icipuna bengasala. Ilyo ulolekesha pa cikulwa pa nshita iyalinga apitilemo kukukomonona ifibi, ena mu musango umo alipapile ukusanga ibumba lya musango filya ilikalamba ukulolela wene. Cena cali iceni panono, ena alimwene, pantu takwaliko ukusabankanya ukwaiBELA, kabili ukulongana kwa bukapepa, nangula ilyo kwasabankanishiwa sana, ilyo ena aibukishe, te lyonse catemwine abantu abengi ukwisula ukucila iciputulwa icinono ica cikulwa.

Ulolekesha pa cikulwa ena ngalimwene nacimbi ukutila abantu tabalekonka ulutambi ulwaseka mukulongana kwa lukuta kwa kwisusha pakati ne fipuna fya kunuma intanshi, lelo tatile babutukile ku ntanshi ukusenda ifipuna ifyapalamine ku ntanshi. Lelo bwangu bwangu aba balile, kabili balya ababelele kunuma kabili mu miputule yapa mulu mwaliswile namo. Umuku naumbi ulolekesha pa cikulwa alikwete ukwiluka, paba shimya umulilo ababikilwe ku mulimo wa lyonse uwa kumona ukutila ifipope fya mu musumba palwa kucingililwa kwa cintubwingi kwali ukufikonka batumine ishiwi kuli wene kutila icikulwa caliswile kabili ukutila ena ili line alingile ukwisala ifibi no kumona ukutila tapali naumbi umo uwaingile.

Kwaliko, nalimo, ukucila icintu cimo icaiBELA kuli uku kulongana. Bakapyunga ukufuma mu fifulo ifya mufilonganano ifingi baikele muciputulwa icikalamba ica fipuna kuntanshi. Nga bonse abo abali mucikulwa balipendelwe, bona ukwabula ukutwishika nga balipendelwe imyanda ingi. Ukulongana kwa musango filya ukwa muli ilye ncende kabili na bakapyunga aba kunse ka mu musumba ukulongana kwa kupuputula kwali ukushalecitika ilingi line mu musumba, kabili ukwabulo kutwishika takwatala akumonekapo mukufula kwa filya akale.

Ni cinshi ico catemwine ico caletele capamo ili likalamba ibumba lya bantu? Tacali ukwimba atemwa inyimbo ishisuma. Pantu nangula fyonse fibili fyali ifyawamisha kabili ifyakuputamo, lelo nomba cena cali icishinka ukutila abantu balelelele no kukanashipikisha ukwine kwine mpaka ifyakubalilapo kuti fyasondolwelwa mukwenekela pali ico cali no kukonkapo.

Umulandu wa uku kulongana kukalamba kuti kwalandwa mu mashiwi ayanono. Cena calilandilwe mulya mu musumba ukutila umwaume uwe shina lyakwa William Branham ali no kwisa mu musumba kabili ali no kwisalanda mu Cikulwa ca Municipal. Palwa uyu mwaume, calilandilwe ukutila malaika aishile monekela kuli wene mu cipempu icawama, kabili ifyabupe fyakundapa fyalemonekela muli bukapyunga bwakwe. Pantu, cetekeleni cena atemwa iyo, nangula umusango wakutontonkanya pafyuma uyo waikata abamano kabili na masukulu ya masambililo aya bushiku bwesu, cena cishinka ukutila mukati mu mutima wa muntunse mulya mulacita kabili lyonse mukaba ukukabila ukwakumonekela ukwa maka aya cakupapusha. Umuntu ekala uwakululumba, ubumi ubwaonaika mwi sonde ilya shilwa ukuli konse no bubole, ukonaika ne mfwa. Uwafyuma kabili bukapepa ubwa bulesa ubwa nshita ipya, ubo bushakwata nangu cimo icakupela umuntu inshita imo panuma yamfwa yakwe, tekuti fikushe ukukabila kwa cifyalilwa kwa mweo wa muntu kukupusuka. Mwi sonde lyafulunganishiwa ku mashiwi ikana aya pililikana, cila limo ukulumbula insambu no kubilisha ukwishibikwa, cena tacili icacifyalilwa ukutila umuntu engakabila kuli fimo ifilemoneka ifyakucitwa ifya maka yakwa Lesa ukushininkisha no kupela bukambone kuli bucishinka bwa mbila kuli abo abalanda. Yesu takene uku kukabila ukwa cishinka no kukabila kwa mweo wa muntu, pantu Ena alisosele, . . . “Nine Umwana wakwa Lesa. Nganshile bomba imilimo yakwa Tata, mwincetekela. Lelo nga ndecita, nangula imwe tamulencetekela, cetekeleni imilimo: pakutila mwingeshiba, no kucetekela, ukutila Tata ali muli ine, kabili ine muli Wene.” (Jn. 10:36-38)

Ukulongana kwa kubalilapo kwa nshita sha bushiku shibili kwaimishe ukufwaisha ukwapulamo; kabili nomba pa nshita ya bushiku ubwa citatu icikulwa caliswile na bantu abalelolola nakabili pa walelanda ukumoneka. Kalemba, uyo waletungulula uyu musonkano unono, mukuteyanya mukupela ukulongana kuli kabila wa mbila nsuma aipwishe abantu ukwiminina pa nkasa shabo no kwimba chorus, “Cetekela fye, cetekela fye, fyonse filacitwa, cetekela fye.” Ilyo ibumba ilikalamba lyaleimba, umuntu umunono ushali nangu cimo ne mibeke isums kabili no kumwentula kwa cikuku aishileingila, elyo alishile no kwiminina kunuma ya cintamba. Ukwimba kwalilekele, kabili aishileba tondolo pe bumba ilyo lyalekutikisha nganshi ilyo ena atendeke ukulanda. Ilyo ena atwalilile, camoneke ukutila abaleumfwa balyumfwile bwino pa cikuku cawalelanda nakabili ne cishininkisho cakwe icabufumacumi no kupetama. Kabila wa mbila nsuma, ukusenda itontonkanyo lya citetekelo ukuputwamo no lwimbo ulo lwaimbilwe, atendeke isambililo ilya mbila yakwe. “Ee,”

atile ena, “Ifintu fyonse filacitwa kuli uyo wacetekela. Takuli nangu cimo ico cingeminina kuntanshi ya citetekelo muli Lesa, kabili nga bantu muno muno bushiku bali no kutetekela Lesa pamo na ine, ifwe tuli no kumona ukutila Lesa ali no kucindika cilye citetekelo no kushininkisha cena kuntanshi ya menso iya ulu lonse lukuta.”

Ilyo bumba lyalekutika na mano yonse ukusendwa ku mushinku unono ushali nangu cimo ku ntanshi, nalimo umo fye aleenekela ubwangalo bwakupapusha ubo bwali no kufungululwa. Mucine katungulula takwete ukwiluka kwa musango ulya, kabili ukucilinganya uko kwali no kucitika tekuti kusengelwe nganshi. Pantu mukupumikisha amano yesu yatungulwilwe ku mwaume uwali kunuma mucikulwa uyo waleendesha nganshi, ukulola ku cintamba. Pa kutendeka ifwe twatontonkenye ukutila fimo ifya mukampampa fyalishile; nalimo umo muntu alinenwike atemwa alilwele sana mucikulwa. Lelo ilyo ena apaleme, ifwe twamwene ukwabula ukutwishika nangu panono ukutila icinso cakwe cakwete imimonekele ya buciwa, ngo kwishiba ukutila ulyo mwaume ali uwapena, atemwa uwapena sana, kabili mukumoneka ena alibutwike ukufuma kuli abo abalemusakamana. Ifwe twali no kusambilila panuma ifyo mucine fyali no kuba ifya kufulunganya nganshi nga ifwe twalishibe pali ilya nshita, ukutila umwaume tali uwapena, muli cilya ena taishibe ico ena alecita, lelo ali uwabipa kabili ne mibele iya bupondo uo inshita imo alitobele ifunde pa kufulunganya no kusalanganya ukulongana kwa bukapepa. Ukukakwa mucifungo takwamusambilishe isambililo, kabili nomba ukumona ishuko lyakwe ukuleta icimfulunganya icikalamba kabili nakabili ukusalanganya ukulongana, ena aishile ku ntanshi pali lilye pange.

Ukuya pa mulu wa matabo ena aendele ukwabula ukwiminina. Nomba ena ali kuntanshi ukukwata imicitile iya kutinya icakutila pali iyi nshita kwali ukutemuna amano ya lukuta lonse. Bakapokola babili abamaka abaiminine mumbali, pa kuba abailuka pa kusanswa, bena bali mupepi ukwisa kuntanshi no kwikata uyu kafulunganya, lelo ifwe twalimwene ukutila ici kuti caleta ukulwishanya kabili icimfulunganya icingalengwa kuti caonaula ukulongana. Nacimbi, kabila wa mbila nsuma amoneke ukuibika umwine pa cifulo pantu ena alibilishe fye ukutila ifintu fyonse filacitwa kuli uyo ucetekela, kabili ukutila Lesa lyonse akafwilisha ababomfi Bakwe abo ababika isubilo lyabo muli Wene. Mucine, ukulongana kwalifikile pakwenekela ukwapulamo nganshi, icakutila ukushintilila pali ba kapokola bamafunde, nangula nalimo ukulungamikwa umupwilapo mu calecitika apa, tapamoneke ubutantiko bwa Bulesa. Ifwe tatwaishibepo nangu cimbi icakucita kano fye ukusontelela bwangu bwangu bakapokola



ukubwelelamo no kwishibisha kabila wa mbila nsuma pali co calecitika. Lelo ena umwine ali kale uwailuka ukutilla icintu cimo calilubene. Ukulanda umutalalilwa kwi bumba no kulomba ukutilla abantu bampane pamo nankwe mwipepo lya mutalalilwa, ena alipilibwike ukukumanya uku kushinina ukwaibela ukwa uyu kalwisha uwabipa.

Ilyo acitile ci, umwaume no kumwentula ukubi pa cinso cakwe, ico caibukishe kumo kulyo kumwentula ukwakutinya abasenshi babasa pa finso fya milungu yabo, atendeke ukwabule nsoni ukwebaula no kutuka uwalelanda. “Iwe uli ciwa, kabili ulebepa abantu,” ena alibilikishe, “kapashanya, insoka mucani, uwabufi, kabili nalalangisha aba bantu ukutilla iwe efyo waba!” Kwali kushinina kwa kushipa kabili umuntu onse muli lilye bumba kuti amona takwali ukutinya ukwa fye. Ilyo kafulunganya atwalilile ukwebaula kabila wa mbila nsuma, ukusasuka no kusaka amate, ena alangishe ukubomba ukutinya kwakwe mukwipaya. Kwi bumba camoneke ukuba inshita iyabipa ku mushinku unono kuntanshi, kabili abengi muli bena balingile balyumfwile ubulanda nganshi pali wene. Bakapokola balyeshe nakabili ukwisa mukumwafwilisha lelo balibebele ukubwelelamo, kabili nomba mukukana ubwafwilisho bwabo uwalelanda aishilesumina fye ukushinina ukwa uyu kasusha uwabipa uo iciimo cakwe no kutinya kwashinine ibumba ukutilla ena ali uwalinga ukucita ifya mataki yakwe. Ukwabulo kutwishika, bakasusha abo abaingile mucikulwa ukukabila nganshi baenekele ukwa lubilo kabili ukwa bulanda ukusondolwela kubwangalo ubushaenekelwe ubo bwaleisa nomba ukufika po. Mucine bena kuti bamona ukutilla takwali incende ya bucenjeshi. Umwaume uwali pantanshi alingile ukukwata ifipe nga teifyo asende ifyalacitika.

Munshita ya kukana enekela iyo yakonkelepo, umo tekuti akane ukwibukishiwa pe lyashi lya kushinina ilya kale sana, ilyo Goliath uwashipa atukile Dabidi umunono mwi shina lya milungu yakwe, kabili ailumbenye ukutilla ena ali no kuputula ulubafu ukufuma kulubafu. Ulukuta ulwapapushiwa, ilyo ibumba lya bena Israele balingile bali mubushiku bwabo, balolekeshe pa calecitika no kupapa kabili no kusunguka, nangu panono ukwabula ukwishiba ico cali no kukonkopo cimbi, lelo ukutina icabipisha. Ukulongana kwaba kapyunga kuntanshi kwalangishe icalacitika ukwabulapo no bwafwilisho nangu panono, ukwishiba ukutilla kano fye Lesa acite cintu icaibela nganshi no kwafwilisha uwalelanda mu musango wa cakupapusha, kafulunganya umubi, uyo uwalundulwike mukusalanganya ukulongana kwa bukapepa mu nshita ya kale, ali nomba ukucite fyo nakabili. Bamo balifulunganishiwe nganshi ukutilla bakapokola tabasuminishiwe ukukwata amaka pa calecitika kabili bacetekele ukutilla ici cilubo ca bupingushi

cali no kusuminisha uyu mwaume uyo wakwete ingulu te konaula fye ukulongana kabili e ico kuleta umusebanya pa mulandu wakwa Kristu, lelo nacimbi kuti caleta mucine ukucenekwa kwa kumubili kuwalelanda.

Akashita akanono kalipitile, nangu cibe fyo, ukwabula ico balelolela ukucitika. Pali iyi nshita camoneke ukutila icintu cimo calekanya kashinina ukukanabomba amapange yakwe ayabipa. Pa mulandu umo ena taletwalilila no mulimo uwa mataki yakwe ayakulwisha ukwa ku mubili, lelo tutile uwaikushiwa umwine mukusasuka no kusaka amate kusosa imilandu imo iyakutinya. Mukunakilila lelo no mukosha ishiwi lyakwa kabila wa mbila nsuma nomba kuti lyaumfwika ukwebaula amaka yabipa ayo aya tekele umwaume. Amashiwi yakwe, ukulandwa mu mutalalilwa nganshi icakutila kuti yaumfwika fye intamfu fye inono, yalesosa, “Satana, pantu iwe washinina umubomfi wakwa Lesa kucinso ca ulu lukuta ulukalamba, iwe ulingile ukufukamina ku cinso candi. Mwi Shina lyakwa Yesu Kristu, iwe walaponena pankasa shandi.” Amashiwi yalibwekeshiwepo imiku ingi. Kashinina alekele ukulanda, kabili cali icashininkishiwa ukutila cali nomba ni ena uyo walecula mukutitikishiwa. Uwa maka nge fyo ena kabili namaka ya mfifi ayo ayalemutungulula ena, ukupelwa amaka ku mupashi onse uwabipa mu cikulwa, mucine lyena panono panono yalenakila ku Maka yambi ayo ayali ayapulamo ukucila yena, Amaka ayanakile pa kutotosha Ishina lyakwa Yesu! Bwangu bwangu calishibikwe ukutila umwaume alilwike ena ali mukucimfiwa, lelo tapali nangu cimo ico ena engacita limbi ico cingabweshia icalecitika. Ubulwi ubwakosa ubwa maka ya bumupashi nomba bwalombele amaka ayali yonse ayanono ayo ena akwete muli ena. Amatoni ayelibe yaishilefuma pa cinso cakwe ilyo ena aishile esha mukupelelwa ukwakulekelesha ukucimfya. Lelo conse tacaafwile nangu cimo. Apo pene ena uyo mu maminiti ayanono panuma alicitile ukwabula insoni nganshi ukwebaula umuntu wakwa Lesa ne fyakutinya fyakwe ifyabipa no kupela imilandu, aishileteta ububi nganshi no kuwila panshi ukulila mu musango uwabipisha. Pa nshita imo ena alele palya ukulafulukuta mu lukungu, ilyo kabila wa mbila nsuma mukutekanya atwalilile no kulongana kwati tapali nangu cimo icacitike.

Ukukanafwaya ukusosa, ulukuta ulukalamba lwalipapushiwe pa cintu ico cacitike ku ntanshi yabo, muli co Lesa ashininkishe palwalala umubomfi Wakwe, kabili ukulumbanya mukubilikisha kuli Lesa kwaiswile icikulwa icikalamba. Bakapokola nabo, ukupapushiwa pafyo bamwene, palwalala basumine ukutila Lesa ali mukati kabo. Nga twalyambwile cilya mu kulongana kwa kundapa uko kwakonkelepo, amatambe ya bukata yalimonekele ico cishakatale ukulabwako kuli abo abalipo. Ifipeshamano ifingi

ifyakundapa ukumfwika fyalicitike ilya nshita ya bushiku ilyo imintapendwa ya bantu balepyungilwa mu mulongo wakupepelwa.

Lelo ali ni nani uyu muntu umunono uyo walandle na ماشیوی یا musango ifi ayalupaka kabili uo bukapyunga bwakwe bwalishininkishiwe ku filangisho ifyaibela ifya maka ya Bulesa? Ishina lyakwe lyali ni William Braham, uwa mu Jeffersonville, Indiana, kabili bukapyunga bwakwe bwali no kuya apatali kabili apatali ukumfwika mpaka, pa nshita ya uku kulemba, amaka ya bwena nayafika mwi sonde lyonse. Abengi mu Musumba wa Portland lilya ubushiku bacindamike Lesa, pantu bena balishibe ukutula Ena nakabili alipempwile abantu Bakwe. Bakapyunga abengi nabo, balishiba ukutula Lesa alishile mukati kabo mu maka ayaibela. Bena balicetekele ukutula ifyo bena bakwatilepo bukambone cali icishibilo ca fintu ifikalamba ukutula Lesa aleteyanya ukucitila abantu Bakwe. Bamo, mucine, bakwete bukapyunga bwabo ukupuputulwa. Pali aba pali kashimikila wa caice, uo mukashi wakwe apele ubunte ukushinina ukwashipa ukwa mwaume uwakwete ngulu. Ena akonkomeshe umulume wakwe ukuya sangwako pa nshita ya bushiku bwakulekelesha. Ilyo aikele no kumona ukutwi kwa mwana umunono nkomamatwi cibulu ukwisulwa pa kutila engomfwa no kubwekeshapo amashiwi, Lesa alandile kuli ena, kabili atile, “Uyu e mulimo uo nakwitilako ukubomba na iwe.” Ubushiku bwakonkelepo ena apele imilimo ya lukuta lwakwe kuli ba membala bamo aba mulukuta lwakwe kabili aliisalile umwine mucipinda cakwe, ukufwaisha ukuba mulya mpaka ena ali uwashininkisha ubufwayo bwakwa Lesa bwalisokolwelwe kuli ena. Ukufuma mu nshita ya kufwaisha imyeo no mukosha kwalifyelwe bukapyunga ubo bwali no kuleta mukupusushiwa kwa myeo amakana kabili bwali no kukonkwa ne fishibilo ifingi, ifipapwa ne fipeshamano. Uyu mulumendo ali ni Evangelist T.L Orsborn.

Iceni nganshi, ilyo musonkano walepwa, ifwe twaumfwile ukutula abanono balitwishike. Mulandu nshi Lesa engasalila umuntu uwakwete intendekelo yabubusu nga ilya, uyo wakwete ukwishiba ukunono ukwa mano ayaili sonde? Napamo bena kuti bailuka ifunde ilyo Paulo alandilepo mu 1 abenaKorinti 1:26-29, apo asosele, “Pantu moneni ukwitwa kwenu, mwe ba munyinane, mwe bengi tamwali bamano ku buntunse, te bengi aba maka, te bengi abakankala, abo abaitwa: lelo Lesa asalile ifya buwelewele ifya pano pe sonde kukulenga bekatwe nsoni aba mano; kabili Lesa asalile ne fya naka fya pano pe sonde kukulenga ifyakosa fibe ne nsoni; Lesa asalile ifyasalulwa ne fyasulwa, bushe Lesa tasalile, ee, ifintu ifishabapo, kukufumuna ifyabapo: ukuti umuntunse nelyo umu e takisha mu mulola wakwe.”

Cibe kutali, abengi balicetekele no kusangalala. Nangula cena cali icishingacitwa ku mubili kuli kabila wa mbila nsuma kukupyungila, ukukana cila mu musango uwipi nganshi, ku makana aya mibili iyalwala abo abalefwaya ukundapwa, lelo nombamba cali icawamisha impendwa iya mabunte ayasuma ayo yafumine muli kulyo kulongana. Kabili nga abo abasuminishe ukutwishika ukwisa mu mano yabo tabanonkelemo icakutula bambi balicitile ukufuma mukulongana, abengi abacetekele mpaka buno bushiku balasontelela kuli ulyo musonkano uwipi mu Musumba wa Portland nga ora ya butandashi ishakatale ukulabwako.

Lelo nalimo cena ni nshita kuli ifwe ukwipusha nakabili ifyo uyu mwaume, William Branham, aba. Ni kwisa uko ena afumine? Wali musango nshi uwacipempu cakwe icaibela ukufuma kuli Lesa kabili no mulimo wakwe ukundapa abalwele? Ubwasuko bwa aya mepusho ifwe nombamba twalatungulula amano yakwa kabelenga.



## *Icipandwa ca 2*

# Ukufyalwa Ukwaiwela na Kubwaice

Cali mukutula kwa kasuba ulucelo lusuma lwa April mu mwaka wa 1909 mu calo ca mpili isha Kentucky tepatali ukufuma pa ncende apo Abraham Lincoln afyalilwe mupepi filya fine imyaka umwanda umo kunuma. Mukayanda akanono ulubuuto lwatendeke ukwingila ukupita pe windo ukuya pakabusanshi akanono akashalemoneka bwino, ilyo ishiwi lya kanya lya umfwike. Amaboko yabili ayanono aya kanya aka mapound yasano yaleikata amasaya yakwa nyina uwa myaka yakufyalwa ikumi limo na fisano. Ukwiminina mupepi no busanshi pali wishu uwacaice, Charles Branham, na maboko yakwe nabika mutumishipi utwetoloshi lyakwe ilipya, ukufwalako bwino, ku bantu ba mu mpili kuli ici icacitike icisuma. Ilyo bwaleca, ifyuni ninshi nafitendeka kale ukulila, kabili camoneke kuli wishu ukutila ulutanda lwa lucelo lwalibalikisheko nganshi panono. Akanya kalilile nakabili ilyo akakuboko kakwe akanono kakumishe pa cinsu cakwa nyina.

“Twalainika ishina lyakwe William,” efyo wishu asosele, ilyo alelelekesha ne nsansa pa mwana wakwe umwaume uwafyelwe fye. “Lilya lili no kubafye bwino,” efyo nyina asosele, “pantu lyena ena ali no kukwata ishina lya Billy.” Nyina taishibe nangu panono ukutila iminwe ya uyu mwana umunono, iyo yaleikata amasaya yakwe ikabomfiwa na Lesa Impalume kukupokolwelako abantu Bakwe ukufuma ku malwele na bunkole. Takuli nangu umo muli cilye ciputulwa ca calo uyo wingatala ukutontokanya ukutila aka kanono akapetama akanya akafyelwe mu mpili ka kasenda mbila ya mbila nsuma mwi sonde lyonse. Pa bantu bonse aba mu mpili, ulupwa lwaba Branham lwali ulwa bupina pa bapina. Nangu cibe fyo, inshila shakwa Lesa tekuti shilondololwe! Musango nshi aba bantu benga cetekela cena, nga umo muntu alibelele ukutila Lesa, ukupitila muli ilye minwe ubushiku bumo akalenga ingulu ukutamfiwa, impofu kumona, bankomamatwi ukumfwa, impwalonda ukupwa, kabili amakana pa makana ukuwa pa makufi pa fipailo mu filamba ifyakulapila? Napamo bena kuti batetekela kutila indeke ukuciluka icalo kuti shapupuka ulubilo sana kuleta abalwele kuli bena. Napamo kutila amashitima na ba bus ayaisulamo abalwele yali no kuletwa kuli wene kukupokololwa. Ukutila bena bali no kwisa ukufumina ku Kabanga kabili ku Masamba, kukwa Kulyo no kwa Kuso, ukumumfwa wene ukulanda ilyashi lyakwa Yesu Kristu Kapususha mu yakwe iyayanguka, mu musango uwapetama.



Ilyo abenamupalamano balongenemo ukumona akanya akapya akafyelwe, kwamoneke ukuba, nge fyo calandwa, imyumfwile iyaibela iyakatina mucipinda. Nani uyo uwingasosa ukutila tacali umulola wakwa malaika uyo, mubutungulushi bwakwa Lesa, alitungulula William Branham mu fintu ifingi ifya bumi bwakwe, kabili uyo panuma ali no kulanda kuli wene palwakwe?

Cali fye milungu ibili panuma ilyo bawishi na ba nyina basendele akanya kabo ukuya mulya mukashila ku Lone Star kunga'nda ya kulonganinako—inono iya musango wakale Chalichi iya Missonary Baptist iya kulilwe ne fimuti ne mbao isha kufimbila, na panshi apafiko ne fipuna ifyapangwa ne mbao ukubikwa ukucilinganya ifimilando fya cimuti. Cali icipempu ukupempula ukwa ntanshi ukwakwa William Branham munono ku chalichi!

## UMWANA NA NYINA KWISHUKO BAPUSUKA KU MFWA

Apo fye ba wishi baleputula ifimuti, cali icikankala kuli bena ukukanaba kunga'nda inshita itali, maka maka mu mfula ne myeshi ya mpepo ilyo mwela walebipa ku myendele. Muli ishi nshita nyina kabili nakanya baeshala beka. Cali pali imo iya ishi nshita ilyo ifintu fyacitike mupepi fye ukusenda ubumi ubwa bonse babili nyina no mwana.

E ico calicitike ukutila pali iyi nshita ilyo mwana ali nalimo ne ciimo ca myeshi mutanda, kabili wishi taliko ku nga'nda, icikuka icabipa calishile, kabili icalo conse caiswilemo amenshi makasa panshiku shimo. Kwali icinono icakulya mukayanda kabili tapakokwele nyina takwete fyonse fibili icakulya ne nkuni. Ena apombele inkasa shakwe mu masaka ya mafufu, baile mu mitengo, no kuyatema utumpusa utunono, elyo baletele twena mukayanda, ukwasha ukusunga umulilo. Mukulekelesha aishile nakuka kabili no kunakuka kabili aishileleka. Ukwabula icakulya atemwa icikabilila nyina abulile fyonse ifyakufimbana, no kuipomba umwine kabili nakanya mubusanshi, kabili balilolele impela. Cali ni lilya ilyo Lesa atumine malaika Wakwe ucingilila no kupususha imyeo yabo.

Umwina mupalamano aikele apalepako ukufuma kuli bena, nangula mukumonekela kwa kayanda kakwa Branham. Pa mulandu umo ena alikwete ukusokwa ukwaibela palwa mafya muli kalya kayanda akanono akapetama. Inshita panuma ya nshita ena kuti alolekesha kuli kena, kabili cila nshita ena kuti aba uwafulunganishiwa nganshi, maka maka ilyo ena afililwe ukumona icushi icili conse ukwima ukufuma ku cipunda ca cushi. Ilyo nshiku shinono shapitilepo, ukushininwa kwaikeshe

nganshi mukati ka ena ukutila icintu cimo calilubene icakutila ena apangile ukuyafwailisha, nangula capilibwile ukwenda ukupita mu menshi pa ntamfu itali.

Ukufika pacibi, umwenso wakwe walishininkishiwe, pantu takwali ukwasuka kuli abo abali mukati, nangula ifishilwa kunse fyalangishe ukutila takwali nangu umu uwafumine pali cilye cifulo, kabili icibi calikomenwe ukufuma mukati. Ena asalile ukutoba ukwingila mukayanda kabili ilyo ena acitile fyo, ena alipapushiwe pa cikope icali ku ntanshi yakwe. Nyina no mwana balifimbilwe mu fyakufimbana fyabo bali mupepi no kufwa pa mulandu wa nsala no kutalala. Umwina mupalamano uwa mutima wa cikuku bwangu bwangu afwaile nkuni no kutendeka ukukosha umulilo walubingu uyo bwangu bwangu uyo wakafishe akayanda. Elyo ena alibwelelemo ku nga'nda yakwe umwine kukuleta icakulya. Umulimo wakwe uwa luse walipwishiwe mu nshita fye. Nyina no mwana balipuputwiwe kabili bwangu bwangu balitendeke ukuba bwino mubumi.

Tekale sana panuma ya ici ulupwa lwaendele ukufuma ku musumba wa Kentucky ukuya ku Indiana, uko bawishi baile mukubomba ku mulimi mupepi na Utica, Indiana. Lyena umwaka umu panuma baliselele nakabili pantanshi mulya mu mupokapoka mupepi na Jeffersonville, Indiana, umusumba uwalinga upya, uyo wali no kwisaba umusumba wakwikalamo William Branham.

## IMBILA YAKUBALILAPO IYAKWA LESA KU MULUMENDO

Imyaka ingi yalipitilepo kabili umulumendo ali nalimo imyaka yakufyalwa amakumi cinelubali, elyo atendeke fye isukulu incende ya mu mushi ba mailoshi abanono ku kwakulyo kwa ku Jeffersonville. Cali ni pali iyi nshita ilyo Lesa alandile umuku wa ntanshi ku mulumendo. Ifwe twalaleka Munyina Branham alande lyashi ilya ici cipempu icaibela mu mashiwi yakwe umwine:

\* \* \* \* \*

Nali mu nshila yandi nshita imo iya cungulo ukutwala amenshi ku nga'nda ukufuma ku butala, ico cali nalimo amayanda ayengiko ubutali. Nalimo pali hafu pakati ka nga'nda kabili no butala palipo icimuti ca kale ica mulibne. Ine e lintu naishile fye kunga'nda ukufuma ku sukulu kabili abalumendo bambi baleya kucishiba mukuloba. Nalilela ukuya lelo batata basosele ukutila nalingile ukusenda amenshi. Naliminine pe samba lya cimuti ukutusha ilyo mukupumikisha fye naumfwile iciunda nge cacipupu ukupupa amabula. Nalishibe ukutila cena tacalepupa pa cifulo icili conse. Camoneke ukuba icungulo uwashilili. Nalitampwile kubwelela kunuma ukufuma ku cimuti kabili nalimwene ukutila mu ncende imo nalimo

icipimo ica mutungi, umwela wamoneke ukulapupa ukupula mu mabula ya cimuti. Lyena kulya kwalishile ishiwi ilyasosele: *“Wikesha ukunwa,ukupepa, atemwa ukukowesha umubili obe mu musango uuli onse, pantu ninkwata umulimo kuli iwe uwakubomba ilyo ukesa kula.”*

Calimpele umwensho ine icakutula nalibutukile kunga’nda, lelo pali ilya nshita nshaebelepo nangu umo palwa cena. Ukulila no kubutukila ku nga’nda, naponene mu maboko ya bamayo, abo abatontonkenye ine nalisuminwe ne nsoka. Nalibebele ukutula nali fye no mwensho, e ico balimbikile pa busanshi, kabili bali no kwita doctor, ukutontokanya nalecula no kutenshiwa kwa mwensho. Ine nshatalile ukupitila pali cilye cimuti nakabili. Ine kuti napitila kwi samba kulubali lumbi ulwe bala ukutaluka cena. Ndecetekela ukutula malaika wakwa Lesa ali muli cilye cimuti, kabili mu myaka panuma nali no kumukumanya wene icinso ne cinso no kulanda kuli wene.

Pa mulandu wa kubomba kwakwa Lesa ukwenu pali ine ine tekuti ntale ukunwa atemwa ukupepa. Ubushiku bumo naleya kumumana na batata no mwaume umbi. Bena balimpele ubwalwa ukuti nwe, kabili pantu nalefwaya ukusanga ububile no mwaume pakutula ena engansuminisha ine ukubomfya ubwato bwakwe, ine nalitendeke ukutinwe. Lelo nge fyo mubutuntulu nge fyo ndelanda ilelo, nalyumfwile cilye ciunda ngo kupupa kwa mabula. Ukulolekesha mumbali, kabili ukwabula ukumona icishibilo ca mwela ulepupa, nalibikile botolo pa milomo yandi nakabili, ilyo naumfwile icongo cimo cine, ukubilikisha nganshi. Umwensho waishile pali ine nga kale. Naliposele panshi ibotolo no kubutuka, ilyo batata abandi bene banjitile ine “sissy.” Owe ifyo cilya caumfwishe ububi! Pa ntanshiko nalitilwe “sissy” kuli cibusa wandi umukashana uwa caice ilyo na mwebele ine nshalepepa fwaka. Ukukalipa pa kupumya kwakwe, nalibulile fwaka kabili nali no kupepa wene nangu cibe fyo, ilyo naiketwe na cilye ciunda cimo cine ukunenga ine ukuposa panshi fwaka no kufuma pa ncende ukulalila pantu ine tekuti mpalame na bantu bambi, ilyo ukubwela ukwebumba kwaleumfwika mu matwi yandi.

Kulabako lyonse ilye myumfwile iyaibela, kwati umo muntu naiminina mu pepi na ine, ukwesha ukusosa icintu cimo kuli ine, kabili maka maka ilyo ndi neka. Takwali nangu umo uwa moneke ukungu’mfwikisha ine nakalya. Ablumendo abo naleampana nabo tabakwete icakucitapo na ine, pantu ine tekuti nwe nangu ukupepa, kabili bonse abakashana baile ku masha, pali co ine teti nkumeko ntile, e ico camoneke ukutula bonse ubumi bwandi nali fye mpanga iya fita ukwabula ukwishiba nangu umo uyo uwingang’umfwa ine, kabili nangula ukuiluka ne mwine.

*Icipandwa ca 3*

## Amafya ne Cipowe mu Nga'nda Yakwa Branham

Cena cimoneka lyonse mu Kusakamana kwa kwa Lesa, ukutula ifipe Fyakwe ifyasilwa fyalisontelwe ukwikala no mweo ubumi bwabo ubwa ntendekelo mu mafya ayakosa, kabili mu nshita shimo mu cipowe. Inshita shimo bena balisuminishiwa ukusondako nganshi kulukombo lwa bulanda. Tapali nangu umu uwaishiba ifya kumfwilako umbi uuli mubulanda atemwa ubucushi kano fye ena alipita mu mesho yamo yene umwine. Te lyonse abo abapokelela ubwite ubwaibela ukufuma kuli Lesa abakushiwa mu mayanda aya cuma, atemwa baisa kufuma kundupwa isha cindama. Kapususha Umwine abikilwe mwi tanga. Pa bushiku ubwalenga cinekonse konse pa nshita Ena asembulwilwe, ulupwa kuti lwakwata fye pacelambo kano fye ifipele, ifyo fyali no kupelwa kano fye nga bafyashi bali ababusu sana ukukwata umwana wa mpaanga. (Ubwina Lebi 12:8) Bakasusha mu nshita ya bukapyunga bwakwa Kristu baipwishe ulupaka ulwakwa katangilila Wakwe, Yohane Kabatisha, pantu amonekele mu fyakufwala ifyabipa ulya musango, kabili ukushimikila kwakwe kwali ukwakalabana, ukwabulo kubako ubusuma ne micitile iya masukulu ya bushimaapepo aya masambililo aya bushiku bwakwe. Lelo Yesu atile pali Yohane, ukutula tapaba nangu umu uwafyalwa ku banakashi uwacilile pali ena. Kabili Ena aipwishe bakasusha ntile ukubasontelela, “Lelo ni cinshi mwaile mukumona? Umuntu uwafwala ifyakumbilika? Moneni abafwala ifyakumbilika bali mu mayanda ya shamfumu.” Mu mashiwi yambi Shikulu alebalangisha bena ukutula bena tabalingile ukulolela bakasesema aba mushinku wakwa Yohane ukwisa ukufuma mucifulo uko bena basungilwe bwino no kucingililwa ukufuma ku fyakutitikisha ifya bumi. Ukupetama kabili ne mibele iya maka fisa mukubapo bwino mukati ka bumi ubwakalabana ubo bufuma mu mafya kabili nshita shimo kucula ne cipowe. Lelo ifwe nombamba tulingile twaleka Munyina Branham ukulande cintu cimo ica mu nga'nda yakwe, inshiku shakwe isha bwaice, kabili ukulwisha kwaba wishu ukufumyapo icipowe.

\* \* \* \* \*

Nali ngo mulumendo wakwa tata—Ilyo namwene balya bakapafu abakulu ilyo bena balepeta ilaya lyabo, natile, “Owe mwe! Batata bakaba no mweo ukufika imyaka umwanda iyakufyalwa.” Batata balikwete bakapafu abakalamba pa mulandu wa kukunkulusha imilando mu mitengo. Camoneke

kuli ine bena tabakatale ukufwa. Lelo bena bali fye ne myaka ya kufyalwa amakumi yasano na fibili, nalyo line ababule mfwi, umwaume uwa mishishi iyatelela, ilyo umutwe wabo uwawamisha wabikilwe pa kubeya kwandi kabili Lesa alibasendele ku mushi.

Nalimona batata ukwisa ukufuma ku mitengo ya mbao abapya sana ku kasuba icakutila ba mayo kuti babula shisala no kulepula ilaya lyabo kunuma yabo. Bena balebomba na maka sana ukukwata basenti amakumi cinelubali na fisano mukasuba ukutupangila ifwe ubwikalo. Nalitemenwe batata, nangula bena balenwa. Inshita shimo bena balenkapaula, lelo nshapokelele umo lelo ukutila ine nalefwaikwa umbi. Bena balesunga Amafunde Ikumi pa cibumba ne cibwembya icitali ica hickory pali yena. Nakwete amasambililo yandi kulya mu nsaka ya fimuti ilyo napanga icilubo. Lelo nalitemenwe batata. Imyaka panuma bena bapele umutima wabo kuli Kristu kabili balipusushiwe, ama ora fye ayanono ilyo bena tabalafwa mu maboko yandi.

### ICIPOWE MU NGA'NDA

Ndeibukisha ifyo batata balebomba ukulipila ifyakulipila. Te camusebanya ukuba umubusu. Lelo cena cintu cakosa inshita shimo. Ndeibukisha kutila nshakwete ifyakufwala ifisuma ifya ku sukulu. Naile umwaka onse ukwabula nangula ishata ilya kufwala. Kwali umwanakashi uwa nonka mupepi uyo wa mpele ikoti ne lamfya ilyakwa choba pa kuboko. Ine kuti namanga ibatani pa mulu kabili kuti kwakaba sana. Kafundisha kuti asosa, "William." Ine kuti nasosa, "Ee, mayo." "Cisuma, mulandu nshi uo taufulileko ilyo ikoti." Lelo ine nshacitile; ine nshafwelemo ishata nangu limo. E ico ine kuti na bepa no kusosa, "Ndeumfwa impepo." Ena kuti asosa, "Cisuma, ikala palya lubali ku mulilo." Kabili ine kuti naikala palya ilyo ilibe lyalekonkoloka pali ine. Elyo ena kuti asosa, "Bushe takukabile na nomba?" Ine kuti nasosa, "Iyo, mayo."

Cisuma, cali icintu icakosa nganshi. Utukondo twandi kuti twapula mu nsapato yandi nge mitwe ya bafulwe. Elyo pantanshiko panono naishilekwata ilaya.

Nalamweba umusango we laya ifyo lyali. Lyali ni ndeshi ya mukashana ilyo lyali pa kubala ku mufyala wandi, kabili lyalikwete ifintu ifingi ifya malangi pali lyena. Naliputwileko ukufumyako iciputulwa ca shiketi, kabili panuma ilyo nafwele, imwe nga mwalimwene ine ukutampula ukuya ku sukulu. Elyo abana batendeke ukunseka, kabili natile, "Cinshi ico mulensekela ine?" Bena batile, "Iwe naufwala indeleshi ya mukashana." Naishilebepa nakabili. Natile, "Iyo nshicitile; ilya ni suti yandi iya bu Nsamya." Lelo bena tabancetekele ine kabili naile ndelila.

Kwaliko umulumendo uwaleikala mupepi na ifwe, uyo waleshitisha balya abanono ba magazine aba PATHFINDER. Mukucite co, ena alipelwe icilambu casuti yaba Boy Scout. Mwe, ifyo natememwe ilya suti. Yali ni nshita ya nkondo lilya kabili uuli onse uyo wali umukalamba nganshi muli shilye nshiku baleba muli uniform. Ine lyonse nalefwaya ukuba umushilika. Nali umwaice nganshi lilya. Nangula muli iyi nkondo yakulekelesha nshali mukalamba nganshi ukuya. Nalikwete ba munyina bane abo abaile. Lelo Lesa alimpela ine uniform nangu cibe fyo—icabulwi cakwa Lesa—pakutila ningaya kunse no kulwa kukanya amalwele no bulwele ifyo filekaka abantu.

Lelo ifyo nakumbilwe ilya suti ya Scout, ne cisote caiko na molu. Natile, “Lloyd, ilyo suti yobe ikapwa bushe kuti waisaipela kuli ine?” Atile, “Ee, nkesa ipela kuli iwe, Billy.” Lelo mwe, ilya suti yaikela nshita itali ukucila icintu icili conse ico natala ukumona. Camoneke kuli ine ena takatale ukupwisha cilya cintu. Elyo naliilufishe yena pakashita kabili e ico nalile kuli ena kabili natile, “Lloyd, cinshi ico wacitile na ilya suti ya Boy Scout?” Atile, “Billy, ndi no kufwaya mu nga’nda no kumona nga kuti naisanga yena.” Lelo ilyo ena afwaile yena aishilesanga ukutila banyina baliiputwile ukubila ifikamba fya fyakufwala fyabawishi. Ena aishile kuli ine kabili atile, “Ine tekuti nsange nangu imo kano fye kulu kumo.” Natile, “Ndetela ico.” E ico nalisendele cena ku nga’nda no kuyafwala. Lyalikwete akatambo akakutinta pali yena, kabili nalitintile pa mulu, kabili natontonkenye ukutila nali umushilika umwine mwine. Nalefwaya ukufwala yena kusukulu kabili nshaishibe umusango fye uwakucitilamo cena. E ico nacitile kwati kumo ukwa kulu kwandi kwalicenekwe kabili nalifwele kulyo kulu kwati fye nalecingilila ukulu kwandi ukwacenekwe. Lelo kusukulu kafundisha alinjitile ku ntanshi. Nalyeshe ukufisa ukulu kwandi uko kushakwete ilye nsalu, kabili abana bonse batendeke ukunseka. Nalitendeke ukulila kabili kafundisha anengele ine ukuya ku nga’nda.

Ndeibukisha ilyo twaile kunse muli celeta uwa kale uwambao nalimo imiku ibili pa mweshi ukuyalipila ifya kubomfya pa nga’nda. Uwe tuka kuti atupela ama switi yamo aya kutumuti. Ifwe bonse fwe balumendo abanono ukwikala pa malangeti kulya lubali, kuti twalolekesha ilya switi ilyo batata baleifumya, kabili cile linso ilinono ilya blue kuti lyalolekesha mupepi ukumona kutila cila kamo aka tulya utumuti twalimokawilwe filya fine ukulingana, ukutila cila umo kuti akwata impendwa iyalinga. Ine kuti naya kunse lelo mucungulo no kuyasenda akabokoshi konse aka ma chocolate ya mukaka, lelo ena tekuti itale ukumfwika nge fyo ilya switi yacitile. Ilya yali ni switi ine ine. Inshita shimo ine kuti nafyompa akaputulwa ka yena, elyo kupomba yena mukapepala no

kubika yena mwitumba lyandi. Ine kuti nalolela mpaka pali Cimo kabili elyo ukufyompa yena nakabili pakashita. Ba munyinane bena ninshi na balya switi yabo pali ilya nshita, kabili bena kuti bafwaya ukufyompa kuli switi yandi nayo. Inshita shimo ine kuti nakwata amakwebo na bena no kuleka ukumyangako kuli yena inshita ishingiri, nga bena kuti balaya ukung'afwilishako imilimo.

*Icipandwa ca 4*

## Ukupilibulwa kwakwa

William Branham

William Branham, umulumendo, nangula ena alipokelele ifi filangisho ifyapulamo ifyakusakamana kwa Bulesa mu bumi bwakwe, nangu cibe fyo ali talapilibulwa. Panshita ena nalyo line alekana bulyo bwite. Pa cimo cekumi limo na fine ena alicenekwe nganshi ilyo alelunga kabili aikele imyeshi cinelubali mu cipatala. Lesa alibombele pali ena lelo nalyo line ena tekuti omfwe. Nangu cibe fyo, ukwangufyanya kwabwite kwaishile kulilako no kukuliko mukwiluka kuli ena. Nge fyo abafyashi bakwe tabali abenaKristu ena takweteko ukukoseleshiwa ukuli konse kulya, kabili ilyo ena aishilekula umulwani alyeseshe ukumulenga ena ukukana lilye shiwi linono ilya shilili ilyo lyalelanda ku mutima wakwe.

### AYA KU MASAMBA

Ilyo umulumendo afikile pa cimo ca 19, ena asalile kutila ena kuti aya kulya ku Masamba ukuya bomba pa famu. Ulucelo lumo ulwa September mu mwaka wa 1927, ena aebele ba nyina kutila ena aleya pa bulendo bwa kutusha ku Tunnel Mill, icifulo nalimo ba mailoshi ikumi limo na fine ku kwa kuso ka Jeffersonville. Ena asosele ici pantu ena aishileiluka ukutula nga ba nyina balishibe pa mapange yakwe ayakuya ku Masamba, bena kuti bapapatila ena ukukanaya pa bulendo. Lelo ilyo ba nyina baumfwile ukufuma kuli ena nakabili, mucifulo ca kuba mu Tunnel Mill, ena ali ukutali nganshi mu Phoenix, Arizona. Mubutuntulu, mukati ka mutima wakwe alishiba ukutula ena alebutuka ukufuma kuli Lesa. Ena aliipakishe ubumi ubwa pa famu pakashita kabili no kuyemba kwa ku Masamba, lelo nga filya amangalo yonse ayashala aye sonde, yena bwangu bwangu yaishilefuka.

Pa fyakwishiba fyakwe ku Masamba kabili no bwite bwakwa Lesa ubo bwali lyonse pa mutima wakwe ena atila:

“Inshita shingi nalyumfwa umwela ukupupa ukupitila mu miti ya mioleastere itali. Camoneke kwati ine kuti naumfwa ishiwi Lyakwe ukulaita mukati mulya mu mitengo, ukusosa, ‘Adamu, ulikwisa?’ Intanda shamoneke ukupalama nganshi umo kuti ashisenda shena na maboko yakwe. Lesa amoneke ukuba mupepi nganshi.

“Icintu cimo ico ndeibukisha bwino nganshi pali cilya calo caba misebo muciswebebe. Nga umo kuti atala ukufuma



mu musebo ena alaluba ukwabula ubwafya. Inshita shimo abatandashi balamona utumaluba utunono utwa muciswebebe kabili balafuma mu musebo ukuya tusenda. Bena balalulumba muciswebebe kabili balaluba kabili nshita shimo balafwa kucilaka. Efyo caba mu nshila ya Bwinakristu—Lesu alikwata cinkwente nshila. Ena alalanda pali yena muli Esaya, icipandwa ca 35. Yena itwa “Cinkwente nshila iya Mushilo.” Inshita ishingiri ifyamangalo ifinono ifya mwi sonde filatinta umo ukumufumya muli cinkwente nshila. Elyo ena alilufya ukwishiba kwakwe na Lesu. Muciswebebe ilyo umo aluba kulya inshita shimo kulamoneka umwengelele. Kuli abo abalefwa ne cilaka, imyengelele ili no kuba ngo mumana atemwa bema. Abantu balabutukila kuli yena kabili balaponenamo, ukwisasanga fye ukutila bena baleowa fye mu misensanga iyakaba. Inshita shimo ciwa alamilangisha icintu cimo ico ena asosa ukutila ni nshita isuma. Cilya caba fye umwengelele; cena cintu cimo ico cishili cituntulu. Nga mwakutika imwe muli no kuisanga mwebene ukuitwika ubulanda pa mutwe wenu. Wiumfwila cena, we munandi mutemwikwa. Cetekela Yesu Uyo upela amenshi aya mweo kuli abo abomfwa insala ne cilaka.”

## IMBILA YA BULANDA

Ubushiku bumo umulumendo apokelele nkalata ukufuma ku mushi ukumwishibisha wene ukutila umo uwa ba munyina ali mulwele nganshi. Cali ni Edward, uyo wakonkelepo mucimo kuli ena. Ena tatontonkenye ubulwele bwali ubwabipisha kabili acetekela fintu fyonse fyalu no kuba fye bwino. Nangu cibe fy, bumo icungulo bushiku inshiku shinono panuma, ena abwelele ku famu ukufuma ku musumba, kabili ilyo ena aleisa ukupita mucikulwa cakulilamo, kwaliko imbila iyapelwe kuli wene iyo yabelengelwe, “Bill, isa ku mulemfwe wa ku kuso. Icikankala nganshi.” Ena lilya line alyendele ukuya ku mulemfwe kabili umuntu wakubalilapo uo akumenye ali umukote Lone Star Ranger uo baleita “Pop.” Ena alikwete imimonekele ya bulanda pa cinso cakwe kabili atile, “Mulumendo Billy, ninkwata imbila ya bulanda iyobe.” Pa nshita imo ine kangalila alishile alenda. Bena balimwebele ukutila munyina wakwe, Edward, alifwile.

Imwe kuti mwaelenganya ukusunkanishiwa uku kwali ku mulumendo ilyo ena aishibe ukutila takatale nakabili ukumona munyina uwa mweo muli ili sonde. Ifintu fyatendeke ukwenda ulubilo ukufuma lilya no kutwalilila. Cila nshita ena akene Lesu, ubusanso atemwa ubulanda ubwa musango umo fyaleisa kuli ena. Ilyo ena aipele no kunakila Lesu, Shikulu kuti amupala no ku mulundulusha. Ukwabula ukutwishika, lilya isambililo limo line lilingile ukusambililako ku muntu onse uwa mweo. Nga cakutila ifwe bonse twalisambilile kufyo bambi baculileko, mucifulo icakwishiba kwesu fwebene ukwabipisha.

Ifwe nakabili tulepilibukila kuli Munyina Branham ilyo ena alelondolola icacitike ica ili lyashi pali ena, pa bulendo bwakwe ubwa bulanda ku mushi, kabili ne fintu ifyo fyakonkelepo, ifyo mukulekelesha fyaishileleta ukupilibuka kwakwe kuli Kristu:

\* \* \* \* \*

Ilyo naishibe lyashi lya mfwa ya kwa munyinane, akashita nalifililwe ukusela. Cali mfwa yakubalilapo mulupwa lwesu. Lelo ndefwaya kusoso kutila icintu cakubalilapo natontonkenyepo cali, nga cakutila ena ali uwaiteyanya ukufwa. Ilyo napilibwike no kulolekesha pebala ilya mutuntula, ifilamba fyakonkolweke mu masaya yandi. Nalibukishe ifyo twalwishishe capamo ilyo twali abana abanono kabili ifyo cali icakosa kuli ifwe. Ifwe twalile kusukulu ukwabula nangu icakulya icalinga. Ifikondo fyali kunse ka nsapato shesu, kabili ifwe twalefwala amakoti ayakale ayakakilwa pa mukoshi pantu tatwakwete amashati yakufwala. Ifyo ndeibukisha nakabili ukutila ubushiku bumo ba mayo balikwete amataba ayasalulwa mu kambeketi akanono pa cakulya cesu icakasuba. Ifwe tatwalelya na bashala abana. Ifwe twalefilwa ukukumanisha icakulya ngefyo bena bakwete. Ifwe lyonse kuti twabutukila kulupili kukulya. Ndeibukisha bulya ubushiku ifwe twakwete amataba ayasalulwa ifwe twatontonkenye kwali ukusakamanwa nganshi. E ico ukuba uwashininkisha ukutila ninkwata icakaniko candi pali cena, nalefumyapo ilyo tacilati cibe icungulo no kusenda ukwisusha ulupi ilyo munyina talasenda icakaniko cakwe.

Ukwiminina kulya ukulolekesha mwibala ilyauma nakasuba nalitontonkenye pali filye fintu fyonse kabili nalisungwike nga Lesa ali musendele ku ncende isuma. Elyo nakabili Lesa alinjatile, lelo nga lyonse nalyeseshe ukulwisha ukukanya bwena.

Naliiteyenye ukuya ku mushi kucililo. Ilyo Rev. McKenney uwaku Port Fulton Church, umwaume uyo waba fye kwati ni tata kuli ine, ashimikile icililo cakwe, ena alilumbwile ukutila “Kuti kwabako bamo pano abo abashaishiba Lesa; nga ni fyo, sumineni wene nomba.” Owe, ifyo naikatishe icipuna candi; Lesa alebomba nakabili. Mutemwikwa kabelenga, ilyo Ena aita, mwasuke Wene.

Nshakatale ukulabako ifyo ababusu batata abakote na bamayo balilile panuma ya cililo. Ine nalefwaya ukubwelela ku Masamba lelo ba mayo bali nombele na maka nganshi ukwikala icakutila ine mukulekelesha nalisumine pali cena nga kuti nasanga ncito. Bwangu bwangu naishile kwata incito ku Company ya Public Service iya mu Indiana.

## UKULWALA

Nalimo imyaka ibili panuma, ilyo nalepima amamita mwituka lya mamita pa Gas Works mu New Albany, nalicimfishiwe na gas, kabili pa milungu naliculile ukufuma kuli yena. Nalile ku ma doctors yonse ayo naishibe. Ine tekuti mpokeleleko ubwafwilisho. Naliculile na mumala umwa acid umwalengelwe ukufuma ku kubomba kwa gas. Kwaleya kulebipilako fye inshita yonse. Ine balintwele kuli bakalapashi mu Louisville, Kentucky. Bena mukulekelesha batile cali ni appendix yandi kabili batile nalingile ukutumbulwa. Ine tekuti ncetekele cena pantu nshatalile nkwata ukukalipwa mumbali yandi. Ba doctor batile tapali nacimbi bali no kuncitila ine mpaka ilyo nakwete ukutumbulwa. Mukulekelesha nalisumine ukukwata kwena ukucitwa, lelo balikonkomeshe ukutila bena bali no kubomfya umuti wa muli cilye cifulo pakutila ningamonako ukutumbulwa.

Nalefwaya muntu umo ukwiminapa kulubali lwandi uyo waishibe Lesa. Nalicetekele mu mapepo lelo tekuti mpepe. E ico kapyunga ukufuma ku First Baptist Church aile pamo na ine mucipinda umo batumbwila. Ilyo bansendele ukufuma pe tebulo ukuntwala pabusanshi bwandi nalyumfwile ne mwine ukulanakuka no kulanakuka inshita fye yonse. Umutima wandi tawaletunta. Nalyumfwile mfwa pali ine. Ukupema kwandi kwaleya kulecepelako inshita fye yonse. Nalishibe nalifikile kumpela ya nshila yandi. Owe, we munandi, lolela mpaka ukafike palya, lyena iwe ukatontonkanya ifintu ifingi nganshi ifyo wacita. Nalishibe nshatalile mpepa, ukunwa, atemwa nshakwete imisango ili yonse iyakowela, lelo nalishibe nshali uwaiteyanya ukukumanya Lesa wandi.

Nga iwe uli fye uwatalala, uwa mimonekele fye membala wa lukuta iwe ukeshiba ilyo ukafika pa mpela ukutila iwe tauli uwaiteyanya. E ico nga cilya fye ceka ico waishiba pali Lesa, ndekwipusha pano pene ukufukama panshi pa makufi yobe no kwipusha Yesu ukukupela iwe kulyo kwishiba kwa kufyalwa cipya cipya, nga filya Ena aebele Nikodemu mulya muli Yohane, icipandwa ca 3, kabili owe, ifyo nyenjele sha kusangalala shili no kulila—Lilumbanishiwe ishina Lyakwe.

## LESA ALANDA MU CIPINDA CA MU CIPATALA

Mwatendeke ukulafita mu cipinda ca mucipatala, kwati fye cali ni mu mitengo ikulu. Ine kuti naumfwa umwela ulepupa ukupula mu mabula, nomba camoneke ukutali sana ukufuma mu mpanga. Imwe nalimo mwalyumfwa icipupu ca mwela ukupupa amabula, ukwisa ukupalama kabili ukupalama kuli imwe. Natontonkenye, “Cisuma, iyi nimfwa ileisa mu kunsenda.” Owe! Umweo wandi wali no kukumanya Lesa; nalyeseshe ukupepa lelo nalifililwe.

Umwela waishilepalama, ukumfwika no kumfwika nganshi. Amabula yalitenkene kabili umuku fye umo nalile. Camoneke lyena kutila nalibwelele nakabili umunono mulumendo uwabula ukufwala insapato, ukwiminina muli lulyo lubansa pesamba lya cimuti cimo cine. Nalyumfwile lilya shiwi limo line ilyo lyasosele, “Wikatala ukunwa atemwa ukupepa.” Kabili amabula naumfwile yali cimo cine ayo ayapupile muli cilye cimuti bulya bushiku. Lelo iyi nshita ishiwi lyatile, “Ine nalikwitile iwe kabili iwe walifililwe ukuya.” Amashiwi yalibwekeshapo umuku wa citatu. Elyo natile, “Shikulu, nga ulya ni mwe, lekeni ine mbwelelemo nakabili pe sonde kabili ine nkashimikila Imbila nsuma yenu ukufuma pa mitenge ya mayanda na mufufutu fya mu misebo. Nkeba uuli onse palwa yena!”

Ilyo ici cimonwa capwile, naishilesanga ukutula nalyumfwile bwino. Uwantumbwile ali acili mucikulwa. Ena alishile no kulolekesha pali ine kabili alipapile. Ena amoneke kwati ena atontonkenye ine nalafwa; elyo atile, “Ine nshili muntu uya ku chalichi, imibombele yandi ikalamba nganshi, lelo ninjishiba Lesa napempula uyu mulumendo.” Umulandu asosele cilya nshaishiba. Tapali nangu umo uwasosele palwa cintu nangu palwa cena. Nganalishebe lilya ifyo naishiba nomba, ine nganalibukile ukufuma pali bulya ubusanshi ukubilikisha amalumbo kwi shina Lyakwe. Panuma ya nshiku ishinono nalisuminishiwe ukubwelela kunga’nda, lelo nalyo line nali ncili umulwele kabili nalipatikishiwe ukufwala amagalashi pa mulandu wakukana mona bwino. Umutwe wandi waletenkana ilyo nalolekesha pa cintu icili conse pa kashita.

## UKUPILIBULWA NO BWITE

Nalitendeke ukufwaya no kusanga Lesa. Nalile ukufuma ku lukuta ukuya ku lukuta ukwasha ukusanga incende imo uko kwali icipailo ca musango wakale. Iciputulwa ca bulanda cali nalifililwe ukusanga lumo.

Inshita imo iya bushiku naishilekwata sana insala pali Lesa kabili ukwishiba ukwine kwine icakutula nalile kunse kunsaka iyakale kunuma ya nga’nda kabili nalyeshehe ukupepa. Nshaishibe ifya kupepa lilya e ico natendeke fye ukulanda kuli Wene nge fyo ningacita ku uuli ose uwashala. Pa muku fye umo kwalishile ulubuuto mu nsaka kabili lwapangile ulupanda, kabili ishiwi ukufuma pa lupanda lyalandile kuli ine mu lulimi ulu tekuti ngu’mfwe. Lwena lilya lwaishileya. Nali fye shilili. Ilyo naishile isa mubutuntulu nakabili, nalipepele, “Shikulu, nga ulya ni Mwe, napapata iseni no kulanda kuli ine nakabili.” Nalebelenga Baibele yandi ukutula ilyo nali ku nga’nda ukufuma ku cipatala kabili nalibelengele muli 1 Yohane 4, “Mwebatemwikwa, mwitetekela umupashi onse, lelo esheni impashi nga cakutula yafuma kuli Lesa.”



Nalishibe ukutila icintu cimo calimoneke kuli ine, kabili ilyo nalepepa lwalimoneke nakabili. Lyena camoneke kuli ine ukutila kwaliko ama paund ikana aya imishiwe ukufuma ku mweo wandi. Nalitolweke no kubutukila ku nga'nda kabili camoneke kwati nalebutuka mumwela. Ba mayo balinjipwishe, “Bill, ni cinshi icacitika kuli iwe?” Nalyaswike, “Nshishibe lelo ine mucine ndeumfwa bwino kabili uwaanguka.” Ine nalifililwe ukwikala mu nga'nda nakabili. Nalingile ukufuma panse no kubutuka.

Nalishibe lyena ukutila nga Lesa alefwaya ine ukushimikila ena ali no kungu'ndapa ine, e ico nalile ku lukuta ulo lwatetekele mukusuba na mafuta, kabili nalyundepwe ilyo line. Nalimwene lyena ukutila abasambi balikwete icintu cimo ico abengi bakapyunga tabakwata ilelo. Abatumwa balibatishiwe na Mupashi wa Mushilo kabili e ico kuti baundapa abalwele no kubomba ifipeshamano ifyapulamo mwi shina Lyakwe. E ico natendeke ukupepela pa lubatisho lwa Mupashi wa Mushilo. Ubushiku bumo nalimo imyeshi mutanda panuma Lesa alimpele ukukabila kwa mutima wandi. Ena alilandile kuli ine mu lubuuto lukalamba ukunjeba ukushimikila no kupepela abalwele kabili Ena ali no ku bondapa bena te mulandu umusango wa bulwele bakwete. Ine lyena natendeke ukushimikila no kucita ifyo Ena anjebele kucita.

Ukufuma pa nshita ne nshita abantu balenjipusha ine nga nalipokelele Ulubatisho lwa Mupashi wa Mushilo. Ici lyonse calinjikasha ine nge lipusho ilyeni. Pantu cena tacingacitwa ukutila icabupe icili conse ica Mupashi wa Mushilo kuti cabomba bwino, kano fye ulya umu uwakwata icabupe ngalipokelele Kapela nao.

## *Icipandwa ca 5*

# Icupo Icansansa kabili no Kusala Ukwabipa

Panuma ya kupilibulwa kwakwe no bwite kuli bukapyunga kulya kwatendeke inshita ya nsansa iya bumi bwakwe ilyo amapalo yakwa Lesa yawilile pa mulumendo, kabili ifintu fyonse fyamoneke ukulaba fye bwino. Ena atendeke kulongana kwa mwi tenti mu musumba waku mwabo mu Jeffersonville, kabili kuli kashimikila uwacaice imyaka ya kufyalwa amakumi yabili na fine ukwingila fye muli bukapyunga, umusonkano walilundulwike nganshi. Capendelwe ukutila abengi nga amakana yatatu balisangilweko ku kulongana kumo kabili impendwa ikalamba yalipilibwilwe. Pa mulimo wa lubatisho ulo lwakonkele ukupuputulwa, bamo abantu 130 balibatishiwe mu menshi. Cali ni pali iyi nshita ilyo lubuuto lwa ku mulu lwamonekele pa mulu wakwe ilyo ena ali mukubatisha umuntu uwalenga ikumi limo na cinelubali. Ulu lwamonekele ku lukuta ulukalamba ulo lwaiminine ukulalolekesha, kululamba lwa mu Mana wa Ohio.

Ilya nshita ya mpepo abantu ba mu Jeffersonville abo abasangilweko ku kulongana kwakwe ba mukulile tabernacle, iyo mpaka ilelo yakwata ishina lya “Branham Tabernalce.” Imyaka inono iyakonkelepo yali ni nshita ya fisabo ilyo amapalo yakwa Lesa yali pali wene, kabili ena alipokelele ifimonwa ifingi ifya fintu ifyo ena tailwike umupwilapo mpaka imyaka panuma, ilyo ubusokololo bonse ubwa bufwayo bwakwa Lesa pa bumi bwakwe bwalengelwe ukwishibikwa kuli ena.

## ICUPO

Cali ni muli iyi myaka ilyo ena akumenye umukashana umwinaKristu umusuma, uo ishina lyakwe lyali Hope Brumback. Panuma ya myeshi imo iya bucibusa, na mayo uwa caice alisumine ukulansha kwakwa William Branham kabili aba babili balyupene. Ifwe twalaleka wene alondolole mu musango uwaanguka, lelo lyonse nga mu bwangalo, umusango ena abomfya mucintamba, ilyashi lya nsoni shakwe, ukulansha pali kalata, icupo cakwe, kabili ifintu ifyo fyakonkelepo:

\* \* \* \* \*

Nali fye umulumendo umunono umwikala mushi kabili nali nensoni sana. Ukutontokanya ifyo nali uwansoni, imwe nalimo kuti mwasunguka umusango ine naishileupilamo.

Nalikumenye umusuma umukashana umwinaKristu. Natontonkenye ena ali bwino. Ukufwaya kwandi pa mwanakashi kwaitilwe pali umo uyo ushalenwa atemwa ukupepa fwaka. Cali icakosa ukusanga umukashana wa musango filya lilya kabili cintu cabipisha ukucila lyonse nomba. Nalitemenwe uyu mukashana umusuma kabili nalefwaya ukumupa, lelo nshakwete ukushipa ukwalinga ukumwipusha ena. Lelo nalishibe nalingile ukumwipusha bwangu—ena ali umwanakashi umusuma nganshi ukuposa inshita na ine—ena kuti asenda umuntu umbi. Nalepanga fye amacenti amakumi yabili pali ora kabili ba wishi balepanga imyanda ingi iya ma dollar pa mweshi. Cila nshita ya bushiku ilyo naya mukumumona, ine kuti nasosa, “Nalaya mukumwipusha muno bushiku.” Kabili lyena umupusa ukalamba ukulu kuti waisa mu mukolomino wandi kabili ine tekuti ncicite fye cena. Nshaishibe fye ifya kucita. Namwishiba ico nacitile mukulekelesha? Nali mulembele ka kalata no kwipusha ena.

Cisuma, ilye nkalata yalimo ne citemwiko cimo icinono muli yena ukucila “Ku mutemwikwa Miss.” Nalicitile fyonse ifyo naishiba ukulemba kalata isuma, nangula ninjishiba ndi uwashininkisha tayali bwino. E ico ulucelo nali uwaiteyanya ukuya ibika mukabokoshi ka makalata. Lelo lyena itontonkanyo lyalishile kuli ine pali ico cingacitika nga cakutila ba nyina baishileisenda. Lelo nali no mwenso ukuipela kuli ena. Mukulekelesha naishilekwata ukushipa ukwalinga ukuibika mukabokoshi ka makalata pali Cimo ulucelo. Pali Citatu ubushiku nalingile ukumukumanya no kumusenda ku chalichi. Onse ulya mulungu ilyo Citatu talafika ine nali no mwenso nganshi. Pali Citatu ubushiku nalile mukumumona. Kabili ilyo naleya natontonkenye ico cali no kucitika nga ba nyina bali no kufuma no kusosa, “*William Branham!*” Nalishibe ine kuti naikala fye bwino no mukashana, lelo nshali uwashininkisha pali ba nyina.

Mukulekelesha nali pa mwinshi kabili nalitile Hope, ishina lya mukashana. Ena aishile pa mwinshi kabili atile, “Kuti waingila?” Natile, “Nga taulesakamana nalaikala fye pa lukungu.” Nalishininkishe ukutila bena tabantwale mukati. Atile, “Cili fye bwino, nalaiteyanya mu maminiti fye ayanono.”

Nalikwete iya musango wa kale T Ford, lelo ena atile, “kwena tekutali sana ku chalichi, natuleya.” Ici cali nsakamike kabili ine nali uwashininkisha icintu cimo nacicitika. Ifwe twalile ku chalichi lelo ena tasoselepo icintu nangu cimo. Nali no mwenso nganshi lilya ubushiku nshaumfwile ifyo kashimikila asosele nakalya. Nawishiba umwanakashi kuti akubika iwe mukutwishika.

Panuma ilyo twafumine muchalichi, ifwe twatendeke ukulaenda mu musebo—bwali bushiku ilyo kwali umweshi. Lelo nalyo line ena tasosele cintu icili conse. Mukulekelesha naishile

tontonkanya ukutila ena tapokelele kalata. Ici canengele ine ukumfwa bwino. Natontonkenye ukutila nalimo kalata yabikilwe pambi ku mubomfi waku post, kabili bwangu naishileba nge fyo naba. Elyo ena apilibukile kuli ine kabili atile, “Billy, nalipokelela kalata yobe.” Natile kuli ne mwine, “Owe, ni cinshi ico nalacita nomba?” Mukulekelesha nalipwishe, “B-b-bushe walibelenga yena?” Atile, “Uhhuh.” Naishilekwata umwenso sana ukucila lyonse. Ifwe twalepalama ku nga’nda. Natile, “Bushe walibelenga yonse?” Atile, “Uh-huh.” Nomba ifwe twali pa matabo. Nalisungwike nga ena ali no kuntungulula mukati uko banyina bali. Natile bwangu bwangu, “Ni cinshi ico watontonkenye palwa yena?” Ena alyaswike, “Yena yali fye bwino.”

Cisuma, nshaipwishe ba nyina, lelo nalishibe ukutila nalingile ukwipusha umo uwa bafyashi bakwe. E ico natontonkenye ukutila ine kuti naipusha bawishi, ngefyo ifwe twaleumfwana bwino nganshi. Inshita imo iya bushiku nalile kulya uko bena baikele muli Buick wabo. Imwe muleibukisha nalikwete ipya T Ford. E ico natile kuli bena, “Mwe, ilya ni motoka isuma iyo mwakwata.” Balyaswike, “Ee, iwe naukwata Ford isuma na iwe.” E ico natile, “Cisuma—cisuma—cisuma—” Bena balolekeshe pali ine kabili batile; “Ee, Billy, iwe kuti wa musenda ena.” Cisuma, cilya cali icakumfwisha bwino. Lelo natile, “Lelo namwishiba ine tekuti mupangile ubwikalo ubo imwe mwinga mupela. Imwe mwalishiba ukutila mpanga fye ama centi amakumi yabili pali ora, ukwimba ifilindi. Lelo ndi no kucita icintu icili conse ico ninga mucitila ena; nkaba uwacinshika kuli ena no kumutemwa ena no mutima wandi onse.” Kabili bena babikile ukuboko kwabo pa mutwe wandi kabili batile, “Billy, ine kuti natemwa iwe ukusenda ena ukucila uuli onse uo naishiba, pantu nalishiba iwe ukaba umusuma kuli ena, kabili iwe ukamutemwa.”

Ifwe twalyupene kabili nshilecetekela kwaliko incende ili yonse pe sonde iyo yali iyansansa nganshi ukucila inga’nda yesu inono. Cali icawamisha. Ifwe tatwakwete ifipe ifingi muli ilye nga’nda—bed ya kupeta, icisalu icakale ne cakulilapo ifya lucelo, na stove ya kale iyo nashitile kuushitisha ifyakale no kubikamo fimo ifiyya muli yena. Lelo, mwe banandi, yali ni nga’nda, kabili ine kuti natemwa ukwikala mu musakuta kabili no kukwata ububile na Lesa ukucila ukwikala mu nga’nda isuma iyabapo.

Ifintu fyonse fyaleenda bwino. Umukashi wandi alesunga amakobili yakwe ukuishitila umwine indeleshi ya gingham. Nalyumfwile bwino nganshi ilyo nalemushitila icintu cimo. Panuma ya myaka ibili umulumendo umunono aishile mu nga’nda yesu—umunono Billy Paul. Ilyo naumfwile wene ukulila umuku wakubalilapo mu cipatala nali ngo waishibe ukutila ena ali mulumendo, kabili nali mupele wene kuli Lesa ilyo nshila mumona wene.

## ENA ASANGWA KU MUSONKANO WABA FULL GOSPEL

Pa ntanshiko panono nalisungile indalama ishalinga ukushitilako ifya kulobelako kabili nalile kulya ku Lake Pawpaw mu Michigan pa nshiku ishinono. Indalama shandi shalipwile bwangu, kabili naishilebwela. Pa bulendo bwandi ukubwelelamo ilyo naleabuka Umumana wa Mishawaka nalimwene impendwa ikalamba iya bantu ukubungana mukulongana. Nalisungwike umusango wa bantu bena bali kabili nalisalile ukutila kuti naya mukulongana. Kulya eko naishileishiba pali Pentecosti.

Naishilesanga ukutila abantu balibungene ku musonkano. Bena bali abacincila nganshi, kabili fyonse ifi cali icipya panono kuli ine. Lelo bena batendeke ukulaimba, “Ninjishiba cali mulopa, ninjishiba cali mulopa.” Cila muntu batendeke ukulatota indupi shabo kabili natile, “Ndesunguka umusango wa bantu aba bali.” Bwangu bwangu bishop aishileiminina no kutendeka ukushimikila pa Lubatisho lwa Mupashi wa Mushilo. Ilyo ashimikile nshita itali elyo naishileba uwashininwa sana ukutila nalimo kwaliko icintu cimo kuli ci. Nalisalile ukutila nalaikala bushiku bwakonkelepo. Nshakwete ndalama sha cipinda ca mu hotel, e ico nalile mu mpanga no kubika motoka mwi bala lya nyanje lilya ubushiku no kusendama. Ulucelo lwakonkelepo nalibukile ulucelo nokubwelela ku chalichi. Nalikwete amabanshi yamo no mukaka, pa kutila indalama shandi kuti shasungwa. Ilyo nabwelele ku chalichi, ibumba limo ilya bantu balilongene kale ku mapepo ya lucelo.

Lilya mu bushiku kwali bumba ilikalamba ilya bakashimikila abaikela ku ntanshi. Intungulushi yatile, “Ifwe tatukwete nshita iya kumumfwa imwe bonse ukushimikila e ico twalaipusha cila umo ukwiminina fye no kulanda ishina lyenu.” E ico ilyo baishile kuli ine naliminine no kusosa, “Evangelist William Branham,” kabili nalikele panshi.

Icakonkelepo icungulo bena balikwete umwaume umukote umusweshi uo baiminike ku kushimikila. Ena ali nalimo uwanakuka kabili ine nali uwapapushiwa panono ukumona bena ukusala umuntu wa musango ifi ukushimikila kuntanshi ya lulyo lukuta lukalamba. Ena ashimikile ukufuma mukubelenga, “Walikwisa ilyo nabikile umufula wesonde, ilyo intanda sha lucelo shaimbile capamo.” Cisuma, ulyo muntu umukote asendele nalimo imyaka ba million ikumi ilyo isonde talilati lilengwe. Ena ali fye uwa kulangisha ifintu fyonse mu mulu, aishileika pa mukolamfula uwapindama no kushimikila pa fintu fyonse pe sonde mpaka Ukwisa kwa Cibili kwa kwa Kristu. Pa nshita ena alepwisha ena alyangwike ngo mwaume wacaice. Mu cishinka ena atile, ilyo ena aleika ukufuma ku ntanshi, “Imwe tamukwete ncende ikalamba kuli ine ku kushimikilako.” Nalishibe ukutila Lesa alicitile cintu cimo ulyo



mwaume ico Ena tancitila ine. Ilyo ena atendeke ukushimikila nalimumfwilile ubulanda, lelo ilyo ena apwile naishile ikwatila ubulanda ne mwine. Aba bantu balikwete icintu cimo ico nshakwete, kabili nalecifwaya cena.

Ilya nshita ya bushiku nalile mwibala lya mataba nakabili no kusendama. Mu lucelo, apo nalicetekele tapali nangu umo uwanjishibe, nalisalile ukutula kuti nafwala limo ilya kale itoloshi lyakodolo. Limbi ilyandi lyalipwile pa kulibomfya ngapakusaila. Ubu bwali ubushiku bwakulekelesha ubo nali no kuba kulya nge fyo nakwete fye indalama ishalinga ishashelepo ukushita amafuta ukuya kunga'nda. Nalibwelelemo ku chalichi kabili ilyo nafikile abantu balemba no kubilikisha. Nalefwaya Ulubatisho lwa Mupashi wa Mushilo nga Lesa kuti apela lwena kuli ine.

## UKWIPUSHIWA UKUSHIMIKILA PA MUSONKANO

Kapyunga uwaletungulula aliminine kabili atile, "Ifwe twacikwata fye ukulongana kwa bunte ukwa citungululwa na kashimikila umwaice sana muno. Ulekonkapo kapyunga umwaice sana ni William Branham uwa mu Jeffersonville." Atile, "Isa kuno, Rev. Branham, nga iwe uli mucikulwa." Imwe kuti mwaba abashininkisha ici calimpapwishe. Naliloleshe panshi no kumona itoloshi lyandi ilya kodolo. E ico nalikele fye shilili nganshi. Mucishinka, nshatala monapo imibombele ya cakulandila pa cintubwingi, kabili ine mucine nshamfwaile ukwima kulya nokushimikila ku ntanshi ya balya bonse bakashimikila aba maka. Bena balibilikishe nakabili, "Bushe kuliko uuli onse uwishibe icifulo apali Rev. Branham?" Lelo nakontamine fye panshi mucipuna candi sana ukucila lyonse. Ubwite bwalibwekeshiwepo nakabili. Umwaume umusweshi uwaikele kulubali lwandi alipilibwike kabili atile, "Bushe walimwishiba ena?" Ine tekuti nande ubufi, e ico natile, "Eemukwai, nalimwishiba ena." Atile, "Kabiye umusende." Natile, "Umfwa, nine Munyina Branham, lelo nimfwala ili toloshi ilya kodolo kabili tekuti ndeya kulya kuntanshi." Lelo uyu mwaume umusweshi atile, "Aba bantu tabasakamana ifyo iwe ufwele. Bena basakamana ico cili mu mutima obe." Cisuma natile, "Napapata wisosa icintu icili conse palwa cena." Lelo umwaume umusweshi talolele nakabili. Ena alibilikishe, "Uyu ali apa! Uyu ali apa!" Umutima wandi walinenwike; nshaishibe ifyakucita. Lelo inshita ya bushiku iyafumako kulya mwi bala lya mataba nalipepele, "Shikulu, nga ba e bantu abo lyonse ine mfwaya ukusanga, abo bamoneka abansansa nganshi kabili abantungwa, mumpetele ububile ku cinso cabo." Cisuma, Shikulu alimpele ububile na bena, lelo nalipatite ukuya kuntanshi ye bumba mwi toloshi lya kodolo. Lelo muntu onse alelolekesha pali ine kabili nalingile ukucitapo icintu cimo. E ico nalile

kuntanshi. Icinso candi calikashike, kabili ilyo napilibwike nalimwene ifyakulandilapo kabili natontonkenye palwandi, “Ni finshi filya fintu?” Nalipepele, “Shikulu, nga Imwe mwalitalile ukwafwilishapo uuli onse, ngafwilisheni nomba.”

Naliswile Baibele kabili amenso yandi yalolekeshe pali vesi, “Umuntu wacuma ainwine amenso yakwe mumbo.” Kabili nashimikile pesambililo, “Kabili lyena alilile.” “Takwali umwinaKristu kulya, kabili lyena alilile. Takwaliko chalichi kulya, kabili ena alilile. Takwaliko amaluba kulya, kabili ena alilile. Takwaliko Lesa kulya, kabili ena alilile.” Ine nali ntile kashimikila uwafye, lelo ilyo nashimikile icintu cimo calinjikete ine kabili amaka yakwa Lesa yaishile pa lukuta.

## BA MUNYINA BAIPUSHA ENA UKUKWATA UKUPUPUTULWA

Panuma ilyo kulongana kwapwile—kwena kwalitwalilile nalimo ama ora yabili—nalifumine panse. Kashimikila alishile kuli ine. Ena ali umuntu umukulu ne nsapato isha bu cowboy, kabili ena alishile no kuishibisha umwine kuli ine. Ena atile, “Nafuma ku Texas kabili nalikwata chalichi isuma kulya; nga palwa ku nkwatilako ukulongana ukwa milungu ibili?” Kashimikila umbi ukufuma ku Florida alishile kuli ine kabili atile, “Nga palwa kwisa kulya uku nkwatilako ukulongana ine?” Nalibulile ipepala no kulemba amashina na makeyala, kabili mu maminiti ayanono nalikwete ukupuputulwa ukwalinga ukwatantikwe uko nalimo ku kwata umwaka onse. Cisuma, nali ne nsansa. Nalitolokele muyandi inono iya musango wa “T” Ford kabili ukuya kulya ku Indiana nalile. Ilyo nafikile kunga’nda, umukashi wandi aishile alebutuka no kwisa nkumbata; ilyo ena alolekeshe pali ine alipwishe, “Cinshi ico usansamukilepo nganshi?” Natile, “Ninkumanya ibumba lyansansa nganshi ilya bantu ine natala kumanyapo mu bumi bwandi. Bena bansansa nganshi, kabili bena tabali na nsoni pali bukapepa bwabo. Mu cishinka, icintu cimo nacicitika kuli ine ukutula lilya. Aba bantu balinenga ine ukushimikila ku musonkano wabo, kabili nafimbi ifingi, ine nimpokelela ukulalikwa ukwingi ukuya shimikila ku nkuta shabo.” Nomba natile, “Bushe uli no kuya na ine?” Ena alyaswike, “Mutemwikwa, ine nalilaya ukuya na iwe ukuli konse mpaka imfwa ikatupatulanye ifwe.” Shi Lesa engapala umutima wakwe uwacishinka.

E ico nalisalile ukuya kulya no kuyaeba ba mayo. Ilyo nafikile kulya natile, “Mayo, ninkwata icintu cimo ica kumweba imwe.” Elyo nalibebela pa fya kulalikwa. Batile, “Ni finshi uli nokucita pandalama?” Ifwe twakwete fye ama dollar ikumi limo na cinelubali pakati kesu, lelo ifwe twaumfwile Shikulu ali nokupela. Bena balinkumbatile no kumpala ine. Bena bacili

balampepelako. Bena batile, “We mwana, ifwe twalekwata bukapepa bwa musango filya mu lukuta lwesu imyaka yakale, kabili nalishiba bwena bwa cine.”

## UKUSALA UKWABIPISHA

Kabili mwe banandi, ifyo ndesosa nomba, lekeni cibe icakusambililako imwe. Lekeni ifilubo fyandi fibe mu mapalo yenu. Abanandi na balupwa balinsokele ine ukukana sumina ifyo naishibe cali ubwite bwakwa Lesa kuli ine. Bamo batile ukuti abantu ine nakumenye pa musonkano bali abantu ifisoso. Ine naishilesanga pa ntanishi, kabili ndesosa cena nakatina, ukutila ico cautilwe “ifisoso,” cali “ifisabo ifyawamisha.” Ine balinjebele ukutila umukashi wandi tali no kukwata ifyakulya ifingi, ukutila ena ali no kulya ubushiku bumo kabili ukuba ne nsala ubwakonkelepo. Bambi balinjebele ukutila cali mulimo wandi ukwikala kulya no kulolekesha pa ncito mu Jeffersonville. Ine nalyumfwile kuli bena kabili mukulekelesha nasalile ukukanaya. Nangu panono ine atemwa abanandi tabaishibe bena ukutila mu myeshi cinekonse konse Umumana wa Ohio ukesula mululamba lwauko kabili ulupwa lwandi lukekatwa mubusanso ubwe lyeshi lyabipisha.

Cali ni pali iyi nshita ilyo kusubwa kwakwa Lesa uko kwaishile pali ine kwafuminepo. Kwena takwatalile mucine ukubwela mpaka imyaka isano panuma. Ulukuta lwandi, mpaka pali ilya nshita lwalekula ulukuta ulwalunduluka, lelo nomba lwatendeke ukubwelela inuma. Ifintu fyonse fyalilubene. No lukuta lwandi ukubwelela panshi, nshaishibe ifyakucita. Lyena kwatendeke inshita ya fita iya bumi bwandi ilyo ilyeshi lya Mumana wa Ohio ilyo lyasendele imyeo ingi, lyaishile, kabili elyalengele imfwa ya babili abo abali abatemwikwa nganishi kuli ine mwi sonde lyonse.



*Icipandwa ca 6*

## Ilyeshi Ilikalamba Mu Ohio mu 1937

Inshita ya mpepo iya mu 1937 yali sana sana iyabipisha pa nko yonse. Amenshi makasa ayaibela yalilokele ku Kapinda ka kukuso na masamba no kufimba icalo pa nshiku ishing. Lelo cali ni ku Kabanga uko busanso mucine bwapolele. Ikulu kabili mfula iya mufumbi yalilokele bwino bwino pa milungu, ukuya mu milonga ingi iyo ipongolwela mu ukalamba umu Mana wa Ohio uyo upongolwela incende ikalamba ku masamba ya Appalachians. Panono panono icipimo ca mumana cacilile pa ciputulwa ce lyeshi. Impendwa ikalamba iyaleikala kululamba lwa Ohio balimwene ici ukwabula ukwiluka nangu panono kabili nokusokwa, lelo nomba bena tabamwene icishibilo icakupwa mwi lyeshi lya menshi ayo yalefwaya apakufumina kulya mu mupokapoka. Akasuba nakasuba amenshi yalitwalilile ukufula. Ifibumba ne mputa fyalikoshiwe, lelo abantu balishibe ukutula ukupula kulingile kwacitwa pa cifulo cimo ukusuminisha amenshi ukupita no kwisusha incende ikalamba iyebala kabili nangula imisumba iyo yakulilwe mumbali ya mumana.

Kululamba lwa ku kulyo lwa Ohio, kulubali lwa Louisville, Kentucky, kwaba umusumba wa Jeffersonville, Indiana. Pali bonse abo abaikela mu musumba, nangula nikuli umo ilyeshi ilyabipa ilyakutinya talyamoneke nalimo pa nshita ishaenekelwe nganshi, ukucila kuli William Branham. Umukashi wakwe aishileambula ulwambu lwabipisha kuli pwapwa ilyo aleshita ukuciluka umumana pa Louisville. Pa mulandu wa ubu bwafya, amano yakwe yonse ne fyakufwaya fyabikilwe pali ena ukuba umutuntulu. Lelo nomba ilyashi lyalishile kuli bena, na bambi abekashi aba mu musumba, ukutula amatambe ye lyeshi yaleisa panono panono mumumana, kabili ukumoneka konse imputa ishabomba tekuti shicingilile ukucilapo. Camoneke ukutula Jeffersonville ali mubusanso; nalyo line abantu abengi balikele.

Ilyo nshita ya bushiku yaishile, William Branham ali pa mulimo, ukubomba ne bumba lyakwafwilisha ilyo balelonda amenshi aya maka aya mumana uwaiswile. Pakati ka bushiku umwenso wabo uwabipisha waishileishibikwa. Bapinto batendeke ukulila, ukusoka uuli onse ukufuma mu musumba. Ifyakusokelako ku maofeshi ya mulilo fyalilile mu nshita ya bushiku. Ulupwa lwakwa Branham, na makana ya bambi balipatikishiwe ukubutukila pa bumi bwabo. Umukashi,



pa kuba umulwele sana kabili ukukana ba mu mibele ya kusendwa kunse mu nkuka, aishile fumishiwa ku cipatala icapakashita fye icabikilwe no buteko, ico cabikilwe pa mushili uwansansama. Ukuletwa palwalala kwalengele muli bonse babili abana babo ukukwata ukulwala sana no tulaso. Wishi alibatwele bena kucipala nabo, uko bena babasungile pama busanshi ayapangilwe mulubilo, ilyo abengi na bambi abasanshilwe balelolola ukubombelwa ku babomfi abanono. Yali ni ncende iyabipa ibusu ukubapo icipatala, kabili ukulenga ifintu ukubipisha ifibi fyangwalilile ukulaisuka no kwisalwa; abantu balebutukilamo no kufuma, ukulila imisowa, amayanda yabo pakusendwa no mukuku uwa maka.

Sana fye nge fyo ena alefwaya ukwikala na batemwikwa bakwe, kapyunga uwacaice alishibe ukutila ena alikwete umulimo ukubwelelamo no kwafwilisha ibumba lyakwafwilisha ilyo lyalebomba mu lubilo akasuba no bushiku. Ubusanso bwalesangwa pa ncende shingi ilyo amenshi ukwabula ukuleka yalekonkoloka mu musumba monse kabili nakunse mukati ka mishi. Ena balimwebele ukuya ku musebo umo uko amenshi yatenkenye amayanda ukufuma ku mifula yaiko. Ukwensha ubwato bwakwe ukupita mu menshi aya maka aya iyi ncende, amano yakwa kapyunga uwacaice yapilibwilwe ku cikope ca bulanda. Nyina nabana bakwe, baliminine pa lukungu ulwa nga'nda ya pa mulu, bena balesokonya no mwenso, kabili ukumwita ena kukwafwilisha. Pali iyi nshita ya calecitika mukulondolola, ifwe twalaleka Munyina Branham alondolole mu mashiwi yakwe umwine ifintu ifyo fyangitike:

\* \* \* \* \*

Nalyumfwile umo muntu alepunda, kabili ukulolekesha pa mulu, nalimwene nacifyashi na bana bakwe nabeminina pa lukungu lwapa mulu uwa nga'nda iyalewa, amatamba ayakulu ukupuma kuli ena. Nalikala pa mumana mupepi ubumi bwandi bonse, kabili natontonkenye nalimo kuti naafwilisha ukupokolola umwanakashi, nangula nga capilibwile ukusenda ubumi bwandi ne mwine pali ena na bana bakwe abanono, e ico nalitendeke ukulola kunga'nda. Panuma ine mukulekelesha nalibabikile bonse mu bwato, na mayo ali fye mupepi no kunenuka...Ena alitwalilile ukulilila pa cintu cimo palwa kanya kakwe kabili natontonkenye nalimo ena alishile akanya kakwe mu nga'nda. E ico panuma ilyo nabasendele bonse bwino pa mulandu, nalyeseshe ukubwelelamo. Lelo cali ukucelwa nganshi; amenshi yaleisa ulubilo sana nombamba, kabili naliiketwe mumukuku. Owe, nshakatale ukulabako ifyo naumfwile lilya. Ifintu ifingi sana fyalipitile mu mano yandi; ifyo naeseshe ukwikala ubumi ubusuma ubwa bwinaKristu, ukushimikila Icebo, ukucita icawamisha ico naishibe, lelo camoneke ukutila ifintu fyonse fyaalesusha ine nombamba.

Ilyo ine mukulekelesha nasendele ubwato bwandi mukubutungulula no kubufisha bwena, nalyeseshe ukukwata inshila yandi kucipatala ca buteko (cali nalimo ama ora yane ukutula ilyo nafumineko), lelo ilyo nafikile nasangile ukutula amenshi yalingile kunuma kulya kabili bonse abantu balifumishiweko. Nshaishibe uko mukashi wandi abelele kabili takwali nangu umo uwakunjeba. Owe, ifyo nali uwabulanda muli ilya ora. Nalitwalilile ukwipusha kabili mukulekelesha balinjebele ku wancito ukutula bena balibatumine kunse pe shitima ilyo lyaleya ukulola ku Charlestown, umusumba nalimo ba mailoshi 12 ukucila Jeffersonville, uko nabutukile bwangu bwangu ukumona ine nga kuti nafika kuli bena. Umulonga unono pa mulu fye wesu waliswile ululamba lwa uko, ukupanga nalimo ba mailoshi basano ayalebutukisha nganshi amenshi pakati ka kulya na Charlestown; ukusenda amayanda yabalimi, kabili nalishibe ukutula ishitima lyalingile ukupita muli iyine incende. Nshakwete inshila nangu imo iyakwishiba nga cakutula yena yalipitile ilyo amenshi tayalaisa atemwa nga cakutula yena yalisendelwe ukufuma mu nyanji. . .

Pa nshita imo itali nshaumfwileko icintu nangu cimo, lelo lyena naishileumfwa ukutula ishitima lyalipitile. Nalisendele ubwato ububutukisha kabili nalyeseshe ukuya ukwalefumina amenshi, lelo yali ayengi nganshi. Amenshi yalimbweseshemo kabili nalikele mu ncende itwa Fort Fulton na banandi abengi mupepi imilungu ibili. Icakulya cesu caishileba icinono sana kabili ine nali nalyo line mu mfifi palwa mukashi wandi na bana.

Lilya line ilyo amenshi yacepele umwalinga kuli ine ukusenda motoka yandi ukuya, ine naile mukumufwaya ena. Nshaishibe nga cakutula umukashi wandi, abana, ba mayo na munyina balifwile atemwa aba mweo. Kulya Lesa alitwalilile ukulanda ku mutima wandi, kabili ine kuti naelenganya fye ifyo cena cilingile ukuba kuli abo abashakwata isubilo muli ora ya musango ifi. Ubushiku bwakonkelepo nalyabwike amenshi kabili nalitende ukufwaya kwandi mu Charlestown. Takwali nangu umo kulya uwaishibe icintu icili conse palwe shitima ukwisamo, atemwa ukumfwapo pa muntu umo uwe shina lyakwa Branham. Uwapelelwa ilyo naleenda mu musebo, nalikumanye umunandi wakale, Mr. Hay. Ena alinkumbatile kabili atile, "Billy, ifwe tuli no kubasanga ku cifulo cimo!" Ine nalile kwi ofeshi lya waletuma no kwipusha ilyo ishitima lyapitile, kabili noko lyaile; lelo ena tali uwakwafwa nao wine. Cena cali imilungu ibili kunuma, kabili kwaliko ayengi kabili ayengi ayasendelwe, kabili ena atontonkenye yena yalile pantanshi kulya mu Indiana ku ncende imo. Engineer uwaiminine mupepi alilandile kabili atile, "Owe, ndeibukisha bulya ubwafya. Nacifyashi no tubana utunono tubili utulwele. Ifwe twalibatwele ku

Columbus.” Atile, “Mulumendo, iwe tekuti ufike kulya, nge fyo amenshi yalenga ishitima lyonse ukukana enda.” E ico kwaliko ilyashi nalimbi ilyabulanda.

Lelo nali no kumusanga nangu cibe fyo. Ine nalitwalilile fye ukwenda mulya mu musebo, ukulalila, ne cisote candi muminwe yandi. Owe, mwe! Ici cileleta ifyakwibukisha nakabili ukutontokanya pali cena. Bwangu motoka yalishile kulubali lwandi, kabili ishiwi lya munandi umusuma lyalibilikishe, “Billy Branham! Ingila. Ninjishiba uo ulefwaya, umukashi obe na bana!” Nalyaswike, “Ee.” Atile, “Bena bali ku Columbus mucipatala. Umukashi obe ali mupepi no kufwa.” “Bushe kuliko inshila imo iyo twingaya kulya?” Nalipwishe no mwenso. Ena alyaswike, “Ine kuti nakutwala kulya; ninsanga inshila iya mubumfisololo ukupitila umwakupita mumo, ukucilila amenshi.” Ifwe twalifikile ku Columbus lilya mubushiku.

### DOCTOR TAKWETE ISUBILO

Nabutukile ku Baptist Church, iyo yalebomfiwa nge cipatala, ukubilikisha ishina lyakwe. Nali musangile. Owe, mwe! Ena ali fye mupepi no kuya! Nalipwishe palwa bana; bena bonse babili bali ububi nganshi, pakusungwa kunga'nda ya bamayo fyala. Nalifukeme kulubali lwa busanshi apo Hope alele. Amenso ayafita, ukulangisha ukucula ukwabipisha, yalolekeshe pali ine ilyo namusendele uwabutuluka, ukuboko ukwaonda mukwandi kabili nalipepele mu busuma ubo naishibisha. Lelo camoneke ukukana bomba; takwali ubwasuko umusango umo. Ena aishilelwalisha. Umubomfi alinjipwishe, “Bushe iwe tauli munankwe wakwa Dr. Sam Adair?” “Ee.” “Ningile ukukweba, Reverend; umukashi obe aleya.” Nalipapete, “Mucine iyo.” “Ee,” alyaswike na maka, kabili aishileya.

*Icipandwa ca 7*

## Ukupelelwa—Elyo Iciloto ca ku Mulu

Nalibwelelemo ku nga'nda, kabili nalyeseshe ukuiwamya mu busuma nge fyo ningacita ukufuma ku fyacitike ifye lyeshi. Dr. Adair atile ine kuti naleta umukashi wandi na bana kunga'nda, e ico nalyeseshe ukulenga icifulo ukube icawama nge fyo cingacitwa kuli bena. Nalilwishishe ubulwi ubwakosa ukubapususha, nalilaishe ku Louisville pawaishibisha. . . Cena cali icafye; bena balipwile nganshi. Lelo ndi uwashininkisha umukashi wandi taishibe ici pali iyi nshita. Ena ali uwacenjela munshita fye yonse. Ifwe twali mubweshehe kucipatala pakutila enga kwata ukubombelwapo ukwalinga. Tapali nangu cimo icacitile ubusuma ubuli bonse. Ifwe twalikopele x-ray no kusanga icifuba cantandabwanga cileingila mukati kabili mukati nganshi muli ba pwapwa bakwe.

### UKWITWA KUMBALI YA BUSANSHI IYA MUKASHI UWALEFWA

Ubushiku bumo balinjatile ukufuma ku ncito. . . (Nalebomba, ukwasha ukufuma mu nkongole. Nalile mu ma dollars imyanda mu nkongole.) . . . Balinjebele, “Ngo lefwaya kumona umukashi obe uwa mweo, iwe kuti cawama wise nomba!” Nalingile muli motoka nokubutukila ku musumba ulubilo nge fyo ningacita. Nalibutukile pa mulu kabili ukuya mucikulwa, kabili umuntu wakubalilapo uo namwene ali munandi umunono, Dr. Adair. Ifwe twali fye nga ba munyina, ubumi bwesu bonse. Nalishibe ilyo nalolekeshe pali wene ukutila alikwete ilyashi ilyabipa. Atile, “Ndi no mwenso ena naya nomba.” Ena afimbile icinso cakwe no kuya mucipinda icinono icakulolelamo. Nalilwishishe ukuti ningekala tondolo; nalipapete, “Isa, tuleya twingile bonse, Doc.” “Ine tekuti,” ena alyaswike, “ena ali fye kwati ni nkashi kuli ine. Ine tekuti mbwelelemo mulya, Bill.”

Nalitendeke ukwingila neka, kabili ena alitile nashi ukwingilamo na ine. Ilyo na mumwene nalyumfwile, na ine, ukutila ena naya. Insalu yalifimbilwe pa cinso cakwe. Ena ali fye amafupa pali filya ali akale. . . uwaonda sana kabili uwabutuluka. . . Owe, mwe! Nali mubulile mu maboko yandi no kutendeka ukumusunkanya. Nalilile, “Mutemwikwa, njasuka! . . . Lesa, napapata lekeni ena alande kuli ine umuku na umbi.” Ena ali kale mukuciluka umushilwa. . . Lelo ilyo

line ena alipilibwike ukulolekesha pali ine. Ena aliswile yalya ayakulu, ayasuma, amenso ayanakilila ayakashikila. Ena alitendeke ukwimya amaboko yakwe ukumpokelela ine, lelo ena ali uwanakuka nganshi; e ico nalipaleme nganshi kuli ena. Nalishibe ena alefwaya ukunjeba icintu cimo. Mwe banandi, ici apa ico ena anjebele (mu ciputulwa). Cena cili no kuba mukwibukisha kwandi mpaka ubushiku nkamukumanya.

## HOPE ALONDOLOLA PARADISE

Ena atile, “Naciba fye mupepi na ku mushi. Cinshi ico wancinjitila ine?” Nalimwebele nshacishiba nacifulunganya icintu icili conse. Ena atendeke ukunjeba pali paradise iyo ine na mwitile ukubwela, ifyo yena yamoneke. . . ifimuti ifisuma na maluba, ifyuni filelila, takuli icakukalipwa mu mubili wakwe. Pakashita natontonkenye ukutila nalimo ine nganshamwitile ena. . . (Lelo, umutima wakwe upalwe. . . ena aba aleipakisha ilye ncende inshita itali nomba.) Ena apuputwilwe pa nshita imo inono kabili alinjebele umusango ena alesendwa ku mushi ku fibumbwa fya ba malaika. Ena alingu'mfwile ine kulyo kutali nganshi ukwita. Mwe banandi, kwalibako impanga ukuciluka umumana, kucifulo cimo kulyo kutali ukucila. Nalimo ba million bamyaka ya lubuuto ukutali, lelo eko yaba. . . kabili ifwe tuleya ilya nshila.

## ALEIBUKISHA IFINTU IFINONO

### IFYACITIKE MU MAORA AYAKULEKELESHA

Ena alilondolwele ifyo kwali ukwawamisha. Atile, “Mutemwikwa, iwe walishimikila pali kwena, iwe walilanda pali kwena, lelo iwe tekuti wishibe ifyo kwena kwaba ukwa bukata.” Ena alekabila ukubwelelamo. Ena alisomene pakashita kabili elyo atile, “Kuliko fibili atemwa ifintu fitatu ifyo ndefwaya iwe ukwishiba.” Nalipwishe, “Filya ni finshi?”

“Ibukisha, Bill,” ena alitendeke, “nshita imo iwe walile mukunshitolako insokoshi?” (Ndeibukisha nshita. Ena alefwala ukuya ku Fort Wayne mukulongana lilya mu bushiku kabili ena alefwaya insokoshi shimo. Ena alinjebele ukusenda shimo isha musango uwa “Ishinga mulinga” atemwa “inuma yonse” “rayons” atemwa “chiffons” atemwa icintu cimo nga cilya. Ine nshatalile ukumoneka uwakwibukisha icintu icili conse pa fyakufwala fyaba na mayo, e ico nalile mumusebo ukusosa kuli ne mwine, “Chiffon, chiffon, chiffon.” Umo muntu atile, “Ulishani Bill.” . . Natile, “Ulishani, Chiffon, chiffon, chiffon.” Elyo nalikumenye umu muntu umbi uyo walenjeba ifyo isabi lyaleikatwa bwino, kabili nalilabileko shali sha musango nshi isho nalingile ukushita. Nali nokushita shena pa Penneys, lelo



nalishibe umukashana uyo walebomba pe tuka lyamakobili kabili nalishibe ena kuti angafwa nga nalimwebele ifyo cali. Nali butukile kulya . . . (ishina lyakwe lyali ni Telma Ford; wene mwinamupalamano wandi nomba) . . . Natile, “Telma, ndefwaya kushita insokoshi shimo ishakwa Hope.” Ena alisekele, “Owe, Hope tafwala insokoshi, ena afwala ama stoking.” “Cisuma, yamo ama stoking kanshi.” Ena alipwishe, “Ya musango shani ayo alefwaya?” “Ya musango shani ayo ukwete?” Ukusubila ukutula ena kuti alumbula ishina ine nalingile ukwibukisha. Atile, “Rayon, chiffon, nafimbipo.” Cisuma, nangu cibe fyo, ena alumbwile ishalubana intanshi, lelo ena caumfwike nge shina lyalinga kuli ine e ico natile, “Ilya e yo!”

“Ulepilibula Hope alefwaya ama stoking ya *rayon*?”

“Filya e fyo acisosa,” nalyaswike, eico ena alitendeke ukuyapomba. Lelo ilyo naile mukulipila yena nalisangile ukutula shena shaleshitwa fye nalimo ama centi 39, e ico nashitile amapeya yabili.

Iyo nafikile ku nga’nda ukupela shena kuli wene natendeke ukumuseka. (Namwishiba ifyo abaume batemwa ukuseka abakashi babo pakuba abaishiba amakwebo.) Nalimwebele cali nine uyo wasangile amakwebo iyi nshita, kabili nalipele amastoking kuli ena. Ena talandile icintu icili conse, lelo natontonkenye ena amoneke uwapapushiwa panono, kabili ilyo ena afikile ku Fort Wayne namwene ukutula ena alishitile nashimbi. Ena ali ni namayo nganshi ukukana njeba pacilubo lilya, lelo ena aletontonkanya pa tuntu utunono nga tulya muli ora yakwe iyakufwa.

## ASUNGA INDALAMA UKUSHITILA UMULUME WAKWE IMFUTI

Ubumi bwakwe bwaleya bulepwa panono panono, lelo ena alitwalilile. “Ibukisha imfuti iyo walefwaya ukushita mu Louisville kabili ifwe twalifililwe ukuishita yena?” (Ifyo naibukishe bwino nganshi. . . Ine lyonse naba umulunshi, kabili ilyo namwene ilye mfuti iya filya natontonkenye ifyo ningafwaya ukuikwata yena.)

“Ee.” Naleesha ukukana mulangisha ifilamba.

“Nalesunga amanikelo yandi namakobili ukukushitilako yena iwe. Cena nacipwa fye kuli ine, lelo nga waya fika kunga’nda uli no kuyasanga indalama shili pesamba lye pepala pa mulu wa kabati iya kumbali iyakale.”

Imwe tamwakatale ukwishiba ifyo naumfwile ilyo nasangile shilya mutanda atemwa ama dollar cinelubali ena alebika inshita fye yonse pali ilye mfuti. Nalishitile yena kabili

ncili naliikwata yena, kabili mfwaya kusunga yena ilyo lyonse ilyo ninga cita, elyo kabili nkaipele ku mulumendo wandi umunono.

## AMASHIWI YAKWE AYAKULEKELESHA

Ndeibukisha ukutila cali ni lilya ena anjipwishe ukukana ikala neka, ukupa umo musuma umukashana umwina Kristu uyo wali uwaisushiwa na Mupashi wa kwa Lesa kabili kuti asunga abana. Ine nshalefwaya ukulaya cilya, lelo ine mukulekelesha nalicitile ukusekesha ena. Ama miniti ayanono panuma ya cilya ena alisosele mukunakuka, “Cisuma, ine ndeya kulya nomba.”

“Wilalanda uyo musango,” nalipapete.

“Nshilesakamana ukuya nomba,” ena atile, “apo ni mona ifyo cena caba icawama.”

“Bushe iwe mucine uleya nomba, mutemwikwa?” Nalipwishe ne filamba.

“Ee.” Ena alolekeshe mu menso yandi kabili atile, “Bushe uli no kundaya lyonse ukushimikila iyi Mbila nsuma iya wama?” Nalilaile. Ena atile, “Bill, Lesa ali no kukubomfya iwe.” (Umutima wakwe upalwe. . . Ine lyonse nalisunguka nga Lesa teti asuminishe ena ukulolekesha panshi pali ifwe ilyo ifwe tuleya ukufuma ku cifulo cimo ku cibiye muli bukapyunga bwesu, ukweshwa ukunakila ubwite ena aumfwile ukutila Lesa kuti atuma.)

Ena alitwalilile ukulanda. “Iwe wali umulume umusuma.” Nasi umunono aliminine mupepi, kabili ena atile kuli ena, “Ndesubila iwe limbi kuti wakwata umulume umusuma nge fyo nakwete.” Mucine, cilya calepwile umutima wandi, lelo nalishibe nalingile ukwiminina pa mulandu wa ena. Nalyseshe ukumwentula kabili natile, “Mutemwikwa, nga waya tuli no kukushika iwe kulya ku Walnut Ridge mpaka Yesu akese. Kabili nga nkalala mutulo ilyo ilya nshita tailafika ine nalimo nkaba kulubali lobe.” E ico natile, “Nga te ifyo, nkaba kunse mwi bala lya bulwi ku cifulo cimo.” Ilyo amenso ayanakilila ayakashikila yaleyale yaleshibantulukila nalitwalilile, “Ilyo ukayafika ku Yerusalemu Mupya. . . ukalolekeshe kulubali lwa kukabanga ulwa mpongolo kabili ukatendeke ukwita ishina lyandi. . . Ilyo kamona Abraham, Isaki, Yakobo, Paulo na Stefano na bonse fye muli bena ukulaisa, ine nkaba kulya, Mutemwikwa.” Ena alintintile pali yena no kumfyompa shalapo. . . Elyo ena alile ukuba na Lesa.

Ine ndi pano. . . ncili ndelwisha, ukubomba, ukweshwa na maka ukusunga bulyo bulayo.

## BALANDA UKUTILA UMWANA ALEFWA

Panuma ilyo aile, ine natendeke ukuya kunga'nda ukuya mona palwa bana. Ifyo mukupelelwa nalefwaya umutende umo mumatontonkanyo. Nalile ku nga'nda ya ba mayo... Nalile ku nga'nda yesu, iyakwa Hope ne yandi, ukuli konse, takwali nangu cimo icanjikwishe ine. Ine nalifililwe ukutusha. Mwe bengi inwe mwe bantu mwalishiba ico ndepilibula. Lilya mubushiku ine mukulekelesha naile pa busanshi no kwesha ukulala. Umo muntu alikonkwenshe pa cibi. Natontonkenye, "Kuti caba nicinshi nomba?" . . . Ishiwi lyalitile, "Billy, umwana obe alefwa nomba."

Nshakatale labako lilya mu bushiku ilyo ena aishile mukunjeba. Ine natontonkenye, "Owe, mwe! Ni cinshi ici?" Ilyo ena akonkwenshe pa cibi. Kwati tacali icalinga kutila ine nalilufishe umukashi wandi bulya bushiku, umunandi alishile ne lyashi ukutila umwana wandi umukashana alefwa. Ilyo ifwe twaingile muli motoka yakwe inono ukuya ku mwana, ine natontonkenye ubumi bwali kumpela yabuko. Musango nshi ifi fintu fingaba! Ilyo twafikile ifwe twasangile umwana ali mupepi no kufwa. Dr. Sam Adair alishile no kumupima ena. Ena alinjebele ukutila takwali nangu cimo icingacitwa ico ena aishibepo, lelo ifwe twali mubutushishe ku chipatala nangu cibefyo. Kulya kalapashi ukufuma ku Louisville atontonkenye nao kutila kwali isubilo ilinono. Balinsendele umo bapimina mucipatala no kunangisha akashishi ukufuma mumongololo wa mwana. Ena ali kwete meningistis ya mu mongololo iyo ena ambwile ukufuma kuli ba nyina. Takwali ishuko nakalya kuli ena ukuba umutuntulu. Ena ali no kufwa lilya line. Ine tekuti nondolole ne milomo ya buntu ifyo cilya camputawile. Ifintu fyonse ifyashala fyalilubene kabili elyo cilya calecitika. Cena cilangisha fye ukutila iwe tawishibe ifyo intanshi ikwete.

Ine lyena naile mukumona umwana wandi uko amalwele ayakubikwa kumbali yalesungilwa mucikulwa. Nalimwene akamutemwikwa akanono nakalala palya. Ilyo ntontonkanya pali cena nomba cena cilakontola fye umutima wandi. Yali ni nshita ya lusuba kabili aba bomfi bapacipatala, ukuba ne ncito nganshi, bena tabalemupela ukusakamana ukwalinga. Ilyo naingilemo nalilolekeshe pali ena kabili ena alyeseshe ukulolekesha pali ine. Ena ali fye mukalamba nganshi ukuba uwaina kabili umusuma. Akantu akanono akabusu takatalile leka ukuminina kuli meningitis. Kumo ukulu kwakwe kwalitintilwe kabili kumo ukuboko kwakwe kwaletintwa. Ukulu kwakwe kunono kwalesela uku no ku. Owe! Icope ca musango filya ica bulanda.

Nalifukeme kulubali lwa busanshi no kutendeka ukupepa. Nalilile "Lesu, napapata mwisenda umwana wandi." Nalishibe nalipangile cilubo icabipa ukukana lekelako ku fintu fyonse no

kuya kunse mu mulimo wa kubila imbila nsuma. Ndecetekela ukutula icabupe cali icateyanishiwa ukumonekela lilya, lelo ine nalikene ukuya. Naishileiposa panshi ne mwine kabili natendeke ukupepa no kulila ukulomba Lesa ukusunga ubumi bwakwe. Camoneke kwati icisalu icafita calebele pakati kabili ena alebila. Ine nalimine ukulolekesha pali ena kabili natile, “Sharon, bushe tawamwishiba tata?” Mucine ndecetekela alishibe ine nali palya. Camoneke kwati ena aleesha ukusokonya akakuboko kakwe akanono kabili imilomo yakwe yaletutuma kwati ena ali mukulila. Cali ubusanso—ukukalipwa kwali ukukalamba nganshi icakutula amenso yakwe ayanono yalicilingenye. Owe! Ilyo namona akamwana akacilinganishiwa amenso ine ndatontonkanya pali ilya inshita—amenso ya mwana wandi ukucilinganishiwa mukucula ukwa musango ulya ukwa bipa. Imwe mwe bakwata abana mwalishiba ifyo naumfwile.

## NYINA NO MWANA BASHIKILWA PAMO

Nalipepele nokubike ndupi pali ena. Lelo bamalaika balishile pakashita panuma no kusenda uwatemwikwa umunono ukuba pamo na nyina. Naishilebwelela kunga’nda, uwa bulanda kabili uwanakuka. Panuma ya nshiku shibili twashikile ena mu maboko yakwa nyina. Ndeibukisha ukwiminina uwakontoka umutima kabili ukumfwa umwenso pa mulandu wa nshishi. Munyina Smith, kapyunga wa ku Methodist kulya mu musumba, ashimikile imbila iya bonse babili. Owe! Ifyo naumfwile! Cena cali icishingashipikishiwa. Mu musango umbi amabula ukupupa pa fimuti canjibukishe ulwimbo lwa kale:

Kuli calo kuciluka umumana ico beta ubusuma muyayaya,

Kabili ifwe tufika fye kulya kwishilya ku bwite bwacitetekelo.

Umo na umo ifwe tulafika ku cifulo, kulya ukwikala na bashifwa,

Ilyo bakalisha shilye nyenjele sha golde kuli imwe na ine.

Ninjishiba ukutula ubushiku bumo inshishi ikesuka, pantu kwalibako inshishi umushaba kantu mu Yerusalemu. Ninjishiba ukutula ubushiku bumo ikesulwa nayo pantu bena balicetekele muli Yesu Kristu Kalubula wabo uwabuka.

Nalibwelele ku ncito, ukweshwa ukucita fyonse ifyo ningacita ukulipila ifyakulipila ifikulu ne nkongole isho nakwete. Nshakatale ukulabako lumo ulucelo ilyo nalebelenga metre pa mulongoti mumusebo ukalamba uwa 150 mupepi na New Albuny. Naleimba ne mwine, “Palupili ukutali pali ulupanda ulwa kale ulwakalabana, icishibilo ca kucula

ne nsoni.” Akasuba kalibalike nganshi lulyo lucelo kabili umulongoti wapele icinshingwa pa lupili ku ntanshi yandi. Cali mu musango wakutila icela icacilingenye kabili no mubili wandi uwine ukulebela ku mushipi wa kucingililwako na fyena fyapangile cinshingwa.

Lulya lwali palya ulupanda ukubwekeshapo nakabili!

## UKUMFWA UBUBI NO KUPELELWA PA MFWA YA BATEMWIKWA BAKWE

Nalefwaya ukuya no kuba no lupwa. Ubumi pe sonde tabwankwatile nangu cimo ine nakabili. Fyonse ifyo nakwete ukwikalilapo fyali mucalo icaleisa; ukwabula bena umutima wandi uwakontoka tekuti usange ukushipa ukutwalilila ukulwisha. Lelo cali bufwayo bwakwa Lesa, ndemona, mukwikatilila Icabupe Cakwe...Ena alikwete ipange kabili lilingile lyabomba. Ndi uwashininkisha casendele ubusanso ubuli bonse no bulanda ubwashika ifyo nali no kupitamo ukundeta ine pa cifulo apo Ena engaba uwakubomfya ine. Lesa alishiba ico cawamisha.

Naliponene panshi ukufuma pa mulongoti; ilibe lyalefuma pa mubili wandi onse; naletutuma. Nafumisheko fye indyato shandi, no kuleka kabili nalile kunga'nda. Ine naile mu nganda, mukupelelwa ukusubila pa cintu cimo ico cingafumya amano yandi ukufuma ku bulanda bwandi. Lelo ni cinshi inga'nda umushili kantu ingacita?...inga'nda ne fintu fyonse ukuba fye ngefyo ena afishiile. Ifintu fyonse ifyo nalolekeshapo fya njibukishe pali ena. Ilyo naleenda mukupelelwa ukushinguluka inga'nda, amenso yandi yaloleshe pa makalata yamo ayo yaishilemo. Pali envelopu imo nalibelenge aya mashiwi: “Miss Sharon Rose Branham.” Umutima wandi walikontweke cipya cipya. Yali ni nkalata ukufuma ku banki kabili cheke inono iyo yatuminwe ku mwana wandi...Ishakwe ishinono isho alesunga isha Krishimishi baishileshibweshwa; ndetontonkanya shafikile kuli nalimo \$1.80. Owe mwe! Nalitendeke ukulila kabili nalifukeme panshi. Nali uwabulanda nganshi; ifintu fyonse fyamoneke ifyakosa nganshi ukufishipikisha. Ilyo nafukeme palya, natontonkenye, “Shikulu, nga imwe tekuti mungafwilishe, nshishibe ifyo ndi no kucita!”

## UKUBA MUTULO NGANSHI, ALOTA KU MULU

Mukupumikisha naponene mutulo twakunaka... (uku kwali ukutusha ukwakusengelwa). Ilyo ncili mutulo, nalilotele ukutila nali kunse ku Masamba (ine lyonse natemenwe ku Masamba); naleenda kulya nimfwala insapato na cimo ica filye fisote ifikulu ifya ku masamba.



Nalicilele iceleta ilyakale ilyafimbwa; umu uwa mipeto walikontweke, kabili nalelisha umunsoli lulyo lwimbo, “Umupeto we Celeta Naukontoka.” Nalipapushiwe pa kumoneka kwa waemba umukashana wacaice nalimo 17 atemwa imyaka ya kufyalwa 18. Wene amoneke nga malaika uwaiminine kulya uwafwele mu cabuta, iyakwe imishishi ya bukashana ileluluka, amenso yakwe aya blue yalebengeshima.

Natile, “Mwashibukeni, Mukashana,” kabili natendeke ukulaya ukupitilila, lelo ena atile, “Muli shani, Tata.” Nalipilibwike mukupapushiwa no kufulungana, kabili ena alibwekeshepo, “Muli shani, Tata.”

Natile, “Nshileumfwikisha...njelelako, lelo nshileiluka. Musango nshi ine ningaba wiso? Cinshi, iwe uli fye umukalamba nge fyo ndi. Kulingile kuli icilubo cimo.”

“Imwe tamwishibe fye apo mubebele, Tata,” ena alyaswike. “Palya pe sonde nali Sharon wenu umunono.”

Natile, “Te *iwe*.”

Atile, “Ee, kunuma kulya pe sonde nali Sharon wenu.”

“Lelo iwe wali fye akanya akanono,” eflyo nasosele.

Elyo ena alinjibukishe ine, “Tata, bushe imwe tamuleibukisha ukusambilisha kwenu pakukana fwa?”

Natile, “Ee, ndeibukisha ukusambilisha kwandi pali cilya. Ulya e mulandu wine ubebele kuno nge fi?”

“Tata, alikwisa Billy Paul?” Ena alipwishe. (Ulya mulumendo wandi umunono.)

Nalimwebele ena aciba na ine pakashita akanono akapitapo.

Atile, “Ba mayo balemifwaya imwe, Tata, e ico nalaikala fye kuno no kulolela Billy Paul ukwisa.”

“Bali kwisa Banoko?” Nalipwishe.

Atile, “Lolekesheni ku kwakulyo kwenu, Tata,” kabili nalilolekeshe ulubali lwa kukulyo kwandi. Owe, kwamoneke nge myengelele iya lubuuto iya bukata ukubalika pa mulu wa lupili, amayanda aya yemba ayakulu pakati ka mpili shakatapa katapa, amaluba ne fimuti. Ululimi tekuti lulondolole ifyo namwene muli ilye ncende. Sharon alisontelele imo pa nga’nda ishikalamba kuli ine no kunjeba ine ukuya kulya lubali; ilya yali ni nga’nda yandi kabili ba Nyina balendolela ine kulya.

“Inga’nda yandi?” Nalipwishe, mukupapushiwa. “Cinshi nshatalile kwatapo inga’nda.”

“Cisuma, Tata, imwe na mukwata imo nombamba. Kabiye ni kulya nombamba, kabili ndi nokulolela kuno pali munyinane.”

## AKUMANYA UMUKASHI WAKWE NAKABILI

Nalitendeke mukashila akanono ukutungulula ku nga'nda; kabili ilyo nafikile kuli iyi ncende inono iyawama, nalimwene umukashi wandi ukufuma panse ukunkumanya, alifwele bwino nganshi mucabuta, imishishi yakwe iyafita itali ukulebela kunuma yakwe. Tekuti mbikemo amashiwi imyumfwile nakwete pa kumumona nakabili. Nalimwipwishe ukulondolola fyonse ifi kuli ine, ine nalifililwe ukwiluka ifyo cena cingaba. Ifwe twalilandile capamo nge fyo ifwe twalecita lyonse, ine ukulanda ifyo ali na mayo uwa caice uwaemba umukashana wesu umunono akulile ukuba, kabili ena ukusumina. Lelo ine nalifililwe fye ukwiluka.

Atile, “Ninjishiba iwe tekuti wiluke ifi, pantu ifintu fya pesonde tafyaba nge fi fintu kuno. Kuno ni ku mulu.”

“Lelo ine nshileiluka pali iyi nga'nda iyaemba. Bushe yena yobe?”

“Ee,” ena alyaswike, “yena ninga'nda yesu iya muyayaya.”

“Lelo ine nshileiluka umulandu ningile ukukwatile shuko ukuba mu ncende nge iyi.”

Ena ali landile mu cikuku kuli ine: “Nangu cibe fyo incito ishingine ne milimo, kabili ukucucutika uko wapitilemo pe sonde, iwe nawisa ku mushi mukutusha nomba. Bushe tawaikale panshi?”

Nalipilibwike ukwikala panshi kabili palya pali icipuna icikulu icandi. . . icipuna ca Morris. Nalilolekeshe pa cipuna, kabili nalilolekeshe pali Hope. Ena alimwentwile no kusosa, “Ninjishiba ico uletontonkanyapo.”

Ifi eflyo cali: Ilyo ifwe twaupene ntanshi, ifwe tatwakwete ifipuna nangu fimo atemwa ifingi ifya fintu ifili fyonse mu nga'nda yesu inono. . . kano fye ubusanshi ubwakale ubwakupeta umo muntu atupele, icitofu nalipile nalimo pali dollar nakota kabili elyo nalishitileko utushimbi tumo, icakale icipuna icampapa ico cali icapwa kabili cakwete ifipunda ifingi muli cena, kabili nacimo icisalu icapanshi mucipinda capantanshi. . . Lelo ifwe twaleipakisha cena kabili ifwe twali abansansa capamo, pantu twalikwete ukutemwana ukwacine.

Lelo icintu cimo ico nalefwaya lyonse cali cipuna ca Morris. Nalibombele na maka akasuba konse kabili elyo kuti nashimikila inshita ya bushiku no kwisa nabwila, kabili camoneke ine kuti natontonkanya pa kukwata icipuna icikalamba ica Morris ukwisamo no kutushishamo. Ubushiku bumo ifwe twali abalinga ukushita cimo; e ico ifwe twaile mumusumba kuciluka umumana no kulolekesha pali fimo. Cimo ico twashitile cali icakatapa katapa. Nshakatale ukulabako cena. Cena caleshitwa nalimo ama dollar ikumi limo na fisano, ine nalingile ukulipila ama dollar yatatu icikatilo

kabili dollar imo mu mulungu pali cena. Cisuma, nalitwalilile ukulipila mpaka ifwe twalikwete nalimo cinekonse konse atemwa ama dollar ikumi twalipile, kabili ine nalifilwe ukulipila. Nalipishishepo ibili atemwa imilungu itatu pantu ifwe tekuti tucileke fye. Imwe bonse mwalishiba ifyo cilya cipilibula ilyo imwe tekuti mukwate ukukumanisha. Ubushiku bumo natile kuli ena, “Mutemwikwa, iwe uli no kubatumina lamya bese basende cipuna pantu cena nacicila ibili atemwa imiku itatu; bena balitutumine ifwe kalata wakulipililapo, kabili ine tekuti ndipile amalipilo yambi pali cena nomba. Nawishiba ifwe tulingile ukulipila ifyakulipila fyesu fimbi, e ico ifwe tuli no kwikala fye ukwabula cena.” Ena atile, “Cisuma, nshilefwaya kucita cilya.” E ico ifwe twalisungile cena ubushiku bumo atemwa shibili ukucilapo. Elyo ndeibukisha nshita imbi iya bushiku naishile kunga’nda ukufuma ku ncito, kabili cena calile. Ena ali musuma nganshi kuli ine; kabili alimpangile cherrie pie kabili alecita ifintu ifili fyonse ifyo ena aishibe ifya kucita ukutalusha amano yandi ukufuma kuli cena no kwafwilisha imyumfwile yandi. Ndeibukisha ifyo kutila naile mucipinda ukwikala panshi kabili cena calile icakutila ifwe bonse babili twalikwete ukulila panono. Ena ali umusuma nganshi.

E ico ukwiminina kulya mu ciloto candi, ena atile, “Ndemona iwe uleibukisha fyonse palwa cipuna cesu... Cisuma ici cimo tacakapokololwe ukufuma kuli iwe...Cena calilipilwa. Ikala panshi no kutusha.”

Nangu cibe fyo, Lesa alimpele amaka ayalefwaikwa ukutwalilila. Nalishimikile no kubomba mu ncito ishapusana pusana, mukulekelesha naishileba game warden uwa mubuteko bwa Indiana, incito iyo nalebomba elyo Icabupe caishile kuli ine mu 1946. Lesa napala no kunambula ine bwino nganshi, ine pali co ndemutasha Wene pa myaka ingi, nali fyonse fibili na cifyashi kabili na tata ku mulumendo wandi umunono, lelo panuma Shikulu alimpele umutemwikwa, umukashi uwapetama, kabili nomba ifwe twalikwata umukashana umunono.

*Icipandwa ca 8*

## Ifyacitike Ifyaibela Panuma Ya Cipempu Cakwa Malaika

Inshita yalepalama nomba ilyo Lesa ali no kuisokolola Umwine kuli William Branham mu musango uyo ushali fye no kongola muntendekelo bukapyunga bwakwe umwine, lelo icali no kucitika pali cena cali no kukwata ukongola ukwapulishamo pacalo ca bwinaKristu. Cena kuti caba icishibilo ico icili no kulandwapo ukucisusha kuli bamo, lelo kuli bambi abafushiwa amakana cikaba ica kulenga ukulumbanya nokutotela kuli Lesa, kabili kuli bamo cali no kupela ukuputwa uko kwali no kulenga umwanda mukufula muli bukapyunga bwabo.

Ifwe natumona kale impendwa ya fintu ifyo fyakonkele icipempu cakwa malaika kuli William Branham, kabili kuliko nafimbi ifyo fingaba ifyakusekelela ukwambula cimo cimo, nangula nshita ne ncende fngatusuminisha ukulumbula kano fye ifinono ifya fyena. Fimo fimbi fyalondololwa mu fimonwa ifyo fyaalebwa muciputulwa capa ntanshi ica ili buku. Nangu cibe fyo, cimo cintu ico cacitike cali ica cifyalilwa icaibela, kabili pantu ukulumbula kwalicitwa pali cena na Munyina Branham pa nshita shimo, ifwe twalalolekesha pali cena pali iyi nshita. Cena cishinka icaishibikwa mubulondoloshi bwa Baibele ukutila ilyo ntungulushi shabu shimapepo baba abatumpa ukwiluka bwangu abo ababa makamaka abalashikwa na Lesa, ingulu umusango uwaibela nganshi ilingi line shalipela uku kwishiba ukwabula ukucelwa. Icipeshamano icakubalilapo icacitike muli bukapyunga bwakwa Kristu, nge fyo calembwa mwi buku lyakwa Marko, ni pa bunte ubwaibela, ukwisa nge fyo bwalecita ukufuma ku mupashi uwabipa. Yesu alibwelele ku Musumba wa ku Nasaleti ukushimikila Imbila nsuma kuli abo aba ku musumba wa ku mwabo. Abantu aba ulya musumba, nangu cibe fyo, ukutali ukukana ishiba icakwishibishako ica Muntu uwaibela Uyo uwali mukati kabo, na maka nganshi balikene ukupilibula Kwakwe ukwapalwalala ukwa mulimo ukufuma kuli kapala wa mbao ukwisa kuli kasesema. Lelo kwishiba uko bena tabalumbwile, bwangu bwangu kwalishibikwe ku ngulu iyo yaikele mumwaume uyo wali mu sinagoge yabo, kabili uyo wabilikishe mu mulola wakwa Kristu, “Nalishiba ifyo mwaba, muli wa Mushilo Wakwa Lesa.” Cimo cine, ingulu ishingiki muli cipena wa ku Gadara, ilyo Ena apaleme, abilikishe ne shiwi likalamba, “Mulandunshi uo twaba na imwe, mwe Yesu, mwana wakwa Lesa Uwa Pulamo?”

Nakabili Umutumwa Paulo, ilyo ena atendeke umulimo wakwe uwa buminshoni mu Europe, mu Musumba wa Filipi, mucifulo cakupelwa ukusengelwa kwakwa kasesema, bali mwikete ku minwe iyakalabana no kumuposela mukati ka ncende iya mucifungo. Lelo mupashi wa kubuka mu mukashana umunono walikwete ukulingulula bwangu bwangu ifyo Paulo na Sila bali, kabili walibilikishe ukusosa, “Aba baume babomfi bakwa Lesa uwa Pulamo, abo abatulangisha inshila ye pusukilo.”

Cena tacili icakupapusha lyena ukutila icabupe ico casontelwe kuli bukapyunga bwakwa William Branham, kuti bwaishibikwa ku mipashi ya kubuka lintu fye ena talailuka umupwilapo ipange iya cabupe umwine. Panshita imo ilyo ena alepita pali katamba wantanda, umwanakashi pa kumumona wene, ali musokoneshe wene ukwisa kuli ena, nge fyo ena alefwaya kulanda kuli ena. Ilyo wene aishile mupepi ena atile, “Mwe, bushe walishiba ukutila iwe wafyalilwe pesamba iya cishibilo kabili walikwata icabupe ukufuma kuli Lesa?” Ukwishiba kumbi ukwa ulya musango kwalicitike kabili kwali mfulungenye wene pakashita, lelo panuma ena aishileiluka. Ngefyo nangula Kristu napamo Paulo alisumine napamo ukucindika ubunte bwa ngulu, kabili tutile balishebele shena ukwikala tondolo, e ico Munyina Branham, mucine, talesuminisha mu mano ayali yonse abo abetwa ukuba abo science ababufi bakatamba wantanda atenwa ukubuka ukwa musango uuli onse, nangula inshita shimo ubunte bwabo bulashininkisha ica bupe cakwa Lesa. Shikulu alikwata inshila ishing'i isha kulangisha no kushininkisha bukapyunga bwa babomfi bakwe ukwabula kushintilila pa cishininkisho icapelwa ne ngulu. Kabili, mucine, Amalemba yalakonkomesha nganshi ukukanya abana bakwa Lesa ukwipusha intulo sha musango ifi. (Isa. 47:13-14)

Pa cifulo cimbi ifwe natulumbula ukutila panuma ya kupilibulwa kwakwe, Munyina Branham aishileba kashimikila wa ku Baptist, alashikwe na Dr. Roy Davis uwa mu Jeffersonville, kabili aile uwacincila muli bukapyunga muli ulyo musumba. Pakwisala ukwa kulongana ukukalamba ukwa mwitenti, ena alebatisha impendwa ikalamba iya balebatishiwa mu Mumana wa Ohio, pakati ka cinkupiti wa bantu abo abalogene pa lulamba ukumonako mulimo. Kwaliko nalimo abantu 130 abakubatishiwa kabili cali ubushiku bwakaba ubwa mu June. Ilyo Munyina Branham ali mupepi no kubatisha umuntu uwalenga ikumi limo na cinelubali, ena aumfwile akalishiwi akanono akacepesha ako akasosele, “Lolekesha mu mulu.” Imiku itatu amashiwi yalibwekeshiwepo. Ena alolekeshe mu mulu kabili kulya kufuma mulwele kwamoneke ulutanda ulwabalikisha. Panuma ilyo nshita inono yapitile, abantu balilolekeshe mu mulu kabili abengi abantu balimwene

ulutanda nabo. Bamo balinenwike kabili bambi balipundile kabili nalyo line bambi bali butwike. Lyena ulutanda ilyo line lwalibwelelemo mukati kalwelele. Icacitike calengele ukukabila nganshi icakutila ilyashi lya cena lyamonekele mwi pepala lyelyashi ilya muli ilye ncende.

Pa nshita imbi Munyina Branham ali mu musumba ukalamba pa nshita sha bushiku shitatu ishakulongana. Uwakubalilapo ukupepelwa ali umwana umunono, uo amolu yakwe yalitintilwe kuli polio, ecalengele wene ukwendela pa tukondo twakwe. Apo pene camoneke kwati ulubuuto lwabalika lwasanikilwe pali wene. Ukusunguka pafikansa ifya usunga icifulo mukusanika inyali iya maka pali wene, ena aiswile amenso yakwe, kabili moneni, ulutanda lwa lubuuto lwaiminine ku ntanshi yakwe. Ukwibukisha ici cacitike ena atila, “Ine nalilekeleko umulumendo munono atemwa limbi ena alitolweke ukufuma mu maboko yandi. . .Ine nshaishibe ico cacitike, pantu camoneke ukutila umushipeshipe mumubili wandi walifwile citu. Ilyo ena aponene pa mushili amolu yakwe yaishileba ayatuntulu, kabili pa nshita ya kubalilapo mu bumi bwakwe ena aendele bwino bwino ukufuma ku ntanshi. Nafimbi ifintu ifyapulamo fyalicitike, kabili abantu abengi balipele imitima yabo kuli Kristu lilya mu bushiku.”

Ifintu ifyapalanako ukufuma ku nshita ukuya ku nshita fyalicitike mu bumi bwakwa William Branham. Pa nshita ena alifililwe ukunakila ubwite bwakwa Lesa ukuya pantanshi muli ubu bukapyunga bwakupokolola. Elyo kulya kwaishile ilya nshita ya mfifi iya bumi bwakwe iyo ifwe twalemba ilyo ena alufishe umukashi wakwe no mwana, kabili ubulanda bwalundilwe pa bulanda. Mukulekelesha, nangu cibe fyo, ena afikile pa cifulo apo ena apangile ukutila ubumi bwakwe buli no kupelwa bonse kuli Lesa, kabili ukutila ena kuti acita conse ico Lesa alefwaya wene ukucita. Cali ni lilya ilyo icipempu icapulamo nganshi ica bumi bwakwe cacitike, ilyo malaika umwine amutandalile wene no kumupela umulimo wa bukata ukufuma kuwa Pulamo. Ilyashi lya uku kwishiba ukwafikapo li li no kulandwa mu cipandwa icilekonkapo na Munyina Branham umwine.





## Malaika ukufuma mu Mulola wakwa Lesa

Ukwaibela ukupempula kwakwa malaika ukwapokelelwe na Munyina Branham nakulenga ukukanasunguka panono pakati ka bantu abengi abakwa Lesa kabili na bashapusushiwa. Ilyo abanono bakana bukapyunga bwa cakupapusha, ngefyo bamo bacitile mu nshiku shakwa Kristu, impendwa ikalamba iya bantu abo abasangwako mukulongana kwakwa Branham balishininwa nganshi pa butuntulu ubwa cipempu cakwa malaika.

Cena cilacitika ukutila Lesa alisala ishalekana lekana kabili nshita shimo inshila shakupapusha sana umu aisokolwela Umwine ku babomfi Bakwe maka maka abo abaitwa ku mulimo ukankala. Kuli Mose, kapokolola wa Israele, Ena amoneke mu Cimpusa Icalepya. Ku Bana baIsraele Ena asangilwe mu Ntumba ya Mulilo mu bushiku kabili Ikumbi mukasuba. Samuele amumfwile Wene nge Shiwi ilileita mu bushiku. Kuli Eliya Ena Ali nalyo line Ishiwi Ilinono. Kuli Abraham Ena amoneke mu mubili wa bu Malaika atemwa mu cipasho ca muntu, kabili Paulo amumwene Wene mu bukata Bwakwe ubwa kubuka nge fyoyohane nao acitile, Uwatemwikwa. Nalimo, nangu cibefyo, icaishibikwe sana icipempu cakupapusha mu nshita ya Baibele cali kuli malaika umweni. E ico ba malaika bamoneke kuli Abraham, kuli Mose, kuli Yoshua, kuli Gideon, kuli Dabidi, kuli bakasesema, kuli Sakaria, kuli Maliya, kuli bakacema, ku batumwa, na bambi. Mu nshita ishingiki ipempu fyacakupapusha tacali fye ifimonwa fye, lelo cali ukumoneka ukutuntulu ukwa cibumbwa cakwa malaika. E ico ilyashi ilya kumoneka kwakwa malaika kuli William Branham talyaba ukwabula icacitikepo kale mubutuntulu muli Baibele.

Mucine icishinka ica kupyunga kwakwa malaika ku benakufwa caba nganshi mubutantiko ne Cebo cakwa Lesa. Cena calishibikwa nganshi ukutila nangula ukufika pamo ifya bupe fya Mupashi fyalibweshiwa ku lukuta. Lelo nga palwa cabupe ica kulingulule mipashi? Abengi tabasumina kutila ici cabupe cakwata fye kulingulula kwa mipashi iyabipa. Nangula ica bupe mucine cilingile ukukwata ukulingulula kwa maka aya bipa, IFWE TULINGILE UKWIBUKISHA UKUTILA KWALIBAKO INGI IMPASH ISUMA UKUCILA IYABIPA. Inga palwaba malaika? Ni muciputulwa nshi bena bapyungila? Ubwasuko bupelwa mu baHebere 1:14: “Bushe bonse bene te mipashi ya bubomfi ya bulesa, iyatumwa kukupyungila abo abali no kumona ipusukilo?”

## BA MALAIKA BALAPYUNGILA KU BANTU BAKWA LESA

Nangula ilingi line ifwe tekuti tumone ba malaika, cena cishinka ukufuma ku Malembo ukutila bena baba mwibumba lya bana bakwa Lesa mu nshita yonse. Ukwabulo kutwishika, nga ifwe twalishibe umupwilapo ukutila kwaliko abantu ba mu myulu mu mulola wesu abo abalolekesha cila bushiku imicitile yesu kabili nalimo amatontokanyo yesu, cena kuti cakwata amaka nganshi pa bumi bwesu. Nomba cilya cilingile ukuba ulya musango (Mateyo 18:10); nalimbi Amalumbo 34:7: “Malaika wakwa Yehoba acite nkambi ukushinguluka pa ba Mutina, no kubapokolola.” Ifwe kuti twapituluka mu mpendwa ikalamba iya malembo ayo ayabombela na bukapyunga bwa pe sonde ubwaba malaika, lelo cilya tacili icikankala. Icishinka caba cakutila mubutuntulu bonse bakasambilisha wa Baibele balicetekela no kusambilisha bucishinka bwa bukapyunga bwa ifi. Mulandu nshi lyena ico bamalaika tabamoneka ilingi line? Mu cishinka ifwe tufwaikwa ukubomba kwacabupe ici cilumbwilwe pa mulu kulenga amano yesu aya buntu ayashakwata ukwiluka ukulolekesha ukuciluka icipembe no kumona ifya musango filya ifibumbwa ifyapwililika ifyapulamo nga ba malaika. Elisha mucine alikwete ici cabupe kabili ifwe natukwata ilyashi lye pepo lyakwe umo ena alombele ukutila amenso ya mubomfi wakwe yengesulwa pakutila ena, nao, engakwata ukumona ibumba lya mu mulu ilyakwa Shikulu.

“Kabili Eliya alipepele, kabili atile, Shikulu, ndelomba kuli imwe, isuleni amenso yakwe, pa kutila ena engamona. Kabili Shikulu aliswile amenso ya mulumendo; kabili ena alimwene: kabili, moneni, impili shaliswilemo bakabalwe na baceleta ba mulilo ukushinguluka Elisha.” (2 Ishamfumu 6:17)

Kwalibako amalyashi ayengi ayalembwa ilyo abantu tabalaya ukufuma muli ili sonde, balimona ba malaika abapyungila. Mucine ukufuma ku mashiwi yakwa Yesu, caba umo pa milimo iya fibumbwa fyaba malaika ukutwala umupashi wa muntu, ilyo washa inga'nda yaiko ileonaika iyeloba, ukuya mu Paradise (Luka 16:22). Cilemoneka ukutila ilyo amano ya muntu yonse yafilwa, amano aya mupashi yalesa mukuletwa ku mweo kabili yalaba ayalinga ukupela ubunte ifintu ifyo abena kufwa bonse tekuti bacite.

## IMBILA YAKWA MALAIKA KULI MUNYINA BRANHAM

Malaika alilandile na Munyina Branham mu nshita ya cipempu cakubalilapo pali nalimo hafu wa ora. Ifwe tuleisa mu nshiku sha Baibele nakabili, kabili ukwabula ukutwishika kukabako ifingi ifya busokololo ubwakupapusha ilyo nshita ileya pantanshi. Palwa fipempu fya musango ifi kuliko icishinka cimo ico caba ica cine. Malaika wakwa Shikulu

takatale ukusokolola icintu icili conse kano ico icisuminishanya filya fine fye na Malembo. Mucine ifwe tulebwa ukubike Cebo cakwa Lesa pa mulu wa ma busokololo aya ba malaika, ngefyo Satana aishibikwa ukumonekela nga malaika wa lubuuto. Lelo mupashi wa bufi uleshibikwa bwangu bwangu ku mano ya bumupashi. Satana ni wishu wa bufi, kabepa umwine mwine, kabili ena tekuti ailangishe inshita itali ukwabula ukubepa ubufi atemwa ukulanda amalyashi ayo ayapilibula, kulandila mumbi, ukukana, ukufumyako atemwa ukulundako ku Malembo. Ukulanshanya kwakwe ukwakubalilapo na membala wa mutundu wa bantunse, Efa, asangilwe ukulanda kwakwe ubufi ubwine bwine. Nangu cibe fyo, ifyacitike ifyacipempu cakwa malaika kuli William Branham kwalimya bwino bwino amatamba yakupuputulwa ayo ayaumfwika isonde lyonse, kabili impela tailati ise. Ifwe nomba twalaleka Munyina Branham alande lyashi mu mashiwi yakwe umwine umusango uo malaika amukumenye wene, alandile kuli wene, no kumweba wene ifintu ifyo fyakumine ku mulimo uo Lesa amwitileko kucita:

\* \* \* \* \*

Ningile ukumweba pali malaika kabili no kwisa kwa Cabupe. Nshakatale ukulabako nshita, May 7, 1946, inshita iyawamisha nganshi mu Indiana, uko nali ncili ndebomba nga Game wadern. Ine naishile ku nga'nda ku cakulya ca kasuba, kabili nalepita fye ukushinguluka inga'nda ukufumyako imfuti yandi, ilyo munandi watemwikwa nganshi Prod Wiseman, munyina undishishako piano mu chalichi, aishile kuli ine no ku nomba ukuya ku Madison pamo nankwe lilya mucungulo. Nalimwebele cali icishingacitwa pantu nali no kuya mukulonda, kabili ilyo naleenda ukushinguluka inga'nda mwisamba lya cimuti ca maple, camoneke ukutula pa mulu ponse apa cimuti pali apa putaika. Camoneke kwati icintu cimo calikile ukupita pali cilye cimuti kwati icipupu icikalamba ica mwela...bena babutukile kuli ine...Umukashi wandi aishilefuma mu nga'nda no mwenso, kabili alinjipwishe ine ico cali icalubana. Ukwesha ukutekanya ne mwine, nalikele panshi no kumweba ukutula panuma yonse iyi myaka amakumi yabili iyakuba uwailuka pali iyi myumfwile iyaibela, inshita yalishile ilyo ine nali no kuyasanga ifyo cena conse cali. Ubwafya bwalishile! Nalimwebele no mwana wandi shalenipo, no kumusoka ena ukutula nga ine nshakabwele mu nshiku shinono, nalimo ine limbi nshakatale ukubwela.

Lilya mu cungulo nalile ku ncende iya mu bumfisolu mukupepa no kubelenga Baibele. Naishileya sana mu mapepo; camoneke kwati umweo wandi onse kuti wafuma muli ine. Nalilile kuli Lesa...Nabikile icinso candi pa mushili... Nalilolekeshe pa mulu kuli Lesa no kubilikisha, "Nga imwe

muli no kumbelela uluse umusango nacitilamo, ine nkesha ukucita bwino. . . Njeleleniko kutila naba uwakukana posako amano yonse iyi myaka mukubomba umulimo mwalefwaya ine ukucita. . . Bushe imwe kuti mwalanda kuli ine mu musango umo, Lesa? Nga imwe tamulengafwilisha, ine tekuti ntwalilile.”

Elyo mulya mu nshita ya bushiku, pali nalimo ora iyalenga ikumi limo na cimo, nalilekele ukupepa kabili nalikele ilyo namwene ulubuuto ukubyasha mucipinda. Ukutontonkanya umo muntu aleisa ne nyali, nalilolekeshe ukufuma pe windo, lelo tapali nangu umo, kabili ilyo nalolekeshe kunuma, ulubuuto lwalesalangana panshi, ukulakulilako. Nomba ninjishiba ici cileumfwika iceni nganshi kuli imwe, ngefyo cacitile kuli ine naco. Ilyo lubuuto lwalesalangana, mucine naishilesansamuka kabili natendeke ukufuma ku cipuna, lelo ilyo nalolekeshe pa mulu, palya palilebele lulyo lutanda ulukalamba. Nangucibe fyo, lwena talwakwete utusonshi tusano ngo lutanda, lelo lwamoneke nganshi ngo mupila wa lubuuto atemwa lubuuto ukusanikila panshi. Lilya line fye naumfwile umo muntu ukwenda ukuya panshi, ico campapwishe nakabili, ngefyo nshaishibepo nangu umo uyo wingalaisa kano fye ine wine. Nomba, ukwisa ukupita mu lubuuto, nalimwene inkasa sha mwaume ukwisa kulola kuli ine, ngefyo mu cifyalilwa ngefyo imwe mwingenda kuli ine. Ena amoneke ukuba umwaume uyo, mukufina kwa buntu, kuti afina nalimo ama poundi imyanda ibili, afwele umwingila uwabuta. Ena alikwete icinso icatelela, ukwabula umwefu, imishishi ishafita ukufika pa mapeya yakwe, ntile uwamimonekele iyafita, ne cinso icalemoneka bwino sana, kabili ukulaisa mupepi, amenso yakwe yalolekeshenye na yandi Ukumona ifyo nali no mwenso, ena atendeke ukulanda. “Witina. Nintumwa ukufuma mu mulola wakwa Lesa Impalume ukukweba ukutila ubumi bobeb ubwaibela kabili ne misango yobe ishailukwa yaba ukulangisha ukutila Lesa alikutuma iwe ukusenda icabupe icakundapwa kwa bulesa ku bantu ba mwisonde. NGA IWE ULI NO KUBA UWABUFUMACUMI, KABILI KUTI WALENGA ABANTU UKUCETEKELA IWE, TAKULI NANGU CIMO ICIKEMININA KWIFEPO LYOBE, NANGULA NI MPWALONDA.” Amashiwi tekuti yalondolole ifyo naumfwile. Ena alinjebele ifintu ifingi ifyo ine nshikwete incende yakulembelapo pano. Ena alinjebele ifyo nali no kwishiba amalwele kufyakufuluma pa kuboko kwandi. Ena alile, lelo nali mumona wene nshita ishingwi ukutula lilya. Ena alimoneka kuli ine umuku umo atemwa imiku ibili mukati ka myeshi mutanda kabili alilanda na ine. Inshita shinono ena alimonekela palwalala mu mulola wa bambi. Ine nshaishiba ifyo ena aba. Ine naishiba fye ukutila ena ni nkombe yakwa Lesa kuli ine.

No kukanasosa, nalitendeke ukupepela abantu abalwele. Ine nshilumbula ukusenda icifulo cakwa doctor. . . Nalishiba

ukutula doctor abelapo kukwafwilisha icifyalilwa, lelo bena baba fye abaume... Lesa ni Mpalume. Ifintu ifikalamba ifyo fyacitika muli iyi myeshi fili ifingi sana ukutala ukulembwa, lelo Lesa nashininkisha amashiwi yakwa malaika inshita ne nshita. Ba nkomamatwi, ba cibulu, impofu, imisango yonse iya malwele yalyundapwa, kabili amabunte amakana yalilembwa nelelo. Nshakwata amaka ayali yonse ayandi ne mwine ukucite ci... Ndi muntu ushakwata amaka mpaka naumfwa umulola Wakwe. Abantu abengi abo abasangwako kuli uku kulongana balishiba ukutula amalwele yabo ne membu fyalilandwa kuli bena ukufuma fye ku ntanshi. Mutemwikwa we ulebelenga, napapata wiba uwakukana iluka ukwandi ukubusu, umusango wakukana sambilila uwakwasha ukuleta fyonse fi kuli iwe. Ndesosa cena pa kutila iwe limbi kuti wakwata ukwiluka ukwapwililika ifyo wingakwata ishuko pa cabupe cakwa Lesa. Ena alinjebele ine ukuba uwabufumacumi no kulenga abantu ukucetekela, kabili cilya eco ndeesha ukucita. Lesa lyonse alikwata icintu cimo atemwa udo muntu uwakubombelamo, kabili ine ndi fye cibombelo icilebomfiwa na Wene. Takuli umwinakufwa uyo wingatashiwa pa kubomba icipeshamano, kabili ndi fye umwinakufwa. Nshishibe inshita ntali Lesa ali no kusuminisha ukucita ici, lelo ku nkumbu Shakwe, ndefwaya ukumubombela Wene mubusuma ubo naishiba ukubombela abantu Bakwe ilyo lyonse ilyo Ena alensuminisha ine ukuba no mweo.

\* \* \* \* \*

Kwaliko ifintu fimo ifyo malaika aebele Munyina Branham pali iyi nshita iya cipempu icikankala ico calandwapo ukufuma inshita ne nshita mukushimikila kwakwe. Cimo pali filye fintu cali pa fishibilo fibili ifyo fyali no kupelwa kuli wene. Nge fyo cilumbwilwe kale, icishibilo cakubalilapo, te cakundapa, cali icabupe mukuboko kwakwe ukwa ku ku kuso; ku maka yakwa Lesa, ne ci ca bupe ena kuti alingulula atemwa ukwishiba amalwele ayo abantu bakwete. Ici cishibilo cakupapusha kuti caleta mucikulwa pa citetekelo ku lukuta lonse. Elyo kwali no kupelwa icishibilo ca cibili, pa kutila nga bena tabakatetekele ica ntanshi, bena kuti batetekela icacibili. Ici ciletwibukisha ilyashi lyakwa Mose, uyo nao apelwe ifishibilo fibili, pakutula nga abantu tabatetekele ica ntanshi, bena kuti batetekela ica cibili. (Ukufuma 4:1-8)

Nomba ici cishibilo ca cibili, ukulingana na malaika, kuti caba icabupe ico cingasuminisha Munyina Branham ukulingulula amatontonkanyo ne milimo mu bumi bwakale bwa ulya muntu. Inshita shimo ubusokololo kuti bwaisa pa cintu cimo icacitike mu bumi bwa muntu ico ulya fye eka umuntu aishibe umwine, kabili ukusokolola uko kwingakosha nganshi icitetekelo ca muntu. Ifwe limbi kuti twalunda ukutula



*ulubembu ululi lonse ulo ululi pe samba lya Mulopa talwakatale ukusokololwa, kano mu mulandu icintu califimbilwepo kabili no kukanatumbulwa, cena cali no kuletwa kulubuuto ukupitila muli ici cabupe, e ico ilingi line ukuleto muntu ukulapila lilya line. Ifwe twalimona ukubomba kwa filye fishibilo fibili, kabili kuti nasosa no kushininkisha ukukalamba ukutila ukumoneka kwa ifi fyabupe fyabe fyapwililika nge cili conse icabombwapo no muntunse. Icishibilo cakubalilapo calipelwe lilya line fye panuma ya cipempu. Icishibilo ca cibili calilengwa ukumoneka muli bukapyunga bwakwa Munyina Branham mukupashanya ili line.*

Mu kwampana ne ci cishibilo, malaika alilandile ili lyashi ilikankala—ukutila amatontonkanyo ya bantu yalalandikisha mu mulu ukucila amashiwi yabo pesonde. Ifyo kwaba ukukonkomesha kwakatina uku kuli, kabili ifyo mukwangufyanya cena cili ukutila ifwe bonse tulingile twaba ababufumacumi nganshi kuli Lesa, no kwikala abatekanya, ubumi ubwacishinka mukatina kakwa Lesa.

Nalyo line icintu nacimbi ico malaika asosele cali cakutila Yesu ali mukwisa ili line, kabili ukutila uyu mulimo wali umo uwafishibilo ifyakupalama kwa kwisa Kwakwe; ukutila nga Munyina Branham engaba uwacishinka kuli ubu bwite, ifingacitika pali cena kuti fyafika kwisonde lyonse kabili kuti fyatenkanya inko. Mukulekelesha, malaika asontelele ukutila kuli ifi fishibilo Lesa aleita abantu bakwe bonse capamo mukwampana kwa Mupashi, ukutila bena balingile ukuba no mutima umo kabili abacumfwano.

Ifingi fili no kulandwapo pali ici cipempu cakwa malaika kabili ne fyakonkelepo mu cipandwa icilekonkapo, ilyo tuleumfwa kubunte ubo ubwisa ukufuma ku bantu aba mu lukuta lwine ulwa kwa Munyina Branham.

*Icipandwa ca 10*

## Ukutendeka ukwa Bukapyunga Ubupya

Panuma yacipempu cakwa malaika, Munyina Branham abwelelemo ku nga'nda yakwe. Pa Mulungu icungulo bushiku alilandile mu tabernacle yakwe ku Jeffersonville. Abantu aba mu lukuta lwakwe balicetekele muli wene kabili bali mutemenwe. Cali kuli bena ifwe tuleya pali iyi nshita pa kutwalilila kwe lyashi lyesu pa fintu ifyacitike ifyo fyali nomba ukufimbulwa bwangu bwangu kabili kuti fyabika Munyina Branham pa cifulo ica bukapyunga ubwa nko yonse.

\* \* \* \* \*

Ifimonwa ifingi fyalipelwa kuli Munyina Branham mu mwaka uwafumineko ilyo ena ali na ifwe, kabili fyonse muli fyena fyalishininkishiwe ukuba ifyacishinka ku menso yesu yene. Lelo Icabupe icaibela ica Kundapa, ico ena apokelele mu nshita ya cipempu cakwa malaika, ena alibilishe inshiku fye ishinono ilyo ena talatusha ifwe ukuya ku St. Louis. Ifwe pa Jeffersonville twalicetekela ukutula William Branham ni kasesema uwatumwa ukufuma kuli Lesa. Cimo pa fintu ifyawamisha pali munyinefwe caba cakutula ena alipetama. Ifwe twalimwishiba wene ukutula ilyo ena ali kasukulu, kabili cena cishinka ukutula ena lyonse alikala ubumi ubwasanguluka, ubusuma, ubumi ubwa mutelelewe, kabili lyonse amoneka ukuba uwapusana panono. Mwebengi muno mwalimona ifi fyacitike umu Lesa aba alefimbula inkama Shakwe, shimo isho shaba sana atemwa panono ishafiswa ukutula mu nshiku sha Butumwa.

Panuma ya kupilibulwa kwakwe ilyo ena atendeke ukushimikila kuno, ifwe twakulile itenti ilikalamba ilyakwe kabili abantu baishile ukufuma ukutali na mupepi. Pa musonkano wakwe uwakubalilapo bamo abantu amakana yatafu balisangilweko ku kumfwa ilyashi ena abilishe ilyakwa Yesu wa ku Nasareti. Ifwe twaishileishiba lyena ukutula Lesa ali mupele wene fimo ifyakupapusha ifyaibela, lelo ifwe tatwaishibe fye ifyo cena cingaba. Ifishibilo ifingi ne fipapwa fyalemukonka wene mu nshiku shakubalilapo isha bukapyunga bwakwe, ifyo fingelukwa ku bantu abaisushiwa fye na mupashi. Ifwe tucili tulesunguka ifyo fikafumamo ifyo fikaba ilyo ifyacitike ifya ifi fintu yasalangene isonde lyonse, ukulakula nganshi kabili nganshi ilyo nshiku shileya.

Cali pa Mulungu uwa Cibukisho mu bushiku mu mwaka wa 1946, ukulanda mu tabernacle, ukutula ena alilandile pa

kukumana kwakwe na malaika, kabili ifyo malaika amwebele ena pa Cabupe ca Kundapa ico ena ali no kusenda ku bantu ba mwi sonde, ukutula abantu amakana ayengi bali no kwisa kuli wene ku kundapwa, kabili kutula ena ali no kwiminina ku cinso ca makana mu fikulwa ifyaisula.

Nomba ku muntu wa mano ya buntunse ici camoneke icishingacitwa mucine, ilyo uyu mulumendo ali umubomfi uwapetama, umusango wa mubusu umulimi umunono, kabili ushasambilila. Lelo ifwe twalimona ifimonwa fimbi ifyakwe ukufikilishiwa, kabili ena alandile ici mucishinka nganshi, kabili palwalala abilishe cena kuuli onse, ukutula ifwe twali abashininkishi ukutula ici cali no kufikilishiwa naco. Ena nacimbi alandile ukutula malaika alilandile kuli wene ukutula ena kuti aba uwakulingulula ubulwele ku maka ayakupapusha, kabili elyo nga ena kuti aikala uwapetama ukutula ena kuti aba uwalinga ukulingulula amatontonkanyo ya mitima ya bantu no kubeba pa bumi bwabo ubwakale, kabili ukutula abengi tabali no kumwiluka wene. Malaika nakabili alimwebele ukutula uyu wali Mupashi wakwa Kristu ukubombela muli wene, ukutula ena alitilwe ukufuma kukufyalwa pali ili pange, kabili ukutula nshiku shakulekelesha shali pano; ukutula ici cali icishibilo ca nshiku shakulekelesha, kabili kuli ici cabupe Lesa aleita abantu Bakwe bonse capamo mukwampana kwa Mupashi.

Ifwe twalishibe ukutula ifi fishibilo fyali ifya mu malembo kabili ifwe twalibukishe umusango uo Yesu Kristu, ilyo Mupashi wali pali wene, aebele Nathaniele ukutula Ena alimumwene mwisamba lya muti wa mukunyu ilyo Filipi talati amwite, kabili kuli ici cishibilo Nathaniele alishibe ukutula Yesu ali Mwana wakwa Lesa, Mesaya uwa Israele. Nacimbi ilyo mwanakashi waku Samaria aebelwe na Kristu pa balume bakwe basano ena alibutukile mu musumba atile, “Iseni, mumone umwaume, uyo wanjebele fintu fyonse ifyo natala kucita: bushe uyu te Kristu?” Kabili na cimbi Mose, kapokolola umukalamba uwa Bana ba Israele, alilingilwe kabela na Lesa kabili alifyelwe mu musango uwaibela. Satana alyeseshe ukumonaula ena kabili panuma ena alipelwe ifishibilo fibili panshita iya kupokolola pakutula abantu limbi kuti bamwishiba wene ngo utuminwe na Lesa pali uku kupokololwa. Nomba nakabili malaika atile ukuti ifi fishibilo fyapelwe kuli wene pakutula abantu bengatetekela pali Yesu Kristu, ulya uo atemenwe. Nacimbi bena balipelwe pe pange ilyakuleta capamo ulukuta lonse ukutula abantu tabalingile ukupatululwa ne fisumino kabili ne filonganino. Mucine umutima wakwa Muniyina Branham uleya kuli bonse kuli ba muniyina bakwe abo abaiapatulula abene kuli umo no mubiye.

Ena atetekela ukutila Lesa akaleta bonse capamo bonse balya aba lukuta Lwakwe mukwampana kwa Mupashi kabili elyo Yesu akeshila ulukuta Lwakwe.

Ifwe twalitetekela ukutila ubumi bwakwa munyinefwe kuli bwapashaniwa kuli Mose uwa kale. Munyinefwe alipetama nganshi kabili tailumbula ukuba umuntu umukalamba. Ena tasenda ubukata ku mwine, lelo apela ukutasha konse kuli Yesu Kristu uyo wa mupuswishe no kumwita wene.

## TELEGRAM YAFIKILE ILYO KULONGANA KWALECITWA

Pali iyi nshita ya bushiku pa Mulungu panuma ya kumoneka kwakwa malaika kuli Munyina Branham, ilyo ena alelanda mu tabernacle ku Jeffersonville, umo muntu alishilemo no kumupela wene telegram. Yena yafumine ku St. Loius kabili yamwebele wene ukwisa no kupepela umukashana, uo ishina lyakwe lyali Betty Daugherty, uyo waelefa. Ilyashi pali ifyo fyacitike lyalile ukufika na ku St. Louis, kabili nombamba ena alilombelwe ukuya kuli ubu bwite. Ena alebomba cila bushiku ukupanga ubwikashi, kabili ena takwete ndalama ukutwalilila, e ico ifwe twalibulile umusangulo pali ili pange. Ifwe twasendele ndalama ishalinga ukulipilila ubulendo bwakwe ukuya no kubwela ne shitima. Ena alyashime ifya kufwala fya suti ukufuma kuli umo uwa ba munyina, kabili ikoti ukufuma kuli munyina umbi, kabili mupepi pakati ka bushiku ifwe twali muninike pe shitima ku Louisville, Kentucky, uko ena atendeke ukuya ku St. Louis.

## UKUNDAPWA KWA KWA BETTY DAUGHERTY

Mu nshila mulya ena amoneke ukuba uwa mutende nganshi, ukwishiba ukutila Lesa tamufilwe ena. Ilyo afikile pa citesheni pa St. Louis ena balimuposhe kuli Rev. Daugherty, kacema mu musumba, uyo wa mwitile ena ku kupyungila ku mwana mwanakashi wakwe umunono, uyo walele mukufwa no bwafya ubwabulo kwishibikwa. Ba shinga'nga abaishibisha aba mu musumba balitilwe kabili bena bonse fye balifililwe ukusanga ubwafya bwakwe. Munyina Daugherty atile ne shiwi lya nakuka, "Ifwe natucita fyonse ifyo twaishiba ukucita; ba shinga'nga besu na bacita ifyo fine. Ifwe twalipepa no kupepa, kabili abengi bakapyunga ne nkuta sha mu musumba balilekele kulya no kupepa, lelo tapalemoneka nangu cimo." Lyena Munyina Branham aendele pamo na wishi kunga'nda yakwe uko mwana uwalefwa alele. Ena ali muposhe kuli nyina na shikulu wa mwana. Ifibusu ifingi fyali mu nga'nda ukupepa pali ilya nshita. Ena alolekeshe pa mimonekele iyabipa, kabili abafyashi abanaka balilolekeshe pali wene nganshi kwati ngo kusosa, "Bushe tekuti mutwafwilishe?" Ifilamba

fyalikonkolweke pamasaya yakwa munyinefwe ilyo alesela panono panono ukuya pa busanshi. Ifyo cali icikope ca bulanda ukumona umukashana umunono uwa mishishi ishakakwa, tali nangu cimo kano fye inkanda na mafupa, ukwikatilila pa cinsu cakwe icinono nge nama. Ena alebilikisha pa mulu we shiwi lyakwe, ilyo pali ilya nshita lyali ilyakoma nganshi pantu ici calitwalilile pa myeshi itatu. Munyina Branham alifukeme mucipinda no kupepa pamo na bonse abashala. Lelo panuma ilyo kupepa kwacitilwe, nalyo line umwana tali bwino.

Munyina Branham lyena alilombe incende ishakwete icongo ukuyapepelako eka, pakutila ena engamona ifyo Yesu Kristu engapela ena ifyakucita. Ena alishibe ukutula palwakwe umwine ena tapali nangu cimo ico engacita. Imwe muleibukisha ukubelenga mucipandwa ica Cisano icakwa Yohane ilyo Yesu aundepe umuntu uwalemana pa Cishiba ca Besaida kabili ashile amabumba ya filema ne mpofu na ba makunkuntu ukwabula ukubondapa, Ena atile ku baYuda, “Mucine, cine, ndetila kuli imwe, Umwana tekuti acite akantu mu mwine kano ico amona Tata alecita, pantu fyonse ifintu ifyo ena acita, ifi nafyo efyo Mwana acita.” Ici cishinka muli bukapyunga bwakwa munyinefwe. Ilingi line ena alamona icintu ku cimonwa. Cena ntanshi cilalangishiwa kuli wene na Lesa kabili lyena ena abomba fye ubwangalo ubo ena amwene.

## UKUPOKOLOLWA KWAISA!

Bena balimutwele kulya ku chalichi. Pama ora yamo yatatu, Rev. Daugherty, ba wishi na Munyina Branham balipepele. Panuma ya ici bena baishilebwela ku nga'nda ukusanga icikope umusango umo wine nga kale. Munyina Branham lyena alile mucipinda palwakwe ukuyapapatila umwana. Lyena ena kuti aenda uku no ku mu musebo, kabili mukulekelesha ena aikele muli motoka yakwa kacema iyo yabikilwe mupepi. Panuma yakashita icibi ca motoka caliswike kabili Munyina Branham aishilefuma ukuya ukulola ku nga'nda, iyi nshita no kulolekesha nganshi. Icintu cimo nacicitika! Ena bali mukumenye pa mwinshi kuli wishi kabili na shikulu wakwe, abo, mukulekelesha umuku umo pa cinsu cakwe, balishibe icintu cimo calicitike. Ena alibepwishe, “Bushe muletetekela ukutula ine ndi mubomfi wakwa Lesa?” “Ee,” kwali ukubilikisha kwa lupwa. “Lyena citeni ngefyo ndemweba, ukwabula kutwishikapo nangu cimo.” Kuli nyina ena atile, “Mbulilako na pani na menshimo ayasuma, kabili ne nsalu iyabuta. Umwana obe alaba no mweo pantu Lesa natuma malaika wakwe kuli ine no kunjeba ukutula umwana obe alaba no mweo.”

Ilyo banyina balesenda amenshi, ba wishi na bashikulu bakwe balibepwishe ukufukama, umo ukwa kulyo kabili umbi ukwa kuso kwakwa Munyina Branham pa mbali ya

busanshi. Ilyo ba nyina baishilebwela bena balibepwishe ukufimba insalu iyabomba pa cinso cakwe, elyo na maboko, elyo na makasa lintu Munyina Branham alepepa. Elyo atile, “Tata, ngefyo munangishe ifi fintu e ico ni ncita ukulingana ne cimonwa ico imwe mwampele. Mwi Shina lyakwa Yesu Kristu, Umwana Wenu, ndebilisha uyu mwana ukundapwa.” Umupashi uwakowela wafumine pa mukashana lilya line fye. Ena ali muntuntulu, umwana wa bumi busuma ukwikala mu cifulo cimo cine ilelo. Abantu ba mu musumba baile kuli Munyina Branham lelo ena alifumineko mwine, ukulaya ena ali nokubwelelamo panuma, cilya ena alicitile, mukati ka milungu inono.

### UBUNTE BWAKWA WISHI—REV. ROBERT DAUGHERTY

“Umukashana wesu umunono, Betty, alelwala pa myeshi itatu. Ifwe twalikwete ba doctor babili abaishibikwa aba mu musumba, lelo camoneke bena balifililwe ukusanga icalengele ukulwala kwakwe. Ifwe na cimbi twalikwete bakapyunga abengi abaishibikwa aba mu musumba no ukushinguluka inko, ukupepela wene. Ena panono panono alwele ukucila. Elyo ifwe twalitumine ku Jeffersonville, Indiana, ku mwaume we shina lyakwa Rev. William Branham, uyo uwakwata icabupe icakundapwa kwa bulesa. Munyina Bill, nge fyo ena etwa, alishile kuli ifwe ilyo line. Panuma ya maora ya kupepa, ena alishilemo no kutweba ifwe ukutula Shikulu ali mulangishe wene icimonwa pa fyakucita pali Betty wesu umunono. Ena ali fye nkanda na mafupa kabili aletenkana inshita fye yonse kwati alikwete ulukanko. Munyina Bill alitwipwishe ifwe nga kuti twacetekela Lesa kabili ifwe kuti twanakila ifyo Ena asosele kucita. Panuma ilyo ena apepele no kulumbwila pali ena Ishina lyakwa Yesu, umukashana wesu munono alyundepwe lilya line. Cilya caba nalimo imyeshi mutanda iyapitapo. Betty wesu munono ali nomba mu bumi busuma kabili ali uwaina nge fyo engaba. Ndi no kuba uwansansa ukulembela uuli onse ukwete ilipusho pa kundapwa kwakwe, atemwa ukundapwa ukuli konse uko kwacitike mu nshita ya kupuputulwa uko Munyina Branham akwete kulya mu St. Louis mu 1946.”

Rev. Robert Daugherty,  
2009 Gano Ave.  
St. Louis, Missouri





*Icipandwa ca 11*

# Umusonkano Wakwe Uwakubalilapo Uwakundapa ku St. Louis, Missouri

Pa bushiku bwapa 14 mu June, 1946, Munyina Branham, ulupwa lwakwe, na ba nkashi babili ukufuma mulukuta lwakwe bafumine mu Jeffersonville ukuya ku St. Louis uko ena aleya mukutendeka umusonkano wakwe uwakubalilapo uwakundapa. Lwali lucelo lusuma kabili balimbile nyimbo sha mbila nsuma ilyo bali mu nshila pa bulendo bwabo.

Ne nshita yafolokoloko baishilefika mu Musumba wa St. Louis, uko ibumba lyateyanishe libela ukukumanya Rev. Daugherty pa mpela ya bukalamba Ubulalo bwa McArthur ubo ubuciluka Umumana wa Mississippi. Motoka yakwe yali kulya, napalembwa ne fishibisho ifya kupuputulwa ukwaleisa. Munyina Daugherty alibakumenye bena no kubasenda ku nga'nda yakwe. Ibumba kwali ukuliposha ku lupwa, ukubikapo na Betty umunono, uyo uwaundepwe inshiku ishinono kunuma. Ilya nshita ya cungulo bushiku bena bonse balile kwi tenti ilikalamba uko Munyina Branham ali no kushimikila. Ilyo ena alelondolola ku lukuta ifyo Lesa amucitile ena, abantu balekutika no kusekelela ukwine kwine no kuposako amano. Abantu ikumi limo na cinekonse konse balipepelelwe ilya nshita ya bushiku. Pakati ka aba pali umwaume uyo wali uwalemana pa myaka. Panuma ipepo lyapelwe mwi Shina lyakwa Yesu, ena alimine no kutote ndupi shakwe kabili alyendele ukwabula ukwafwilishiwa. Umuntu impofu alyundepwe kabili abengi balikwete amatwi ayakoma ukwisulwa.

Ulucelo lwakonkelepo Munyina Branham alipushiwe ukutuma lamya ku mulwele mucipinda camashilu ica mu Cipatala ca St. Louis. Umwanakashi uwapena aishilebwekeshiwa ku butuntulu kabili panuma baishilemufumya. Bena balyenseshe ukuya ku Musumba wa Granite, Illinois kabili basangile umwanakashi uwalefina nalimo amapound 83 uwalecula ne mpwalonda. Panuma yakupepelwa Lesa akumishe umubili wakwe kabili ena aishileipushiwa lilya ukufwala no kuya ku nga'nda. Pa nga'nda imbi iyakonkelepo iyo bena bapempwile kwaliko na mayo uyo wakwete ubulebe kulubali lwakwe ulwa ku kulyo mupepi fye no mwaka. Munyina Branham ali mupepelele ena kabili elyo alimwebele ukwima mwi Shina lyakwa Yesu Kristu. Ena

alinakile kabili lilya line aimishe ukuboko kwakwe ukwa ku kulyo pa mulu wa mutwe wakwe no kwiminina eka. Elyo ena alyendele uku no ku mukati ka cipinda, ukutote ndupi shakwe. Ishiwi lyakwe, ilyo lyakomene, lyalibwekeshiwe, kabili ena aishiletendeka ukulanda.

Ilyo ibumba lyabwelele kwi tenti ilya nshita ya cungulo bushiku bena basangile yena ilyaisula. Abengi baiminine panse mu mfula kabili bambi bali muli ba motoka ababikilwe mupepi. Nakabili ukulongana kwali ukwapalwa, ne mpendwa ya kundapa ukusuma uko kwacitike.

Ilyo kulongana kwatwalilile cila nshita ya bushiku ifipeshamano nangula ifyapulamo nganshi mu mibele fyalicitike. Imfula iya maka iya mufumbi yaleloka, lelo yena tayacingile abantu ukukana bako mukulongana. Bena balitelete amapepala ye lyashi ayakale pamo nabo kabili babomfeshe yena ukufimba ifipuna ifyabomba. Ifipuna ifingi fyalipelwe, kabili ifi fyaliswile bwangu bwangu na bengi bashele na beminina.

Pa Mulungu inshita ya cungulo bushiku kapyunga umusweshi, uyo uwali uwapofula umupwilapo amenso yakwe yabili no kwishibikwa ku bengi mu lukuta, alishile kuntanshi kukupepelwa. Panuma ya mapepo Munyina Branham aikete ukuboko kwakwe, kabili umwaume umusweshi alibilikishe, “Reverend, ndemona ukuboko kobe.” Elyo ena alolekeshe pa mulu no kumona inyali. Ena alibilikishe, “Shikulu alumbanishiwe, ine kuti napenda inyali mu ncende kabili kuti namona uko shena shabikwa.” Abantu balicindike Lesa pali ici cipeshamano icikalamba, pantu abengi muli bena balishibe uyu kapyunga umusweshi ukuba uwapofula mupepi ne myaka makumi yabili.

Umwanakashi ilya nshita ya bushiku uyo wakene ubwite bwa Mupashi alifuminemo mukulongana, lelo aile fye intampulo ishinono ilyo ena acushiwe no kwikatwa kwa mutima kabili alinenwike kumbali ya musebo mupepi ne cikulwa cabwalwa. Munyina Branham alile kulya no kumupepelela ena, panuma ena alimine no kuyebelela ifyo ena akene ubwite bwakwa Lesa ku mutima wakwe.

Ukulongana kwabikilwe fye pa nshiku shinono, lelo nomba bakapyunga abengi aba mu musumba baishile ku cipinda uko ena ali, ukumukonkomesha wene ukutwalilila no kulongana pa nshita itali ukucila ifyo ena apangile. Panuma ya kufukama panshi no kwipusha Lesa ku butungulushi bwa Bulesa, Munyina Branham atile ukuti Shikulu ngasuminisha ena ali no kutwalilila. Ukusekelela mukulongana kwalikulileko ukufuma ubushiku no bushiku, kabili bakapokola bamoneke ukumona ukutila fyonse fyali mubutantiko.

Ama bunte ya kundapa nomba yaleisamo. Umo uwakubalilapo ukupepelwa mu musonkano ali ni namayo

munono nalimo imyaka yakufyalwa amakumi cinelubali, uo ibumba lyamwene alikwete mpwalonda pamona wakwe nalimo icipimo icelini ilinono. Nomba, ukukanacila umulungu panuma, ena aishilebwela ukulanda ukutula yena yalile. Nayambi ayengi amabunte yalipelwe. Mucine ubunte bwa munono Betty Daugherty, uyo walangishe ukutula ena ali nomba umutuntulu kabili bwino, bwali ubwa kusansamusha nganshi. Kapyunga uyo walefilwa ukwimya amaboko yakwe alipepelwe. Ena lyena alimishe amaboko yakwe mu mulu nokulumbanya Lesa. Abengi ba nkomamatwi nabacibulu balyundepwe mu misonkano nokulangisha ukutula bena kuti baumfwa pa kubwekeshapo amashiwi ku lukuta. Umwanakashi pakuba uwalinga ukwenda ukwabula inkonto alumbenye Shikulu. Umwanakashi uwalecushiwa no mubango uwauminina no kusobaula kwa mafupa alyundepwe ilyo line. Ena ali uwalinga ukwisula no kwisala akanwa kakwe ukwabula ubwafya. Kabili e ico kundapwa kwalifulile kabili kwali ukwabulo kupenda.

Ne mpendwa ikalamba iyakupepela yalefulilako cila nshita ya bushiku, Munyina Branham ilingi line alepepa mpaka 2 koloko mu lucelo. Ici mubutuntulu caishileba ulutambi kuli ena ukufuma ilya nshita ukutwalilila pa myeshi ingi. Efyo cali icikalamba icikuku cakwe pa balwele icakutula cali icakosa kuli kabila wa mbila nsuma ukusha abantu.

Umusonkano walitwalilile mpaka pa June 25. Ulucelo ulwakonkelepo ena alibwelele ku Jeffersonville, Indiana. Ena alipokelele telegram ku bafyashi ba mukashana umunono, abo abasosele ukutula umwana wabo umwanakashi ali umulwele nganshi. Ilyo Munyina Branham amoneke mucipinda ca mu cipatala ena ali mupepelele kabili Yesu akumishe umubili wakwe. Ena lyena alifwele no kuya kunga'nda, umutuntulu kabili uwaposhiwa.

Inshita imo panuma Munyina Branham alibwelelemo ku St. Louis ukuya landa mu Cikulwa ca Kiel pa kulongana kumo ukwa nshita imo iya bushiku. Bamo 12,000 baliswile muli cilye cikulwa icikalamba ukuya umfwa wene pali ilya nshita.



*Icipandwa ca 12*

# Ifintu Ifyakusansamusha Muli Bukapyunga Bwakwa Munyina Branham panuma ya Kumoneka kwakwa Malaika

Lilya line ukukonka ifyacitike ifya cipandwa cafumako ifishibilo fikalamba ne milimo iyapulamo iyakwa Lesa yatendeke ukukonka bukapyunga bwakwa Munyina Branham. Mukati ka myeshi itatu ifintu ifingi fyalicitike kulubali lwa cakupapusha icakutula ukupitulukamo kwa fyena kuti kwaisusha amabuku ayengi. Ifyo ilyashi lyaishileba ilyasalangana nganshi mukashita akanono cicili icakosa ukwiluka. Mukati ka myeshi mutanda abantu baleisa atemwa kulemba ukufuma kuciluka imipaka ya nko. Bamo balemumona wene mucimonwa kabili baleisa ku Jeffersonville kukwipusha nga cakutula kwaliko muntu umu uwa lilye shina kulya. Abantu ba mumusumba balebasontelela bena ku tabernacle. Lyena balya bantu abalesangwako kulya ne mitima iyansansa balebeba ilyashi. Ifwe twalalondolola ifinono ifya ifi fintu ifikankala ifyo fyacitike mukati ka myeshi inono iyakonkelepo.

## UKUBUSHA ABAFWA

Mukati ka nshita ya lusuba, Munyina Branham alilalikwe ku Jonesboro, Akansas, ku Baible Hour Tabernacle, uko Richard Reed ni kacema. Abantu balilongene ku musumba unono ukufuma mu mabuteko amakumi yabili na cinekonse konse na Mexico, kabili bamo abantu 25,000, balipendelwe, eko bali mukulongana. Bena baleikala mu matenti, ba motoka, ne fya kukulika kunuma, kabili bamo balelala muli ba motoka babo. Calandilwe ukutila kuntamfu yaba mailoshi 50 ukufika palya takwali umwakusendama mu hotel. Mu nshita ya bushiku bwakulekelesha mukulongana, lilyaline fye ilyo kabila wa mbila nsuma aishile kuntanshi, na makana abaisulamo no kushinguluka tabernacle, kensha wa ambulansi uwaiminine ukwa kulyo alibilikishe no kucebusha ku kutemuna amano yakwe. Ena atile, “Munyina Branham, umulwele wandi nafwa; bushe iwe teti wise kuli ena?” Umo muntu atile: “Kuliko mupepi abantu 2,000 abeminine pakati ka wene na ba ambulansi abasungilwe mu mulongo; ena tekuti aye.” Elyo abaume bane



aba maka balitampwile kabili ilyo batendeke ukusenda wene panse cali icikope icakutensha ukumona abantu ukusunka, ukweshwa ukupalama kuli wene.

Kabila wa mbila nsuma alisendelwe ku mulongo wa ambulansi, kabili mukati ka imo pali ba ambulansi ena alimwene ukufukama panshi umwaume mukote, ifyakufwala fyakwe ifyaga'mbikwa mu fifulo ifingi. Mu maboko yakwe ena aikete icisote icakale icalepuka icabililwe na katambo akakosa, kabili ena atile, "Munyina Branham, ba mayo na baya." Umuntu wakwa Lesa alyendele mupepi ku citumbi no kwikata ena kukuboko. Amenso yakwe tayalekapa kabili ena alilele tondolo kabili ukwabula ukupema. Munyina Branham, ilyo ena alebelenga pafya bulwele, alolekeshe kunuma pa mulume kabili atile, "Ena nakwata impwalonda." Umwaume alyaswike, "Cilya cishinka," kabili ukufukama panshi ena alitendeke ukulila, "Mwe Lesa, mbwesesheni ba mayo." Elyo bonse bali tondolo muli ambulansi pa nshita inono.

Icakonkelepo ishiwi lyakwa Munyina Branham lyalyumfwike lilepepa, "Lesu Impalume, Mwebene ba mweo wa muyayaya, Kapela wa fyabupe fyonse ifisuma, ndemulomba Imwe mwi Shina Iya Mwana Wenu Umutemwikwa, Yesu Kristu, peleni uyu mwanakashi umweo wakwe nakabili." Apo pene ukuboko ukwauminine kwaikatishe pa kuboko kwakwa Munyina Branham, kabili nkanda yakwe iyauminine pa mpumi yakwe yatendeke ukupange inkashi. Elyo no bwafwilisho ubunono ukufuma kuli Munyina Branham ena aishileikalala. Umulume uwapapushiwa alimwene ico cacitike no kukumbata wene kabili alibilikishe, "Mayo, ndetasha Lesu, imwe muli pamo na ine nakabili." Munyina Branham abwelele ku cibi ca ambulansi kukubwelela ku cintamba. Namutekenya wa ambulansi atile, "Mukwai, kuliko abantu abengi nganshi abeminine ku cibi icakutila tekuti cisuke." Lyena ena ali mufumishe panse ulubali lumbi, pa nshita imo ine ukwikatilila ikoti lyakwe ukulibika pe windo pakutila nangu umo emumona ilyo alepita.

## UMUKASHANA IMPOFU UYO WALUFISHE BAWISHI

Ilyo ena afikile pa cifulo caiswilemo abantu abaiminine mu mfula iyalesansa. Ena atendeke ukusunka inshila yakwe ukupita mwi bumba. Tapali nangu umo uwa bena abaposeleko amano pali ena pantu tabatala mumonapo. Akasuba no bushiku tabernacle yaleisula, kabili abanono balefuma mucikulwa kano fye cali pakushita umukate atemwa umulandu umo ukankala. Mukupumikisha fye ena aumfwile ukulila ukwabipisha, "Tata, tata," umo muntu aleita. Ukulolekesha pa mulu, ena amwene uwapofula umukashana umusweshi ukuipatikisha mukati ke bumba. Ena alilufishe ba wishu kabili tapali nangu umo

uwaleafwilisha ena ukusanga bena. Ici cikope ica bulanda cakumishe umutima wakwa kabila wa mbila nsuma, kabili ena atampwile mu nshila yakwe pa kutila ena enga mukumya wene. “Njeleleniko napapata,” eflyo asosele umukashana umusweshi ilyo ena ailwike ukutila na punka mu muntu umo. “Ndi mpofu kabili nalilufya batata kabili ine tekuti nsange nshila yandi ukubwelelamo kuli bus.” “Nikwisa uko ufumine?” Munyina Branham alipwishe. “Mfumine ku Memphis,” eflyo asosele. “Ni cinshi ico ulecita kuno?” Alipwishe. “Njishile mukumona kondapa,” ena alyaswike. “Musango nshi waumfwile pali ena?” “Ulu celo nacilaumfwa pa cilimba kabili nacumfwa abantu balelanda abo abafyelwe bankomamatwi na bucibulu. Nacumfwa umwaume uyo uwacisoso kutila ena afumine ku Missouri; atile ena alepoka pension ya mpofu pa myaka ikumi limo na ibili kabili nomba ena kuti abelenga Baibele. Mukwai, na be mpofu ukutula ilyo nali umukashana umunono; ifibubi fyalimpofwishe ine. Ba doctor basoso kutila fyena fyalipomba ukushinguluka umushipeshipe uwakumwenako uwe linso lyandi. Nga ena kuti aasha ukutumbula ine kuti naba uwabipishapo kabili isubilo lyandi lili ukuya kuli kondapa, kabili lyena Lesa ali no kung’undapa. Na banjeba ino e nshita yakwe iya bushiku iyakulekelesha kuno. Kabili bena baletila ine tekuti mpalame nangula ku cikulwa. Kabili nomba nindufya batata mwi bumba, bushe kuti mwangafwilishako ukufika kuli bus mukwai?”

Mucine umukashana pa kuba uwapofula ena tekuti amone uo alelandako kabili tapali nangu umo pa bantu abapaleme kuli ena bali tabalamumonapo nabo, kabili bena balisungwike ali ni nani uyu mwaume uyo waposele amano kuli uyu mukashana umusweshi. Elyo Munyina Branham atile ku kwesha icitetekelo cakwe, “Bushe ulecetekela filye fintu ifyo wacumfwa, maka maka ilyo ifwe twakwata abengi sana ba doctor abaishibisha ilelo?” Ena alyaswike, “Ee mukwai, ba doctor balifilwa ukuncitila icintu icili conse ine. Nalicetekela ilyashi lyakwa malaika uyo wa pempwile Munyina Branham ukuba ilya cine. Nga imwe kuti mwangafwilisha fye ine apo umwaume abelele, lyena ine nalaba uwalinga ukusanga batata.”

Ici calicililemo kuli Munyina Branham. Ena akontamike umutwe wakwe ilyo ifilamba fyalekonkoloka mu masaya yakwe. Elyo, ukwimya umutwe wakwe, ena atile, “Na mayo, nalimo nine wine iwe ulefwaya.” Lyena ena alimwikete wene mu nteneshi she koti lyakwe. “Bushe ni we kondapa?” Ena alibilikishe. Ne filamba filekonkoloka mu masaya yakwe, ena alilombele, “Mwi ncilila, mukwai. Kwatani uluse pali ine, umwanakashi impofu.”

Umo kuti aibukishiwa pa wapofula Fanny Crosby uyo walembele, “Mwi ncilila, Owe Mwe Katula musuma, Umfweni

Ukulila kwandi ukwa petama; ilyo muleita bambi, mwi nčilila.” Mucine ena alyumfwile abapofula bambi ukundapwa, kabili alishile ukucetekela ukutila nao wine kuti apokelela ukumona kwakwe nga ena kuti afika kuli Munyina Branham. Lelo alisosele kabila wa mbila nsuma, “Nshili kondapa, nine Munyina Branham; Yesu Kristu e Kondapa obe.” Lyena panuma ilyo aipwishe umukashana uwapofula ukukontamika umutwe wakwe, ena atendeke ukupepa:

“Shikulu, imo imyaka 1900 iyapitapo, ulwakale Ulupanda Ulwakalabana lwalepita mu misebo ya Yerusalemu, ukusenda ifishilwa fya nkasa ifya mulopa ifya uyo Uwasendele. Munshila ukuya ku Kalbale, umubili Wakwe uwa nakuka waliponene pa kufina kwa Lupanda. Elyo kulya kwaishile Simon wa ku Kurene, no kumwafwilisha Wene ukusenda lweni. Nomba, Shikulu, umo uwa bana bakwa Simon naiminina pano ukutalantanta mu mfifi. Ndi uwashininkisha imwe muleumfwa.”

Pali ilya nshita umukashana alibilikishe. “Ine limo nali mpofu; nomba ine ndemona.” Abantu abo abaleisa kuli Munyina Branham balepalama. Bonse abantu abali mu lubuuto lwa malaiti lyena balishibe uyu mwaume wacaice nga Munyina Branham. Ilyo bena babutukile kuli wene na cimbi icintu ica kwensha umutima calicitike. Umwaume umukote no kulu ukwanyongana, ukushintilila pa nkonto, alemona ici cacitike, kabili ena alibilikishe, “Munyina Branham, ninkwishiba iwe; ninjiminina muli iyi mfula pa ma ora cinekonse konse, kwateni uluse pali ine!”

“Bushe ulecetekela no kunsumina ine ngo mubomfi wakwa Lesa?” Bali mwipwishe. “Ndecita.” Ena alyaswike, “Kanshi mwi Shina lyakwa Yesu Kristu, Umwana wakwa Lesa, iwe naundapwa! Iwe kuti waposi inkonto shobe.” Kabili lilya line ukulu kwakwe ukwanyongana kwalyololweke. Ukutoloka kwakwe no kupunda kwapalamike amano ye bumba lyonse kabili bena batendeke ukuipatikisha ku ntanshi kukumya ifyakufwala fyakwe.

Palya mpaka iyi nshita Munyina Branham alipokelele ubwafwilisho ubunono sana. Telingi sana ilyo balemupokelako umusangulo mu tabernacle yakwe umwine. Ena alibombele nga game warden kukwafwilisha ulupwa lwakwe. Ifyakale ifyakufwala fya suti ifyo afwele lilya mu bushiku fyali ifyalepuka kabili ifyakambikwa. Ena aishilesanga ukutila limo pa matumba lyalilepwike ububi kabili ukwasha kwakwe ukulibila kwali ukwakukanaishibisha. E ico ena aikatilile ukuboko kwakwe ukwa kulyo palya pe tumba, ukupela ukuboko kwakwe ukwa ku kuso ilyo alekumanya bakapyunga bambi. Lelo abantu tabamwene lilye koti ilyalepuka lilya mu bushiku. Bena balelila no kusunka no kwesha ukukumya lilye laya ilyalepuka, kabili ilyo bena bacitile bena balyundepwe.

Caibukishe bumo ubwa nshiku shakwa Yesu, ilyo icitetekelo cali icikalamba kabili umuntu onse uyo wakumishe itelo lye laya lyakwa Kapususha alyundepwe.

## ICINTU ICENI PA CAMDEN, ARKANSAS

Inshiku ishinono panuma ya uku kulongana Munyina Branham aile ku Camden, Arkansas, ukuyakwata ukulongana mu cikulwa ca mu musumba. Ilyo ena alelondolola ubwite bwakwe na bukapyunga ku bantu ulukalamba ulubuuto ulwabalikisha lwaishile mucikulwa no kwikala pa mulu wa mutwe wakwe. Uwalekopa uyo uwali mulya akopele icikope ica lweni, kabili moneni, ulubuuto lwalimonekele mucikope! Bamo limbi kuti bamona kwati icikope caliketwemo, nga tacali ukutila abengi imyanda ya bantu ukubapo, balipele bukambone icakupapusha icaibela abene. Abengi balyundepwe no kutungululwa kuli Kristu muli kulyo kulongana. (Ici cikope cilesangwa pa cifulo cimo muli li buku.)

Ulucelo lwa konkelepo, ilyo asendelwe kwi bumba lya baume ukufuma ku cikulwa ukuya kuli motoka yakwe ilyo imyanda balepatikisha kuntanishi ukukumya wene, ishiwi lyalyumfwike lilebilikisha, “Kwateni uluse pali ine, we muntu wakwa Lesa.” Ukwiminina akatalamukila ukufuma kwi bumba kwali uwapofula uwamfwi umwaume umusweshi, alipamo no mukashi wakwe. Icisote cakwe cali mukuboko kwakwe mukupela mucinshi. Munyina Branham aliminine. “Ntwaleni kuli wene,” efyo asosele. Umo uwa baume atile, “Munyina Branham, iwe uli ku kapinda ka Kulyo; wisha abantu ababuta ukuya ku bantu abasweshi.” Munyina Branham alyaswike ukutila Umupashi wakwa Lesa walelanda kuli wene ukuya ku mwaume. Ilyo ena apaleme apo umwaume umusweshi ali, abaume balikatene amaboko ukumushinguluka pakutila ena engapita. Umukashi alesosa, “Kakumba aleisa kuli iwe; ube tondolo.”

Umwaume umusweshi aimishe amaboko yabili ayanakuka ayaletutuma, yakumishe pa cinso cakwa Munyina Branham kabili atile, “Bushe ni we, Kakumba Branham? Nshatala naumfwapo pali iwe nakalya mu bumi bwandi bonse mpaka mailo ubushiku. Nalikwete abasuma ba Mayo abakote abo abaya imyaka ingi nganshi. Bena balikwete bukapepa ubwakufuma mu mutima nabo. Bena tabatalile abambepapo ubufi mu bumi bwabo, kakumba. Nomba ine naba uwapofula pa myaka ingi, kabili mailo bushiku camoneke bena baiminine mupepi no busanshi bwandi, kakumba, kabili batile, ‘Mutemwikwa chile, iwe uleya ku Camden, Arkansas; kulya uli no kusanga umubomfi wakwa Shikulu; ishina lyakwe ni Branham kabili iwe uli no kupokelela ukumona kobe.’ Kakumba, ine lilya line nalibuka no kufwala ifyakufwala fyandi, no kunina bus, kabili umukashi na ine twaisa ukwenda ba mailoshi umwanda.”

Munyina Branham alyumfwile kwi lyashi, ainwine amenso yakwe nomba ayaisushiwa ne filamba kabili atile, “Tata, ndemutotela Imwe pa kuba uwa luse ku mpofu.” Elyo ena akumishe amaboko yakwe pa menso ya mwaume umusweshi ukusosa, “Isula amenso yobe, Yesu Kristu nakundapa iwe.” Kabili moneni, umwaume umusweshi kuti amona!

Ifingi na fimbi ifintu fyalicitike ifya musango umo wine. Mu nshita shimo Umupashi wakwa Lesa kuti walanda kuli wene palwa muntu umo mulwele uyo walipa busanshi bwa bucushi pa myaka. Ilyo ici cacitike, ukwabula ubupusano ilyo ena aile kuli bena balepokolwa. Abengi pali aba bantu balemoneka mukulongana kwakwe ku cifulo na kucifulo, ukupela ubunte nomba ukutula bena batuntulu kabili abakosa.

Pa nshita imo ilyo bali mu Santa Rosa, California, umwaume aishile mucikulwa, kabili ukufwaya Munyina Branham alimwipwishe wene ukulumbula ishina lyakwe. Ilyo ena acitile ici umwaume aikete iciputulwa ice pepala ca mutuntula mukuboko kwakwe kabili atile, “Ilya. eyo, mayo.” Ena atile ukuti ena afumine mu Lukuta lwa Pentecostal, kabili ena alumbwile ukutula imyaka 22 iyapitapo, ilyo ena no mukashi wakwe balepepa, Mupashi wa Mushilo walandlele ukupitila muli wene ukusosa, “Umubomfi wandi, William Branham, akesa ulu lubali kululamba lwa ku Masamba ukukwata icabupe icakundapwa kwa Bulesa mu nshita ishakulekelesha.” Bena balitetekele ukutula cena cali busesemo ubo bwapelwe. Kabili ilyo bena baumfwile ishina lyakwa Munyina Branham bena bailefwailisha bulyo busesemo ubwakale kabili palya bwena bwalilembelwe.

E ico cilepwishisha ifyacitike nge fyo fyapelwe ukufuma kwi lyashi ilyapelwe kuli abo aba mu lukuta lwakwa Munyina Branham ku Jeffersonville. Ifwe limbi na cimbi kuti twalundako ukutula mukati ka ilye myeshi iyakubalilapo abaume babili abacaice aba mashina yakwa O.L. Jagers na Gayle Jackson balisangilweko ku kulongana ukwingi. Ili line ku musonkano uwaibela mu Dallas balya abaume babili abacaice balipwishe Munyina Branham nga ena alebebukisha bena. Ena alicitile, lelo alipapushiwe nganshi ukutula aba ba munyina, abo kutula lilya balipalwa no kulunduluka ukwa kupapusha, kabili abo bukapyunga bwabo bwalifika ku myanda mishila pali Kristu, kabili kwalimonekelako ne fishibilo ifyapulamo ne fipapwa, uko abaume bamo bene abacaice abo abaleyako mukulongana kwakwe mu misonkano yakwe iya kubalilapo.

Icipandwa icilekonkapo na Rev. Jack Moore, Co-Editor uwa VOICE OF HEALING, muli icintu ca kubutisha pa fycitike mukwipifya ne fikankala mukulongana kwa kwa Munyina Branham mukati ka myeshi inono iyakonkelepo mu nshita ya kulondolola.

*Icipandwa ca 13*

# Ukulondolola mukwipifya mu Kulongana kwakwa Branham

Na Jack Moore

*“Les a abomba mu nshila ishakupapusha ifipeshamano Fyakwe ukubomba, Ena abika inkasa Shakwe pali bemba kabili endela pa nkuka.”*  
—Cooper

Ukufuma kuli iyi mpanga iyawama ya Louisiana, palya inshita imo apali imitengo panuma ya mitengo itali, umutidari—tapali inga icila ukuli konse mwi sonde nalimo—uwa ntendekelo uwatampile kabila wa mbila nsuma Pentecostal alembele ibuku ilinono ilya inikwe, “Ukwisa kwakwa Yesu kabili ne Cipuna Icabuta Ica Bupingushi.” Muli ili buku alelanda ifyo iciunda mukusunkanya ica iyi miti ishuma iyaletenkana yaumfwike nge milishishe iyawamisha iyakulumbula amalumbo ku kutwi ukulekutika . . . kabili abo fye beka abakwata ishuko ukumfwa inyimbo sha musango ifi bali no kumfwa umupwilapo ifyo kutila kuli wene bena bamoneke ukwimba, “Ena aleisa bwangu . . . Ena aleisa bwangu.”

Nomba uyu mushilika uwakale, na bambi abengi aba mailo, nabika panshi ica bulwi cakwe. Shi Lesa engatusha imyeo yabo iyashipa. Ifimuti, nafyo, mupepi fyonse fyalipwa; amashiwi yabo yonse yali tondolo. Lelo imbila ya lwimbo lwabo iletwalilila. Ukwisa Kwakwe kuli mupepi nganshi ukucila ilyo twatetekele ntanshi. Umwela umbi ulepupa ukupita mu mpanga . . .

“Kuliko umwela uyo upupa uwaisulamo inkumbu na maka,

Nga ora iyawamishapo mu Fyalengwa,

Ilyo Lesa mukutekanya aputile pa cipasho celoba

Kabili umuntu wantanshi ali no mweo ku Mupu wakwa Lesa.”

Umwela waba icilangililo ca Mupashi wa Mushilo. Pa Pentecosti waishile nge cipupu ica mwela icikali. (Aba baume bali no mweo nakabili ku mupu wakwa Lesa.) Nga filya, abengi ilelo baleshibushiwa ukufuma mu kusendama kwa mfwa kuli uyu Mupashi wa Mushilo ulepuputula.

“Wanshi umuntunse apo mumwibukisha?” Efyo asosele uwa malumbo. Pa nshita imo, pa mulandu walubembu, umuntu alicefiwe panshi ku mibele iya cepesha iya cipowe ica



bumupashi, ukuciluka isubilo lyonse ilya kulubulwa . . . mpaka Yesu alishile. Kabili nomba Ena e Subilo Iya bantu Bakwe kabili no bukose bwakwa Israele. Mukubwekeshiwa kwakwe ukutuntulu, umuntu akaba uwapulamo ukucila ba malaika na ba malaika abakalamba. Nangula pali ino nshita, ukupitila mu Mupashi wa Mushilo, bamo balebomfiwa mu musango uusuma ngo kulenga imisumba ya bucalolwa iya America wesu uwa nonka ukuba iyakwiluka pali Lesa. Kabili cilya ciletutungulula ifwe ukutonta fye insoselo shesu pa mwaume uyo watemwikwe nganshi kabili uwabomfiwe bwino nganshi kuli Lesa, William Branham.

## UKUKUMANA KWA NTANSHI UKWAKWA MUNYINA MOORE NA REV. BRANHAM

Amashiwi kuti yatufilwa ifwe ilyo tulelolesha kunuma, nomba mupepi imyaka itatu iyapitapo, ku nshita ya kulongana kwesu kwa ntanshi na munyinefwe umutemwikwa. Nangula ifwe twalilotele pa bushiku bumo ukumona icintu cimo nge ci, camoneke ukutula ifwe twali tucili natulala kabili tatwaishibe ukushibusha ukwa bwangalo ubwawamisha ubwa muli Baibele ubo bwalecitika mu buteko bwa ku kapinda ka ku kuso fye kesu mpaka bamo muli ba munyinefwe balisangilweko ku misonkano yakwa Munyina Branham mu Arkansas kabili baishileleta amalyashi ayakupapusha pafyo bena bamwene. Ici caumfwiwe icisuma, lelo hafu tayaebelwe kuli ifwe; ifwe twalisontelwe ukukumanya fimo ifyakhwishiba ifyawamisha nganshi ifya bumi bwesu. Mukusakamana kwakwa Lesa kabila wa mbila nsuma alituminwe ukutupala ifwe ne cilangililo icinono ica bukapyunga bwakwe ubwa kwikasha.

Umwela waliswilemo na malyashi ayawamisha pali uyu umwaume umunono uwaibela ne “cabupe cakwe.” Musangonshi ifwe twingatontontanyapo pali fyena fyonse? Umo alilandile no kusekelela nganshi pafya “kututuma” pa kuboko kwakwe uko ena engebela umuntu uuli onse nga cakutula Atemwa iyo bena nabakwata “akashishi kabulwele” kabili ne fyo bwena bwali; umbi alandile pa mbila ishapatwamo isho ena ashimikile, kabili nomba ena alibilishe ena “tali ni kashimikila”; bamo balandile ukutula balimwene impwalonda isho shafumine ku mibili iyalwala impendwa imo iya ma ora panuma ya mapepo, kabili nalyo line bambi bapele ifikope ifyawamisha ifyabana ba nkomamatwi na bacibulu ukulanda muli microphone, ifilema ukupunda no kushana, imilongo yabulo kupwa iyakupepelwa ukupwa fye ilyo kabila wa mbila nsuma uwanaka alepona mukunakuka kabili alesendwa ukufumishiwa mu mabumba ayaletitikisha; amabumba ayakalamba ukukontamika imitwe yabo mu mucinshi pa ma ora ilyo takwali ifiunda ifyapitile

mu mwela kano fye ukuteta ukwabipisha ukwa balecula, iyanakilila, ishiwi ilya mukosha ilya uwalepepa kabila wa mbila nsuma, imimbile iya nakilila iya “Cetekela Fye” kabili ukuwelesha ilingi line ukwakulumbanya ilyo kundapa kwalecitika. Umo na mayo uyo wakonkele ukulongana kwakwe pali bamailoshi imyanda, mukweshwa ukukwata kulondolola ukwafilamba ukupetama, icikuku, no kunakilila ukwa iyi mibele yakupapusha, alandile ukutila ilyo ena alolekeshe pali wene ena talemona umuntu nakalya, kano Yesu. Umuntu onse alisumine ukutila “imwe tekuti mutale ukuba cimo cine panuma ya kumumona Wene.” Nomba pali fyonse fi ifwe tatwali abaiteyanya umupwilapo pali ici cacitike mucine kuli ifwe. Bushe conse tacamoneke ukuba icishinka?..Lelo cena cali icishinka, kabili ukucilapo, ngefyo ifwe twali bwangu bwangu ukusambilila.

Ukupapushiwa no kufulunganishiwa fyali pakati kamyumfwile yesu iyasankanishiwa lilya pa bushiku bwa kubalilapo pa Mulungu icungulo bushiku pa kutandala kwakwa Munyina Branham kuli ifwe ilyo ifwe twafikile bwangu pa tabernacle yesu ikalamba no kusanga icikulwa icaisula nganshi icakutila ifwe twalifililwe ukwingilamo. Ici tacatalile acicitikapo mu nshita ya bushiku iya kubalilapo pa kulongana ukuli konse...lelo uku kwali ukulongana kwakwa Branham! Umulongo wa ba motoka abakonkene walishile ukupita mu mpili sha Arkansas ne mipokapoka ya Louisiana bulya bushiku, mukatina ukukonke nshila iya uyu kasesema uwa 20th century, uo mapepo yakwe kuti yalenga amalwele ukutipwa, amayanda ayapatulwa ukwampanishiwa, bashitata bacakolwa ukulapila, abana abaluba ukubwela, mu ma chalichi ayakansana ukukumbatana amaboko no kucita umutende, kabili Abenakristu abacifulefule ukwambushiwa nakabili no mulilo uwa kutemwa kwabo ukwa ntanshi. Ifwe twalikumanishe ukusanga icikulwa icikalamba ce sukulu, lelo ifwe twalipatikishiwe ukubwelelamo ku chalichi panuma fye ya nshita shibili isha bushiku, pa mulandu wakutitikisha ukwabipisha ukwa cinkupiti ico caishile pe sukulu, nangula mu ma ora ye sukulu. Ifwe twalipelwe ishuko ukusunga fye inshiku shisano isha bukata akasuba no bushiku ukwa uku ukulola kwa mu myulu, lelo ifyacitike ifya shilye nshiku shakwibukisha epo kwaba ne lelo. Abantu bashilwe abapetama kabili abasakamanwa, pantu bena balishibe ukutila Yesu wa ku Nasareti alipitile nshila yesu mu mubomfi Wakwe. Kuli kulyo kwiminina kwa mushilo ifwe twamoneke abapilibwila kunuma amabula ya nshita no kuilunda kwi bumba ilyatemenwe ilya balekonka ilyo lyaenda mulya mutushila twa lukungu twa mu Galilile mukupela ukwa cishinka kuli Kapala wa mbao uwapetama uyo uwailumbwile ukuba Mesaya wakwa Israele. Mukwenda kwesu ukwa cimonwa ifwe twalipitile pa ncende

shanshishi ico cashibwishe uwa ngulu uwali ubwamba, ukupunda no kubilikisha ukukana kwakwe ku mulola wakwa Kristu, lelo alikele pa nkasa Shakwe panuma yakashita nafwala kabili mu mano yakwe ayatuntulu;. . .Ifwe twali pakati ke bumba ilyaletitikisha ukushinguluka Yesu ilyo Ena aipwishe ilipusho apo pene, “Nani uwa nkumya?” Kabili bamwene umwanakashi umunono aletutuma aiposele umwine pa nkasa Shakwe no kulanda ku cinso ca bantu bonse pa mulandu uyo walengele ena ukukumya kwitelo lya mwingila Wakwe kabili umusango ena aundepwe apo pene; kabili elyo ifwe twalikonkele ku nga’nda yakwa Yairo no kumona ukubushiwa kwa mwana wakwe umwanakashi. . .Ifwe twalyumfwile amashiwi palwalala aya mwana nkomamatwi kabili cibulu panuma ululimi lwakwe lwakakwilwe no kukumishiwa kwakwa Shikulu, kabili twalisekele ukumona umwaume uwalemana kontoloka ku kusangalala. . .Ifwe twalikele pa cipuna cakumbali ya bemba pamo na bamo abantu amakana yasano abo abashile icishimbi kabili ne nondo no kwisala ifibi ifya matuka yabo ukukwata ama ora yakasuba mukuposako amano ukukutika ku kusambilisha ukusuma ukwa uyu Philosopher wafya Bulesa. . .Ifwe twalilile pamo na banakashi ilyo ifwe twalolekeshe pa cinso Cakwe icaemba no kumona ubulanda na bunkumbabulili palya ifyo fyalandile pa mutima wa nkotoka, no kumfwa kulyo kusunguluka, imyumfwile iyakaba ukutula ukulolekesha kumo ukufuma ku menso Yakwe aya cikuku yengaleta ku mweo. Ee, inshiku sha Baibele shali pano nakabili. Pano pali umwaume uyo *uwalecita* ifyo ifwe *twashimikile*.

Ndesosa ici, ukukana sansabika umuntu uuli onse, lelo kukomaila fye ukutula ukutasha kwesu ukwapulamo pali munyinefwe kwaishile kufuma ku cishinka icakutula bukapyunga bwakwe bwamoneke ukuleta Umutemwikwa wesu Shikulu mupepi kuli ifwe, kabili ukulenga ifwe twishibe ne milimo Yakwe iya mweo, ubuntu Bwakwe, na bulesa Bwakwe kucila icintu icili conse icaliko akale. . .kabili ni cinshi icintu icisuma ico cingalandwa pa muntunse?

## UKWISHIBA UKUPYA

Imyumfwile ya mushilo iyo yaishile pali ifwe ilyo twamwene ukucimfya ukwawama ukwacitetekelo kwalengele ifwe ukuba ifwe abapamfiwa ukwafwilisha mu musango uuli onse unono uo twingacita. . .(Nani uwatala monapo umunono uwalemana atemwa umwana ulecula ukuletwa mu mulongo wakupepelwa ukwabula ukwenshiwa ukufwaya ukuya ku mpela ye sonde ukwafwilisha aba banono nga cingacitwa?)

E ico ukufuma ku chalichi, ifibusu, abatemwikwa kabili ku nga’nda ifwe twalifumineko ukwashimisha ubwafwilisho

bwesu ubunono kuli ubu bukapyunga ubwawamisha, icifulo cakubalilapo ukuba San Antonio, Texas. Imyanda balipepelwe no kupokololwa mukati ka ishi nshiku shikalamba mu San Pedro Playhouse, aba mushilo balipuputwilwe na ba bembu balipilibwilwe. Ifwe tatwakatale ukulabako fimo ifi fyacitike ifya kusunkanya. Cili icabulwo kupilibulwa ukutula Munyina Branham alanonka imitima ya bantu konse uko aya, kabili ngefyo ifwe twali no kusambilila pantanshi, ifi fyakwikasha ifyacitike ifyakulekesha kuti fyabweshiwapo filya fine inshita ishing'i ku menso yesu. Ifwe tekuti tulabeko abana besukulu aba pa International Bible College, abo pamo na katungulula wabo, Munyina Coote, baafwilishe kacema uwalelipilila, umutemwikwa wesu Munyina Stribling, kabili bonse baishileba yampanya nganshi kuli kabila wa mbila nsuma. Cali icakuputaula umutima ukubamona bena ukusosa shaleni. Ici ni cimo pa fintu ifingi ifya bulanda ico cishakatale ukwishibikwa mu mulu... ukulekana no kushalakanapo.

## IMBILA IKANKALA UKUPELWA MU MUPASHI

Ifintu fibili fileiminina ilyo tulelokesha kunuma pali uku kulongana. Icikope icishingafutwa mu mano yandi ndeibukisha umwaume uwa cimo capakati ukufwailisha inshila yakwe mu mulongo wakupepelwa, uwapofula nganshi pa myaka 30. Ilyo ena alepalama kabila wa mbila nsuma ndemumfwa wene ukusosa, "Ndemumfwa amenso yandi yatendeka ukukaba!" Ilyo apepelwe ena balimwebele ukulokesha mu mulu, kabili pa muku waku balilapo ukutula ku bwaice, ena atile, "Ndemona ulubuuto!" Ine tekuti ndabeko bwangu imimonekele pa cinso cakwe ilyo ena aiminine no kulokesha pa ma miniti ayengi no ku mwentula ukwa nsansa pa cinso cakwe.

Cimbi icakonkelepo cali ni mbila iyakusunkanya iyapelwe mu Mupashi no kwilulwa, mupepi fye ukupalana kuli shimbi shibili isho shali no kupelwa mukulongana kumbi ukwakwa Branham mu ncende ishampusana pusana, ubunte ubwa cishinka ubwa shininkishiwa ubwa ubu bukapyunga ubwasubwa. Yalilandilwe no kubilikisha ukwa nsansa nganshi icakutula camoneke mupepi ukukanaba ica pe sonde, kabili ici cali icishinka ca mbila... nge fyo Yahane Kabatisha atuminwe nga katangilila wa kwisa kwa ntanshi kwakwa Shikulu, e ico Ena atumine uyu kabila wa mbila nsuma na bambi abapala wene ukusesha abantu no kubateyanya bena pa kwisa Kwakwe ukwa cibili. Imyeshi panuma ifwe twalyumfwile iyi mbila imo ine ukwilulwa pakati ke bumba ilikalamba ilya bantu ilyasangilwe mu kulongana kwakwa Branham mu Tulsa, Oklahoma, na Nkashi Anna Schrader uo ifwe panuma twasangile ukutotela nganshi. Mucine, aya masiwi yalingile mu mitima yesu.

## KABILA WA MBILA NSUMA AYA UKULOLA KU MASAMBA KU LULAMBA

Ukulongana ukwakonkelepo ifwe twalimo cali ni mu Phoenix, Arizona. Kuno ifwe twakumenye pa nshita yakubalilapo cibusa wesu kabili munyina, uyo pantanshi ali no kwisaba membala we bumba lya kabila wa Mbila nsuma, Munyina John Sharrit, Munyina musuma kabili shimakwebo uwalunduluka. Ukulongana kwa ku Phoenix kwalisangilweko abengi kabili ifishibilo ifingi ne fipapwa fyalicitilwe mwi Shina lyakwa Yesu. Iyo twalebwela ukufuma kululamba ifwe twaliminine nakabili mu Phoenix na ba munyinefwe aba Spanish, uko mulongo wakupepelwa wamoneke ukukanapwa. Mwe! ifyo yalya mano ayo ayasambilishiwe kuli buKatolika yanakile kuli bukapyunga bwakwa Munyinefwe! Ena alibapepele bena ukwabula kutusha nalimo pa ma ora cinekonse konse.

Ukufuma ku Musumba Ukalamba uwa Arizona, ifwe twaile ku masamba ku Los Angeles na ku Long Beach. Ukulongana kwatendeke mu Monterrey Park mu lukuta ulusuma ulo lwaiswilemo ukufuma pa kutendeka. Ukufuma kuno ifwe twaile ku Cikulwa ca Municipal mu Long Beach. Ukulongana kwalibilishiwe kutampa 7 p.m., lelo mucungulo sana, mukati ka kulongana kwe bumba limbi, abalwele, abalemana, abapena (bamo mufyo babakakileko), batendeke ukwisamo. Uwa Nshita ya Kale iya Ora iya Kupuputulwa uwalelanda ailwike ici kabili ali uwansansa, camoneke kuli kalemba, kutila cali icitetekelo ca muntu umbi ico caleshininwa kabili te cakwe. Abengi balipokolwelwe no kupusushiwa.

Ukwikala panono mu Oakland kwakonkelepo no kulongana ukwawamisha mu musumba ukalamba uwa buteko bukalamba uwa California, Sacramento, kabili pano icipandwa icipya muli ili lyashi cilingile ukutendeka, pantu ilyo abashala abe bumba balyenshiwe ukufuma ku Oakland ukuya ku Sacramento, nalininine indeke iya kuya ku Ashland, Oregon, ukuyamona umunensu umusuma uwaiminina imyaka ingi, Gordon Lindsay, no kumweba pa fyo Lesa alecita. Ena ali mukupuputulwa ilya nshita mulukuta lwakwe mu Ashland...Lelo ni cinshi ico wingelenganya?...Ena atetekele ilyashi lyacine, aisele ukulongana pali ilya nshita kabili alyenseshe no mukashi wakwe, ibumba lyakwe ilyakubila mbila nsuma na ine wine ukuya ukupita umwakalabana ku kwa ku kulyo kwa ku California ukuya ku Sacramento ukuyasangwa mukulongana kwa kwa Branham. Cena cili ukwabula ukuleka ukutila ndesosa ici cali ulutampulo lwakubalilapo mumitantikile iyo yapilibwile imyendele ya bumi bwakwe umupwilapo, kabili e ico kanshi, nalimo, ubumi ubwa bambi abengi, pantu ena nombamba ni kalemba wa magazine ISHIWI LYA KUNDAPA, ukufika ku myanda mishila, uko ena nshita imo akumishe fye imyendele iya lukuta lumo.

Uwaemba unono umusumba wa Santa Rosa pambi apo twaiminine, uko ifwe twasungilwe no kusakamanwa kwa bumalaika. Lesa apale balya basuma aba mushilo abapetama abo amashina yabo yaba mwi Buku Iya Mweo.

Ifyacitike mu kulongana ku Fresno kuti fyaisusha ama bula ayengi. Musango nshi ifwe twingatala ukulabako icikope ice bumba ilikalamba ilya bantu abo abaikele akasuba kamo akatuntulu ukulolela ukufika kwa kwa Munyina Branham. Ifwe twali no kuba kulya pa nshita fye imo iya bushiku kabili ukulongana kwalibilishiwe inshiku shingi kuntanshi. Ilyo ubushiku mukulekelesha bwafikile abantu batendeke ukwisa mu chalichi ku kulongana kwa mu bushiku. Icikulwa caliswilemo ilyo facilati cibe cungulo, kabili pa nshita ya kulongana ilya nshita ya bushiku amatenti yabili yaliminikwe kabili abantu bali ukuli konse. Cileibukisha umo pa kubelenga ibuku Iya kwa Marko atemwa Luka apo abantu balenyantana umo no mubiye, lyali ibumba likalamba sana. Mukulekelesha, abalwele balipyungilwe, kabili ifwe pa 3 A.M. twali ku nga'nda na bamo aba nensu abasuma abo abatuteyanishishe icakulya ca cungulo. . . cimo fye ifwe twalicelelwe!

Ukufuma ku Fresno ifwe twalyendele ukulola ku masamba ukubwelela ku Phoenix kabili na Indian Reservation. "Indian Reservation" . . . ukulumbula kwa yalya mashiwi kulabwekesha ukwibukisha ukwa fintu ifyacitike ne fintu ifyabikilwe kuli aba abamalele, abekala mushi aba mu mukowa ifyo fingesusha ibuku. Ndekabila bonse bakabelenga bandi kuti baiminina pamo na ine ku cinso ca ulu lukuta ulwawama lilya mu bushiku no kulolekesha ukupilibulwa ukwa lyonse ukwa bamba uwasankanishiwa uwa kashikila, ifinso ifyakalabana ukufuma mukulangisha kwa kukanatetekela no kufulunganishiwa kuli kulyo kusansamushiwa ukwa mucinshi. Paleni imitima yabo. Nangu cibe fyo, bena benaAmerica bantendekelo, lelo ndetina bena nabalekeleshiwa mubulanda no kusunkilwa ku mbali, kabili nombaba abengi muli bena baba mu cipowe na malwele kabili no busenshi.

Ukusakamana ukwa mucinshi ukwa watemwikwa missionary umunono kuno tekuti kulabikwe. Umushilika uwacenjela efyo ali, mucine, mukweshwa kwakwe ukwa kushipa kukonaula intambi sha malele isha micitile ya buciwa kabili na shinga'nga wa mukowa no kupela ubwikashi, Kristu uwatemwikwa, Shinga'nga Mukalamba, ku macushi ayengi aya aba bantu ababulisha. Cali cakusansamusha ukumwafwilisha wene pakuleta umwaume uo icitetekelo cakwe icakupuputula muli Lesa kuti caleta ifipeshamano Nsamya engaimwena umwine. . . pantu alingile ukumona pakuti aceteketele. . . kabili cilya ni filya fine ico cacitike.

Ulukuta lwaliswile kabili abengi baiminine kunse pa kutila kabila wa mbila nsuma engashimikila ukupitila muli



kelula ukufuma pama tabo ya chalichi kwi bumba ilyo lishali ilyashininkisha nganshi, lelo bwangu umulongo wakupepelwa walipangilwe kabili amaka yakwa Shikulu epo yali ku kundapa.

Pano ifwe kabili na bena twalipelwe shuko ukumona ukulangisha ukwine kwine ukwacitetekelo...icipeshamano panuma ya cipeshamano calicitike kuntanshi fye ya menso fye yesu. Ukulangishiwa ukwa finono fye ukwa ifi fipeshamano cali fye ceka ico bansamya balefwaikwa ukubashinina bena. Pali ilya nshita, ifwe twalimwene icimfulunganya icinono ilyo impendwa iya bena batendeke ukwima no kufuma ilyo line... elyo twalimwene ubulondoloshi ubwa ici pantanshiko panono ilyo bena batendeke ukubwelelamo, ukuletamo bambi pamo na bena. Ukumona kwapilibwile ukutetekela ku Muntu uwa Kashika, kabili ena alifuminepo pacifulo icawamisha ukuya no kuletamo abalwele bakwe kabili abatembwikwa ifilema abo abashele mutumayanda.

Ine kuti nalumbula umwanakashi umukalamba uyo uwalesunta ukupita mu mulongo wakupepelwa pa nkonto ishapangwa pa nga'nda isha tumuti twafipyango. Ilyo ena aishile mu kukumana nakabila wa mbila nsuma, ena talolele pali munyinefwe ukumupepela ena, lelo amupele fye wene inkoto shakwe, alyololweke no kwenda ukuya. Icaanguka filya, icitetekelo icapala ica mwaice!

## CANADA YAPEMPULWA

Panuma ya milungu inono ku mushi, ukwisa capamo kwesu kumbi kwali mu Saskatoon, Saskatchewan, uko ifwe twaipakishe isenge ilya ba munyinefwe aba mu Canada ilya citetekelo icawamisha.

Munshila ya ku Prince Albert, apo ifwe twaiminine mukulongana kumo, ifwe twalyendele ukuya ku Edmonton, Alberta, ulyo musumba ukalamba ku mpela yaku kuso kwa Alcan Highway. Ifwe twalitantikilwe pa nshiku ishingi mu Cibansa ca Ice, ico cikalika yasano atemwa amakana mutanda. Umuyayaya fye weka eukasokolola fyonse filya ifyacitilwe. Icaakonkelepo ifwe twaile ku Calgary mu nshila ya ku Jasper Banff National Park, uko ifwe twamwene fimo ifikope ifyakutinya nganshi, ifishalingana nangu kumo mucalo ukulingana ngefyo twaishiba. Ukulongana kwa mu Calgary kwalipalilwe nganshi na Shikulu. Kuno ifwe twasangile ifintu fyonse mubutantiko ukulongana ukukalamba. Icikulwa cali cimo icikalamba nganshi mu musumba kabili caliswile nganshi pa kulungana ukuli konse ukwa kundapa. Ifingi fishibilo ne fipapwa fyalicitilwe mwi Shina lyakwa Yesu.

Ndeibukisha icacitike uko mu mulongo wakupepelwa uwa myanda ingi baleselela kulya kuli kabila wa mbila

nsuma kukupepelwa. Nalimwene umwanakashi na menso ayacilinganishiwa ububi nganshi. Ilyo munyinefwe abikile ndupi shakwe pali ena no kupepa, ena, na menso yacili ayaisalikwa, aebele ulukuta ukwinuna imitwe yabo no kulolekesha pa mwanakashi, cilya ena alishibe amenso yakwe yalyololweke lintu ena talalolekesha umwine. Bushe Yakobo tasosele ukutila ipepo lya *citetekelo* likapususha umulwele... *te pepo fye lyeka.*

## KULULAMBA LWA FLORIDA

January uwa mu 1948 atusangile ifwe tulesha imishi yesu iyatalalisha ukuya mukutandala ukulola ku kapinda ka kukuso ku paradise wa mu mpepo uwa mu Miami, Florida. Nangu cibe fyo, ipange lyesu talyali icuti ca mu mpepo, nga filya cali kuli yalya mabumba ayafulunganishiwa abo ababikile ndalama shabo mubwangalo bwa bakabalwe, ubwangalo bwambwa, ishakuposaika kululamba kabili no lwalubembu ululi lonse ulwa malila, lelo kupyungila ku ba bulisha abo abafusha, ee, nangula ngo kuyemba Edeni wa Cifyalilwa nga iyi. Bena baishile mu mabumba, ukupanga mucine ibumba ilyaibela, ukwimininako mupepi ubuteko ubuli bonse munko, kabili ne mpanga shimo ishakutali, kabili ukuleta fimo ifya kumfwilako ubulanda nganshi ifilangililo ifyakucula kwa muntu ifyo ifwe twamwene. Te bonse, mucine, bamo muli bena baile abatuntulu.

Pano cali lishuko lyesu ukukumanya Avak, uwa caice Umwinakristu umu Arminian, uyo waitilwe no kusubwa mu calo ca ku mwabo no kwishiba kumo kwine nga kulya ukwakwa Munyina Branham. Umulu walimwentwile pali ifwe inshita imo iya bushiku muli uyu musonkano ilyo ifwe twapelwe ishuko ukukumanya Rev. F.F. Bosworth, nkangalume uwa bukapyunga bwakundapwa mu nshiku shakubalilapo, uo ifwe twaumfwile no kubelengapo pa myaka ingi. Cali "ukutemwa mukumonana kwa ntanshi" kuli Munyina Bosworth na Munyina Branham, nakabili na ifwe fwebashala bonse, kabili cali kusekelela kwesu panuma ukukwata wene ukubomba pamo na ifwe mwi bumba lya kubila kwa mbila nsuma.

Impanga iya mimonekele iyaemba ilefungululwa ilyo ndebwekeshapo iyi nshita iyakwibukisha mu mano yandi... tacali fye ukuemba kwa fyacifyalilwa uko ifwe twaipakishe muli ici calo ica mimonekele isuma, lelo ama ora ayansansa ifwe twaposele mukwenda kulya kululamba no kuciluka Akashila ka Tamiami, mwi bumba lya mutemwikwa wesu Munyina Branham, umukashi wandi no mwana wandi umwanakashi, Anna Jeanne kabili no munankwe uwatemwikwa, Juanita. Ukusonda kwa ku mulu!... Ifwe twali ipakishe pa Cebo ilyo munyinefwe alelondolola ubusuma bwa ciko kuli ifwe; ba

nkashi balilile ilyo ena alepashanya inkama no kulwisha kwa bumi bwape sonde no bukata bwaku mulu, lyena ena alilile ilyo baleimba ulwimbo lwabo ulusuma ulwakwa Yesu na ku mulu. Uyu apa umwaume uyo waikete pe sonde kabili na mu mulu namo...Ena alikwete icuma kulubali lumbi ico ilingi line icaitile amatontonkanyo yakwe ukutaluka ku finono fyakwe ifya mushingulwike ifya pe sonde ku ncende ishapingulwike isha no myulu, kabili camoneke ukutila amashiwi yakwe yali no kutwala balya mwi bumba lyakwe mu myulu pamo nankwe. Umulu tawali mupepi nganshi ukucila ilyo bena baimbile ukupitila mu filamba...

“Kulelelele ine ubushiku bwa mailo ubwa nsansa,  
Uko impongolo sha magariye shisuka nganshi,  
Kabili ilyo nacila ici cifimbo ca bulanda,  
Nkekala kulubali lumbi.  
Ubushiku bumo, ukucila uko mwinakufwa taishiba,  
Ubushiku bumo, Lesa alishiba ni kwisa kabili lilali,  
Imipeto ya bumi yonse ikeminina shilili,  
Kabili nkaya ukwikala pa lupili lwa Sion.  
Ubushiku bumo imilimo yandi ikapwa,  
No kululumba kwandi kukapwa;  
Fyonse ifya pe sonde ifyapatwilwe ukuwikishiwa,  
Kabili nshakashinshimukile no kulila nakabili.”

Atemwa kuti twaumfwa nganshi icikuku cakutemwa kwakwa Lesa ukucila ilyo, ukubikapo ne milishishe iya kusunkana ukukalamba ukwa Atlantic, twaumfwile mu mimbile...

“Bushe kuti twaisusha bema na ink,  
Kabili imyulu yalipangilwe icakulembelapo;  
Ne cani conse pe sonde icilembelo,  
Kabili umuntu onse kalemba ngo mulimo,  
Ukulemba ukutemwa kwa kwa Lesa ku mulu,  
Kuti cakamya bema,  
Napamo umufungilo kuti wakwata fyonse,  
Nangula walifungulwilwe ukufuma ku myulu ne myulu.  
Owe, ukutemwa kwa kwa Lesa! Ifyo kwacindama no kusanguluka,  
Ifyo takwingapimwa kabili ukwakosa;  
Kwena lyonse kukatwalilila,  
Ulwimbo lwa ba mushilo na ba malaika.”

Musango nshi ifwe twingeshiba ili line nganshi munyinefwe ali no kwitwa ukufuma kuli ifwe ukuya mukupita mu

finshingwa ifyafita ifya mu mupokapoka wa mfwa, takuli nakabili ukusenda ifisendo ifyo fyanashishe amaka yakwe aya mu mubili, kabili ukutila nangula ukwibukisha ukwa ishi nshiku kuti kwa musansamusha wene mu myeshi ingi iya kulwisha ne mishipeshipe iyatitikishiwa na kampingu uwatitikishiwa. Lilya mu nshita ya cungulo bushiku, ilyo ifwe twalolekeshe ukuciluka incende ikalamba iya matambe ayabuta aya mucele ukutonta ku myengelele iya kulekelesha ileaka iya kasuba akaleingila, kabili umwela wa cungulo bushiku wasendele imimbile isuma iya mashiwi ya bakashana mu mashiwi nga aya . . .

“Ukulolekesha ukutonta uko akasuba kalewa, Ubumi bumoneka ngo bulepwa,

Ifinshingwa fya mubushiku kunuma yandi, ukulolela ukupwisha kwa kasuba.

Kucifulo cimo ukuciluka kulya ukwakafifi,

Isubilo lilasanga inshila ukutwalilila ukubalika

Ititetekelo cilolekesha *ukuciluka* ukwingila kwa kasuba, uko kuleisa ubushiku bwa muyayaya.”

. . .bushe ena kuti aumfwa kutila inshita yali mupepi ilyo ishiwi kuti lyaya ku batemwikwa bakwe na banankwe abengi kutila akasuba kabumi bwakwe ubwipi kaleingile ulubilo? Mu musango umbi ndetontokanya ena alingile ukwishiba, pantu ena lyonse alandile palwa kuya.

## UKULONGANA UKUKALAMBA KU PENSACOLA

Ulusuba lwa mu 1948 lwaletete ilyashi ilya kumo kulongana ukukalamba nganshi nomba, kumo ukwa kwena kwa ku Pensacola, Florida, ukupuputulwa. Ifwe twalitemwa ukutontokanya pali iyi nshita. Ukupekanya ukwingi kwalicitilwe. Amabumba ayengi yalyampene capamo pa mulandu wa musonkano, ukubikapo na yonse ama chalichi yaba Full Gospel ayo twaishiba muli ilye ncende, mu butungulushi bwa mutemwikwa wesu Munyina Welch. Itenti ilikalamba lyaliminikwe mu cifulo icisuma; amabumba yalongene ukufuma mu mishi iyanshingulwike ne misumba, ukufuma konse kulya ku Michigan. Nangula kwali cikuka ico calengele itenti kuti lipone, no mwela uwabipa, amabumba ayakalamba no mupashi usuma walicimfishe ukuleta inshiku shisano isha mu myulu.

Cimo pa fyacitike ifyawamisha caishile pa mulungu mucungulo. Ifwe twalibilishe ukutila uku kwali no kuba ukulongana maka maka kubashapusushiwa. Ilyo kabila wa mbila nsuma apwishishe ilyashi lya bumi bwakwe, abantu imyanda ingi, nalimo 1500, ne mitima yakontoka ne

finso ifyabomba ne filamba baaswike ubwite kuli bonse abo abalefwaya kuba Abenakristu. Eka fye Malaika Ulemba alishiba ifyacitike apa. Abengi balipokelele ukundapa muli uku kulongana abo abashaishile mukukumana na kabila wa mbila nsuma. Icitetekelo calininine pa mulu, kabili nangula ilyo panuma kabila wa mbila nsuma uwanakuka talafumishiwa panse, umulongo wa bali 20 atemwa 25 bakapyunga aba ilye ncende, no kupusana no kukansana balifilabileko, bapepele pa mushilwa ushalepwa uwa myanda abalefwaya ukundapwa. Ubushiku Bukalamba!

Ilyo tatulafuma ku kulongana ku Pensacola ne fibukisho fyonse fyakuko, ifwe kuti twalumbula icacitike cimo na cimbi ulucelo ilyo twali mukufumako. Umwaume alishile kuli ine ukufwaya ubwafwilisho bwa mwana wakwe umukashana umunono. . . (Pa myeshi ingi, cali icalinga ukutila kabila wa mbila nsuma engapatikishiwa kukuleka atushe no kukwata amaka, no kukana kwata ukutitikishiwa ukwa kumfwa amafya ya cila muntu.) . . . Lelo ifwe twaumfwile uku kukabila kwali ukwalinga kabili caletele wena kuli munyinefwe. Ifwe tatwakatale ukulabako ilyashi lyakwe. . . Ne filamba ukukonkoloka mu masaya yakwe, ena alelanda umusango uyu mukashana umunono uwaemba uwali nalimo ne myaka cinelubali aletelwe mubwana mu bunya, kabili kutila amano yakwe tayafikilepo mu butuntulu kabili tali uwapwililika. Ilyo namwene icikuku ica uyu wishi no kutemwa kwa mwana wakwe uo asendele, natontonkenye pa cikope cimbi. . . Ifyo ifwe twabikwa mu bwana mulupwa lwakwa Tata wa mu Myulu, kabili na ifwe bene tatwakwata amano ayapwililika (muli bumupashi). Pa mulandu wa ici Ena alikwata uluse ulwakwishibila kabela ne cikuku pali ifwe.

Panuma ya kashita kamo, ifwe twaile ku Musumba wa Kansas, Kansas, pa musonkano mu cikulwa ca mu musumba. Pano twalikumenye pa nshita yesu iyakubalilapo Munyina Ora Roberts, uyo ulebombesha nganshi nomba kabili alabomfiwa nganshi mukupepela abalwele.

Ukufuma mu Musumba wa Kansas, ifwe twaile ku Sedalia, Missouri pa nshiku ishinono. Nangu kwa shele fye panono ukutila kabila wa mbila nsuma ukuti afwe icitu, Lesa alipalile abengi abalwele na balecula.

Ukulongana ukwatantikwa mu Cikulwa ca Masonic, Elgin, Illinois, kwapwile nshiku ishingini, ukuleta ukusunkanya ku Fox River Valley kwati nalimo tacatala acicitikapo. Ilyo kulongana kwapwile, twalimwene ukutila ukutitikisha kwali ukukalamba nganshi, kabili nshita ilingile ukwitwa nga ni fyo kabila wa mbila nsuma ili line ali no kwipaiwa mu bulwi bwakwa Yesu. Ifwe twasosele shalenipo kwi bumba ku Elgin kabili twalipilibukile ukulola ukwakaba, kukapinda ka kukulyo

ukwaba bwino, ukwabula ukwishiba ukutula ifwe tatwakamone nakabili umutemwikwa wesu kabila wa mbila nsuma pa myeshi ingi muli ilya nshita ubumi bwakwe na bukapyunga bwakwe ubwacindama bwali mupepi no kufumishwapo.

Lelo kutotela kube kuli Lesa, ifwe tuli abasansa ukusosa ukutula pali ukukulemba ifwe natupwisha fye ukupuputula ukukalamba nganshi mwi lyashi lya kale ilya lukuta lwesu, na Kabila wa mbila nsuma William Branham bwino, umutuntulu, uwa maka, uwakwatisha icabupe kabila wa mbila nsuma ukucila lyonse, ne citetekelo icakulilako no kusubwa ukushimikila Mbila nsuma. Shile Lesa engamusunga uwa maka kabili uwaisulamo ne citetekelo mpaka akasuba kakwe akashima kakengile atemwa Akasuba ka Bulungami kakeme pali America uyo washibushiwa ukufuma mukunakuka kwakwe ukwatulo no kulala.





*Icipandwa ca 14*

## Kalemba Abikamo

### Ilyashi lyakwa Branham

Cilemoneka icikankala pali ici cishinka, pa mulandu wa kutwalilila, ukulondolola umusango uo kalemba abikilemo ilyashi lyakwa Branham. Imyaka ingi iyapitapo, ifwe twaishileishibana na Munyina Jack Moore (uyo walembele icipandwa ici ciletwalilila) ilyo akwete ukupuputulwa ukwaba shifyala, Rev. G.C. Lout, abo abali lilya bakacema balukuta mu Shreveport, Louisiana. Pali ilya nshita twaishile pela umucinshi nganshi bucibusa bwa kwa Munyina Moore. Mu myaka iyo yakonkelepo, amakwebo yakwa Munyina Moore ngo wakukula amayanda yalilundulwike mpaka yaishileba yamo ayapulishamo muli ilye ncede. Nangu cibe fyo, no ku kulunduluka, ena tali ne milimo iingi ku kumfwa ukukabila ukukalamba nganshi ukwa bumupashi ukwa musumba wakwe. (Munshita ya Cipowe ulukuta ena aileyako lwalufishe icikulwa caluko kabili ulukuta lwaishilesalangana.) Pa nshita itali ena nabalya alebomba nabo bapangile ukutampa umulimo wa pambali mu ciputulwa ca mu mushi pakati ka bantu. Kuli ulu lukuta ulupya balipele ishina ilisuma ilya Life Tabernacle. Mu myaka iyo yapitile ukutula lilya, uyu mulimo waishileya pantanshi mukupapusha, kabili ili line ilipya ilisuma Life Tabernacle lyalikulwa mupepi na pakati ka musumba, kabili lyalishishiwa tekuli umbi kano Munyina Branham.

Pali ino nshita, mu musumba wa Ashland, Oregon, naishileba kacema wa lukuta, ulo twakwete ishuko lya kumona ukukula mu busuma kabili icilongano icalunduluka. Cacitike muli uyu musango ukutula pa nshita iyo ifwe nomba tulelemba ifwe twali mukati ka kupuputulwa na Kabila wa mbila nsuma J.E. Stiles, muli ici bamo amakumi yasano bapokelele Ulubatisho lwa Mupashi wa Mushilo. Pali ilya nshita, ifwe twali pa lwesu abasekeshiwa ukutula Lesa ili line ali no kusokolola ku lukuta—ifyo ili line ifwe tekuti tusose—bukapyunga ubupya ubwa maka umo ifishibilo ifyapulamo ne fipapwa ne fipeshamano fyali no kucitika. Mu cishinka, mu myaka iya pitapo Lesa alitulangisha ifwe umupashi wa busesemo ukutula ici cali no kucitika.

E ico caishilefikilishiwa mu Kusakamana kwakwa Lesa, ilyo kulongana kwa ku Stiles kwaishile mukupwa, ukutula pa 24th March, 1947, ifwe twalipokelele kalata ukufuma kuli Munyina Jack Moore iyo yabelengelwe nge fi:

Mutemwikwa Munyina Gordon:

Ninjishiba walapapushiwa ukumfwa ukufuma kuli ine kuno mu Oakland, California, lelo ici ecacitike. Ifwe twalikwete Munyina Branham wa ku Jeffersonville, Indiana, kapyunga wa ku Baptist uyo wapokelela Mupashi wa Mushilo, kabili alikwata ukulunduluka ukukalamba mukupepela abalwele mubwingi nganshi ukucila ifyo natalamonapo. Ifwe twali kwete ukulongana mu Shreveport, ukwa filya uko ukushatala bako nakale. E ico Munyina Young Brown na ine wine twaishilepamo nankwe kuno lubali ukufikilisha imilimo imo iyo ena apekenye. Ifwe tatulasanga ifikulwa ifikalamba nganshi ifya kubikamo ama bumba. Mailo ubushiku yali inshita yesu iya bushiku iyakubalilapo kuno, kabili icikulwa caliswile sana kabili conse icipinda icakwimininamo caliswile. Ifwe tuli no kuba kuno mpaka pa 25 kabili elyo tukaya ku Sacramento pa nshiku shitatu ubushiku. E ico tuli no kuba muli cino calo pa nshiku ishingi kabili ine kuti na temwa mucine ukukumona iwe kabili kuti natemwa iwe ukumona ifyo uyu munyina alebomba . . .

No mucinshi nganshi,

Jack Moore

Ifwe twalibelengele inkalata panono panono imiku ingi no kwelenganya ukwingi, kabili mukulekelesha twaliibulile yena no kubelenga yena kuli Munyina Stiles. Umupashi wakwe umwine wapele ubunte pamo na ifwe pe lyashi kabili ifwe bonse twalipangile ukukwata ubulendo ukuya ku Sacramento no kuyamonako bukapyunga ubwaibela ubwa uyu kabila wa mbila nsuma uo munandi alembelepo. Ubushiku bwakonkelepo atemwa bumbi Munyina Jack Moore aendele ne ndeke ukuya ku Ashland ukwisa mukututandalila, kabili ubushiku bwakonkelepo ifwe bonse twaile na motoka ku Sacramento, ukulepa nalimo ba mailoshi 300. Ilyo ifwe twafikile, ifwe twasangile chalichi uko kulongana kwabelele, nangula kwabikilwe kulya ukulola ku mpela ya musumba, kwalikale ukwaisula na bantu.

Mucine ukulongana uko ifwe twamwene ilya nshita ya bushiku kwali ukwaibela ukucila ukuli konse uko twatalile ukubamo. Tatwatala ishiba pali kashimikila uuli onse ukwita bankomamatwi bacibulu na bantu abapofula ukubapepela, kabili elyo ukumona balya bantu ukupokololwa palya pene fye. Uwa kulekelesha uyo wapepelwe pali ilya nshita ya bushiku ali umunono umwana uwa menso ayacilinganishiwa. Nalimwene nyina kabili no mukashana nabekala ababulanda kulubali lumo—kwaliko abengi nganshi abakupepela, kabili camoneke kabila wa mbila nsuma tekuti afike kuli bena. Inshita yalikumene ukwisala ukulongana, lelo nombamba na

bengi abalekabila ukupepelwa. Kabila wa mbila nsuma aleiteyanya ukuya kabili ena afikile pa matabo ya kuntanshi, ilyo ena aishilelolekesha kunuma no kumona umwana. Ilyo line icikuku cakwe caile kuli ena, kabili ena ali musendele wene, abikile ndupi shakwe pa menso yakwe no kupepa ipepo ilipi. Ilyo mwana alolekeshe pa mulu, moneni, amenso yakwe yaishilebwelela mubutuntulu umupwilapo!

## TWAKUMANYA WILLIAM BRANHAM

Ulucelo ulwakonkelepo twalikwete ishuko lya kukumanya Munyina Branham. Ifyo twaumfwile no kumona inshita ya bushiku iyafumineko, kabili amatontonkanyo twakwete ilyo twamukumenye wene, yatushinine ifwe ukutula apa pali umwaume, uyo, nangula ukuba uwapetama kabili no kukana ilanga, aishile kumanya muli Lesa no kupokelela bukapyunga ubo bwacilile ubuli bonse ubo twamona. Pano pali icitetekelo icaanguka ico caletele ifyalecitika kabili camoneke pa butantiko bwacilya ico ifwe twatontonkenyepo akale ukuba icikankala ukuleta ukupuputulwa uko ifwe twali abashininkisha Lesa alefwaya ukwisa mukufikilishiwa lintu ilyo Kristu talaisa.

Mukukumanya munyinefwe ifwe twaumfwile ukutula Munyina Moore alilandile kale kuli Rev. Branham palwa ine, kabili kutila ena alelelela ukukumanya ine. Mucine Munyina Moore, pa kumona amaka ayaibela aya bukapyunga bwa uyu kabila wa mbila nsuma, amwene ishuko ilya kuputwa ilya bukapyunga bwa musango ifi ukulengwa ukubapo kuli bonse abantu bakwa Lesa. Pantu mucine ilyo malaika apele Munyina Branham umulimo, ena ali mwebele ukukomaila ukutula bukapyunga bwakwe bwali bwa *ku bantu bonse*. Pantu utubungwe twesu twali mu mabumba ayakalamba ayaba ba Full Gospel, lyalisuminishenye iline kuli Munyina Branham na Munyina Moore, ukutula nalimo ine limbi kuti naba umo uwakwishibisha wene kuli ba kapyunga aba aya mabumba. E ico cali ukutula ifwe twaishilesanga Munyina Branham lilya line ukufwaya ukusumina ubwite bwesu kuli wene ukwisa ku kwakuso no kukwata imisonkano mu mwaka walekonkapo mu Oregon ne misumba iyapaleme.

Ifwe twalibwelele ku Ashland, ukushininkisha ukutula Lesa ali mubulendo bwesu kabili ukutula ubu bwali bukapyunga ubo bwali no kufika ku bengi. Ifwe twatendeke ukulolekesha ku ntanshi uko kwingacitwa pa kupekanya imisonkano ingi ipi iyakwa Munyina Branham mu mpanga ya ku Kapinda ka ku kuso na masamba.

Cali ukukabila kwesu, nangu cibe fyo, ukuya mukulongana ukunono ukwakulundapo na Munyina Branham ilyo takulaba

imisonkano iya ku kapinda ka kuso na masamba. Ulukuta lwesu lwalitupele insambu ukutandalila umusonkano uwaleisa ku Tulsa, Oklahoma. Imilandile ya lukuta yali iya kusuminisha, lelo bonse bali nakatina nganshi lulyo lucelo kwati bena balisakamene ukutila ifwe limbi tekuti tube bakacema wabo inshita itali nganshi. Mu June, 1947, ifwe twaile ku Shreveport, Louisiana. Munyina Moore ali uwaiteyanya ilyo ifwe twafikile kabili na bambi abengi ifwe twalyenseshe ku kwa Kulyo ku Tulsa. Ilya nshita ya cungulo bushiku ifwe nakabili twalikwete ishuko ukumona bukapyunga bwa uyu mwaume. Icikalamba icikulwa ca chalichi caliswile mpaka pa minshi kabili ifingi ifintu ifisuma fyalicitike lilya mu bushiku. Kwaliko abengi nganshi abakupepelwa pa mulandu wakutila ukulongana kwaile mpaka tukoloko mulucelo. Efyo cali umwaka wafumineko. Ifyo cali icansoni, ifwe twatontonkenye, ukutila na ba million aba bantu abalwele, abanono nganshi nganshi mucine ukukwata ulupaka pa ngulu na malwele, kabili ukutila uyu munyina munono alepepela abalwele mpaka amaka yalepwa muli ena.

Mpaka pali iyi nshita, inono imisonkano iyakwampana iya ba Full Gospel yalicitilwe. Ukupusana kwe sambilisho kabili ne milandu imbi yalengele bumba limo ukuba ilyaletunganya ilibiye. Nga bonse bali no kukwatamo ubwafwilisho muli iyi misonkano ikalamba, ifwe twalimwene cena ukuba icikankala ku misonkano ukupekanishiwa pa mulingo uwakukanaba icilonganino, uko bonse abaposeleko amano kuti baumfwana ukukana angufyanya ukulanshanya pa masambilisho ayakukansana, lelo kuti twailunda capamo mukubomba kwa kwampana kukuleta iyi mbila iyakupokolola ku bantu bonse. Bushe ici kuti cacitwa? Ifwe twatontonkanye kuti caba. Munyina Branham ali uwasekelela palwe tontonkanyo, pantu mucine ukwampana kwa bacetekela cali cisendo ca mutima wakwe ukufuma pa nshita ilyo malaika amutandalile wene. Ilyo tatulafuma ku Tulsa, amapange ayene yene yalicitilwe ku kulongana ukwingi ukwali nokubapo ku Kabanga ulya mwaka.

Imyeshi ibili panuma, ilyo twali pa bulendo ku General Council ku Grand Rapids, Michigan, ifwe twaliminine palya pa Calgary, Canada, uko Munyina Branham akwete ukulongana kwa nshiku cinelubali. Ifwe twalikwete ishuko lyakwafwilisha mu mulongo wakupepelwa, kabili kulya twalikwete ukumona mupepi bukapyunga bwakwa munyinefwe. Pa nshita imo, ifwe twalilolekeshe ilyo ena alelanda ku mwaume uwalele pa busanshi. Pa kubala takwali icishibilo icakwasuka kwa mano ukufuma ku mwaume. Ukulondolola lyena kwafumine ku mukashi uwaiminine mupepi, ukutila umwaume tali mukufwa fye ne mpwalonda, lelo ali ni nkomamatwi kabili ena taleumfwa ifyo fyalelandwa. Munyina Branham lyena asosele ukutila cena kuti caba icikankala ku mwaume ku kupokelela

ukumfwa kwakwe pa kutila enga mulondolwela wene palwa kundapwa kwa mpwalonda yakwe. Kwaliko akashita kepepo. Ilyo line umwaume kuti aumfwa! Ifikalamba ifilamba ifingi fyakonkolweke mu masaya ya ulya umwaume uo icinso cakwe conse icungulo bushiku cali shilili kabili icatekanya. Ena akutike no kusekelela ukwapulamo ilyo ba mwebele palwa kupokololwa kwakwe ukufuma ku mpwalonda.

Ubwafya bumbi cali ukundapwa kwa mwana nkomamatwi cibulu. Panuma yepepo calishininkishiwe ukutula umulumendo kuti aumfwa. Kulyo kulangisha ukwakupapusha pa cinso cakwe ilyo ena aumfwile iciunda calengele ukuba palwalala kuli onse ukutila umupashi wa bucibulu walitamfiwe. Inshita imbi iya bushiku nalimwene banyina nakabili, ne nsansa bena balitwebele ukutula kale umulumendo wabo alisambilile amashiwi ayengi. (Pa cifulo cimbi muli uyu mufungilo pali icacitike mwipepala lyelyashi ku kulongana kwa ku Calgary.)

## IPANGE LYAKWA LESA MUKUKUSHA WILLIAM BRANHAM

Ifwe twafumine ku Calgary na bamo bambi abanensu abo abaleenda pamo na ifwe, kabili twalitwalilile no bulendo bwesu ku Kabanga. Inshiku ishinono panuma ifwe twaiminine pa Oberlin, Ohio, umushi wa Oberline College, uwasangilwe na Charles G. Finney. Uyu mwaume mukalamba uwakwa Lesa alishikwa mu ncende ya nshishi mupepi na Oberlin, imfwa yakwe pa kucitika kulya imo imyaka 75 iyapitapo, panuma ya bukapyunga ubwa fisabo telingi line bwalingene mwi lyashi lya kale ilya kubila kwa mbila nsuma. Finney tekuti sana sana eshibe Oberlin nomba. Mucine, ifyayemba ifikulwa fya pesukulu fyalangishe ukulunduluka kwa fipe, lelo Mbila nsuma iyo Finney abilishe na maka nganshi nkulo shibili ishapatapo yakwete abatetekela abanono kulya nomba. Ukumwa kwa bwembya ubwa nshita ipya ne mbila nsuma ya mangalo calisendele icifulo. Takwali no kubako no kusangalala mu Oberlin, nga Finney ali no kubwela no kushimikila imbila shakwe isha maka mu fikulwa ifya ilya university ipya.

Ifwe twaliipwishe fwebene ubo bwali bwafya. Mulandu nshi mukati ka nkulo shibili kwaliko ukupusana ukwapwililika uko kwacitike. Ifwe lyena twalibukishiwe pa nshiku shakwa Yoshua. Israele alibombe Lesa mu nshita ya bumi bwakwa Yoshua kabili na cimbi mukati ka nshita ya bumi ya balya abali no mweo ukucila Yoshua, kabili "ABO ABAMWENE YONSE IMILIMO IKALAMBA IYAKWA SHIKULU IYO ENA ACITILE ISRAELE. . . KABI LI KWAIMININE NKULO IMBI PANUMA YA BENA IYO ISHAISHIBE SHIKULU, NANGULA



IMILIMO IYO ENA ACITILE ISRAELE. KABILI ABANA BA ISRAELE BACITILE UBUBI MU CINSO CAKWA SHIKULU NO KUBOMBELA BALII.” (Abapingushi 2:7-11)

## BUKAPYUNGA BWAKWE UKUPASHANIWA NA BULYA UBWAKWA GIDEON

Cilya cali palya. Cena cali icishinka ukutila icitetekelo muli Lesa tekuti cipelwe ukufuma ku nkulo ukuya ku nkulo ukwabula ukulangishiwa ukupya ukwa maka yakwa Lesa. Inkulo iyo yakonkele Yoshua nalyo line yalikwete bashimapepo wabo, lelo nangu cibefyo aba tabaishibe nangu cimo pa maka yakwa Lesa. Icikankala caishilebapo ica bukapyunga bwabo ubwabula amaka cali ukutila “umuntu onse acitile cilya icali icalungama mu menso yakwe umwine.” Lelo lyena nga nomba kukaba lyonse abo, abapala nga Gideon, abo abashakasumine ubulondoloshi bwe lyashi lyakwa ciwa ukutila inshiku sha fipeshamano shalipita. Malaika amonekele kuli wene kabili atile, “Shikulu ali na iwe, we mwaume wa bulumba.” Lelo Gideon alyaswike kabili atile, “Nga Yehoba ali na ifwe, cinshi lyena fyonse ifi fyatuponena? *Kabili fili kwisa ifipeshamano fyakwe fyonse ifyo bashifwe batwebele*, abati, Bushe Yehoba tatuletele ifwe ukufuma ku Egypt? Lelo nomba Yehoba natulekelesha ifwe, no kutupela mu minwe ya bena Midian.” (Abapingushi 6:12-13) Gideon talinga kapepa uwa bushiku bwesu, uyo waba uwaikushiwa mukupwililika ne mbila nsuma ishakwate fipeshamano, kabili mukucenjela alondolola ukukanabapo ukwa fipeshamano muli bukapyunga bwakwe pa kusoso kutila “inshiku shafipeshamano shalipita,” kabili kutila cena nomba bufwayo bwakwa Lesa ku Benakristu ukutitikishiwa na malwele. Gideon alikene ukuitumpika umwine; ena alolekeshe ku fishinka. Nga Lesa ali na ifwe, filikwisa ifipeshamano, ena alefwaya ukwishiba. Moneni ukutila malaika tasosele, “Gideon, iwe nausansamuka, inshiku sha fipeshamano shalipita.” Ena acindike icitetekelo cakwa Gideon pa kubomba icipeshamano palya pene. Ilyo ena akumishe ilambo ilyo Gideon apekenye, “kulya kwafumine umulilo ukufuma mu cilibwe, no koca inama kabili ne mikate ishatutumuka.”

Mucine malaika wakwa Yehoba aebele Gideon “kabiye muli aya amaka yobe, kabili iwe uli no kupususha Israele ukufuma mu minwe ya bena Midian; bushe ine nshiku kutumine?” Ilyo Mupashi wakwa Lesa waishile pali uyu mwaume uwacitetekelo ena aishileba umwaume uwaibela, na Israele onse ali ilyo line ukupela bukambone ukupokololwa ukukalamba ukubomba ukupitila mu maka ayakupapusha.

Cena cakusekesha ukumona ukutila nangula Gideon alicetekele ukutila nga Lesa ali mucine mukati kabo, kanshi inshiku shafipeshamano tashapwile, lelo ena ali uwapapushiwa

nganshi ilyo malaika apele umulimo kuli *ena* ukuya nge ntungulushi ya Israele. Ena tekuti amone ukutila uku kuti kwaba ukusala ukwa mano. Tacali fye ulupwa lwakwe ukuba ulupina, lelo ali uwacepesha mu nga'nda ya bawishi. Nangu cibe fyo, ukutila abantanshi bakaba abakulekelesha kabili abakulekelesha abantanshi cimoneka lyonse ukuba inshila yakwa Lesa. Panuma Lesa apalile Gideon no kucimfya ena alitwalilile ukuba uwapetama, kabili alikene ukusumina ukuba kateka pali Israele. Ena aebele abantu, "Yehoba ali no kuteka pali imwe." Ena abwekeshe icumfwano pakati ka ba munyina aba kalumwa, kabili mukati ka myaka ingi iyo yakonkelepo kwali mutende kabili tondolo mucalo.

Ukulingana ne lyashi lyakwa Gideon eflyo cali mu bumi bwakwa William Branham. Bonse abaume bafyelwe mundupwa ishipina nganshi, kabili nangu umo takwete amapange ukuba umukalamba. Cila umo apokelele icipempu no mulimo ukufuma kuli malaika wakwa Shikulu. Cila umo atetekele ukutila nga Lesa ali na bantu Bakwe lyena inshiku sha fipeshamano nga tashapwile. Bonse babili aba baume bapokelele amaka ayaibela aya Mupashi. Bonse babili balikene ukuba bakateka pa basekeshiwa bakwa Lesa, kabili bonse babili balibombele ukuleta icumfwano pakati ka bantu bakwa Lesa. Ne fita ifinono nganshi Lesa apele Gideon ukucimfya pe bumba lya balwani. Ukwabula no bwafwilisho bwa kabungwe ka bantu kabili ukukwata ifinono ifya cifyalilwa ifyalefwaikwa, William Branham anakile ubwite kukupyungila icabupe ico Lesa amupele, kabili abengi balishile ku kumfwa ena, abengi pakupokololwa ukufuma ku bucushi bwa mulwani. Gideon aliculile ukufuma ukumususha kuli ba munyina bakalumwa kabili aba mano ya buntunse. Ulya musango caba no mulandu wakwa William Branham. Cila umo uwa aba baume balyaswiike kuli abo abalandile ukusususha bena no luse kabili no kushipikisha, kabili Lesa ashininkishe bonse babili mu nshita Yakwe umwine.

Ukulingana mu micitile iyalipo mu bushiku bwakwa Gideon no bushiku bwesu ici naco epo cili. Inkulo iyapitapo akabungwe kaba Full Gospel kaishilemonekela, kalikwete ifishibilo ifingi ne fipapwa. Lelo nombamba inkulo ipya naima, kabili abengi abantu abacaice, nangula bena balyumfwa imilimo iyacitwa mu bushiku bwafumako, tabatala abene ukumonapo icipeshamano. Mu machalichi ayengi icabapo caba ukufwaya icakupyanyisha pa maka yakwa Lesa kabili no kupalamika kucipimo ica buntunse ica kupepa.

Pakubwela kwesu ku Oregon calibikilwe pali ifwe na maka nganshi icakutila ukumonekela ukwa maka yakwa Lesa cali ubwasuko fye bweka kwilipusho, "Musangonshi wingapalama kuli ino nkulo ne mbila iya Mbila nsuma mu nshita inono iyo yashalako ilyo takulaba ukwisa kwa kwa Kristu?"



## Branham ku Kapinda ka kuso na masamba

Inshita bwangu bwangu yalifikile ukutendeka imisonkano iya ku kapinda ka kuso na masamba. Ifwe nalyo line twalikwete umulimo wa ku cema pa Ashland. Mwishuko ibumba lya Lorne Fox Evangelistic Iyaishile kulukuta lwesu pali ilya nshita kabili ukulongana kwashininkishe ukuba kumo ukwapulishamo nganshi Ashland atala kwatapo. Iyo nshita inono iyalipo, ifwe twalibomfyeshe mukupwisha ukupekanya pa misonkano yakwa Branham, iyo yaile ukutendeka intanshi mu Vancouver, B.C., kabili elyo kuya ku kukapinda ka ku kulyo ku Misumba. Bakacema batatu aba nkuta ishikankala isha mu musumba, abalelipilila ukulongana bali Rev. Walter McAllister, Rev. W.J. Ern Baxter, na Rev. Clarence Hall. Ukwingi ukulunduluka ukwa uku kulongana cali pa mulandu pa mulimo uusuma wakupekanya uko kwacitilwe na ka kabungwe ka ici cifulo. Rev. Baxter, uyo wali pantanshi ukuba membala pe bumba lyakwa Branham, alondolwele ukulongana muli aya mashiwi:

“Ifyamoneke fya bukata ubushinga londololwa fyalishininkishiwe muli ulya uwacepesha, ubwa nshiku shine, umusonkano uwa musumba onse na Rev. William Branham. Nga mu misumba imbi, efyo cali mu Vancouver, ifikulwa ifikalamba nganshi ifyalipo tafyali ifyalinga ukwikalikamo amabumba ayaishile ayo ayalolele pali bukapyunga bwakwa munyinefwe. Imisumba iyashinguluka ne mishi ya moneke mu butuntulu ukuya mu Vancouver, mpaka umusumba onse walikwete ukwiluka pa maka aya bumupashi aya ba makana abalepepa, abantu abacetekela. Amabumba aya bukapyunga ukufuma mu misumba iyapusana pusana baishilesangwako pa mulandu wa kufwaya ukukwata bukapyunga bwakwa Munyina Branham ukulongana kwa musango umo wine mu fifulo fyabo ifyalekana lekana ifya milimo. Amakana balifililwe ukusangwako ukulongana, kabili ici nangula pa mulandu wa kukana bomba ukwa ba motoka bonse aba mu misebo na ba bus.

“Ukulongana kwa ku Vancouver kwatangililwe na kutatu ukukalamba ukulongana kwa mapepo, kabili no kuteyanya kutatu ukukalamba ukwa kulongana pa bushiku ilyo imisonkano tailatendeka. Ukufuma fye pa kutendeka ukwa kulanshanya palwa kwisa kwa kwa Munyina Branham ku Vancouver, umupashi usuma wakwampana no kumfwana walikwete amaka pakati kaba kapyunga ba mu Vancouver. Uyu mupashi uwawama walitwalilile, kabili mucishinka walilundulwiike mu nshita

yonse iyakulongana, kabili na nomba ucili utuntulu nganshi, ukusanga ukulangisha mu mabumba ye senge no kulongana. Ifwe natumona ici ukuba cimo icintu icapulishamo ica bukapyunga bwakwa Munyina Branham mu misumba imbi, nayo. Kabili ifyo mukupelelwa caba ica ku kabila.

“Amabunte ayengi aya kundapa nayatwalilila ukwisa ukwishibisha ba kacema aba cilye cifulo, kabili imilimo ingi iyawamisha yalicitilwe pa kubomba kwa ilya ine nshita kwa Mupashi wa Mushilo pa nshita ya mapepo. Ukusenda ilyashi ili lilyonse palwa kundapwa ukwacitilwe kuti caba umulimo ushingabombwa, pantu umo alingile ukulanda pa menso ayacilinganishiwa, atemwa pa bashingabuka pa mabusanshi ukwimishiwa, atemwa ba nkomamatwi ukumfwa, na pamo bacibulu ukulanda? Napamo umo alingile ukufwaya ukupendamo ama bunte aya kusansamusha aya abo abaundepwe ku mpwalonda, fimumena ne fibukulo? Umulimo ukalamba nganshi, kabili ilyo wa moneka ukupwishiwa, wene elyo watendeka fye. Amalyashi yakulekelesha yakabelengwa fye ilyo tukeminina ku cinso ca kwa Kapela wa conse icisuma ne cabupe icapwililika.”

Nangula kwali ubwafya bwa myendele, icikulwa icikalamba umwaleikala amakana abengi caleisushiwa cila nshita ya bushiku—mucine ubushiku bwakulekelesha ifibi fyaiselwe pa faifi koloko. Cali icashininkishiwa ukutila abauame abanono bali abalinga ukucite fisuma ifingi mu nshiku shine ngefyo Munyina Branham acitile mu Vancouver. Abengi bakapyunga balisangilweko kabili balibwelelemo ku machalichi yabo abacincila kabili abaputwamo pa filangisho fyawamisha ifya maka yakwa Lesa ifyo bena bamwene.

Ukulongana kwakonkelepo kwali mu Portland, Oregon, kabili kwatendeki pa Bushiku bwa Armistice. Ukulongana kwacitilwe mufikulwa ifingi, lelo takwali icikulwa icasangilwe ico cali icalinga ukukwatilamo amabumba. Pa shakulekelesha inshita sha bushiku shitatu Icikulwa ca Municipal calibomfiwe, lelo panshita ya bushiku iya kulekelesha nangula ici cifulo icakwata incende ikalamba caliswile kucilapo. Imyanda yabakapyunga balisangilweko, kabili ukulongana kwa bukapepa mu fifulo fyaba Full Gospel mubutuntulu kwalipwile kano fye pa cikulwa apo kulongana kwatwalilile. Icacitike pa mulimo uwa kushinina ku kulwisha ukwa mwaume uwali ne ngulu uko kwacitike muli uku kulongana kumoneka mucipandwa icakubalilapo ica ili buku.

Ukufuma ku Portland ifwe twaile ku Salem. Umwakubika ifyanso umukalamba mwaliswile kabili efyo mwali monse mufipinda fyafyena ifyapesamba umo babikile ifya kusabankanishishako. Rev. Walter Fredric, chairman wa kabungwe ka cilye cifulo, akwete ifi fyakusosa:

“Ukufuma ku Salem, Oregon, na ifwe bene tulefwaya ukubilisha ishiwi lya kutotela kuli Lesa pa cipempu icapulamo ukufuma kuli Lesa mu nshita ya kulongana kwa kwa Branham. Abantu baishile ukufuma ku States na ku Canada. Tapatala mwi lyashi lya kale ilya mu musumba uku kwata ibumba ilya ifi ukwisula incende pa kulongana kwa bukapepa. Salem yalisunkanishiwe no kulengwa kutontonkanya pali Lesa. Fyali ifingi ifipeshamano fya kundapwa, kabili umo acili aleumfwa amabunte yakupokolola.”

Ukufuma ku Salemu, Munyina Branham aile ku Musumba wesu wine uwa Ashland uko umwakubike fyanso muli ilye ncende umwaleikalika 1200 mwaliswile. Umulungu wakonkelepo ibumba lyaendele ukuya ku Boise uko musonkano uwa maka uwa nshiku shitatu kwaiswishe icikulwa icikalamba sana mu musumba. Mukulongana kwa nshiku 14, na mashiwi ayanono ayakusabankanya kwa mwi pepala lye lyashi, bamo abantu 70 000 balyumfwile mbila nsuma iyakundapa kabili nalimo 1000 pali aba bali ni ba kapyunga.

Muli uku kulongana ifwe kuti twalumbula ukutila amaka yakwa Munyina Branham yalifulishe nganshi. Ena alyeseshe ukwenda ukuya ku Phoenix, Arizona, pa nshiku sha pa Mulungu kabili ukukwata ukulongana mu cungulo mu Cikulwa ca Shrine. Inshita shimo ena talelala ubushiku bonse. Inshita imo indeke yakwe yalishingulwike pa ma ora ukufwaya ukwika, ilyo fubefube uwatikama ashingulwike icibansa mupepi fye no kutikama ukushinga pulinkanyamo. Ifyacitike ifya uku kulongana fyali fyonse ifyawamisha nganshi ilyo ifwe twatontonkanya umusango kabila wa mbila nsuma alepyungilamo ukucila pa maka yakwe kabili mu fya musango filya ifya kutitikisha ifya ku mubili. Mu ntanshi ifwe twaliposeleko amano ukumona ukutila ena talingile ukusangwa mukulongana ukwingi ukucila kulya ukwingalombelwapo bwino. Lelo nangula lilya cali icalinga kuli ifwe kutila Munyina Branham alile ukucila pa maka yakwe kabili mucine alefwaikwa ukutusha inshita itali.





## “Ishiwi Iya Kundapa” Lyafyalwa

Pakwisala kwa musonkano wa ku Boise, Munyina Branham aliilondolwele umwine ukutla ena ali uwansansa nganshi pa fyacitike mukulongana uko kwalipo ku Kapinda ka ku kulyo na masamba, kabili atile ena aumfwile cali bufwayo bwakwa Lesa ukutla mu ntanshi ukulongana kwakwe kukatwalilile ukulacitwa pa mulingo umo wine uwa Inter-*evangelical*. Alinjipwishe nga ine kuti na ya ku Shreveport, Louisiana ukuyaipushanya na Munyina Moore pafingacitwa ifya kupekanya imisonkano imbi pali uyu mulingo. Nalisumine ukuya, pantu nshalefwaya ukupela ubwasuko kuli ici kano umulapo. Ulukuta lwandi nakabili lwali ulwa luse nganshi ukunsuminisha ine ukuya. Ulukuta lwalishukile mukukwata ukulongana kwa kwa Kabila wa mbila nsuma Velmer Gardener ilyo nshalipo kabili ulukuta lwaile mulubilo. Mucine, Munyina Gardener ali no kupokelela ukuputwa ukalamba ukufuma ku musonkano uo ifwe panuma twakwete ku Eugene. Panono panuma ya cilya bukapyunga ubupya ubwakundapwa ne fipeshamano bwatendeke ukukonka imisonkano iyo uyu kabila wa mbila nsuma alekwata.

Nga cakutla nali no kusha ulukuta lwandi ukufuminako, no kukonka umulimo uyo wa moneke nge shuko ilyalangishiwe, caishileba ilyashi lyakuposako sana amano kuli ine. Tacali icaanguka ukukwata ukusala ukusha balya abo watemwa, maka maka ulukuta ulo wamona ukukula ukufuma kwi bumba ilinono ilya kulwisha ukwisa kulya kosa kabili ulukuta ulwacincila. Lesa amoneke ukulatungulula, nalyo line nalikene. Mukulekelesha mwipepo, Lesa alilandile kuli ine no kunjeba ukutwalilila, ukwabula nangu cimo icakutwishika, kabili Ena ali no kumona ukutla ine nali no kutungululwa ulutampulo panuma ya lutampulo muciputulwa candi ica mulimo ukalamba ena aletendeka ukucita mucalo. Ilyo kusala kwacitilwe, nshatalile pa nshita nangu imo ukukwata itontokanyo Iya kutwishika ukutla Lesa alitungulwile ine ukucita cena.

Panono panuma pa kutendeka kwa mwaka nalifikile ku Shreveport, Louisiana, kabili nalilandile ifyalecitika fyonse no munandi, Munyina Jack Moore. Capamo na Young Brown ifwe twalyenseshe ukuya ku Jeffersonville, Indiana, uko Munyina Branham aletushisha pa nga'nda yakwe panshiku ishinono. Ena amoneke uwa nsansa ukutumona ifwe, kabili ifwe twalikwete inshita iyaputwamo iye senge. Kwaliko amafya yamo ayakubombelapo. Akale, ukulongana kwakwa Munyina

Branham kwaleiminwako muli magazine iyalembwa no musuma munyina Umwinakristu mu Texas. Ubwafya ubo bwaishileima bwali ifi: Munyina Branham alishibe ukutila apo kulongana ku Kapinda ka kulyo na masamba imisonkano yakwe yafikile pa cifulo icakutila abacetekela ukufuma mu mabumba ayalekana lekana bonse nomba balesangwako. Magazine ili yonse iyo yali no kubomfiwa mu kulongana yali no kuya mu mayanda ya ma bumba aya yonse. Nga cakutila imisonkano yali no kubunganishiwa pa mulingo ushali uwacilonganino, cali icashininkishiwa ukutila magazine nayo ilingile ukuba iya mibele imo ine. E ico kanshi kwali ukusala ukutila imbila ilingile ukutumwa kuli munyina ulumbwilwe pa mulu, ukumwipusha ukutila nga ena ali uwakakulwa ukutendeka ipepala lyakwe pa mulingo ushali icilonganino, kabili, nga ni fyoyona, lyena Munyina Branham kuti atwalilila ukubomfya ilya magazine nge lyalembwa ukusuminishiwa na ena.

Ifwe twalipatukene mu cungulo bushiku kabili ifwe bonse twabikile ilyashi mucine mu maboko yakwa Shikulu. Ulucelo ifwe twalikumenye Munyina Branham nakabili, kabili ena amoneke ukupokelela icishininkisho ica mutende. Ena atile ukuti ena alyumfwile ukufuma ku mulu lilya ubushiku. Ifwe twaliposeleko amano ukumfwa kufyo ena atwebele, kabili mu myeshi iyo yakonkelepo ifwe mucine twalipele bukambone ukufikilishiwa filya fine ukwa yalya mashiwi.

Ifintu nomba fwalicitike ulubilo. Munyina uyo ulumbwilwe kale alitwishibishe ifwe ukutila ena taumfwile ena ali mu cifulo ukupanga magazine yakwe ishili ya cilonganino, ngefyo calandilwe. E ico ISHIWI LYA KUNDAPA yalifyelwe, kabili casontelwe pali kalemba ukuba kalemba mukalamba. Calisuminishiwe pa nshita ya kutendeka kwa iko ukutila mu mabula yaiko tamwakabe ukulanshanya ukuli konse pa milandu inono iye sambilisho ilyo limbi ilingaleta ukukansana ne cimfulunganya pakati ka bantu ba Mbila nsuma Yonse, lelo yali nokusabankanya imbila iya Mulimo Ukalamba, ukubilisha ukwa bwite bwa kwa Lesa ubwa kulekelesha kubashapusuka, ukundapwa ukwa bantu ba kwa Lesa, mpaka ukubampanya bena mu mupashi, no kubateyanya palwa Kwisa kwa kwa Kristu. Ilifunde lyali kabili lili nokubapo lyonse mpaka Yesu akese.

Pali ilya nshita, ISHIWI LYA KUNDAPA lyatontonkanishiwe fye nge ciputulwa ica kulongana kweka ukwa kwa Munyina Branham. Panuma, pa mulandu wa mibele yakwe iyanakuka, ena alipatikishiwe ukusha umulimo pa nshita iitali, kabili mu Kusakamana kwakwa Lesa, no kusuminisha kwa kwa Munyina Branham, magazine lyena yaishileba iciputulwa icasuminishiwa ica bukapyunga ubukalamba nganshi ubwa kundapa bwa mu America, nangula mucine ukulangisha bukapyunga bwakwa Munyina Branham.

Cena cintu icakusekelela ukumona ukutila abengi bamunyina abatenwikwa nomba abasangwa muli lyena, balapelo bunte ku cishinka ukutila ukuputwa kwabo no bwite kuli bukapyunga ubwa musango filya bwalikwete intendekelo ya buko ilyo bena basangilweko kuli imo imisonkano yakwa Branham. Kuli Lesa kube ubukata bonse.

## IMISONKANO YA KU FLORIDA

Ukupekanya kwalicitilwe kuliba membala be bumba lya kwa Branham ukuilunda ku Miami, Florida, pa musonkano wa nshiku mutanda mu ciputulwa cantendekelo ca mwaka wa 1948. Pali ilya nshita, ilyashi ilyeni lyalikwete ukushinguluka ukutila Munyina Branham alifwa. Cali lilya line panuma ya kutendeka ukwa mwaka upya ilyo ilyashi lyaumfwike ntanshi, kabili lyena talyapwile. Uku no ku mukati ka mpanga ilyashi lyalilandilwe no kulandwa nakabili. Twalibombele icili conse ku kushininkisha ku bantu ukutila ilyashi talyali ilya cishinka. Nalyo line, abantu abafulunganishiwa kuti balemba, ukututumina lanya na telegram ukufwaya ukushininkisha. Ilyashi lyalitwalilile ukukosa (no bushiku bwa kufwa ukushali kwa kwa kabila wa mbila nsuma pa kuya pantanshi ukutwalilila) mpaka iya kubalilapo iyafumine ilye ISHIWI LYA KUNDAPA lyamoneke mu April, 1948. Cali icilangililo icikankala ica maka ayakusabankanya ukwa fyabufi, kabili ifwe twasangile cena ukukana citwa nangula ukusanga intulo ya lyena. Ilyashi, ukupusana ne lingi nganshi, talyali ilyabipa nganshi mu musango waliko. Intendekelo ya lyena ukwabula ukutwishika lya fumine ku cishinka icakutila ukutwalilila ukwa milimo yakwa munyinefwe, ukuya nge fyo ena acitile mu ma ora ayatali aya nshiku ishitali, ukupepela abalwele, yaishilepwisha nganshi amaka yakwe ku cifulo icakutila cali nomba icamoneka kwi bumba lyakwe. Nangu cibe fyo, Lesa ali talapwisha no mubomfi Wakwe. Kabili nangula cena cali icishinka ukutila Munyina Branham ali no kupita mu myeshi iya bwesho ubwabipa ubwa ku mubili, ena asontelwe ukwisaba kacimfya, na bukapyunga ubwapulamo ukucila lyonse.

Mu Miami, itenti lyalimikwe ukutali kunse ka musumba. Takwali ukuteyanya ukwakubikapo ubwafwilisho bwa kwampana bwa machalichi ukwacitilwe, apo musonkano wa libikilwe pa cishibisho icipi nganshi. Ilingi line ukulongana ukuli konse pa mibele ya musango uyu kuti kwaba ukufilwa umupwilapo. Nangu cibefyo, ishiwi bwangu lyalishingulwike, kabili itenti mu nshiku ishinono lyaliswile ukufikapo. Ifingi ifipeshamano ifyawamisha fyalicitike, kabili ubwite bwa kucipailo pa Mulungu icungulo bushiku bwashininkishiwe ne myanda ya baume na banakashi ukwisa ku ntanshi ukupelo bumi bwabo kuli Kristu.

Cali ilyo twali mu Miami ilyo Munyina Branham akumenye uwaishibikwa kabila wa Mbila nsuma F.F. Bosworth. Munyina Bosworth, kunuma mu Makumi yabili, akwete imisonkano yakundapa iyasangilweko amabumba ayakalamba. Ikalamba nganshi impendwa ya bantu iyatalile ukulongana pesamba lya mutenge umu mu Ottawa, Canada, lyasangilweko ku misonkano yakwa Bosworth kulya kabili bamo 12000 bafwaile Shikulu pe pusukilo. Imisonkano ingi iya musango filya yalicitike mu America na Canada kabili ama pepala ye lyashi ukufuma inshita ne nshita yalembele amalyashi iyafipeshamano ifyawamisha ifyacitike muli yena. Mucifyalilwa, ukulongana na Munyina Bosworth cali cintu cakusekelela kwi bumba lyonse. Bonse bali sana sana abasekeshiwa no busuma kabili umupashi wa bulesa uwakwa uyu munyina uyo wabomfiwe nganshi na Shikulu. Panuma Munyina Bosworth asangilweko mukulongana ukunono, ena alandile lyashi ukutila nangula Lesa ali mupele imisonkano iyapulamo nganshi, ena tatalile monapo ifipeshamano ukucitika no kutwalilila kwa musango filya bwangu nganshi mu musonkano. Ilyo ena ilingi line alebomba imilungu ingi, lintu icitetekelo tacila imishiwa pa mulu nganshi ku fipeshamano ifyapulamo ukucitika, imisonkano yakwa Munyina Branham ifipeshamano ifya musango filya fyalecitika inshita ya bushiku iyakubalilapo. Munyina Bosworth alitilwe ukulanda pa kulongana kumo ukwa cungulo bushiku mu Miami kabili panuma ena aishilesanga cena cali icakucitwa ukuya pamo ne bumba ku Pensacola kabili na ku misumba imbi iya kukapinda ka kulyo uko Munyina Branham atantikilwe ukuyako.

Kunse ka kulunduluka kwa misonkano, Munyina Branham umupwilapo aliipakishe ukwikala kwakwe mu Miami, uko mu nshita ya mpepo umwela wapakati ka mipaka waliwama nganshi. Ubunonshi, ukumoneka bwino, no kwikala kusuma fyali apali ponse, nangula ilyashi lya bulanda ilya malwele no kucula, ukupuma mu mayanda ya bafyuma na bapina pamo, cali cimo cine muli ulya musumba nge ili yonse. Ukufuma mu Miami ifwe twaenseshe ukulola ku kapinda ka kulyo. Icikabilila icisuma ica ku kapinda ka kuso ka ku Florida mukulekelesha kwashele kununa yesu, kabili ifwe nakabili baishiletukumanya kuli King Winter uyo pali ilya nshita aletaka mu maka yonse pa ciputulwa icikalamba ica mpanga ikulu iya America.

## PENSACOLA

Ifwe twalikwete ukuteyanya ukukwata umusonkano umbi mu Pensacola. Ishapusana pusana Inkuta isha Mbila nsuma Yonse shalisuminishenye ukwampana muli uyu musonkano uyo wabikilwe ukutendeka muciputulwa ca kulekelesha ica March. Pali ilya nshita, Munyina Branham ali no kusenda imilungu

inono iya kutusha iyo yabikilwepo no bulendo bwa ku Phoenix, Arizona. Iyashala ibumba lyalikwete imilimo iyapusana pusana iya kubomba, ico cingafwaikwa inshita imo inono. Pa bushiku bwasantelwe, filya fine umweshi panuma, ibumba lyafikile mu Pensacola na Munyina Branham ukutendeka ukulongana. Ici cali no kushininkisha umusonkano wakusekelela nganshi. Wene tawali uwabulapo icakucena, pantu umwela ukalamba ukufuma muli bema wapumine itenti no kulenga ukonaula kumo. Ukulongana kumo kwacitilwe mucibansa ca ilye ncende ilyo kuwamya kwalecitwa. Nangu cibe fyo, ukupitila mu kutungulula kwawaishibisha ukwa kwa Rev. D.L. Welch, umo pali bakacema abaampene, itenti lyaliwamishiwe no kwiminikwa cipya cipya kabili umusonkano walitwalilile mu Canvas Cathedral, ukwabula ukucilinganya na kumbi.

## UKULONGANA UKUSHAKATALE UKULABWAKO

Ukulongana ukwafikapo kabili kumo ukushakatale ukulabwako kwali mucungulo pa Mulungu. Itenti ilikalamba talyaisushiwe fye lelo abengi baliminine ku mbali ilyo Munyina Branham atendeke ukupela ilyashi lya bumi bwakwe. Ilyo munyinefwe alondolola ili lyashi ena talanda fye lyena, lelo ena ekalila lyena. Kabili te eka fye lelo na balya aba mwibumba lyakwe nabo balaisanga abene ukwikala muli lyena pamo nankwe. Pa nshita iya ora na hafu, ibumba ilikalamba ilya bantu lyaliketwe ngefyo lyali, ilyo balekutika no kuposako amano nganshi kwi lyashi lya nshiku shakwe isha kubalilapo isha cipowe no kubulisha, ukupilibulwa kwakwe na Lesa ukubomba pali ena, kabili na cimbi ama busanso mubumi bwakwe kabili mukulekelesha ukucimfya ukwalipo. Lelo uwalelanda tatalile landa ili lyashi mu musango uwakusunkanya nganshi ukucila nge fyo acitile lilya icungulo. Ilyo twamwene ibumba, ifwe twalimwene abaume aba maka abakakulwa ukubomfya ifitambala fyabo ilyo ifilamba ifingi fyalefuma ukwabule nsoni mu masaya yabo. Kalemba tatala monapo ibumba ilya sunkanishiwa nganshi. Mukulekelesha, ilyo kabila wa mbila nsuma aletele mbila yakwe mukwisala kabili ubwite bwa ku cipailo bwalipelwe ku babembu, icintu cimo icikankala calicitike. Camoneke mupepi umubembu onse mulukuta ulukalamba baiminine pa nkasa shakwe ukulomba amapepo ukutila ena engapusushiwa. Impendwa ishapusana pusana ishabelengelwe isha abo abaaswike kuli ubu bwite bumo ubwa kucipailo bali apaliponse ukufuma 1500 ukushinta 2000 iya bantu. Cali ubwasuko ubukalamba mukulongana kumo ifwe twatala ukumonapo, kabili ukwabula ukutwishika kwalipashaniwa inshita shinono mwi lyashi lya kale ilya kubila kwa mbila nsuma. Cali icingacitwa pa muku umo ukutila takwali ncende iya kubikamo impendwa ikalamba iya musango

filya iya balefwaya kabili takwali nangu cimbi icakucita kano kuleka bena ukupepa apo bena baiminine. Bushe umu uwalipo lilya mucungulo kuti atala kulaba cilye cacitike? Abantu balilile ilyo baleyebelela imembu shabo, no kwita pali Lesa ukukwata uluse pa myeo yabo. Ilyo inshita shalepita, uku na kulya, filye filamba fya kulapila fyaishilepilibwila ku filamba fya kusangalala kabili bwangu bwangu ukubilikisha ukwingi ukwa kucimfya kwaumfwike ukupita mwi tenti. Ni yanga amashina ayalembelwe mwi Buku Iya Mwana wa Mpanga ilya Mweo lilya mucungulo, ba malaika fye aba ku mulu balishiba, lelo cena calingile ukuba impendwa ikalamba.

Icishininkisho ca mulimo wapulamo uyo wacitilwe mu musonkano unono, caishilemoneka mu fya citike mukulongana. Umo pali bakacema aba ampene, umwaka panuma, alitwebele ukutila ulukuta lwakwe lwali sombwele ubusomboshi ubukalamba ukufuma mu musonkano, kabili na yambi ama chalichi aya muli ilye ncende yali no nkelepo ifingi. Ifwe twaumfwile ukutila cimo pa fyapulamo ifyacitike ifya kulongana, kabili cimo ico ifwe tuli abashininkisha calilundilepo mu maka nganshi ku kulunduluka kwa kuko, cali icishinka ica kufwaya ku ma chalichi ayapusana pusana ukwampana, kabili ukubika kunuma ukupusana kwe sambilisho, ico cali mubutuntulu cali cinono mukupashanya ku fishinka ifikalamba ifyo bonse basuminishenyepo nganshi.

Impendwa iyafipeshamano iya kupapusha fyalicitike mu nshita iya musonkano unono, lelo takuli ncende iya kulondolola ifi. Nangu cibe fyo, ifyacitike palwa kupokololwa pa wacimfulunganya pa mwaume uwapena cali icapulamo nganshi icakutila ifwe tulingile ukupela incende pa finono ifyacitike fyonse palwa cena. Nge fyo cena cacilumbulwa, pantu umwela uwa maka wapatikishe ukufumyapo itenti, ukulongana kumo ukwa musonkano kwacitilwe mucibansa ca ilye ncende. Uyu uwapena umwaume wa caice aliletelwe ku cipatala ca buteko mukulongana lilya ubushiku, ku kupepelwa. Pakwisala kwa kulongana, balya abo aba muletele balyeseshe ukutungulula ena ukufuma ku cikulwa, lelo ena alikene ukuya. Ilyo amano yesu yaitilwe kuli ci, ifwe twalisungile ukulongana ukwa baume mutanda no kumusenda wene ukufuma mucikulwa pa maka. Yali ayakosa nganshi amaka ayo aya mwikete wene, icakutila cawaikwe te maka ayanono ukupwisha ici, lelo panshita itali ifwe twalimulenge wene ukwikala bwino muli motoka, e ico twatontonkenye, no kusha wene, ukwishiba ukutila takwabe ubwafya na bumbi. Elenganyeni ukupapa kwesu, ilyo panuma ya ma miniti yamo kwaishileumfwika ukubilikisha ukwakome shiwi, kabili ukupilibuka twalimwene wene alefuma muli motoka ukulola kwi bumba Iya banakashi na bana abo abaiminine no kulalanda mupepi no mwinshi wacibansa.

Ukufuma kwakwe ukwa mulubilo kwacitike mukupumikisha nganshi kabili ukukana enekela icakutula ifwe tatwaishibe ne fya kucita. Nalyo line, abantu pa mwinshi balifulumwike mumbali shonse ilyo ena talafika kuli bena. Elyo no bukali ena alipilibwike no kukonka, na maboko yalepupuka, ukulola kuli umo uwaba membala uwe bumba lyakwa Branham, uyo waiminine palya. Ingulu shalikhwata amaka ukuputaula iminyololo, no kucita fimbi ifyapula pa buntunse ifya kufulukuta, lelo nalyo line fyena tafyakwata amaka ku ntanshi lye Shina lyakwa Yesu! Nangula ukupumwa pa nshita ne nshita, munyina tacenekwe atemwa nangu ukukumishiwa, iyo nangula ukupumwa kumo. Icintu cimo icakupapusha calitalwishe ukupuma ukuli konse ukwacitilwe no mwaume uwakwete ngulu. Inshita ubutali ici limbi catwalilile, cena cili icishingacitwa ukusosa, lelo pali ilya ine fye nshita bakapokola babili abo abamoneke fye, ukumfwa ukupunda no kulila kwa banakashi, balibutukileko, kabili ukumona ico camoneke nge congo icaseka, batendeke ukwipusha bonse. Pali iyi nshita, nangu cibe fyo, umwaume uyo uwapena, na mashiwi aya musalula, abutukile kuli ba kapokola, kabili lilya line basangile ukutula bena balikwete ukucila iminwe yabo ukwisula. Uku no ku pa cani balipilibwike no kulwishanya, kabili mukulekelesha bakapokola baishile alukila ku mafunde ayakosa ilyo bena tabalakoma ne nshimbi no kucimfya uwabo uyo ushalebakanila uwalebalwisha. Lamyu ku police yaletete motoka yabakapokola, kabili mukulekelesha umwaume aliketwe no kumusenda kwi ofeshi ilikalamba, uko ena abikilwe mucipinda icaibela pa nshita ya bushiku.

Panuma ilyo bena baenseshe ukuya, ifwe tatwakatale ukulabako ifilamba ifya kwa nkashi wa mwaume ushakwete ishuko, uyo wakwete umulimo uwakuleta wene mukulongana. Ena alishile no kupapata kuli ifwe no mweo uwacucutika ukutula Munyina Branham enga mupepela. Nangu cali ifyo, cali icishinga citwa kuli Munyina Branham ku kwasuka ku malamyu ayengi ayo ayaishile cila bushiku ukufuma kuli abo abengakabila wene ukutandalila abalwele na bantu abaisalilwa. Lelo cali ica mulubilo nganshi kabili uwaikatwa nganshi ubulanda uyu nkashi, ica kutula mukulekelesha Munyina Jack Moore aile mukweba Munyina Branham palwa bwafya ulucelo.

Ulucelo lwakonkelepo, Munyina Moore atendeke ukulondolola ilyashi ilya fintu ifya nshita ya bushiku iya fumineko kuli Munyina Branham. Elyo kwacitike kulyo kumoneka ukwawamisha ukwa ca bupe ca Mupashi, ico munyinefwe lyonse amona ifintu ifyo ificitika ukutali, kabili nelyo tafilacitika. Ifwe mucine tuleibukishiwa ku fyacitike muli bukapyunga bwakwa Elisha, ilyo ena amwene amapange ya Mfumu ya ku Silia lintu fye yena tayalacitika. Napamo Kristu



Umwine ilyo Ena amwene Nathaniele ukutali ukucila no kumona kwa cifyalilwa. Muli ubu bwafya Lesa alilangishe kale Munyina Branham uyu mwaume uwapena, ukutila ena ali no kumupepelako wene bulya bushiku, kabili ukutila umwaume ali no kundapwa. Icikope icakupokololwa calishibikwe kuli ena mucimonwa pa kubapo ukwa motoka iyalemoneka iyakashika, kabili no musango wa fyakufwala ifyo afwele umwaume uyo wali no kupokololwa.

Ukupekanya lilya kwalicitilwe na bakapokola ba mu Pensacola pa kukakululwa kwa uyu mwaume wacaice. Lelo bena, ukwibukisha ubwafya ubo bena bakwete inshita ya bushiku iya fumineko, nalimo kuti babelelwo luse pa kukana kwabo ukuleka bena ukuya kano fye ena alisendelwe kunse ka musumba kabili ukwabula ukubwela nakabili. E ico mukulekelesha ukwakwikala kwalipekanishiwe kululamba lwa Gulf, uko amabumba yonse ayakumineko yali no kukumana. Lelo ilyo Munyina Branham afikile no kulolekesha bwino bwino pali ba motoka, ena asosele ukutila fyonse tafyali ifyo ena amwene mucimonwa. Ilyo ena alekele, Munyina Moore asalile ukwensha iyakwe ipya De Soto pantanshi intamfu imo inono ukufuma uko uyu mwaume uwapena ali, ilyo mwana wakwe umwanakashi na nkashi umbi bali muli motoka yakwe. Munyina Branham lyena aishilefuma no kwenda uko umwaume wacaice aiminine. Ena amwene lilya line ukutila ifya kufwala fyakwe fyali filya fine fimo fine nge fyo ena amwene mucimonwa, e ico alimwebele wene ukubwelelamo muli motoka no kulolela. Lyena icintu icaibela calicitike. Nge fyo Munyina Branham alandile cena panuma, “Nalilolekeshe kunuma ukutonta pali motoka yakwa Munyina Jack. Ululamba lonse lwali micanga yabuta. Lelo uko motoka yabikilwe fye, paliko umwina we loba ilyakashika. Akasuba ukusanika ukufuma pe loba ilyakashika paya wamishiwe nganshi tan seden calengele ukumoneka iyakashika. Nalishibe lyena ukutila ici cali filya fine ico namwene mucimonwa. Nalile palya lyena no kulumbula amashiwi ku mwaume wacaice, ‘Efyo asosa Shikulu, umupashi uwabipa walafuma pali iwe nomba, kabili iwe walaba umutuntulu.’ Apo pene fye umwaume wa caice alipokolwelwe kabili aingile mukulanshanya ukwayana.”

Ubu bwali ubunte ubwawamisha kuli bakapokola aba ku Pensacola, ilyo baishibe ukutila Lesa acitile icintu cimo icisuma nganshi mukati kabo. Calengele abengi ukulumbanya Lesa pali ici camoneke ica cikuku Cakwe pa mwaume uo Satana akakile ubu nganshi.

Imo imyeshi panuma, umwaume wa caice uyo wapokolwelwe atumine ubunte bwakwe kabili bwena bwamoneke mwi lyashi lya ISHIWI LYA KUNDAPA. (July, 1948) Ubunte bwakwe bulebelengwa nge fi:

“Ilyo nali ne myaka ya kufyalwa ibili nalikwete polio. Abafyashi bandi balinsendele kuli ba shinga’nga abapusana pusana. Nalikele nshita imo mu fipatala fya bana abalemana. Fyonse pali fyena tafyacitile icisuma nangu cimo. Naishilelwalisha inshita fye yonse. Mukulekelesha imibele yandi yaishilebipa nganshi icakutula naishilepena. Nali mucipatala ca buteko mupepi imyeshi cinelubali ilyo abantu bandi baumfwile palwa kulongana kwa kundapa kwa kwa Munyina Branham mu Pensacola. Balintwele kulya kabili ilya nshita ya bushiku balimbikile mucifungo pantu Shikulu ali talapwisha na ine. Ena abomfeshe ine nge cilangililo ukulangisha abantu ukutula Ena alikwata amaka ayengi ukucila ciwa. Ilyo nkashi yandi aishile mukumona ine ulucelo lwakonkelepo, nali umupwilapo uwaikushiwa pantu Lesa alilangishe Munyina Branham ukutula Ena alyundepe umubili wandi. Ine nombamba ndi ne myaka yakufyalwa 25 kabili nalikwata incito isuma. Ndetasha Lesa pa maka Yakwe ayakundapa.”

T—C—Sopchoppy, Fla.



## Ibumba Lyakwa Branham Lyaya Ku Kapinda Ka Ku Kulyo

Ukulongana kwa konkelepo kwabikilwe mu Musumba wa Kansas, Kansas, mu Cikulwa ca Kwibukisha mu ciputulwa ca kubalilapo ica April. Munyina U.S. Grant ali uwa kucipuna ica kabungwe ka ilye ncende, kabili alipangile ukupekanya ukusuma sana ukwa kulongana. Ifwe twalifikile nalimo eiti koloko mucungulo bushiku, kabili twaenseshe lilya line ku nga'nda yakwa Munyina Grant. Ena ali uwansansa ukumona ifwe, lelo alangishe ukukana umfwa bwino kumo palwa kwa Munyina Branham, uo asosele ukutila ali talafika na nomba, nangula ena alipokelele ukulanshanya ukutila ena ali no kuba kulya bwangu mukasuba. Rev. Grant atile ena alishibe ukutila ena ali talafika ngefyo ena akwete fye ukwishiba icifulo ica hotel uko ifwe twaikela—ici ukuba lyonse icalafwaikwa inkama iyacingililwa bwino. (Pa nshita imo ilyo icifulo ica hotel yakwa Munyina Branham caishileishibikwa ku cintu bwingi, umulongo utali uwabalwele walipangilwe pa mwinshi wakwe, sana fye ukufulungana amakwebo ya hotel.)

Ifwe fwebene twalifulunganishiwe panono nge fyo twaishibe ukutila Munyina Branham alingile ukufika pali iyi nshita. Lelo takwali nangu cimo icakucita lelo ukulolela ishiwi nalimbi, kabili ifwe fwebene twalile ku hotel. Ifwe tatwapapushiwe nangu panono ilyo ifwe twasambilile ukufuma kuli kalemba wa bushiku ukutila ena alifikile kabili ena nalala kale. Ilyo panuma twaipwishe umusango cacitikilemo ukutila ena taile ku ncende yakwa Munyina Grant intanshi, ubwasuko bwakwe bwali bwakutila ena alinakile sana kabili atontonkenye ukutila nalimo cena cintu cawama ukuya mukulala bwangu kabili ukukwata ukutusha ukusuma nge fyo cingacitwa. Lelo ifwe twatile, “Musango nshi iwe waishibe ukwisa kuli iyi hotel?” “Cisuma,” atile, “Nali fye ngo waishibe.” Cilya fye ceka ecali icakwikusha ico twingakwata, kabili nalimo fyonse ena engatupela ifwe. Ifwe tatwali abasunguka nganshi, ilyo nshita panuma ya nshita ifwe twalikwete ifyakwishiba ifya ulya musango ilyo amatontonkanyo yakwe yalefikako, kabili ena alishibe fintu ifyo ifishaishile kuli wene ukupitila mutushila utwa mano yakwe yasano. Ifwe tatwakalabeko umusango Munyina Grant tali uwakusengela ilyo ifwe twamwebele ico cacitike. Ifwe tatulefwaya ukupela itontonkanyo, nangu cibe fyo, ukutila Munyina Branham alikwete amano ukubomfya ici cabupe

mukuifwaila, lelo kano fye pa nshita sha musango ifi ilyo Mupashi wakwa Lesa wali sana sana ukwenda pali wene ukuilangisha kwakwe.

Inshita yakubalilapo iya bushiku iya kulongana, bamo 1500 epo bali pa Cikulwa ca Kwibukisha. Ubushiku pa Mulungu kwali ukulongana ukwapulamo. Inshita ya bushiku iya citatu Umupashi wakwa Lesa wamonekele mu maka ayaibela. Bamo bakalemba epo bali lilya mubushiku. Ilyashi lyabo lyalilembelwe mu ya consevartive Kansas City *Times*, April 13, 1948, yamoneke ulucelo lwakonkelepo. Nangula yalembelwe mu “musango we pepala lye lyashi” ifwe twatontonyenye ilyalembelwe, pali lyonse, ukutasha ukusuma ukwa kulongana. Ifiputulwa ifinono ifye lyashi fyali muli uyu musango:

“Mukati ka ‘ba ameni’ ba lukuta, Rev. William Branham, uwa ku Jeffersonville, Indiana, akwete ukwa citatu pali kusano ukwakonkene ukulongana kwa kundapa pa Cikulwa ca Kwibukisha mu Musumba wa Kansas, Kansas.

“‘Conse ico mwalomba Lesa ukucita, Ena ali no kucita,’ Mr. Branham eflyo asele. ‘Te mulandu ifyo muli mupepi no kufwa ku bulwele, Ena kuti amundapa imwe nangula, nomba, nga imwe muli no kusenda fye Lesa pa Cebo Cakwe.’

“Impendwa ya bantu abalwele yapitile ku ntanshi mailo bushiku kabili balumbwile ukuba abaundapwa ku malwele ayapusana pusana panuma Mr. Branham apepele panono pamo na bena. Ibumba lyalyenshiwe. Kwaliko ifilamba mu menso ya bengi kabili imilomo yabo yaletenkana nga bali mu mapepo. Banacifyashi bamo balelila ilyo balesunsuntila utwalesalakata utunya mu maboko yabo. Umo mukashana ukufuma ku Mobile, Alabama, atile amenso yakwe yalicilinganishiwe ilyo aile kuntanshi mailo bushiku, lelo panuma Munyina Branham apepelele amenso yakwe yali ayatuntulu kabili yalemona bwino. Umwanakashi umbi aimishe ukuboko kwakwe kabili atile icibukulo na ciya fye ukufuma pa mukoshi wakwe. Ena atile ena alikwete icibukulo pa myaka kabili ukutila umwaka na hafu uwapitapo shinga nga alimwebele kano fye ukutumbula e kwingafumya cena.”

Ukulongana ukwa konkelepo icikulwa caliswile ukufika na pa minshi ngefyo cali nakabili mailo bushiku ukwa kulongana ukwipi.

Impendwa ya fintu ifisuma fyalicitike mu nshita ya musonkano wa mu Musumba wa Kansas. Umo na mayo aishile kuli kalemba kabili alimwebele ifyo ena ali umulwele ukufuma mukucushiwa ukwabipisha, lelo alifililwe ukwisa mu mulongo wakupepelwa, pa mulandu wa mpendwa iikalamba ya bantu. Nangu cibe fyo, icitetekelo cakwe calimine, kabili lilya mu bushiku mu hotel wene alibushishe umulume wakwe kabili atile ukuti ena alicetekele nga ena

kuti aisa fye mu mulongo wakupepelwa lilya line, ena ali no kundapwa. Umulume wakwe, ukupapushiwa panono, mukulekelesha asalile ukutila ena alelota, alimwebele ukuya pantanshi. Nangu cibe fyo, mulucelo, umwanakashi aishilebuka ukuisanga umwine umutuntulu umupwilapo! Ena alibukishe iciloto cakwe, ngefyo mulume wakwe acitile. Icingulo bushiku icakonkelepo ena alyangufyenye ukuya ku ntanshi ukutweba ifwe pali co cacitike. Na mayo alikwete ukukumya kwa citetekelo, kabili cilya fye ceka ecali icikankala ukukwata ukundapwa kwakwe.

Ba doctor ilingi line balasangwa mukulongana kwakwa Branham. Ubushiku bumo ukukonka ukwisala kwa musonkano, umo pali ba shinga'nga uwaishibisha aba mu ncende mu Metropolitan aishile ku cipinda uko ifwe twabelele. Ena ali mwinakristu uwatekanya, kabili ifwe tatwakatale ukulabako ifyo ena abikile ulupi lwakwe pa kubeya kwa kwa Munyina Branham no kulomba ipalo pali ena. Ilyo ena talaya ena alilombele ipepo pa bulwele bumo ubo bwale mucusha, ubo kukubomba kwa fya miti tekuti kundape. Munyina Branham ne nsansa ali mupepelele ena.

### SEDALIA, MISSOURI

Icakonkelepo ifwe twaile ku Sedalia, Missouri, uko ifwe twakwete inshiku shitatu isha kulongana. Munyina Ern Baxter uwa ku Vancouver, B.C. aishileba pamo na ifwe pali ici cifulo kabili ewali nokulanda mucungulo, na Munyina F.F. Bosworth ukulanda mukulongana kwa lucelo. Rev. Byrd Campbell, kacema uwa makwebo ali uwa kucipuna ca kabungwe aka cilye cifulo, kabili ena acitile umulimo usuma nganshi. Incende umo basungile fyabulwi mwaleikala bamo 1600 uko kulongana kwabelele, kwashininkishe ukuba inono sana, kabili amabumba ayakalamba yalifililwe ukwingila. Abantu baikele ukuli konse, mu mawindo, mu minshi, no mwakupita kabili abengi balifililwe ukwingilamo, baiminine panse ukulolekesha mukati.

### ELGIN, ILLINOIS

Umusonkano wakulekelesha ku Kabanga pali iyi nshita kwabelele mu calumbukwa mu ncende ya kutambilamo iya Elgin iyo yabela mu mishi ya Chicago. Icikulwa caleikalika nalimo 2000 cali umupwilapo icabulo kukumana ukwingisha amabumba ayo ayaishile. Mu cishinka, panuma ya bushiku bwa kubalilapo atemwa na bumbi icungulo amabumba yaliswishe umupwilapo incende. Ifwe twalasuminisha Rev. Merrill Johnson uwa kucipuna ca kabungwe ka cilye cifulo ukutweba ilyashi ilya musonkano wa ku Elgin:

“Uno waba muku wandi uwacibili ukusangwa mu kulongana kwakwa Branham. Cena kushininwa kwandi ukwa maka kutila mu nshila ishingwi uku kulongana kwalicilile ukwishiba kwandi ukwakubalilapo. Ngefyo umo muntu abikile cena bwino nganshi, ‘Takwatata ukutula inshiku sha mulilo ukalamba uwa mu Chicago Elgin ne misumba yakwe iyashinguluka ukutala ukusunkanishiwa nganshi.’ Pa nshiku panuma yakulongana kwaishile mukwisalwa, isambibilo lyamoneke ukuba pa milomo iya uuli onse. Ukwishiba ubukalamba na kwisa nakabili ku Benakristu ku kukabila kwa bengi abaume nga Munyina Branham. Amalyashi, nangu cibe fyo, yalalangisha ukutula Lesa afululilako mu fifulo fya Lukuta lwakwa Yesu Kristu muli ishi nshiku shakulekelesha na baume abengi no bu bukapyunga bwa kundapa. Umupashi wakwa Lesa ukwabula ukutwishika bwangu bwangu uletyanya Ulukuta pa kufuma kwa luko ulukalamba ukuya ku Bukata. Cilya cilingile ukuba ililine.

“Umo tekuti asangwe ku kulongana kwakwa Munyina Branham ukwabula ilyano lya kumfwa ifyo cena calingile ukuba ukwikala mu nshiku sha Batumwa. Amashiwi yalafilwa ukulondolola apo penefye insansa ishingwi kabili na katina akashingalondolola uko kwikata abantu abo pa nshita yabo iyakubalilapo balomfwa amaka yakwa Lesa ku kundapa no kubombe fipeshamano. Mashiwi nshi yengalondolola ukwishiba ukwakupela bukambone amenso ayapofula ukwisulwa, amatwi ayakoma ukwisuka, bacibulu ukulanda amashiwi yabo ayakubalilapo, abalemana ukwenda, amenso ayacilingana ukuba ayatuntulu, kabili na fimbi ifingi ifikope ifya bukata.

“Isuma, iya mutende kabili imibele iya citemwiko iyakwa Munyina Branham ilalangisha palwalala nganshi umupashi wakwa Kristu uyo wateka ubumi bwakwe. Ukumona ukutemwa kukalamba kwa kwa Munyina Branham pa bana kuti kwakumya nangula abantu abakosa sana. Pantu ilingi line kuti umwana uwa menso ayacilinganishiwa, uwapofula, nkomamatwi atemwa uwalemana ukupita pali Munyina Branham ukwabula amaboko yakwe ukubakumbatila bona no kupapata Lesa ukubomba icipeshamano mu mibili yabo inono; kabili mu nshita shonse ku kwishiba kwandi Lesa apela ipepo lyakwa Munyinefwe ne cipeshamano.

“Ukulongana mu Elgin kwamoneka kusenda icifyalilwa ica kulongana ukwingi ukukalamba ukwa mu nkambi ukubikwa muli kumo. Amabumba ayo yaishile ukufuma monse fye mu United States na Canada mubutuntulu kwaiswile uyu musumba. Caibukishe kumo kubelenga mu Malemo ukwa mabumba ayo ayatitikishe pali Kristu mu nshiku sha bukapyunga Bwakwe ubwa panonse.

“Nacimbi icintu icaishibikwa icakulongana kwa kwa Branham mu Elgin cali ukwimba kwa lukuta ne nyimbo



ishaibela. Icitetekelo caishile mu musango upya kabili amapalo yakwa Lesa yaikile pa bantu ilyo baleshinshimuna Kristu mu nyimbo. Abengi balipokelele ukundapwa kwabo mu fipuna fyabo no kupela amakadi yabo ayakupepelwapo ukwabula ukupita mu milongo iyakupepelwamo. Bamo muli aba bali mu fyakupapusha. Ukwimba ukusuma ne nyimbo ishapelwe na bana besukulu ukufuma ku Great Lakes Baible Institute pa Zion, kabili na yambi amabumba ayapempwile aya kubila kwa mbila nsuma, banonseshe nganshi ukulongana. Ukwampana ukufuma kuli bonse abo aba bombele ukulenga ukulongana kulunduluke kwali ukwaibela nganshi kuli ukukulongana kukalamba ukwa bumupashi. Bonse ba membala bakabungwe basangile cena ukuba icisuma ukubomba ne bumba lyakwa Branham. Ukulongana ukunono ukwa maka nganshi kulacitwa bwino nganshi kabili no kushininkishiwa ukwaishibikwa.”

### TACOMA, WASHINGTON, APRIL 12-17, 1948

Ukwakonkelepo ukulongana ukwapekanishiwe kwali ku Tacoma, Washington. Pa mulandu wa cikuka ica menshi makasa mu Rockies, Munyina Branham tafikile ku Tacoma mu nshita ukulongana kwa kubalilapo. Nangu cibe fyo, kwali ukwenekela ukukalamba, kabili nshita ya bushiku iya konkelepo ibumba lyaisihile kulilako.

Ubwafya ubukalamba bwaliipele ubwine pa kutendeka kwa kulongana. Cali ku ntendekelo ya nshita ya Mpepo kabili icibansa ca Ice tacakwete ifya kukafishako. Ukubomfya icikulwa icishikafishiwe pa kulongana kwa bukapepa cali mupepi ico tekuti mutontonkanye muli ilye ncende pali ilya nshita ya mwaka. Ubwasuko fye bweka ku bwafya bwali no kuba ukutila abantu abalinga balingile ukusangwako pa kutila icibansa icikalamba cali no kukafishiwa ne cikabilila ca mibili yabo abene. Ici, mucine, e cilya ico cacitike! Bamo abantu 6000 baliswile icikulwa kabili umwela wasangilwe ukuba usuma nganshi.

Cimo pa fintu ifyaishibikwa ifya kulongana kwa ku Tacoma cali icishinka ukutila bakapyunga aba machalichi ayengi nganshi balyampene mwi senge lya Mbila nsuma Yonse. Cali icawama kabili icabukata. Mu misumba imo mwabako imisango iya lukuta lumo ukuba ulwa mutunganya kulubiye, kabili takwaba umupashi uwine wine uwe senge. Ba munyina aba ku Tacoma balangishe pa kufwaya kwabo ukubomba capamo icakutila bonse kuti bapalwa mumbwekesha. Icacitika caba icakutila nalimo takwaba umusumba umbi mu United States, umo mwaba ubunte ubwa maka sana ubwa mbila ya Mbila nsuma Yonse ukucila muli ilye ncende.

Mu nshita ya cakulya ca cungulo, Munyina Branham alandile kuli bakapyunga pa fintu fimo ifyo fyali pa mutima wakwe. Yali iyakatina kabili ora iyawamisha, kabili te filamba fye ifinono ifya ponene pa finso fya abo abakutike. Munshila imbi, insoselo yalyumfwike nganshi pakati ka bamo ba munyina abaikele kulya pa cakulya ca kasuba, uko twaumfwile kwali mucine ukulangisha kwa bengi abo abasangilwe mu kulongana kwa kwa Branham. Basosele kuli umo no mubiye, “Ilyo uku kulongana kwapwa, kabili ilyo ifi fintu ifisuma fili ifipya mu mano yandi, ndefwaya ukutaluka inshiku shinono, no kuba neka na Lesa.”

Takuli no kutwishika lelo kutila umusumba waishileba uwailuka pali Lesa mu musango uwawamisha. Intungulushi iya Musepela wakwa Kristu apele ubunte ubusuma ifyo ena aikashiwe no kulongana. Bamo mu fifulo fya pa mulu mu police bapele ubunte bwabo ifyo kulongana kwa bapalile bena.

## UKULONGANA, MU EUGENE, OREGON

Ukufuma ku Tacoma ibumba lyaendele ku Kapinda ka ku kuso ku Eugene, uko musonkano wakulekelesha uwe bumba lyakwa Branham wacitilwe, panuma ico caishileba icikankala kuli Munyina Branham ukubwelela ku nga’nda yakwe ukuya muketusha inshita itali. Ifwe tulesenda ilyashi lya kulongana nge fyo lyamoneke, mu July, 1948, ilyafumine lya mwi SHIWI LYA KUNDAPA: kabili ilyalembwa na Rev. Arthur Hyland.

“Pa nshiku shisano Rev. William Branham akwete umusonkano wa kundapa mu Eugene, Oregon. Ukulongana kwa kubalilapo kabili kumo pa Cibelushi kwacitike mu Lighthouse Temple. Ukulongana kumbi kwacitilwe mucikulwa icakusungilamo ifyanso. Amabumba ayengi yaiswile ncende shonse shibili. Bakapyunga ne nkuta pa ncende ikulu baampene mu musonkano. Cimo pa fintu ifikalamba ifya kulongana cali icishinka ukutula abantu aba nkuta ishingwi baishileba nga umo mu nshiku sha musonkano.

“Ifyapulamo ifipeshamano ifyakundapa fyalicitike mukati ka nshiku shisano. Mrs. Gordon Lindsay, umukashi wakwa kalemba, alembele ifya kulemba ifisuma ifya bantu panuma ilyo bapepelwe. Umo mukashana umunono akwete ukulu ukwipi. Panuma ilyo apepelwe, Munyina Branham ali mulengele ena ukwenda uku no ku ku ntanshi kabili takwali ukumoneka ukwa kusunta ukwingeshibikwa. Banyina baebele ba Mrs. Lindsay ukutula ukulu kwali inchi na hafu ubwipi ukucila ukubiye.

“Muli kumo ukulongana, umuntu ne nkonto aikele kunuma mucikulwa. Umwaume alifililwe ukwingila mu mulongo wa kundapa. Ilyo amabumba yalefuma panse umo muntu atile kuli

wene, 'Cisuma, iwe tawacikwata ukundapa kobe.' Umwaume alyaswike, 'Ee, ni nkwata kwena nomba.' Na cilya ena aposele inkoto shakwe no kutendeka ukwenda. Abantu balibilikishe no kulumbanya Lesa ilyo ba mumwene naundapwa no kupokololwa.

"Rev. F.F. Bosworth alyafwilishe ku musonkano wa mu Eugene kabili amapalo yakwa Lesa yalifulile nganshi pali wene ilyo ena apyungile Icebo ca citetekelo ku lukuta. Rev. Gordon Lindsay ali nao uwalelanda mukulongana. Cena calutambi ukupela ilyashi ukufuma kuli umo pali bakacema ba cilya cifulo abalebomba mukulongana, e ico ili elyashi ukufuma muli kalata ilyapokelelwe ukufuma kuli Rev. Arthur Hyland:

"Nga kalemba uwe bumba lya bakapyunga abo abalipilile Umusonkano wakwa Branham mu Eugene, Oregon, ndefwaya ukutasha Lesa pali Munyina Branham kabili ne fyacitike ifisuma ifyaletelwe na bukapyunga bwakwe kuno. Bulya bukapyunga bwalicitile ifingi mukuleta icumfwano icapwililika, tacali fye pakati ka ba kacema lelo na ba membala abaishibe panono aba machalichi ya mu Springfield na Eugene uko kwacitike mukulongana ukukalamba, ukucila icintu icili conse icatalile ukucitwa.

"Muli uku kulongana, Munyina Branham alinakile nganshi icakutula uuli onse kuti amona ena aleya ku mpela ya maka yakwe yonse. Abengi balyundepwe ku misango yonse iya bucushi na malwele. Ifibukulo ifikalamba fibili fyalifuminepo ku ntanshi fye ya menso yandi, nakabili ne mpwalonda pa cinso cakwa na mayo. Ukulu kwa mukashana uko kwali ukwipi ukucila ukubiye, kwali lepele. Umo na mayo Katolika uyo ushaleenda pa myaka 10 alyundepwe ku mpwalonda, abukile ukufuma pa busanshi bwakwe, aendele ukufuma mu cikulwa, kabili aba uwa kubomba imilimo yonse ukutula lilya. Ukundapa na kumbi ukwingi kwalicitike kuli co ifwe tulepela Lesa yonse amalumbo."



*Icipandwa ca 18*

## Icikope Icakupapusha Mu Houston Coliseum

Panuma ya kupokololwa ukusuma ukufuma ku mibele ya kutitikishiwa, Munyina Branham, ilyo umwaka wa 1948 waleya mukupwa, nakabili alibwelele mwibala ku ingi imisonkano ipi. Kalembe ali uwalinga ukuba muli kumo ukwa uku kulongana pa nshita imo iya bushiku atemwa naimbi, lelo imilimo yalengele cena ukukana citwa ukubapamo ne bumba lilya line fye. Umusango umu, magazine iya ISHIWI LYA KUNDAPA yalikulile nganshi icakutula inshita yesu ikalamba yalefwaikwa kuli yena—ilyo mu mwaka umu icitabo calebelengwa mupepi na bakabelenga 100,000 cila mweshi. Uku kulunduluka ukwapulamo kwalitwalilile ukwabula ukuleka na mu mwaka wa cibili, no kusabankanya ukuba imiku ibili ukucilapo.

Mu November 1949, Munyina Jack Moore kabili na kalembe apokelele ilyashi ukufuma kuli Rev. Branham, ukulomba nga cali icingacitwa kuli ifwe nakabili ukusenda icifulo ica kutungulula imisonkano yakwe. Kabili na cimbi, bushe ifwe na Rev. Baxter kuti twapanga ubulendo bwa kufyalo fya kutali pamo na wene ku Scandinavia mu nshita ya Mpepo ikakonkapo? Caishilecitika mu Kusakamana kwakwa Lesa ukutula ifwe twalilundulwike fye mu kufikilisha imilimo imo na imbi, kabili panuma ya mapepo no kutontonkanya ifwe twaumfwile, Lesa ngasuminisha, ifwe tulingile ukusumina ubu bwite. Ukufuma ku cishinka icakwiminina kwandi ifwe lyonse twale tontonkanya cena ukube shuko ilikalamba ukubomba na Rev. Branham.

Munyina Branham atwishibishe ifwe ukutula ena akwete fye umusonkano umu uwapekanishiwa pali ilya nshita—cilya cali ni mu Houston, Texas. Ena alefwaya ifwe ukuya ku Houston kabili elyo panuma ya cilya kukwata ubutungulushi pa fya kupekanya fyonse ifya kuntanshi. Ilyo nabikilwe mu mulimo uwa kupekanya ili buku ku kulembwa kabili nalefwaikwa ukuba mupepi nankwe muli ilya nshita, ine nalisumine ukuya ku Houston.

Ukulongana kwa ku Houston kwatendeke panono panono. Nangu cibe fyo, ilyo kwena takulapwa ifintu fimo ifikankala fyalicitike. Caishilemoneka ukutula bukapyunga bwakwa munyinefwe bwalikwete, mu nshila shimo, bwali lundulwike nganshi. Tacali fye ifyabupe ifyaibela ifya Mupashi ifyo ifyalangishiwe kale muli bukapyunga bwakwe ukubomba

na maka ayapulamo, lelo ukulangisha ukupya epo kwali. Mukubomba kwa ici cabupe, ifintu ifyacitika kale mu bumi bwa bantu abo abaishile kukundapwa, fyalisokolwelwe. Ifi fyamonekele mu nshila shibili. Nga abo abaishile ku kundapwa bali Abenakristu abaipela, ifintu fyalelandilwa kuli bena pa bumi bwabo ubwakale ico cingakoselesha nganshi icitetekelo cabo, icakutula mu nshita ishingi bena baleundapwa ukwabula ishiwi limo ilye pepo. Kulubali lumbi, abo abaishile mu mulongo wakupepelwa ukwabula ukufwaya isenge ilyalungama na Lesa, atemwa abo abaleikala ubumi ubwabulo kusakamana ubwa kubwelela kunuma, kabili balicitile imembu isho tabatumbwile mu bufumacumi kuli Lesa, aba balebombelwapo ku Mupashi wa kwa Lesa, kulya kwine ku ntanshi. Imembu shaleletwa palwalala, inkama sha mitima yabo ukusokololwa, kabili mubutuntulu muli fyonse umu umu balebombelwapo ico calelenga lilya line fye ukuyebelela no mutima uwakontoka ne filamba. Ilingi line lilya, umuntu kuti apokelela ukundapwa palya pene.

### ICIKOPE ICAKUPAPUSHA

Nalimo pakati mu musonkano wa mu Houston, icintu icikankala nganshi calicitike ico cashininkishe ukuba icishininkisho ca Bulesa ica bukapyunga bwakwa Munyina Branham. Umo kashimikila umukali uyo wasushishe ukundapwa kwa bulesa, aebawile ukulanda kwa kwa Rev. F.F. Bosworth (uyo walandile mu nshita ishingi isha kulongana kwa kasuba) kabili alemeshe ukushinina kwa pa cintu bwingi ukupitila mu mapepala ye lyashi, ku kulanshanya na Rev. Bosworth pesambililo lya “Ukundapwa U kwa Bulesa Ukupitila mu Cikonsolwelo.” Rev. Bosworth aumfwile ukutungululwa ukusumina ukushininwa, kabili ilyashi lyonse lyapelwe ibula lya kubalilapo mukusabankanya mu mapepala ye lyashi aya mu Houston.

Panshita ya cungulo bushiku iyasantelwe ilyo kulongana kwatendeke, cali monekele ukutula icikuku ice bumba ilikalamba cali mu pepi conse fye kulubali lwa ba kabila wa mbila nsuma abaishile tandala. Impendwa ikalamba iya ma membala aba cilonganino cine icakwa shimapepo uwalesusha, baiminine pankasa shabo nga kambone ukutula bena balicetekele mukundapwa kwa Bulesa kabili balyundapilwe mu cishinka. Ili lyashi lyaishilekoselako nganshi monse mukulongana.

Nomba caishilecitika ukutula shimapepo uwalesusha aishilepekanya ukubomba kwa kwa James Ayers na Mr. Teddy Kipperman, abaishibisha ukukopa abo abali no kukopa ifikope ifingi ifya ena ilyo ena alelanda. *Caishilecitika, uwalekopa panuma ya kukopa ifi fikope, akopele icakwa Rev. Branham*, uyo walandile panono lintu fye ukulongana takulaisalwa.

Ilyo Mr. Ayers, umu pa balekopa, aile lilya line mu bushiku ku cipinda cafita ica mu studio yakwe, ena asalile ukusamfya ba negative abo abamoneke. Ukupapushiwa kwakwe cila imo iya ma negative yaishileba ukwabulapo nangu cimo umupwilapo kano fye ilya imo iyo yakopelwe iyakwa Rev. Branham. *Ukupapushiwa kwakwe kwaishilepilibwila mukupapa ilyo ena amwene ukutula pali iyi ine negative, lilya line pa mulu wa mutwe wakwa Rev. Branham, pali moneke ulwakupapusha ulubuuto ulwashingtonuluka.* Mr. Ayers aitle bambi aba mu studio ukulolekesha pali negative; lelo ilyo bacitile ifyo, cila umu balipapushiwe kabili tapali nangu umu uyo wingalondolola ukubapo kwa ici cashingulwike.

Ulucelo lwakonkelepo uwakukopa atumine ishiwi kuli Rev. Branham ukwishibisha ena pa cakupapusha iceni ico cacitike mukusuntikana ne cikope ena akopele inshita ya bushiku ubwafumineko. Munyina Branham lyena alilondolwele ku mulumendo ukutula ena tali uwapapushiwa nganshi pa fyacitike, pantu inshita ishingil akale, ifintu fya musango ulya fyalicitike muli bukapyunga bwakwe. Nge cilangililo, ilyo twali ku Camden, Akansas, uwalekopa alikopele cikope ca ena kabili ilyo filimu yasamfiwe casangilwe ukutula ulubuuto ulwaibela lwali musingulwike, icili, uwalekopa alikomaile, tekuti cipendelwe pa nyali ishali mucikulwa. (Cilya icikope calibikwa muli ili buku.) Ifingi na fimbi ifintu fya musango ifi fyalicitike muli bukapyunga bwakwe. Icikope icakopelwe cali ukwabula ukutwishika icapulishamo nganshi kabili icaibela nganshi pali ifi ifyakumoneka ifyakupapusha, pa mulandu wa micitile iyaibela uko icikope cakopelwe.

## AMAPEPALA YE LYASHI AYA MU HOUSTON BABILISHA UKULONGANA

Ulucelo lumu lwine ilyo uwalekopa aletele ilyashi pa cakupapusha iceni ico camoneke pa cikope, amapepala ye lyashi aya mu Houston yakwete amalyashi ayapwililika ayakulongana pa mabula yabo aya pantanshi. (Mucine, pali iyi nshita amapepala ye lyashi tayaumfwilepo nangu cimo nomba palwa cikope.) Cena cakusekelela ukumona ukutula ba Mr. Ayers, umu pa bakopa uyo wasendelwe kuli kashimikila uwalesusha, umwine aishilelanda amashiwi yakutwishika—ifyo fyalandilwe fyalibikilwe mwi lyashi mu mapepala ye lyashi. Ukutula icikope cilingile ukufuma kuli uyu ukopa cilelenga ilyashi lyonse ukuba ilyakupapusha nganshi, no kushininkisha bucine ubwa yena, nga mucine kwali no kufwailapo ifishininkisho na fimbi.

Pesamba tulebikamo amalyashi yamo ayepi nganshi ayakulongana ngefyo yamoneke lulyo lucelo mu mapepala yelyashi aya mu Houston:



(UKUFUMA MU HOUSTON CHRONICLE, JAN. 25)  
(MUKWIPIFYA)

Balele pa mabusanshi pesamba lyamyengelele iya nyali shikalamba isha mu Sam Houston Coliseum pali Cibili ubushiku—abalwana, abalwele, bamakunkutu, balya abo isubilo lya bumi busuma ubwa ku mubili lyali fye mupepi no kupwa. Bena balele palya umutalalilwa, bamo muli bena ukwabula ukwiluka, nge fyo ukutalikishanya ukwa fya bulesa kwashingulwike kabili pa mulu wa bena.

Pantu cali ni bena abo—Rev. F.F. Bosworth, kabila wa mbila nsuma uwa kunse ka musumba, atile—kuti baundapwa ku macushi yabo kumaka ya kundapilako aya bulesa ayaleisa ukupita muli Rev. William Branham, cibusa wakwa Rev. Mr. Bosworth.

Lelo Rev. W.E. Best, kacema wa Houston Tabernacle Baptist Church, atalikishe ukutula icili conse ica ifi “ukundapa ukwakupapusha” kwalipwa pamo na batumwa. Kabili ena ashinine Rev. Mr. Bosworth ukushininkisha nga ni ifyo.

Rev. Mr. Bosworth, mukati ka kusansamuka no kubilikisha kwa “ameni” ukufuma mwi bumba ilya 8000, alumbwile ifiputulwa ifingi ukufuma ku ntulo ishapusana pusana, icili, atile, ashininkishe ukutula Kristu tafwilile fye imembu sha bantu, lelo ubulwele bwa kumubili nabo. Ukubwekeshapo no kubwekeshapo nakabili alumbwile iciputulwa ca Baibele: “Kristu asendele ukunakuka kwesa kabili asendele amalwele yesu.” Cila nshita ena abwekeshapo lyena amabumba yalekwata ukubilikisha ukukalamba, kabili ukumwentula ukunono kwaishile pa finso fya bamo abo abalele pa mabusanshi.

Ibumba kuti lyaumfwa ukubila kwa mulubilo kwakwa Rev. Mr. Best, kabili bena tabatemenwe icintu icili conse ico baumfwile. Bena tabatemenwe cena ilyo asosele, “Ndekana ukutula umuntu uuli onse uli no mweo ilelo alikwata amaka kabili ne cabupe ukundapa nge fyo abatumwa bacitile.”

(UKUFUMA MU HOUSTON PRESS, JAN. 25, 1950)  
UKUMFWA KWA MUCINSHI

Rev. Raymond T. Richey alombele kwi bumba ukupela cila umu uwalelanda ukukutika ukwa mucinshi.

“Ilyo mwasuminishanya no ulelanda, soseni ‘ameni’ kabili ilyo tamusuminishenye, soseni ‘iyo,’” ena aliipwishe.

Mupepi ba ora bane, Icikulwa caiswile na ba “ameni” na ba “iyo.”

Ilyo Rev. Best apele icishinka, Rev. Bosworth kuti abutukila kucakulandilamo kuntanshi uko fyakubilishishamo fyabelele kabili ne nsansa aleipusha abo mwibumba abaundapilwe ukupitila mu citetekelo ukwiminina.

IMYANDA BAIMA

Cila nshita imyanda kuti baima.

“Nibanga muli imwe ba Baptist?” Rev. Bosworth alibilikishe. Nalimo 100 baliminine.

“Takwaba umuntu uwakwata amaka ku kundapa!” Alibilishe Rev. Best.

Kuli Mrs. W.E. Wilbanks uwa pa 712 Teetshorn, Rev. Best talandileko icishinka uwaonda, kabila wa mbila nsuma uwa mishishi iyafita uyo uwaleshimikila ku mabumba 5000 cila nshita ya bushiku.

ENA NI BAPTIST

“Nine Baptist ine wine,” alisosele Mrs Wilbanks. “Munyina Branham tasosa ukukwata amaka yakundapa ukwa Bulesa. Cena caba fye cilye citetekelo kabili no Mupashi wakwa Lesa ulebombela ukupitila muli wene ukundapa abantu. Rev. Best alelondolwela mumbi amatontonkanyo ya ba Baptist pakwebaula Rev. Branham.”

Inshita shimo, umusango icipeshamano cundapa no kucitwa, abantu mwi bumba balalemba pa ma kadi ayo yakwata impendwa ne shina lyabo. Rev. Branham alasenda impendwa no kupepela ukundapwa kwa ulya muntu. Ilingi line, ena alasala umuntu apali ponse.

Balya abalesangwako balabeba ukutula cena cili no kucitwa tabafike kuli bena mu nshita ya cungulo bushiku pa kupepelwa kwa cila muntu—lelo bena balesa, cila nshita ya bushiku, mukusubila ukutula inshita yabo yalafika.

UMWANAKASHI AFYALWA NAKABILI

Mrs. Mary Georgia Hardy, 708 Columbia, atile ena “afyelwe nakabili imyaka itatu iyapitapo,” lelo kutila ena akwete ukwishiba kwa ntanshi ifipapusho ifya kundapwa kwa citetekelo imyaka 18 iyapitapo.

“Panuma ya kufyalwa kwa mwana wandi uwacibili, nali no mwenso ububi nganshi, lelo ukundapwa kwa citetekelo kwanengele ine ukuba umutuntulu, kabili nalikwata abana babili ukutula lilya,” alisosele Mrs. Hardy, uyo usangwa ku Assembly of God Church pa 18th na Ashland umwa Sansama.

Ukwikala ukupalama kuli ena, Mrs. Gray Walker uwa pa 2501 Blodgett, asontelele ku mwishikulu wakwe uwa myaka yakufyalwa ine, Diane Cox.

ENA ALIFYE BWINO NOMBA

“Diane afyelwe no lukasa ulwalemana. Doctor alefwaya ukubika ulukasa mucakupanga lelo kacema wesu uwaku

Assembly of God, Rev. J.C Miner, atile ifwe tweshe amapepo. Ifwe twalicitile. Panono panono—pa nshita ya milungu imo—ulukasa lwalyololweke. Diane ali nomba bwino.

Umo mulungu uwapitapo, mu nshita yakupepa ukwa bonse na Rev. Branham, Mrs W.E Miller, uyo wikala mu musebo wa Genoa-Almeda, ilyo line alyundepwe ubwa fya bwa cisu icabula ukupola, eflyo asosele. “Ine nalepepela fye bambi ilyo cena cacitike.”

Ilyo Rev. Best abilikishe kulya kwali abo “abalebomfya ubuloshi ku kulowa abantu, pakutila abantu benga bepwa mubufuma cumi no kusosa cena maka yakwa Lesa,” James Ayers, uwalekopa uwa makwebo uwa pa 1610 Rusk, alisuminishe.

“Branham alabika icilangisho,” eflyo asosele Mr. Ayers. “Umusango umo ena tesa mupepi na balemana kabili na bantu abo abakwete ukukalipwa mu mafupa. Ena alasendamika fye ibumba lyakwe.”

(Moneni: Mr. Ayers ulumbwilwe pa mulu mu Houston Press ali uwalekopa uyo ama ora panuma ali no kwisamona ulubuuto lwa kupapusha pa mulu wa mutwe wakwa Rev. Branham pa cikope.)

Panuma ya kulanshanya na Rev. Branham, kalemba apekenye pali negative ukuibwesha kuli Mr. George Lacy, utontonkanishiwa ulupaka ulwapulishamo pa fyalembwa ifipushiwa muli ilye ncende. Mr. Lacy lyena apele negative ku kupimwa kwa fya science ukwafikapo. Rev. Branham ali uwashininkisha ukutila negative yali iyacine lelo ukutontonkanya cena kuti caba ica mano ukukwata icishininkisho ica science icapwililika ica bucine bwa iko. Panuma ya kupimwa ukwapwililika, Mr. Lacy apele ilyashi lyalembwa (ico icafumishiwa mukwambulwa muli ili buku) ukutila ukupimwa ukuli konse kwalangishe ukutila negative yali iya cine mucishinka, kabili yena taya “bombelwepo” atemwa ukukumishiwa nakabili atemwa ukupelwa ukuletwa palwalala imiku ibili ukwa musango uuli onse. Rev. Branham lyena apele studio insambu ukufumya ifingi ifikope; ena alikonkomeshe, nangu cibe fyo, ukutila ena tali nokusenda nangu cimo palwakwe pashikasangwa mukushitisha kwa ciko, nangula ena ali nokusuminisha icipendo cimo kukupelwa ku milimo iya bumishoni iya kufyalo fya kutali umo ali uwasekelela.

Nacimbi icacitike icikankala mukusuntikana ne cakupapusha ico camoneke pa cikope cali icishinka icakutila ama bunte aya umo umo yaishile ukufuma ku bantu abapusana pusana, ukusuminisha icishinka ukutila ulubuuto lwa kupapusha lwamoneke pa mulu wa mutwe wakwa Muniyina Branham. Yamo aya amabunte yaishile ukufuma

kuli balya abo pali ilya nshita bali tabalaishiba palwa cikope. Ubwalondololwa bwino bwafuma kuli Mrs. Grace Coursey, Rt. 1, Box 108, Cleveland, Texas, uyo ulelanda umusango Katolika uyo wamweneko ulubuuto, alipilibwilwe kuli lwena:

UKUSHININKISHA UKWAKUPAPUSHA NA KATOLIKA  
UWAPILIBULWA PA LUBUUTO LWA KUPAPUSHA

“Nalepyanga panshi ulucelo lumo ilyo motoka yaishile mu musebo ku nga’nda yesu pa famu ba mailoshi 56 ku Kapinda ka kulyo ka Houston. Pa kuba umusango wa kumfwe nsoni pa mibele iyafulungana iya nga’nda yandi, natile, mu musango wakulondolwelamo ku beni, ukutula nalibombele mu Cleveland nga na mayo uwaleshitisha inshiku mutanda isha mu mulungu, kabili nalesangwako ku kupuputulwa kwa kwa Branham inshita sha bushiku ishingwi, e ico nshakwete inshita ku kuwanya inga’nda yandi. Umwaume, umweni kuli ine, alishile mubwasuko ku kusabankanya kwa famu yesu kukuishitisha. Ilyo nalumbwile ukupuputula kwa kwa Branham, icinso cakwe calibutishiwe kabili atile, ‘ifwe twali kulya, naifwe.’ Ifi efyo mukashi wakwe atwebele:

“Mr. Baker (umweni) alecula no bwafya ubwa bipisha ubwa mu mala, ukuminina ukwabipisha, nafimbipo. Ena alenwa umuti cila nshita ya bushiku. Banyina ba mukashi wakwe bali belengele mwi pepala lya Houston pali Branham ne cabupe cakwe icapelwa na Lesa icakundapa, kabili ena aipwishe Mrs. Baker ukwipusha umulume wakwe ukuya no kupepelwa. Mrs. Baker alitwishike ukutula ena kuti aya pantu ali ni Katolika. Wene alimwebele ena palwa cena kabili ena atile ena kuti aya.

“Mrs Baker alipapushiwe nganshi ilyo bafikile ku Houston Coliseum no kusanga kashimikia wa Baptist (ena ni membala wa lukuta lwa Baptist) ukulanshanya na Munyina Bosworth. Ena alyumfwile umwenso ukutula umulume wakwe tali nokutetekele panuma ya kumona ici. Mucifulo ca kuseshiwa apatali ukufuma ukutetekela, Mr. Baker alilandile kuli ifwe, ‘nalimwene ulubuuto ukushinguluka umutwe wakwa Rev. Branham ilyo ena aiminine kulya kuntanshi panuma ya kulanshanya; tacali ulubuuto lwa nyali, lwali lubuuto pa mutwe wakwe.’ Ilyo Munyina Branham aitile ubwite bwa kucipailo, Mr. Baker, uyo lyonse uwalumbwile na maka nganshi ukutula ena alipusushiwe, aile kulya mukusumina Kristu. Umukashi wakwe, ukutontonkanya ena taumfwikishe, alimwipwishe ena nga cakutula ena alilwike umulapo uyo uwapelwe. Ena alyaswike, ‘mucine ndecita.’

“Ena ilyo line fye alilekele umusango wa kubomfya Ishina lyakwa Lesa apa fye. Mr. Baker aile ku kulongana kwa patu koloko ubushiku bwa konkelepo kabili alipokelele ikadi lya

kupepelwapo. Impendwa yakwe tayaitilwe lilya mubushiku lelo ena alyundepwe lilya line fye mu bwite bwakupepela icintu bwingi.

“Ine nshaishibe ilyo nacisa kuno muno bushiku ukuba mukulongana no kulanda ici, ukutila uwalekopa ali kopele icikope cakwa Munyina Branham imo ine nshita ya bushiku ilyo Mr. Baker, umwaume Katolika, amwene ulubuuto ukushinguluka umutwe wakwe kabili alicetekele ukutila ena alituminwe na Lesa ne cabupe cakundapa.”

Jan. 30, 1950

Mrs. Grace Coursey.

Rt. 1 Box 108,

Cleveland, Texas.

Ukufuma ku Houston ibumba lyakwa Branham lyaile ku Beaumont, umusumba ba mailoshi bamo amakumi cinekonse konse ku masamba. Panuma ya nshita ya bushiku iya kubalilapo icikulwa ca musumba caiswile na bantu, kabili inshita ya bushiku iya cibili, bakapokola babili abaume na ba shimya umulilo abaume cinelubali balefwaikwa ukubomfya amafunde aya mu musumba ayaletungulula pa mibombele ya kucingilila mucikulwa. Raymond T. Richey alipile ishitima ilya matolokoshi ikumi limo na cimo ilyo lyasendele abantu 700 ukufuma ku Houston ukuya ku Beaumont ukuyasangwa kukulongana kwa pali cimo ubushiku. Iciputulwa fye ica bena balisangile incende muciputulwa basungile. Bakangalila bacikulwa baishileumfwa uluse no kusuminisha abengi imyanda abo abafililwe ukwingila mucikulwa ukwiminina kunuma kulya kuntanshi mu nshita ya kulongana.

Cimo pa fintu ifya kusekesha mu musonkano cali icakulya ca kasuba ico mupepi bakapyunga umwanda umu pamo na bakashi babo basangilweko. Munyina Branham alandile kuli bena panono ukufuma mu mutima wakwe. Ena asosele ukutila Lesa ali mupele umulimo wene ukupela imbila iyawamisha kuli bonse abatetekela, pakutila bena bengalabako ifya kupusana fyabo, no kuyampanya abene muli buumo ubwa mano no mutima mupekanya ukwa Kwisa kwa kwa Kristu ili line. Bonse abaliko balyumfwile nakatina ku fyo asosele, nge fyo cali icishinka ukutila aya mashiwi yali mashiwi yakwa kasesema.

Mu nshita ya musonkano wa Beaumont bamo 2000 baishile kuntanshi ukulumbula Kristu. Nalimo 3000 balyaswike ku mabwite ya kucipailo mu Houston; icakutila muli shilye nshiku amakumi yatatu, mupepi 5000 balilumbwile Kristu nga Kapususha wabo.

## IMISONKANO MU AKANSAS

Ukufuma ku Beaumont ifwe twaile ku Little Rock, Akansas. Nakabili ifwe balitwebele ilyashi ilyaishibikwa nganshi.

Little Rock, muli bumupashi, wali musumba uwaakanike nganshi icakutila cali icishingacitwa ukukwata ukulongana ukukalamba ukwa kwampana kulya. Calyeshiwepo akale, lelo lyonse kwaleba ukufilwa. Ifwe balitwebele ukuiteyanya fwebene palwa kupapushiwa. Umusonkano watendeke mukati ka mulungu. Lelo pa Cibelushi, moneni, Icikulwa Icakwibukisha ica Robinson caliswile umupwilapo. Pa nshita ya bushiku bwakulekelesha, ico cali pali Cimo, ifibi fyaliselwe pa 6:30 p.m., kabili calipendelwe nalimo 1500 abantu balibweshiwemo. Mucungulo pa bushiku bwakulekelesha, icakulya icawama icakasuba, apo apali ukucila bakapyunga 100 pamo na bakashi babo balongene, bapemene umupashi wa kwampana ne senge ico umulungu wafumineko takwali nangu umo uyo walotele cena kuti cacitwa.

Pa fya kusekesha pali ama bunte aya balya abo abaundepwe ilyo Munyina Branham ali kulya imyaka itatu kunuma. Umo Umwaume asansamwishe ibumba no bunte bwakwe. Pa myaka ena aleendela ne nkonto. Lyena ilyo Munyina Branham amupepelele ena, ena alifiposele no kwenda ukwabula ukwafwilishiwa. Ena taba na fyena ukufuma ilya nshita.

Cimo icacitike cali icakusekelela kumo kuli Munyina Moore nakalemba. Pa kwisala kwa kumo ukwa misonkano, ilyo twalefuma kuntanshi, nacifyashi aliminine no kutupapatila ifwe ukupepela umulumendo wakwe umunono uyo wali nalimo imyaka yakufyalwa isano kabili ali ni nkomamatwi kabili cibulu. Ena atile ena aletina ukutila Munyina Branham tengakwata inshita ya kufika kuli ena. Munyina Moore alolekeshe kuli ine kabili atile, “Natumupepele wene.” Panuma ye pepo twali musendele ena kuli piano kabili twali abaikushiwa fwebene ukutila ena kuti aumfwa inyimbo kabili lyena twalifumineko ku ntanshi. Inshita ya cungulo bushiku iya konkelepo, mu nshita ya kulongana kwa kundapa, ifwe twalilolekeshe kabili moneni, umwanakashi umo wine no mulumendo umunono baishile mukupepelwa. Ena alipokele kadi (ilyo lyapelwe ku bengi), kabili asalile ukulibomfya lyena, ukutontonkanya ukutila cena tekuti cilete ubwafya ukuleta umulumendo mu mulongo nakabili. Munyina Moore na ine mucifyalilwa twali abasekelela nganshi ukwishiba ico Munyina Branham engasosa kuli ena ilyo Mupashi wakwa Lesa walandile ukupitila muli ena.

Ilyo alolekeshe pa mwana atile, “Mayo, umwana obe aba ni nkomamatwi,” ico cali mucine icalungama. Elyo ena alolekeshe nakabili no kulanda amashiwi muli uyu musango. “Umo muntu uyo wakwata icitetekelo muli Lesa alipepela umwana obe mailo ubushiku. Umwana obe napokololwa.” Imwe kuti mwaelenganya ifyo ici cacitile pa mwanakashi. Cali icishinka umwana aleumfwa, kabili nangula pali ici cimo ica bulumendo,

ilyo kupima umusango wakumfwilamo caba lyonse icakosa, nombamba ena alitendeke kale ukulangisha icishinka cakupokolola kwakwe pa kukonkeleshamo ifiunda ifyalekana lekana. Icilangisho calikwete amaka sana pa lukuta. Cali palwalala ukutula Lesa alelanda, te muntu, kabili nacimbi ukutula umuntu tali ni kondapa lelo Shikulu Yesu Kristu. Panuma ifwe twalilandile kuli Munyina Branham pacacitike. Ena alebukisha fye panono pali filye fintu. Lesa alilandile ukupitila muli wene no kusokolola ukutula umo muntu alipepele umwana lelo tasokolwele uyo wa mupepelele. Cilya tacali icikankala. Ico cali icikankala cali cakutula Lesa alibombele umulimo, kabili kuli Wene kwali no kupelwa ubukata bonse. (Imyeshi panuma twalipokelele inkalata ukufuma kuli ba nyina ba mwana ukushininkisha ukundapwa. Ili lyalilembelwe mwi SHIWI LYA KUNDAPA.)

Ukufuma ku Little Rock, ifwe twalikwete ukulongana kwa nshiku shibili pa El Dorado kabili kubili pa Camden.

Pali Munyina Branham, ifwe tukwete fye ici cakusosa. Amalembo mukulondolola Yohane Kabatisha yatila, “Kwaliko umuntu uo Lesa atumine ne shina lyakwe lyali ni Yohane.” Ifwe tulecetekela ili lyashi kuti lyabikwa nakabili kuli munyinefwe uwatemwikwa, William Branham.



*Icipandwa ca 19*

# Umulabasa Wa America Wasabankanya Ukulongana kwa kwa Branham

Mu myaka iyapitapo, abanono bakapyunga abasangululwa aba Mbila nsuma balipelwa ububile ubukalamba bwa kusabankanya ukufuma ku mulabasa. Ifyo bena bapokelela, nga kuliko cimo, caba lyonse imisango iyabulo mucinshi. Nangu cibe fyo, ayengi amapepala ye lyashi yalisenda nshita ne ncende ukulondolola, ilingi line bwino nganshi, imisonkano yakundapa iyakwa William Branham. Cena kuti caba ifingi nganshi ukusubila ukutula ipepala lye lyashi ilili lyonse kuti lyapela ilyashi ilya bulanda. Ilingi line abasabankanya ilyashi abo abasangwa mu kulongana kwa musango ifi besa na mano yabo ayalingwa kale, kabili bekala inshita itali nganshi ku kulemba ilyashi mubwipi nganshi, ilyo bapatulanya na mano ye sonde no bucenjeshi ubwa kusenteka mukutwishika. Nangu cibe fyo, cilemoneka ukutula mu misonkano yakwa Branham, ukufwaisha kwaba icifyalilwa icikalamba nganshi, icakutula abasabankanya ilyashi balekala mukulongana inshita itali nganshi ukuba mupepi ulubali lumo abashininwa pa fyo bamona no kumfwa. Mu milandu ingi, ilyawamisha nganshi kabili ilyashi ilisuma ilya kulongana lilapelwa. Kano fye limo limo ilyashi limoneka umupwilapo ilyapusana. Muli ici cipandwa twalapela ilyashi ilipi ilya kulongana kwa kwa Branham, ukufuma ku fyacitike ifya moneke mu mapepala ye lyashi ayapusana pusana aya mu United States na Canada. Ilya kubalilapo ililemoneka pesamba lyafumishiwe mu Waukegan NEWS-SUN ilya mu March 14, 1949:

“Mukati ka nshiku shitatu Rev. Branham ashimikile, abengi balilanda ukukwata ukundapwa. Ubwafya ubuli bonse ubwa menso ayacilingana ayo ayapepelwepo yaletelwe mubutuntulu ilyo ipepo talilapwa; ifilema ifingi ne mibili ingi iyalemana ububi yalyololweke na bantu bankomamatwi balengelwe ukumfwa.”

“Pa kulongana ukwa mailo bushiku, umulumendo uwafwecitu mu maboko, amolu ne numa, uwalemana ukufuma mu milengelwe aletelwe na banyina ukufuma ku Bensenville, Illinois, kabili alipepelwe. Lilya line panuma yepepo, ena alyendele uwaololoka kabili bwino bwino ukufuma kuntanshi ukwabula ukwafwilishiwa.”

“Abanakashi babili, abo abali abapofula umupwilapo ne fibubi pa myaka ibili, balyundepwe mukulongana kumo kwine. Panuma yakutungululwa kuntanshi elyo no kupepelwa, uwakubalilapo aishilemona no kwenda kabili nge fyo mulume wakwe asosele, ‘Nangula ilye mishipeshipe iyaisulamo umulopa mu menso yakwe yalisangulwike.’”

Kalemba umo wine, Fannie Wilson, ukulemba mwi Lyashi lya Cintubwingi, ipepala ilimininako imisumba ingi ku Kapinda ka ku kulyo aka ku Chicago, aka bushiku bwa March 24, 1949, lyatile:

“Bupusano ubukankala pakati ka kwa Rev. William Branham kabili mupepi cila umo uwashala bwaba: kuli bena Baibele lyaba lyashi lya nshita yakale; kuli ena caba fye icikankala nganshi kabili amaka ayatuntulu nomba ngefyo cali mu nshiku shakwa Yesu wa ku Nasaleti. Ico cipanga ilyashi ukupusana caba ukutila Rev. William Branham alatwalilila ukushininkisha ukutalikisha kwakwe.

“Tekutila ena alalwishisha. Cibe ukutali kuli cena. Rev. Branham aba uwapetama nganshi ukucila bonse abaume abapetama imwe mwatala ukumonapo ukubikwa capamo. (Bushe kuti mwaelenganya umwaume umusweshi, uwafyalilwe mu Kentucky, ukwimya umunono umwana umu negro uwa menso ayacilinganishiwa ukufuma mu Musebo uwa Cisankano, Waukegan, mu maboko yakwe no kusosa, ‘We mwana mwanakashi, undapwa mwi Shina lyakwa Yesu Kristu’?) Kabili amenso yakwe yaishileba ayatuntulu, nga filya ayabengi yacitile, mu nshita ya uku kulongana kwa kundapa no kulongana kwa uku kupuputula kwacitilwe mu Grace Missionary Church. Pakati kabo abapepelwe pali Cimo ubushiku pali shinga’nga uwacindama uwa mu Waukegan.

“Mu nshita yapali Cimo mukulongana kwa bushiku kweka, abantu pabula balyundepwe panuma yakufyalwa impofu kabili bacibulu. Abengi muli aba bafyelwe muli uyu mushi atemwa bena baishibikwe pano akale baishibikwe pano panuma yakundapwa kwabo. Umo wa aba bankomamatwi aundepwe na kubupofu nabo. Bonse baishiletendeka ukulanda, nagula ifiunda fyali cimo cine mu milandile nga kulyo kwa mwana. Bena nabo bamoneke ukuba aba kupapa ukumfwa amashiwi yabo abene.

“Umo mwaume uyo waishile ukufuma ku Iowa akwete impwalonda pa kulu kwakwe ukufuma pekufi ukufika pakatende, iyo yafuminepo lilya line panuma yepepo. Mukulongana kwa mailo ubushiku abana abafwilecitu, ubulebe kabili nabo abalecula ukufuma mukufulungana mu mano baleba abatuntulu panuma yepepo.

“Abengi abakankala kabili abantu abacindamikwa aba mu Lake County balyumfwile no kumona Munyina Branham

“ukulondolola” amalwele ayengi. Abengi muli bena, cila umo uo ena ali no kupepela amwene amaka ya bulwele ukulengwa pakuboko kwakwa kapyunga uwa ku kuso, mpaka ubulwele bwaleiminikwa panuma yepepo lyakwe.

“Ibumba lyalibukishiwe inshita ishingini ku walelanda ukutula ena umwine takwete amaka ukubomba uku kundapwa, lelo kutula fyena fyali ‘imilimo yakwa Lesa’ ukupitila mu citetekelo ica cila umo uwapepelwe.”

### ILYA ALBERTAN, CALGARY, CANADA

Ukufuma pa August 21, 1947, iyafumine iya ALBERTAN, CALGARY, CANADA, ifwe tulesenda ili lyashi:

“Icikope ca myumfwile ya buntu califimbwilwe na bamo abekala calo 3000 abo abaiswile Victoria Pavilion pali Citatu ubushiku ukupela bukambone atemwa ukupokelela ubwafwilisho ukufuma kuli William Branham uwa ku Jeffersonville, Indiana, mu musonkano wakwe uwakundapa ukwa mucitetekelo.”

“Itontonkanyo lyakwa kapyunga wa U.S. pakukwata ukwafwilisha ukundapa ukucila abantu 35000 abapofula, abalemana, impwalonda, polio, T.B., kabili na yambi amalwele ukutula ilyo apelwe ‘icabupe cakundapwa ica Bulesa.’ Nalimo umwaka umo uwafumako catemwine abaume, abanakashi na bana aba mu myendele ya bumi ubuli bonse.”

“Umo pa kubalilapo mu mulongo wa kupepelwa ali ni Mr. Andre uwa ku Edmonton, uyo wasosele ukutula ena alecula ukufuma ‘ukufimba ukwa kabulungwa mumongololo.’ Ena alumbwile ukuba kuli bashinga’nga abengi ku Masamba ya Canada, kabili na cimbi kuli ba Mayo Brothers, Paro Chester. Bena batile ukutumbula ukwa mongololo kwali ukukankala, ena alisosele.

Elyo Andre, uyo waebele ALBERTAN ena tekuti ebukishe ilyo ena ali uwalinga umuku wakulekelesha ukukumya utukondo twakwe ukwabula ukongama pa makufi, balimupaleme kuli ‘kondapa wa bulesa.’

“Ukusenda ukuboko kwa kulyo kwakwa Andre mukuboko kwakwe ukwa kukuso, Branham alondolwele ubulwele bwamwaume, kabili panuma yakupepelwa, balimwebele ukukontama no kukumya utukondo twakwe. Andre alicitile ico, ukwabula ukongamya amakufi yakwe. Ukubilikisha kwaile ukufuma mwi bumba ilikalamba, kabili na mashiwi ayengi, ibumba lyapele icifulo kuli fyonse fibili ukupapushiwa no kusunguka.”

“Umwaume uwa ku Edmonton, uwaikatwa ne fyakumfwa umfwa, apemene ukutotela ukwaanguka kuli kapyunga ilyo talabutukila pa cakulandilapo ukweba ibumba ifyo bashinga’nga bamwebele ukutumbulwa kwalefwaikwa palwa numa yakwe.”

“Kapyunga alumbwile ukukwata ukututuma ukwakupapusha mukuboko kwakwe ukwa kukuso uko ena ali uwalinga ukwishibilako impwalonda, T.B., no tushishi tumbi.”

### ILYA SASKATOON STAR-PHOENIX

Ukufuma pa August 2, 1947, iyafumine ilya SASKATOON STAR-PHOENIX (Canada) ifwe tulesenda ili lyashi:

“Miss M—B—uyo uwaikele imyaka ikumi mwisukulu lya ba nkomamatwi kuno na mu Winnepeg, atile, ‘Tata’ na ‘Mayo’ bwino bwino nganshi panuma ena apepelwe na Rev. William Branham, mu Apostolic Church pali Citatu icungulo bushiku uko abantu 800 balongene ukupela bukambone ‘ukundapa ukupitila mu citetekelo.’

“Miss B—, ukwipushiwa na STAR-PHOENIX PALI CISANO, atile ukutula ena kuti aumfwa bwino nganshi no kutwi kwakwe ukwa ku kulyo lelo ukutwi ukwa ku kuso kwali kucili ukwakoma. Ena alicetekele ukutula ena ali uwalinga ukulanda bwino mu nshita inono. Na mayo uwa pa ncende aleikalapo atile ukuti ena alesosa ‘Mwashibukeni’ kabili ‘Shalenipo,’ icintu cimo ico tacita mu myeshi itatu ena aikele nankwe.”

“Ilyo lukuta lwaikele shilili ne mitwe iyakontamikwa, abantu umwanda abakundapwa bapitile pali Mr. Branham ilyo ena apepele cila umo uwa bena. Ulukuta lwalyebelwe ukutula icisumino conse nakatina fyali fikankala, kabili bonse balingile ukukontamika imitwe yabo. Balya abo abashacitile balibepwishe ukufuma mu lukuta.”

“Ilyo ba Mr. Branham tabalafika, ulukuta lwalyumfwile ukufuma kuli bambi abalelanda abo abalandile pa mulimo uwawamisha uyo walecitwa kale kupita mucitetekelo. Umwanakashi umo apele ubunte ukutula ena ali pepelwe kabili ulucelo lwakonkelepo ukutwi kwakwe kumo ukwakoma kwali ukutuntulu nakabili, kabili na malwele nayambi ayengi yalipwile. Umo pabalelanda alumbwile umwanakashi ukufuma ku Regina, uyo walekwata fye icakulya ica songoloka pa myeshi, lelo ulucelo panuma ya kumupepelela ena, ena alimine no kuipakisha icakulya ca lucelo icalyonse.”

### ILYA JEFFERSONVILLE POST—

#### UKUFUMA MU MUSUMBA UMWALEIKALA

#### MUNYINA BRANHAM

Ukufuma mu musumba umwaleikala Munyina Branham, ILYA JEFFERSONVILLE POST iyafumine pa November 3, 1949, ifwe tulesenda ifi:

“Ibumba pa Mulungu ubushiku abo abasuntikene no bwangalo ubwa pacaka pakati ka Jeffersonville Red Devils kabili na New Albany Bull dogs balisangilweko ku Branham Tabernacle, pa Eighth na Penny Streets, baiswile nganshi no kwiminina mu mfula ku kutika ukupitila mu fyakubilishishamo, ifilangisho ifya kusela ifya bulesa ifyakwa Rev. William Branham, uo ifipeshamano fya kundapa fyaishibikwa isonde lyonse.”

“Ukufuma ku ntulo ishashininkishiwa kwaishile ilyashi lyakundapwa ukwabalwele babili na ba mpwalonda, abo abaebelwe pa bulwele ubwamfwa kabili ukuba abatuntulu mukati ka nshiku amakumi pabula; umuntu balimwebele ukwenda uyo uwali uwaikatwa pa cicinga pa myaka ikumi limo na cinekonse konse; kuli umbi basendele ku chalichi pa busanshi bwa ambulance; pali nkomamatwi ukulengwa ukumfwa, fyonse mwaume uyo undapa pa kubikwapo kwa lupi lwakwe ulwa ku kulyo mwi shina lyakwa Kalenga wakwe uwa Bulesa.”

“Kulingana na bengi, inshiku sha fipeshamano tashilati shipite—nangula ni mu Jeffersonville.”

“Ukufuma ku mulumendo uwalelwisha, uyo wabombele incito mu nshita ya kasuba, no kubila mbila nsuma pa Mulungu, icitetekelo cakwe umwine cali ica musango ifyo ku kucimfya ifyakucingilila fyonse. Ena acili alacula ukwebaulwa mu nshita shimo mu musumba umo ekala, ukufuma kuli bakapumya, abo abalingile ukumupela umucinshi nga umo uwasalwa ku Cibumbwa ica Pulamo, ku kubomba umulimo Wakwe.”

“Nangula tasambilila, ngefyo amasambililo yatontonkanishiwa ilelo, ena alikwata amano no mukosha uwalinga mukupela imbila nsuma.”

“Amaka aya kundapa kwa Bulesa kwakwe ilelo yalishibikwa isonde lyonse. Ukufuma ku Jeffersonville ena akenda ukuya ku Louisiana, Houston, Texas, nalimo Jamaica, kabili elyo ukuciluka babemba.”

Na yambi ayengi amapepala ye lyashi, ukubikapo iya Chicago DAILY TIMES, iya CHICAGO DAILY NEWS, iya ST. LOUIS STAR TIMES, iya ST. LOUIS POST-DISPATCH, yakwete iyawamisha kabili nangula ilyashi ilitali ilya kulongana kwakwa Branham, ipepala ilya konkelepo ukupela mupepi ibula lyonse. Te yonse aya malyashi ayalembelwe nge fishininkisho fya misonkano. Nomba ayengi muli yena kwena tayali ayabipa, kabili yamo, nge fyo amapepala ye lyashi yaba, yalisekeshiwe nganshi. Mu milandu ingi, uko kalemba akwete ishuko kukumonako mucine ukubomba kwa mafya ukundapwa, ena ali uwashininwa ukutila kwaliko amaka ayakupapusha ayamonekele mukulongana.

## JONESBORO, ARKANSAS, EVENING SUN

## YAPELA ILYASHI LISUMA LYA

## UKULONGANA KWA KWA BRANHAM

(Na Kalembe Eugene Smith mu June 12, 1947, iyafumine)

“Nangula Rev. Branham alumbula ukupokelela icabupe imo imyeshi 11 iyapitapo, ena atile mukwipushanya ukutula cali nshita yakubalilapo ena atalile ukukwata ishuko ukweba ilyashi lyakwe filya fine kuli bakalembe. ‘Ukulongana kwandi ukwa cila bushiku kulasenda inshita yandi ikalamba icakutula bacilolo ba lukuta na banjipusha ine ukukana ifya kwipushanya na mapepala ye lyashi. Bena lyonse balasosa, “Walikwata sana abengi abafwaya ubwafwilisho ukupitila mu mapepo yobe; ukulemba ukubapo kobe ukupitila mu mapepala kuti calundapo fye ku milongo ya kupepelwa iyafubana,” eflyo balondolwele.’

“Ukutandala ku Bible Hour Tabernacle pa East Matthews kuli no kupela bukambone pe lyashi lyakwe ukutula ifyo aba tafifwaikwa. Umulungu wafumineko imilongo yakupepelwa, umo ena apepele eka na balwele, ababulebe, ba nkomamatwi, bacibulu ne mpofu, kwacitilwe imiku ibili cila bushiku. Uno mulungu ukulongana kutatu kulacitwa cila bushiku. Kabili ena takatale ukupita mubengi abalembelwe ilyo kulongana kukesaba pali Cimo.”

“Abantu baleisa mu musumba cila bushiku ukulomba fye ‘miniti fye umo na Rev. Branham.’ Ubushiku bumu uno mulungu bashi yaliswile na bantu 45 ukufuma ku Fulton, Kentucky, eko bali. Akasuba kamo kene indeke yaletele uwa myaka yakufyalwa 34 uwa kale GI, uwafimba ububi nganshi ku mpwalonda, iyo yalelya ubumi bwakwe. Pali Citatu, Rev. Branham aile ku El Dorado pa bulendo ubwa kankungwe ukupepela umuntu uo balandile ali mupepi no kufwa.”

“Abekala calo mupepi nalimo imisumba 25 na Mexico balitandalile Jonesboro ukutula ilyo Rev. Branham aiswile ukulongana kwa nkambi pa June 1. Bena bemininako imisumba ukuya ku California ukuya ku New Jersey, Michigan na Wisconsin ukuya ku Florida, Wyoming ukuya ku Texas kabili ukutwalilila ukuya ku Mexico, kalembe uwa SUN balimwebele. Abaishile mubwingi na besusha incende isha batandashi ba cilye cifulo kabili na yengi amayanda ayamubumfisolo cila nshita ya bushiku, nacimbi icipinda icisuma nacikulwa kunuma ya chalichi.”

“Rev. Branham aletila, ‘Ndi fye umuntu. Nshakwata amaka yakundapilako. Yesu Kristu eka fye ewingondapa. Ndapepa kuli Wene ukundapa balya abo abatetekele. Takuli nangu umo uwingondapwa uyo ushikwete icitetekelo muli Yesu Kristu,’ ena alilondolwele.”

“Ukufwailisha umusango wa bulwele uwa abo abaleisa kuli wene caba maka yambi ukulumbulwa na Rev. Branham. ‘Ilyo babika ukuboko kwabo mukuboko kwandi ukwa ku kuso, ndapokelela ifyakututuma ifilengwa no tushishi mu muntu. Ine ilingi line kuti nalanda ifyo bulwele buli. Ilyo bulwele bwafuma mu muntu, ifya kututuma filaleka,’ ena alilandile. Ilyo Rev. Branham apwisha ukupepela umuntu, ena ilingi line alapwisha pa kusosa, ‘Ndekwebaula iwe kuli Yesu Kristu, mulekeko uyu muntu.’

“Rev. Branham atendeke umulimo uwakalabana ulusuba lwafumineko mu St. Louis. Ena aishile ku Jonesboro ukukonkapo, atandalile Pine Bluff na Camden, elyo aile ku Houston kabili aile ku West Coast. Ena ali no kuya ne ndeke ku California umulungu uleisa ukuya pyungila kuli Armenian.”

“Ukutula ukutandala kwakwe mu October, Rev. Branham nalangisha fimo ifyakwenda kwa cila bushiku. Ena nalufya ba pound 25 kabili amenso yakwe nayafonka nganshi kabili yali mukati. ‘Ningile ukusunga icifulo candi icakwikalako inkama pa kutila ningakwata ukusendamako kumo,’ ena alisosele mu kumwentula.”

“Impendwa yonse yabasangilweko mukulongana mukati ka nshita ya milungu ibili ili mupepi no kucila 20,000 icipendo ukufika pa Mulungu, bacilolo ba lukuta na basosa. Pa nshiku shibili uyu waleimininako SUN alisangilweko kukulongana kwa mucungulo kabili epo ali ulucelo ukukutika kwi lyashi lyakwa Rev. Branham. Ukupita mukati ka mabumba, kulanda ku bantu abengi ukufuma mu ncende ishingwi, takwali nangu umo kapepa twalwishenye nankwe. Ayengi amalyashi yalilandilwe ayo ayamoneke ayengacitwa.”

“Ngefi, M.N. Funk, kapanga wa nsapato ukufuma ku Seymour, Missouri, atile ena taendele pa myaka isano ne myeshi isano mpaka ena asangilwe mu kulongana ukwacitilwe na Rev. Branham pa Camdem, January, 21. ‘Nalele mucipatala pa myeshi pabula panuma ya kuwa no kucena umongololo wandi, ilyo nalebomba umulimo wa bukalipenta. Ba shinga’nga balinjebele ukutula nshakatale ukwenda nakabili, kabili pa myaka isano ne myeshi isano ine nshacitile. Ninjishiba cena cintu cakosa ukutetekela, lelo Munyina Branham alimpepelele ine kabili nalimine no kwenda apo pene fye. Kabili ine kuti naenda fye bwino nganshi ngefyo imwe atemwa uuli onse uwashala ilelo,’ ena alisosele.”

“C.C. Shepherd, kacema wa Pentecostal Church uwaku St. Charles mupepi na De Witt, alangishe kulukuta pali Cimo icungulo, icintu icapala nge nkanda iyakosa iyatutumuka ico ena asosele ukutula cali ni mpwalonda ico ca mupumine wene pa myaka 14. Ena alipepelwe kuli Rev. Branham pali Cibili umulungu uwafumineko. Ena atile mpwalonda pa mukoshi



wakwe, pa mulandu wakucekwa na kanesala, yali iyakashika ilyo ena aile kuntanshi, lelo lilyaline yatendeke ukulafita. “Yena yalifitile, no kuma kabili yaishilefuma,’ eflyo asosele. Ena alikwete icipunda icafonka mu mukoshi wakwe apo icatumbile cabelele.”

“Mrs. Hattie Walddrop, uyo wasosele ukutila umulume wakwe akwete ituka lyakuwamye fyela pa 2851 North 16, Phoenix, Arizona, aishile konse kulya ku Jonesboro ukupela ubunte ukutila Rev. Branham ali mubwesesho ukufuma ku bafwa. ‘Ukutunta kwandi kwalilekele umupwilapo. Nalecula ukufuma ku mpwalonda iya mwibula, umutima no bwafya bwe libu ukwabula isubilo lya kuba umutuntulu, ilyo Munyina Branham ampepelele ine pa March 4. Ilelo ndi mutuntulu no bumi busuma,’ ena aebele bakalemba belyashi.”

(Ishiwi lyakwa Kalemba: nalilanda palwandi no uyu mwanakashi kabili no mulume wakwe kabili ninjishiba ubunte bwakwe bwacine.)

*Icipandwa ca 20*

# Ifyabupe fya Kundapa Nafimbipo

Na EVANGELIST F. F. BOSWORTH

Ukucila pa myaka amakumi yatatu mu nshita ya misonkano ikalamba iyakubila kwa mbila nsuma, nalibomba ukucilapo, ukupepela abalwele nabacushiwa. Mukati ka myaka ikumi limo na fine iya iyi nshita, ifwe twalikiwete Ukupuputulwa ukwa National Radio mukati ka iyi nshita ifwe twapokelele nalimo kota wa million amakalata, ayengi muli yena mwali ifyakulomba mu mapepo ukufuma ku balwele na bantu abalecula abo abashingaba abatuntulu ukwabula ukubomba ukufuma fye ku Mupashi wa Mushilo mukwasuka kwi “pepo lyacitetekelo.” Ifwe twalipokelela amakana ukufushiwa aya mabunte ukwabula ukwipushiwa ukufuma kuli balya abo abaundepwe mukupapushiwa ukucushiwa ukuli konse ukwa mubili naishibapo icintu cili conse, ukubikapo ne fibashi. Kuli Lesa kube ubukata bonse pantu ifi fyacitike tafingacitwa ku uuli onse kano Wene. Pa mulandu wa ifi fipeshamano, abengi amakana bapilibulwa mu kusangalala, abo ifwe ngatwalibalufishe nga tatwashimikile iciputulwa ca kundapwa ca Mbila nsuma umuku umo mu mulungu mu misonkano yesu yonse iya kubila kwa mbila nsuma.

*Pantu ubu bukapyunga bwa kundapa bwalefwaikwa ukubomba ukucila maka ya buntunse, ifwe natupepa, owe no mukosha nganshi kuli Lesa ukwimya ababomfi abengi ukwafwilisha muli ici ciputulwa icalekeleshiwa nganshi ica bukapyunga. Kabili mukati ka myaka ibili iyapitapo ndalila lyonse mukusangalala pa cabupe icakwa Lesa ica ili line ku Lukuta icakwa munyinefwe uwatemwikwa William Branham ne fyawamisha ifyakwe “ifya bupe fya Kundapa.” Ici mulandu wakwa Lesa ukubomba “no kufushako kucila ifyo tulomba atemwa twelenganya” (Abena Efese 3:20), pantu nshatala monapo atemwa ukubelenga pa cintu icili conse ukupashanya bukapyunga bwakundapa ubwakwa William Branham.*

## MALAIKA AMONEKELA

Pa May 7, 1946, malaika uyo walandile kuli Munyina Branham mwi shiwi lyaleumfwika panshita shimo shimo ukufuma ku bwaice bwakwe ukwisafika kuli ino nshita, mukulekelesha amonekele kuli wene kabili, pakati ka fintu fimbi, alimwebele ukutila Ukwisa kwakwa Kristu kwali mupepi, kabili Inkombe ya ku Mulu yatile: “NINTUMWA UKUFUMA MU MULOLA UWAKWA LESA IMPALUME

KU KUKWEBWA IWE... UKUTILA LESA NAKUTUMA IWE UKUTWALA ICABUPE CAKUNDAPA KU BANTU ABA PESONDE.”

Pe Bula 1291 Iya Baibele yakwa Scofield, Dr. C.I. Scofield, D.D., mu filembo fya mwisamba pali ba Malaika atila: “Nangula ba malaika baba *mipashi* (Amalumbo 104:4; AbaHebere 1:14), amaka yalipelwa kuli bena kukumonekela mu musango wacipasho ca muntu (Ukutendeka 19:1 kabili na yambi ayengi amalembo muli fyonse fibili Icakale ne Cipingo Cipy). Mu Kufuma 23:20, Lesa atile kuli Mose: ‘Moneni ndetuma Malaika kuntanshi yenu, ukumusunga munshila no kumuleta imwe ku cifulo ico napekanya.’ Kabili mu Kutendeka 24:40 ifwe tulabelenga, ‘*Yehoba... ali no kutuma Malaika Wakwe aye nobe, no kulengo lwendo lobe lushuke.*’”

Ifi ni filya fine ifyo Lesa acitila Munyina Branham. Ena tatendeka ukupepelela ukundapa kwa bucushi mu mubili mu mulongo wakupepelwa cila nshita ya bushiku, mpaka Lesa amusuba wene ku kubomba kwa cabupe, kabili mpaka ena akwata ukwiluka pa mulola wakwa Malaika pamo nankwe kuntanshi. Ukwabula ukukwiluka, ena alamoneka uwabula maka umupwilapo.

### IFISHIBILO FIBILI FYAPELWA

Nomba moneni, ukutila Lesa tatumine fye Malaika ukuba na Mose, ena na cimbi apele wene ifipeshamano fibili ifyapwililika nge fishibilo ne fishininkisho ku bantu ukutila Lesa alimonekele kuli wene no kumupela umulimo wene, ku butungulushi bwa bulesa, ukuba kapokolola wabo (Ukufuma 4:1-31). *Icakubalilapo* icishibilo cali cakutila inkonto yakwa Mose ukusanguke nsoka, kabili icishibilo ica *cibili* cali ni cilya ica kubika ukuboko kwakwe pa cifuba cakwe kabili no kulenga kwena ukuba “ukwafibashi nga menshi makasa,” na fimbipo. Lesa atile kuli Mose, “Cikesafikilishiwa, nga bena tabakakutetekele, nangula ukumfwa kwi shiwi Iya cishibilo ca ntanshi, bena bakatetekela ishiwi Iya cishibilo ca *cibili*.” (Ukufuma 4:8.) Muya kulekelesha yatatu ama vesi aya ici cipandwa ifwe tulebelenga ukutila ilyo ifi fyabupe fibili fyabwekeshiwepo “mu cinso ca bantu, abantu balicetekele... kabili bena bakontamike imitwe yabo no kushinshimuna.”

Pakuti fye, mukulundapo mukutuma Malaika ukuba nankwe no kulundulusha Munyina Branham, Ena ali mupele wene na fimbi fibili ifyapwililika ifishibilo fya kupapusha ifyo fyabomba ukwimya icitetekelo ica makana ica bantu abashingondapwa ku cipimo uko “Icabupe ca Kundapa” cibomba.

## UBULONDOLOSHI UBWA KUPAPUSHA

*Icakubalilapo icishibilo:* Ilyo Malaika amonekele kuli Munyina Branham, ena alimwebele wene ifyo ena akaba uwalinga ku kwishiba no kulondolola amalwele yonse ne fya kucusha; icakutula ilyo icabupe calebomba, pa kusenda ukuboko kwa ku kulyo kwa mulwele ena kuti aumfwa ifyapusana pusana ifya kututuma ku mubili atemwa ukuntunta ico caleishibisha kuli wene amalwele ayapusana pusana uko cila mulwele aleculako. Amalwele yatushishi, ico calelangisha ukubapo no kubomba kwa wa “letitikisha” (Imilimo ya Batumwa 10:38) umupashi wa kucusha kuti waishibikwa palwalala nganshi.

Ilyo umupashi wa kucusha waisa mukukumana ne cabupe ulalenga umubili ukusunkanishiwa nganshi icakutula ulesa mukumonekela pa kuboko kwakwa Munyina Branham, kabili icituntulu nganshi icakutula cileiminika inkoloko yakwe iyapa kuboko apo pene. Ici cilomfwika kuli Munyina Branham kwati kwikata kuli waya ya malaiti ikwete amaka ayengi aya malaiti muli yena. Ilyo Mupashi wa kutitikisha watamfiwa mwi Shina lyakwa Yesu, imwe kuti mwamona ukwakwa Munyina Branham ukuboko ukwakashika kabili ukwafimba ukubwelela mu mibele ya kuko kutuntulu. Ngo kucushiwa te bulwele bwa kashishi, lyena Lesa lyonse alasokolola ukucushiwa kuli Munyina Branham ku Mupashi. Ici *cishibilo* cakubalilapo ilingi line cilemya icitetekelo ica cila umo ku mulingo wakundapwa; lelo nga te ifyo, icishibilo ca *cibili* cilacita.

## KAMONA

*Icishibilo ca cibili:* Malaika alimwebele ukutula ukusuba kuti kwa mulenga wene ukumona no kumwafwa wene ukweba abengi abalecula pa fintu fya bumi bwabo ukufuma ku bwaice bwabo mpaka kuli ino ine nshita. Ena aleeba bamo amatontonkanyo yabo ilyo bena baleisa kuntanshi atemwa ilyo bena tabalaisa mukulongana. Nali mumfwa wene ukusosa ili line kuli nacifyashi ukuleta akamwana kakwe akamukashana, “Na mayo, umwana obe afyelwe mpofu kabili cibulu; kabili ilyo line iwe waishibe ukutula ena taleumfwa, iwe wali mutwele kuli shinga’nga,” kabili elyo ena aebele nyina filya fine ifyo shinga’nga asosele. Nyina atile, “Cilya cishinka nganshi.” Ibumba ilikalamba lilomfwa fyonse fi pa mibombele iya kubilishishapo. Munyina Branham mucine alamaona cena ukucitwa kabili ukusunkila kumbali icakulandilapo pakutula ibumba talyaumfweko cena, ena aleeba umulwele icili conse icabula ukuyebelela no lubembu ulwabulo kuleka mubumi bwabo ulolingile ukulekelwako ilyo icabupe cingabomba ku kupokololwa kwabo. Lilya line fye ilyo abantu ba musango ifi

basumina no kulaya ukukana ulubembu atemwa imembu isho shasokololwa, ukundapwa kwabo ilingi line kulesa mukashita ilyo Munyina Branham akwete nshita ya kupepa. Aya malyashi na Malaika yashininkishiwa mu kulongana kwa kwa Branham cila nshita ya bushiku ku cinso ca menso amakana.

E ico amabumba ayakalamba balapela bukambone cila nshita ya bushiku ukubwekeshapo no kubwekeshapo nakabili fitatu ifyapalana misango itatu iyapalana iya fipeshamano. Ifyakubalilapo fibili tafyundapa abalecula, lelo fibomba fye nge fishibilo ukwimya icitetekelo cabalecushiwa ku mlingo uko “icabupe ca kundapa cibomba ku kupokololwa kwabo.” Mucine, ifi fibili ifishibilo fya kupapusha fyaba fye ificitwa lintu fye ukusubwa kwa Mupashi wa Mushilo kuli pali Munyina Branham pali uyu mulimo.

### UKUCILA “IFYABUPE FYAKUNDAPA”

Ukwabula ukutwishika, Abenakristu abanono kuno na kulya, mukati ka Nshita ya Lukuta, kabili bamo pali ino nshita baliputwamo ne “Icabupe ca Kundapa” ico catantikwa pakati ka fyabupe fya bumupashi pabula mu cipandwa ca 12 ica 1 Abena Korinti, cila cimo ico cilumbulwa nga “Ukumoneka kwa Mupashi.” (I Abena Korinti 12:7-11). Kulingile kwabako abalesambilila mu lukuta abali bonse abo abaputwamo.

Lelo Munyina Branham aba akashila ukucila fye pa cabupe ca kundapa; ena nacimbi ni Kamona nga filya cali ba Kasesema ba mu Cipingo ca Kale. Ena alamona ifintu lintu tafilacitika. Nalimwipwishe wene, “Ni cinshi ico ulepilibula? Musango nshi umona fyena?” Ena alyaswike, “Nge fyo nkumona iwe: kano fye ndeshiba cena cimonwa.” Palwalala fye nge fyo umo amona ifintu ifyakubomfya ifibashingulwike, Munyina Branham, ilyo ali mumapepo mukati ka kasuba, alamona mucimonwa fimo ifipeshamano ifikankala ilyo tafilacitika lilya ubushiku. Ena alamona bamo na basendwa pa ma busanshi ya ambulance, atemwa ukwikala muficinga, kabili kuti alondolola ifyo bena balemonika kabili umusango bena bafwalilemo, na fimbipo. Ilyo ena alelangishiwa ifi fipeshamano kabelala, ena ilingi line alesu mukuba, pali ilya nshita, ukukanaishiba pa fintu ifilecitika ifimushingulwike. Tapali nangu limo mu nshita iyacila pa myaka itatu ukutula ilyo apokelele icabupe alikwata aya amabusokololo ukufilwa ukuleta ifipeshamano ifyapwililika filya fine fye nge fyo ena afimwene kale mufimonwa. Pali ishi nshita ena kuti asosa ne cishininkisho icine cine, “Efyo asosa Shikulu,” kabili ena talufyanya nakalya. Ena alinjebele umulungu wafumineko ukutila ena abomba fye ico ena amwene kale umwine ukucitika mucimonwa. Ukulunduluka ukwa ici ciputulwa ca bukapyunga bwakwe caba filya fine icipendo ca 100.

## UKULOLEKESHA PA FISHIMONEKA

Iyo cabupe cilebomba, Munyina Branham alaba muntu uwakwiluka nganshi ku kubapo no kubomba kwa Mupashi wa Mushilo kabili ku fituntulu ifya bumupashi ifya muntu uuli onse natala ukwishibapo. Mukusubwa, uko kubomfya ifya bupe fyakwe ifya bumupashi, kabili ilyo ena ailuka umulola wakwa Malaika, ena amoneka ukupita ukupula mucipembe ica mubili ukuya mucalo ca mupashi, ukwikashiwa ukupitamo kabili ukupitamo ne lyano lya fishimoneka. Paulo alembele (2 Abena Korinti 4:18), “Pakuti takulolekesha ifintu ifimoneka, lelo pa fintu ifishimoneka: pantu ifintu ifimoneka fya kashita fye; lelo ifintu ifishimoneka fya muyayaya.”

Amashiwi yakwa Paulo pano yalelangisha ukutila ifwe nomba tuleikala mu fyalo fibili pa nshita imo ine—icalo camano, kabili ne calo ca mupashi. Icalo ca mupashi calishinguluka, cafumbatila, kabili cilongola mucalo camano. Fyonse fyalo fibili fyakwata incende imo ine pa nshita imo ine. Ifituntulu ifya kubomfya ifyo tumona na menso yesu ayacifyalilwa, epo fyaba mukati ka fituntulu ifyawamisha ukucilapo ifyo fishimoneka no mushipeshipe wakumwenako. Amalemba yalatusambilisha ifwe ukutila ifyapulishamo “ifya muyayaya” ifituntulu nafitushinguluka ifwe nomba. Ifya kumoneka ifili fyonse ifyo cila umu uwa muli ifwe ifyo twingamona panshita ili yonse iya kubapo kwesu, pa kushoka ukuli konse ukwa munshila yesu, nga twalikwete amenso ayasubwa ayo twingamwenako fyena! “Ifimoneka” epo fyaba mukati ka “fishimoneka;” ifya “pakashita” mukati ka “fyamuyayaya.”

Paulo aletila, “Uyo walundinkana pamo na Shikulu bali umupashi umu.” Ilyo tuli abaisushiwa na Mupashi wa Mushilo, umupashi wesu kabili no Mupashi wakwa Lesa fyaampanishiwa muli cimo mu musango umu wine ifyo bamba no musoso fyaba cimo pantu bamba apongolwela musoso. Lyena caba kutila ifya bukata ifituntulu ifya bumupashi filakwata ukongola kabili filesa mukukwata amaka nganshi. Ifwe tulamona icine ne fituntulu fya bumupashi ukupitila mu menso yakwa Lesa. Panshita sha musango ifi ifintu fya kutanshi filamoneka ukubapo kwati ukumonekela ukwa myendele ileisa iya cikope icakutemuna. Yesu atile, “Umupashi ukamulangisha imwe ifintu ifileisa.”

## IFIPESHAMANOUKUFIMONA KABELA

Mu nshita ya kulongana kwa ku Fort Wayne na mayo alishile mu mulongo wakupepelwa nasenda umwana uyo wafyelwe no lukasa ulwalemana no kulu kwakwe mucobafwikako. Inshita Munyina Branham amwene bena,

ukwabula kwiminina ukupepela ukundapwa kwa mwana, atile kuli na mayo, “Owe ee, bushe walacita ico ndekweba ukucita?” Na mayo alyaswike, “Nalacita.” Elyo ena atile kuli wene, “Kabiye kunga’nda no kuya fumyako ico bafwikako, kabili ilyo ukabwela mailo ubushiku, ukalete umwana, kabili ena akakwata ulukasa ulwapwililika.” Icakulandilamo calisendele aya mashiwi kuli bonse mwi bumba ilikalamba. Casendele bena ukucila pali ora imo ilya nshita ya bushiku ukufumyako ico bamufwikileko. Ilyo na mayo aletele umwana inshita imbi iya bushiku iyakonkelepo, umwana akwete ukulu ukwapwililika kabili alifwele insapato ishitya ishinono ishabuta kabili aleenda. Shinga’nga abikile ulukasa ku X-ray no kusanga lwena ukuba ulwapwililika. Nalipwishe Munyina Branham ubushiku bwakonkelepo mulandu nshi ena apishishe na mayo kabili no mwana ukupita mu mulongo wa kupepelwa ukwabula ukupepela ukundapwa kwa mwana. Ena alyaswike, “Cena tacali cikankala, pantu mucimonwa mucungulo nalimwene umwana ukundapwa.” Cena kuti calenga ili lyashi ukulepa nganshi nga kuti nalondolola nafimbi ifintu ifingi ifyacilapo ifyawamisha mukushika ukucila ili lyashi. Ici ciputulwa ca bukapyunga bwakwe ceka kuti capela ilyashi ilye buku.

Mu cipandwa ca 5 icakwa Yohane Washila, Yesu atile, “Tata alebomba *pano*, kabili na ine ndebomba. . . Umwana tekuti acite kantu pa Lwakwe, lelo ifyo Ena amona Tata alecita: pantu fyonse ifintu Ena acita, ifi nafyo Umwana alacita, pantu Tata alitemwa Umwana kabili alamulangisha wene ifintu fyonse ifyo Mwine acita.” Nicinshi ico Yesu apilibwile? Mucine, Yesu ali ni Kamona ngefyo bali ba kasesema aba mu Cipingo ca Kale. Ena alimwene ifipeshamano Fyakwe ilyo tafilacitika. Ena alimwene umuntu uyo wakwete kucushiwa imyaka 38 uyo ushingengila mucishiba ilyo Malaika aikile no kufundaula amenshi. Yesu aishile kuli wene kabili atile kuli wene, “Bula ubusanshi bobbe, no kwenda.” Yesu amwene Lasaro naima ukufuma ku bafwa ilyo talabomba icipeshamano. Ena atile kuli Nathaniele, “Lintu Filipi talati Akwite, ilyo Iwe wali mwisamba lya muti wa mukunyuni, Nali ni nkumona Iwe.” (Yohane 1:48). Ena alimwene uko umwana wa musepela akakilwe ukwabula ukuba kulya, nafimbipo., nafimbipo. Kabili Kristu uli mukati ena nomba aletwalilila imilimo Yakwe ukupitila mucibombelo ca muntu ukulingana no bulayo Bwakwe ubwa ino nshita: “Uyo uwatetekela muli ine, imilimo iyo ncita nao akacita—pantu ndeya kuli Tata, kabili conse ico mukalomba mwi Shina lyandi nkacita, pakutila Tata engacindamikilwa mu Mwana” (Yohane 14:12, 13.)

## UKUTINTA UKWACITETEKELO KWAUMFWIKA

Mu bwafya bwa mwanakashi uyo wakumishe kwi telo lyelaya lyakwa Yesu kabili alengelwe ukuba umutuntulu,



Yesu atile, “Nimona amaka nayafuma muli ine” (Luka 8:46). Ilyo ici caishileishibikwa, ifwe tulebelenga muli Marko 6:55, 56, ukuti “na konse uko Aingile mu mishi inono, na mu mishi ikalamba, na mu mitanda, babikile abalwele mu masokoni, no ku Mupapata ukuti aleke bekate fye ku lusela lye laya Lyakwe: na bonse aba Mukumishe baliposhiwe.” Kutotela Lesa ukutula ubulumba bumo bucili bulepongoloka ukufuma muli Kristu uli mukati ukwisa mu mibili yabalwele nabacushiwa, kabili balalengwa abatuntulu.

Fibili ifishibilo fya fipeshamano ifyo Lesa alangisha ukupitila muli Munyina Branham ukukusha icitetekelo ca abo abali mu mulongo wa kundapa ku mulingo walinga, balapelwa na cimbi ukukusha icitetekelo cabacushiwa mwi *bumba* ku mulingo umo wine. Ici citetekelo cilaleta ubulumba bumo bwine ukufuma kuli Kristu uuli mukati Uyo ulebomfya ica bupe, no kundapa abo abekele mwi *bumba*. Tacipanga ubupusano nga cakitila cena bulwele *bwenu* ubulelondololwa mu kupapusha, atemwa abantu mu mulongo wakupepelwa, ifishibilo fimo fine, kabili fyalikwata amaka yamo yene pali abo abekele mwi *bumba*. Mulandu nshi ifishibilo filingile ukubwekeshiwapo kuli cila umo umo uyo ufimwene kale? Mose tabwekeshopo ifishibilo *fyakwe* fibili kuli cila umo umwina Israele. Amakana kuti bapela bukambone ukubomba no kulengwa ukucetekela pa nshita imo ine. Icitetekelo pa mulingo uwalinga muciputulwa icili conse ice *bumba* ilikalamba cilatinta ubulumba muli Kristu uuli mukati Uyo ulebomfya icabupe; kabili ici tekuti cicitike ukwabula Munyina Branham ukwishiba cena. Ena alomfwa cena bwino nganshi nge fyo imwe mwinga cita nga nalitintile pe koti lyenu, no kwishiba ku cifulo cena cilefumina; kabili ena alasontelela na kuli ulya umo uyo icitetekelo cakwe cilekumya Kristu.

Ilyo alepepela balya mumulongo wakundapa mukulongana mu Flint, ena alilekele, kabili ukusonta ukulola kucipinda ca cibili ku kwalyo kwakwe, atile, “Nacikwata fye nombaline icimonwa cakwa na mayo ufwele suti ya blue ufwele iyaisuka pa musana. Ena naundapwa fye ku mpwalonda.” Umwanakashi aiminine pa nkasa shakwe kabili no kusangalala ukukalamba kabili atile “Nine ulya namayo.” Icitetekelo cakwe cali citile kuli wene mu cipinda ca cibili ifyo icitetekelo calebombela abo abali kuntanshi.

Na mayo uwacaice alisendelwe mukulongana pa busanshi. Ena alefwa kuli leukemia. Konse kubili ku Jones Hopkins kabili na Clinic ya Mayo, ena balimwebele ukutula ifintu fyonse ifingacitwa fyalicitilwe kabili kutila takwali isubilo ilya ena ukuba no mweo. Imitontonkanishe yakwe yatendeke ukulapwa. Nalifumine kuntanshi no kuya pa busanshi bwakwe no kumweba ukulapepa ukutula Lesa alaimya icitetekelo cakwe ku mulingo wakundapwa kabili ukutula calaba nalimo

ukubomfya ica bupe atemwa ukutinta Munyina Branham ukwisa pali ena. Nalimwene imilomo yakwe ukusela mwi pepo kabili pa muku fye umu Munyina Branham aumfwile ukutinta kwa citetekelo, atolweke ukufuma ku ntanshi no kuya pa busanshi bwakwe, ali mupepele, kabili atile, “Mwi Shina lyakwa Yesu ima fuma pa busanshi bobo, pokelela amaka aya bulesa no kuba umutuntulu.” Ena ali nakile kabili na maboko yakwe ayaimishiwa kabili ne filamba fya nsansa no kupepa fyalekonkoloka mu masaya yakwe, ena aendele uku no ku kucinsu ca bantu bonse kabili na mulya umwa kupita. Nkashi yakwe alinjebele panuma, “Nkashi yandi alibwino sana.”

Mu cikalamba Icikulwa ca Fair Park mu Dallas imyeshi inono iyapitapo, inshita imo iya bushiku ilyo icipinda caba kema mwaiswile aba pa macila kabili na mafya ya pa ficinga, ilyo Munyina Branham ali no mulimo ukupepela balya mu mulongo wa kundapa, ena atwalilile ukumfwa ukutinta ukwacitetekelo ukufuma ku kwakulyo kwakwe uko mukulekelesha kwalilekele. Ilyo ena apwishishe na balya abo ena alebombelapo, ena asontelele ku mwaume pa busanshi mucipinda ca bakemba, kabili atile kuli wene, “We mwaume, ima, iwe naundapwa nalimo ama miniti yasano.” Ena alimine ukulumbanya Lesa. Umukashi wakwe alishile kuli wene kabili bena bakumbatene na maboko umu no mubiye no kulila ukwakusangalala capamo. Ena aletelwe ukufuma ku Chicago mu mibele ya kufwa na ba pwapwa bakwe abaliwa ne mpwalonda. Ena alyundepwe kabili aishile kukulongana ukwakonkelepo mu Fort Wyne inshiku shinono panuma kukupela ubunte bwakwe. Ena alisangwako kukulongana kubili na kumbi ukutula lilya. Ine kuti natwalilila ukulondolola amabulayo ayengi ayakundapwa ukwa ifi fine ukwa abo abaundepwe ilyo baikele atemwa ukulala pa macila mwi bumba ukwabula Munyina Branham ukutala ukubakumya. Bonse balyundepwe mu cinshingwa cakwa Petro ukwabula ena ukukumya umu muli bena.

## TAKULI AMAFYA AYAKOSA

Takwaba icintu ca musango ifi ngo bwafya ubwakosa na Lesa. Na mayo ukufuma ku Greece uyo ushakwete ukwisuka mu mukolomino wakwe aingile mu mulongo wakupepelwa. Ena tekuti amine itoni nangu limo ilya menshi atemwa icakulya ica musango uuli onse. Lilya line ilyo Munyina Branham amupepelele ena anwine kapu ya menshi no kulya candy bar. Bumo atemwa inshiku shibili panuma muli kulyo kulongana kumo kwine ba nkomamatwi na bucibulu pabula baishile mu mulongo wa kupepelwa kabili bonse pabula balyundepwe.

Balya abafyelwe impofu bapokelele ukumona kwabo. Panuma ya kupepela umu umwaume uwali impofu umupwilapo,

Munyina Branham atile kuli wene, “Enda kabiye kucintamba kabili bika umunwe obe pa mona wa ulya kashimikila.” Ena aendele ukulola fye kuli kapyunga no kutinta umona wakwe, ukulenga ibumba ukuseka.

Uwaishibikwa nganshi missionary ukufuma ku Palestine muciputulwa ca kulekelesha ica T.B. aletelwe ukufuma ku Yakima, Washington, muli ambulance mu Cikulwa ca Civic mu Seattle, Washington. Ubuteko bwa mulipilile umutengo wa ndeke ukuya ku nga’nda. Ilyo ena aebelwe, mwi Shina lyakwa Yesu, ukwima no kuba umutuntulu, ena alicitile fyo, kabili nshiku shibili panuma ena alebomba umulimo uwakuminwe ukushinguluka inga’nda yakwe.

## UKUNDAPA ICINTUBWINGI

Nga filya ubwite bwa kucipailo atemwa ukwita aba bembu kulakonka ukubila kwa kubila mbila nsuma, e ico panuma ya kulondolola kwa kupapusha no kundapa kwabo mu mulongo wa kundapa, ubwite nomba bulapelwa kuli abo abali mwibumba abo abali abaiteyanya ukupokelela ukundapa ukwisa atemwa ukutwalwa pa ntanshi ku kundapwa atemwa kupususshiwa ku mubili.

Ukundapa ukwa umo kubafye pa nshita kuntanshi kubako fye pantendekelo ya kukulongana kwa kundapa ukwine kwine. Cena ciba fye isambililo lyakubila ukwakulangishishako, ukulanda ifyo, kuli bonse mwi bumba abo abalekabila ifisuma ifya ciputulwa ca kundapa ukwa mbila nsuma.

Kwati fye nga ababembu umwanda kuti baasuka ku bwite bwakwa kabila wa mbila nsuma no kukwata ukwishiba nalyo line icipeshamano icapulamo icakufyalwa ukupya mu cintubwingi, e ico cena calilangishiwe mukupapusha inshiku shinono ishapitapo mu kulongana kwa mu Lousville ukutila abalwele kuti baundapwa mu cintu bwingi ne cabupe ca kundapa. Munyina Branham alitwalilile no butantiko bwakwe kulya, ukwita balya abali pa mabusanshi, balya mu ficinga, kabili nabalemana ukuletwa kuntanshi intanshi, kabili elyo balya abo abengenda pa nkonto shabo na balya abalecula ne mpwalonda na malwele yambi ukwisa fye kuntanshi no kwiminina kunuma ya macila ne ficinga. Ilyo bena batendeka ukwisa kuntanshi, icitetekelo cabo catendeki ukutinta pa bulumba bwa kundapa mu cabupe, kabili ukushimikisha kwa kundapa kwali ukucila icintu icili conse nomba ica monekapo mukulongana kwa kwa Branham. Ilyo bali mu nshila yabo ukuya kuntanshi, Munyina Branham asontele ulubilo nganshi kuli umo na umo ukusosa, “Kristu nakundapa iwe.” Abantu baposele amakadi yabo ayakupepelwapo mulwelele, baposele panshi inkonto shabo kabili balya abo abashingeminina

atemwa ukwenda baiminine pa nkasa shabo, bamo muli bena ukutoloka no kulumbanya Lesa kukusangalala. Ukubomba kwali ukushingalondololwa. Umulumendo umo mucipuna uyo ushaleiminina atemwa ukwenda, nalimumwene ukwiminina pa nkasa shakwe ukulumbanya Lesa. Ama miniti ayanono panuma, nalisontele kuli wene no kwipusha ibumba ukupangile nshila no kuleka wene apite ukwisa kuntanshi. Ena aendele ukwisa ku cakulandilapo kabili bwino nganshi ashimikile kwi bumba ilyalelila. Icabupe cabombele kukundapa ukwa cintu bwingi nga filya cacitike kale mu mulongo wa kundapa uko bena baundepwe umo pa nshita. Umukashi wakwa kacema uwa Lukuta lwa The Open Door alintumine lanya ulucelo lwakonkelepo ukutila ba membala abengi aba lukuta lwabo balyundepwe muli uku kulongana kwa cintubwingi inshita ya bushiku iya fumineko.

### ABA BEMBU BAPELA MUBWINGI

Kabili icawamishapo pali fyonse, aba bembu eico balaletwa mu kushininwa palubembu kabili balafwaya ukupusushiwa. Mu Bena Roma 15:18, 19, Paulo ukulanda palwa kulenga “Abenafyalo ukunakila, ku cebo no mulimo, ukupitila mu fishibilo fya pulamo ne fipapwa, ku maka aya Mupashi wakwa Lesa. . . ukufuma ku Yerusalemu, kabili ukushinguluka ukufika na Illyricm.” Nalimona abengi nga makana yabili aya ba bembu mukulongana kumo ukwa kwa Branham ukwima pa nkasa shabo mufilamba ukupela imitima yabo kuli Lesa. E mulandu wine Yesu atile, “Umuli monse mu musumba mwaingila—undapeni abalwele abo abalimo.”

### UKWITWA UKUFUMA UKUCILUKA BEMBA

Ukulumbula Amalumbo 68:18, Umutumwa Paulo atile mu Bena Efese 4:8, “Alininine Aile mu Mulu, Atwele umulalo muli bunkole, apele ne fyabupe ku bantu.” Ilyashi ilya ici cabupe ica bulesa ku Lukuta, mu myaka inono itatu naciya ukushinguluka isonde, kabili amalamyaya ayengi aya mukampampa yaleisa ukufuma ku fyalo ifyeni kabili ukufuma kuncende sha bumishoni ukuciluka ba bamba. Ayengi pali aya ica ili line yaisa ukufuma mufitungu ifyapusana pusana mu Africa. Bamo abalecula balyendele mundeke ukuciluka amenshi ukufuma ku fyalo fimbi ukwisa ku United States ku kundapwa. Ilyo Munyina Branham atandalila impanga sha bumishoni ndecetekela kuli no kuba ukushibushiwa kukalamba nganshi ukwa bu mupashi Ulukuta lwatala ukumonapo ukutula mu myaka umwanda wakubalilapo.

Ilyo tatulaisala, ndeumfwa ukutila ningile ukusosa kuli abo abalebelenga iyi mishilwa, kabili bena bali abafilwa

kukusangwa ku kulongana kwakwa Branham, ukutila kuti mwaundapwa, na imwe. Amakana balyundapwa mukupapusha ukupitila mu mapepo yabo abene. Lesa alakabila ukundapwa kwenu ukucila nge fyo cena cingacitwa kuli imwe ukukabila cena. Yesu afwile ukulenga cena ukucitwa. Kalbale ilenga ifintu fyonse ifyalaiwa mukusuminishiwa ukuba icipe cenu mwebene. “Ukuba umutuntulu umupwilapo,” caba ubufwayo bwakwa Lesa ukushininkishiwa no kulangishiwa ku mabumba.



## *Icipandwa ca 21*

# Ilyashi Lya Fimonwa Ilya Shimikwo Bunte na Munyina Branham

(Lyalyambwilwe no kubomba kwa malaiti)

Ipange lya kulemba ifi fimonwa lyaba lya kubukata bwakwa Lesa, no mwana Wakwe Yesu Kristu. Fyalangishiwe kuli ine na Malaika Wakwe uwa Mushilo kabili tafili ifya kuilumbanya ne mwine ifyo fyena fyalembelwa. Nalipushiwa ku bengi ukulemba fyena, kabili ninsenda cena pamutima wandi ukulondolola ifinono ifya fyena. Fyena fya mushilo nganshi kuli ine.

Fimo ifya ifi ifimonwa fyafwaikwe inshita kukufikilishiwa kwa fiko. Lelo lyonse fyena fyaishilecitika nga filya fine fyalangishiwe kuli ine. Cilalenga umutima wandi ukuba uwapetama nganshi ukutontonkanya ukutila Uwapulamo engalangisha umubomfi Wakwe ifi fintu. Ndelanda ifi fintu pa kutila abantu bengacetekela pali Yesu Kristu, kabili no kupususshiwa pa kucetekela.

### ICIMONWA CA I—

#### ICIMONWA CA BULALO PA MUMANA WA OHIO

Icimonwa cakubalilapo ico ndeibukisha ukumona cali ilyo nali nalimo icimo ca myaka cine lubali. Ici cimonwa nalimo tacakwete ubupilibulo ubukalamba ubwa bu mupashi ico ifya konkelepo fyakwete, nge fyo nali umwaice nganshi ine tekuti nkwate ukwiluka cena. Lelo cali ni Lesa ukumpela ine ukumona kwa ntanshi ukwa kubomba kwa ici cabupe icaibela, kuli co nalimona ifintu ifingi ukucitika ilyo tafilafikilishiwa.

Muli ici cimonwa, ico caishile kuli ine ilyo naleangala na munyina, nalimwene ubulalo ubukalamba ukukulwa ukuciluka Umumana wa Ohio, kabili mpendwa ya baume abalebomba ukuwa ukufuma pali bwena. Nalimwene fye umusango wena wakulilwemo kabili napo ukabela. Cilya camoneke icishingacitwa lilya, lelo pantanshi caishilecitika nga filya fine calangishiwe kuli ine.

### ICIMONWA CA II—

#### UKUSOKA UKUKANYA IFYA MIPASHI

Inshita imo iya bushiku, te kale panuma ya kupilibulwa kwandi, nalibwelele ukufuma pa ncende pesamba lya muti uwa



mutelebinti, uko “akale” nalikwete amapepo ya mubumfisololo. Cali nshita imo pakati ka wanu na fili A.M. Ba mayo na batata balingu’mfwile ilyo naleingila mu cipinda candi, kabili bena balinjitile, ukunjeba nkashi yandi umunono alilwele. Nalifukeme no kumupepelako ena kabili elyo nalibwelele ku cipinda candi ne mwine.

Panuma ya kwingila mu cipinda candi, naumfwile iciunda ico cali kwati ni nsale shibili isha malaiti ukukumyanya capamo, ukulenga shena ukwaka. Nalebomba nga lineman pali ilya nshita, kabili natontonkenye palingile pali ukukumyana mu myendele ya malaiti mu nga’nda. Lelo apo pene iciunda calipilibwike kabili ulubuuto ulwaibela lwaiswishe cipinda. Elyo camoneke kuli ine naliminine mulwelele. Calimpele umwenso nganshi kabili natontonkenye nali mukufwa.

Panuma ya cilya nalimwene ukutila ulubuuto lonse lwalishingulwike ine. Ukulolekesha pa mulu nalimwene ulutanda ulukalamba pa mulu fye ukufuma apo lubuuto lwalesanikila. Lwaishile palamisha no kupalamisha. Elyo camoneke ine tekuti mpeme napamo kulanda. Icakonkelepo ulutanda lwamoneke ukwikala pa cifuba candi.

Pali ici cishinka icikope calipilibwike, kabili camoneke ukutila namonekele pa kalupili aka cani ica mulemfwe, kabili kuntanshi fye yandi kwali iya nshita ya kale iya fifutu fine kapu iya candy. Mukati ka kapu mwali icipelebesha icikulu icafwaka atemwa lunshi—ukwasha ukuikakulula icine. Nalitendeke ukwalukila ku kwakulyo kwandi, kabili kulya kwali ulya malaika uwapulamo naiminina alelolekesha pali ine. Atile, “Mona ico ningile ukukulangisha iwe.” Elyo namwene ukuboko ukupose libwe, no kutoba kapu ya candy. Icipelebesha cafwaka calyeseshe ukupupuka ukuya. Lelo cena califililwe ukufuma pa mushili; umubili wa ciko wali uwafina nganshi ku mapindo ya ciko ayepi.

Elyo kufuma mucipelebesha kwaishile balunshi abengi, kabili umo pali ba lunshi apupukile mukutwi kwandi. Malaika atile kuli ine, “Ba lunshi abo mwene bemininako imipashi iyabipa, iyapala nge mipashi iyakubuka imbuko no kubuka.”

Elyo ena alisokele, “Cenjela.” Ici calibwekeshiwepo imiku itatu. Panuma ya cilya naishileba umutuntulu. Ine nalifililwe ukulala nakabili lilya mubushiku. Akasuba akakonkelepo nali uwacenjela nganshi. Ine nalelolekesha imyendele ili yonse, ukusubila icintu cimo ukucitika pa nshita ili yonse. Icintu conse cali icipya nganshi kuli ine, pantu cena cali ukusoka kwa ntanshi ine natala kwatapo ku cimonwa.

Mu cungulo kalya kasuba, naile kwituka ilinono ukushita icakulya candi icakasuba. Kwaliko Umwinakristu uyo walebomba mwituka; ine namutungulwile fye kuli Kristu. Ena panuma ali uwakwafwilisha nganshi kuli ine mu mulimo wa

mbila nsuma. Ilyo nali kulya nalelondolola icimonwa candi kuli wene, ilyo na mayo atampwile mu mwinshi wa pantanshi uwetuka.

Nalikwete imyumfwile iyaibela, kabili nalishibe umupashi uwaibela nawingilamo. Nalilumbwile cena kuli Munyina George DeArk, umunandi. Na mayo aendele mukwisa kuli munyina wakwe Ed, kabili atile, “Ndefwaya umwaume uwe shina lyakwa Branham. Balinjeba ena muntu wakwa Lesa.” Elyo Ed alinjitile. Ilyo naishile palya ali, ena alinjipwishe ine, “Niwe William Branham, kasesema wakwa Lesa?” Nalimwaswike, “Nine William Branham.”

Wene alipwishe, “Bushe niwe uwabombele cilya icipeshamano pali Mr. William Merrill ku cipatala no kundapa Mary O’Honion (ena ekala pa E. Oak St., New Albany, Ind.)—panuma ena ali uwalemana pa myaka 17?” Nalyaswike, “Nine William Branham; Yesu Kristu alibondapa bena.” Wene lyena atile, “Nindufya impanga na mayanda, kabili ndefwaya iwe unsangileko fyena ine.” Ine nshatalile ukwiluka filya fine ifyo wene apilibwile kwi lyashi lyakwe palwa mpanga yakwe na mayanda, lelo nalishibe ukutila satana na mutuma wene pali uyu mulimo.

Ine lyena natile kuli wene, “Madam, imwe na mwisa ku muntu ushili eo; imwe mulingile mulefwaya kabuka atemwa umuloshi.” Elyo ena apilibukile kuli ine no kwipusha, “Bushe iwe tauli muloshi?” Nalyaswike, “Ine nshili. Abaloshi bakwa ciwa. Ndi Mwinakristu kabili nalikwata Umupashi wakwa Lesa.” Pa kumfwa ici alindolekeshe ububi nganshi. Ilyo nshilasosa icintu nacimbi ukutwalilila, naumfwile umupashi wakwa Lesa ukusosa kuli ine ukutila ena ali muloshi umwine, kabili ukutila uyu ali e lunshi uwaishile ku kutwi kwandi, mucimonwa.

Elyo nalimwebele, “Shikulu Yesu atumine malaika Wakwe kuli ine mailo mubushiku mucimonwa, ukunsoka ine pa lwakwisa kobe, kabili kuli ine ukuba uwacenjela. Ndetasha Shikulu wandi pa Kuboko Kwakwe ukutungulula. Nomba uyu mulimo uo iwe wabamo wakwa ciwa, kabili iwe nawisa mukulengwo ubulanda Mupashi wakwa Lesa.” Ena alyumfwile umutima wakwe, kabili atile ukuti alefwaya umuti umo. Nalyaswike, “Madam, leka ukucita ifi fintu kabili umutima obe uli no kuba bwino.” Wene alyendele ukufuma mwituka intamfu fye ipi, ilyo ena aculile no kwikatwa kwa mutima kabili afwile palya pene pa mbali ya musebo.

Inshiku shinono panuma, nalelanda kuli bamo bakalungisha mu garage palwa kutemwa kwakwa Kristu, mu musumba umo wine uwa New Albany, kabili ine nacimbi nalyebele abaume palwa cimonwa. Nali fye mupepi no kubepusha bena ukupepa no kupela imitima yabo kuli Lesa,

ilyo mwaume ukufuma ku garage umwinshi wakonkelepo atile, “Billy, iwe uli uwasengelwa mu garage yandi inshita ili yonse, lelo ulesha ubo bukapepa bwa bushilu panse.” Nalyaswike, “Mukwai, uko Yesu tali uwasengelwa ine nshakeseko. Lelo ndelanda cilya icili ica cishinka, ico Lesa asokolola kuli ine.”

Panuma ilyo nalandile ili lyashi, ena apele ukuseka kwa kubuluma, elyo asontele mukuboko kwakwe pali ine no kwenda ukufuma mucikulwa. Lelo ilyo ena talafika ku garage yakwe, shifyala wakwe wine, ukufuma pa mwinshi ne cimbaya mbaya cakwe icausulamo ifyela ifyaonaika, alimupunkile, ukushonaula amakasa yakwe yabili no tutende.

Inshiku shibili panuma, ilyo nalelanda pa kulongana kwa mu musebo, na mayo no kuboko ukwalemana atile kuli ine, “Ninjishiba ukusubwa kwakwa Lesa kuli pali iwe; ilyo iwe ukalapepa napapata ukebukishe ukuboko kwandi ukwalemana. Kwena kwaba muli uyu musango pa myaka ingi.” Nalilandile kuli ena, “Nga iwe mucine naucetekela, fungulula ukuboko kobe, pantu Yesu Kristu nakundapa iwe.” Lilya line fye ukuboko kwakwe kwa lyololweke. Umwanakashi umubusu abilikishe ku nsansa ilyo afukeme no kutasha Lesa.

Umwanakashi uwaiminine mupepi atile, “Nga bulya bukapepa Billy Branham akwata ni bukapepa bwa cine, nshilefwaya bumo ubwa kwena.” Lelo ilyo ena apilibwike ukwenda ukulaya, icintu icaibela calicitike. Aliipunwine pa cipampa, kabili ukuwa pa mushili, akontwele ukuboko kwakwe mufifulo 15. Ukuboko uko kwakontweke, kwali kulubali lumo lwine ngo kwa mwanakashi uyo waundepwe.

### ICIMONWA CA III—

#### ICIMONWA CAKWAMPANA KWA LUKUTA

Nalimo imyeshi ibili panuma yakubatisha pa Mumana wa Ohio, ilyo lutanda lwamoneke ku cinso ca bantu imyanda abo abaiminine kululamba, Lesa alimpele icimonwa. Naleiteyanya ukubike libwe lyapa cifutu ca tabernacle yandi. Major Ulrey uwaba Volunteers aba America, cibusa wandi, ali mukwisa ukulisha inyimbo ishakubikila ilibwe lyapa cifutu.

Pa bushiku bwakubike libwe lya pa cifutu, nalishibushiwe nalimo sikisi koloko mulucelo. Akasuba ka Indiana kali na katula, kabili fyonse ifya cifyalilwa fyaleimba inyimbo. Nalilolekeshe panse pe windo; ifyuni fyaleimba, inshimu shale ngwi'ngwinta; umununko usuma uwa cilimwa ca cena icisuma wali mumwela. Nalele palya ukutontonkanya, “Mwe Yehoba Mukalamba, ifyo Imwe mwawama. Pakashita fye akanono akapitapo kwacifita; nomba akasuba nakatula kabili ifyacyalilwa fyonse filesangalala.” Nakabili natontonkenye,

“Iline ili sonde lili lyatalala kabili ilyafita, likasangalala ne fycifyalilwa, pantu Umwana wa Bulungami akema no kundapa mu mapindo Yakwe.”

Iyo naleshinshimuna Lesa, mukupumikisha naumfwile malaika uwakwa Shikulu mucipinda. Nalipilibwike pa busanshi kabili nali mucimonwa lilya line fye. Ndetontonkanya ukutila ici cimonwa nangula nshailwike cena pa nshita, calikwatapo ifingi ifyakucita ifingi na bukapyunga bwandi buno bushiku—mukweshwa kwandi ukuleta mwi senge inkuta imo ne ibiye, ukutila bena tabalingile ukuleta amano ayakupatulanya ukubapatula bena, kabili ukutila Umwinakristu onse alingile ukuya ku lukuta ulwa kuisalila umwine, lelo pa nshita imo ine ukukwata isenge no kutemwa kwa bulesa ukwa kuli umo no mubiye.

Nomba mucimonwa naliisangile ne mwine ukwiminina pa lulamba lwa Mumana wa Yordan, ukushimikila Imbila nsuma ku bantu. Nalyumfwile ciunda kunuma yandi, nga cilya icipangwa na kapoli. Ukulolekesha mumbali nalisosele, “Ino ncende naikowela. Uno mushili wa mushilo, apo Yesu aendele Umwine.” Mucimonwa naleshimikila ukukanya ici, ilyo malaika wakwa Shikulu ansendele mu tabernacle yandi, nangula ilibwe lyapa cifutu lyali talilabikwa. (Icimonwa calangishe tabernacle ngefyo mucine yena yali ilyo yakulilwe.) Nalilolekeshe mumbali. Abantu baliswile ukuli konse, kabili bumba ilikalamba lyaliminine. Mucimonwa namwene amalupanda yatatu; panuma nalibikile mulukuta lwandi amalupanda yatatu nge fyo nayamwene mucimonwa, ulukalamba ululi pakati ukuba icintamba. Nalibilikishe, “Owe, ici cintu cawama; ici ca bukata.”

Elyo Malaika wakwa Shikulu aishile kuli ine mucimonwa kabili atile, “Ino te tabernacle yobe.” Naliilishenye, “Owe Shikulu, mucine ino ni tabernacle yandi.” Lelo Ena alyaswike, “Iyo, isa umone.” Ena alimfumishe panse, kabili nalelokesha mulwelele ulwa buta ulwa blue. Atile, “Iyi ili no kuba tabernacle yobe.” Ukulolekesha panshi nakabili namwene ukutila nali mukati ka fimuti ifingi kabili pakati apo naiminine, pali akashila. Ifimuti fyalibyelwe mu fipoto ifikalamba ifya green. Kulubali lumo kwali imiapele, kabili kulubali lumbi kwali ama plum ayakulu. Ku kwakulyo no kwakuso kwali mpoto shibili tamwali nangu cimo muli shena.

Icakonkelepo naumfwile ishiwi ukufuma ku mulu, ilyo lyalandile, “Ubusomboshi nabufula, lelo ababomfi nabacepa.” Nalipwishe, “Shikulu ni cinshi ico nalacita?” Lyena ilyo nalolekeshe nakabili nalimwene ukutila ifimuti fyamoneke nge milongo, mucimonwa ca tabernacle yandi. Kulya kumpela ya mulongo kwali icimuti cikalamba ica iminine kabili cali icaisulamo imisango yonse iya cisabo. Kumbali shonse isha

cena kwali ifimuti fibili ifinono ifyabula fisabo—kabili ukwiminina ulubali no lubali, fyena fyamoneke nga malupanda yatatu. Nalipwishe, “Ni cinshi ifyo ici filepilibula kabili nga palwa shilye mponto umushili nangu cimo muli shena?” Ena alyaswike, “Iwe ulingile ukubyala muli cilya.” Elyo naliminine pakati, ukukontola imisambo ukufuma ku fimuti fyonse fibili, no kubyala yena mu mpoto. Apo pene, ukufuma mu mpoto mwaishile ifimuti ifikalamba fibili ifyo fyakulile mpaka fyena fyafikile mu myulu.

Panuma ya cilya, icimwela ca cipupu cikali caishile nokutenkanya ifimuti. Ishiwi lyalilandile, “tambika amaboko yobe nomba, iwe naucita bwino; sombola ubusomboshi.” Nalitambike amaboko yandi kabili umwela wa maka wasunkile mukuboko kwandi ukwa ku kulyo umuapele ukalamba, kabili mukuboko kwandi ukwa kukuso icisabo ca plum icikulu. Atile, “Lya ifisabo; fyena fisuma.” Natendeke ukulya icisabo, intanshi nalisumineko kuli cimo, elyo nalisumineko kuli cimbi, kabili icisabo cali icalowa bwino nganshi.

Ndetontonkanya ici cimonwa cali icakucitapo no kuletwa kwa bantu aba nkuta capamo. Mucimonwa, nalilimbilwe ukufuma kuli cimo ukuya ku cibiye, ukuleta ifisabo fimo fine ukufuma mu fimuti fyonse fibili.

Icakonkelepo naumfwile ishiwi ukusosa nakabili, “Ifyakusepa nafipya kabili aba bomfi banono.” Nalilolekeshe pakati ka cimuti, kabili imina ikalamba iya miapele na ma plums fyalelebeli pa cimuti conse—ico cali mu musango wa lupanda ukwisa fika fye na kumukonso wakico. Naliwile panshi pesamba lya cimuti no kubilikisha, “Shikulu, ni cinshi ico ningacita?” Umwela watendeke ukuponye ifisaboponse pali ine, kabili naumfwile ishiwi ukusosa, “Ilyo wafuma mucimonwa, belenga Timoti Wacibili 4.” Ici calibwekeshiwepo imiku itatu. Elyo naisangile nemwine mucipinda candi. Nalisendele Baibele no kutendeka ukubelenga, “Shimikila icebo... pantu inshita ikesa ilyo tabakeminine isambililo ilituntulu (ukupatukana kwa masambilisho mulukuta); lelo pamulandu wa lunkumbwa lwabo abene bakailonganikila bakasambilisha, pa kukwata amatwi ayapepula... bomba umulimo wakwakabila wa mbila nsuma, shininkisha bukapyunga bobo.”

Nalilepwile lilye bula ukufuma muli Baibele yandi, no kulibika pamo no bunte bwandi mwilibwe lyapa cifutu ilyo lyabikilwe bulya bwine ubushiku. Lilya “isambilisho ilituntulu” ndecetekela cena kutemwa kwa bulesa kuli umo no mubiye. E ico caishile citika ukutila umulimo wandi tawali wakucema—nangula panono panuma, nalilufishe cimonwa, kabili ubulanda ubukalamba bwalishile pantu nshaile pabwite—lelo panuma Lesa alintumine mwi bala Lyakwe kukubomba uyu mulimo. Ninjikala ukumona ubushiku ilyo ici cimonwa cilefikilishiwa.

Ndetasha Lesa pali ubu bukapyunga ubwapetama muli ici ndeesha ukubomba iciputulwa candi ukwampanya abantu bakwa Lesa, pakutila bengaba umo mu mutima na mu mupashi.

#### ICIMONWA CA IV—ICIMONWA NO KUNDAPWA UKWA KUPAPUSHA KWA BANA ABALEMANA

“Kabili cikesacitika panuma ukutila nkapongolwela umupashi wandi pa bantunse bonse; elyo abana benu abaueme na bana benu abanakashi bakasesema; na balumendo benu bakamona ifimonwa; na bakalamba bakalote filoto.” Ifi fyebo fyakwa kasesema. Ndecetekela ifwe tuleikala muli bulya bushiku.

Icimonwa ico ine nomba ndelondolola cali icikankala nganshi. Calipelwe kuli ine mu nga’nda yaba mayo uko naleikala nshita imo iya bushiku mupepi fye panuma ilyo inkondo yaliko ililine mu Europe. Inshita imo pakati ka bushiku no kuca nalibukile ne cisendo icikalamba sana pa mutima wandi. Nalipepele pakashita akatali lelo camoneke ukukana kwata ukumfwa bwino. Ama ora yabili yalipitile. Elyo apo pene nalingile mucimonwa kabili naliisangile ne mwine ukuya pa mulu wa kapili ukulola ku kayanda akanono akakalabana. Naingile ukupitila pa mwinshi, kabili mukati ka cipinda nalimwene icipuna icakashika ne cipuna icakupeta icakashika. Ukwikala mucipuna icakashika mwali umwanakashi umukote na magalashi, alelila. Pa busanshi kukwakulyo kwaliko umulumendo wacaice uwamishishi ishakashikila nalimo itatu atemwa ine imyaka yakufyalwa. Ine nalimwene ukutila ena ali uwacushiwa ububi nganshi kabili umubili wakwe unono walitintilwe mukati; amolu kabili no kuboko fyamoneke ukukakwa mulufundo. Ukwiminina pa mwinshi wa pakati pali umwanakashi uwa mishishi iyafita, lilya banyina kabili na ena balelila nganshi. Kulya kulubali lwa busanshi kwali umwaume umutali uwalemoneka umufishi, wishi.

Natile kuli ne mwine, “Bushe ici te ceni; naciba panga’nda ya bamayo nshita fye ishinono ishapita.” Icafonkelepo, nalilolekeshe ukwa kulyo kwandi, kabili kulya kwaiminine malaika wakwa Lesa, nafwala mu fyabuta. Pali iyi nshita nshaishibe ifyakucita, lelo mutima wandi waile ku mwana uyo walele pa busanshi. Malaika atile kuli ine, “bushe umwana kuti aba no mweo?” Nalyaswike, “Nshishibe.” Malaika atile, “Leka wishi alete umwana kuli iwe kabili iwe bika indupi shobe palufumo lwakwe.” E ico wishi aletele ena kuli ine kabili nalipepele kabili ilyo line wishi ali mulekeleko umwana. Caishile puma pa kulu kwakwe ukunono kabili ukulu

kwatendeke ukufunguluka. Elyo aishiletampula, kabili elyo ulutampulo nalumbi, kabili lyena alyendele ukuya mucifutu. Kabili panuma ya cilya umwana aishile alenda ukwisa kuli ine kabili atile, “Munyina Branham, ndi mutuntulu nomba.” Malaika alipwishe, “Bushe nautontonkanya ico?” Ine nalyaswiike, “Nincita, mukwai.”

Elyo ena alinjebele ukwiminina shilili. Ena alinsendele no kumbika pa musebo uwa calo uko kwali iloba ilingi nganshi. Ine nalilolekeshe ku kwalyo kwandi kabili kulya kwaliko nshishi nafimo ifyo bakula pa nshishi ifikulu. Atile, “Belenga amashina kabili ne mpendwa pali fyena.” Nalicitile. Ena nakabili alinsendele no kunjikisha pa mushi uwaba pa musebo unono uwapatukana—ne tuka lya fyakulya kabili yane atemwa amayanda yasano. Kulya, ukwisa ukufuma mwituka, pali umwaume umukote ne myefu ishabuta nafwala ofoloshi kabili ne cisote ica mutuntula ica kodolo. Malaika atile, “Ena ali no kukutungulula iwe.” Elyo alinsendele umuku wacitatu, kabili iyi nshita naleya munga’nda. Nalimwene umwanakashi wacaice pa mwinshi. Ena alelila. Nalingile munga’nda kabili nalimwene ica nshita ya kale icitofu ca nkuni cali kukwakuso kwandi. Icipinda cakambatikwemo ne pepala lya mutuntula no tuntu utunono utwakashika pali cena. Pa cibumba pali icishibilo, “Lesu Paleni Inga’nda Yesu.” Pakati pali ikulu bed iya butale, kabili mulya mucifutu mwali ikoti. Pa busanshi pali umo muntu uwalecula ububi nganshi. Elyo nalimwene cali mukashana kabili amolu yakwe yonse yali ayatintilwa mukati. Nalilolekeshe kabili kulya kwali malaika wakwa Shikulu uwaiminise kulubali lwa ku kulyo kwandi nakabili. Ena alipwishe, “Bushe ulya umukashana kuti aba no mweo?” Nalyaswiike, “Mukwai, ine nshishibe.” Atile, “Bika ukuboko kobe pali ena no kupepa.”

Ilyo nalepepela umukashana, naumfwile shiwi mucipinda lilesosa, “Shikulu alumbanishiwe.” Ilyo nalolekeshe umukashana atendeke ukulaima. Ukuboko kwakwe ukwa ku kulyo kwalekalipwa no kutintilwa kunuma, lelo nalimwene kwena ilyo kwaishile ololoka. Elyo nalimwene ukutula ukwatintilwe ukulu ukwaongama nako kwaishile ololoka no kuba mubutuntulu, kabili naumfwile abengi balelila no kulumbanya Shikulu.

Nalefuma fye mucimonwa ilyo naumfwile umo muntu alesosa, “Owe Munyina Branham, Munyina Branham.” Nalilolekeshe pa nkoloko kabili nasangile ukutula ama ora ayengi yalipitilepo. Cali mupepi ukutula kwa kasuba kabili umo muntu alenjita. Cali umwaume wacaice uwe shina lyakwa John Himmel. Nali mubatishe wene pamo no mukashi wakwe. Ena atile, “Munyina Branham, ndi mubwafya. Mu nkondo nalibwelele numa, kabili ukutula lilya nali lufya umwana umo, kabili nomba umulumendo wandi umunono ali mupepi



no kufwa. Doctor aletila ena teti abe no mweo. Ndi ne nsoni ukwipusha iwe, lelo teti wise no kupepela umwana wandi?" Nali mwebele ukutila ine kuti nacita.

Ena alinjebele ukutila ena kuti asenda umufyala wandi, Munyina Snelling, uyo wapilibwilwe fye (ena nomba ni kacema twaba nankwe uwa mu tabernacle yandi), ukutwafwilisha ukupepa. Natile, "Cisuma nganshi," ukwabula ukwishiba ukutila ena ali no kwafwilisha ukufikilisha icimonwa. Ilyo twaleensha ukuya ku nga'nda ya mwaume, nalipwishe, "Mr. Himmel, bushe tawikala mu nga'nda ya fipinda fibili ifinono iyalepa mubutali?" Ena alyaswike, "Ndacita." Natile, "Bushe icipinda ca kuntanshi tacakwata icipuna ca kupeta icakashika no busanshi apo mulumendo munono alele? Kabili bushe umulumendo umunono, uwa mishishi ishakashikila kabili bushe tafwala itoloshi iya blue ilya kodolo?" Ena alyaswike, "Ulya ni wene ifyo fine fye. Bushe walitala ukubako ku nga'nda yandi?" Natile, "Ilyo wacintumina lamya elyo nacima fye." Mucine ena tailwike. Nalipwishe, "Mr. Himmel, bushe ulencetekela ine?" Ena alyaswike, "No mutima wandi onse ndecita." Elyo nalimwebele, "Efyo wasosa Umupashi, umwana obe akaba no mweo." Pali cilya ukushininwa ukukalamba kwaishile pali wene. Ena aiminike motoka, aiposele umwine pa citekenyo, kabili abilikishe, "Mwe Lesa, kwateni uluse pali ine ne mubembu." Ena apele umutima wakwe kuli Kristu ilyo ifwe twali ba mailoshi abengi ukufuma ku nga'nda, kabili ukucila lyonse umwana alyundepwe.

Nomba ilyo twafikile ku nga'nda ifwe twasangile ukutila umwana ali mupepi no kufwa. Bapwapwa baliswile kabili kwaliko fye ukupema ukunono mu mukolomino wakwe. Natile, "Ndeteleni umwana." Lelo ilyo namupepelele wene, tapali nangu cimo icacitike. Umwana tekuti akwate ukupema kabili ena ali fye mupepi uwakamwa. Ine naleenekela wene ukundapwa ilyo line fye.

Nomba pano epo nasangile ukutila umo kuti apanga icilubo nga ena talemona bwino bwino icimonwa. Ifintu fyonse filingile ukuba nge fyo fyali mucimonwa nga teifyo cena tacafikilishiwe. Nalimwene nomba ukutila umwanakashi umukote uo namwene naikala mucipuna talipo palya. Ine tekuti njebe nangu umo, lelo nalishibe ukutila nalingile ukulolela mpaka ifintu fyonse fyali filya fine mubutantiko. Bena balinjipwishe ine ico cali ubwafya lelo ine nshasosele nangu cimo; nalelolela kuli Lesa ukufikilisha icimonwa. Natontonkenye ukutila ine nalifililwe Lesa mukuya pantanshi, mu cifulo cakulolela pa nshita Yakwe. Nalilolele pali ora na hafu. Mukulekelesha Mr. Himmel na Mr. Snelling balimine, bafwele amakoti yabo no kutendeka ukuya. Umwana ali fye nomba panono no mweo. Cali mupepi na sikisi koloko, lelo pali ilya ine fye nshita nali ngo walelolekesha pe windo kabili kulya ukwisa ukushinguluka ku mbali ya

nga'nda kwali umwanakashi umukote uwafwele amakalashi. Natendeke ukulumbanya Shikulu. Na mayo alyenshiwe mukupapusha ukwisa mukwingila ku mwinshi wa kunuma (ilingi line aleingilila pa mwinshi waku ntanshi), ilyo fye bambi babili balefuma pamwinshi wa kuntanshi. Banakulu ukwingila mukati balipwishe ngo mwana alibwino. Nacilya ba nyina batendeke ukulila, "Iyo ena alefwa, ena alefwa." Mr. Snelling pa kuba uwalupwa kuli bena, apilibukile kunuma, kabili nalimine bwangu bwangu no kupela wene icipuna icakupeta icakashika. Ena afulileko icisote cakwe aishilekala alelila. Elyo banakulu bafulileko amagalashi yabo ayo ayaishile lamba, pantu bena balelila, kabili balikele mucipuna cimbi. Nyina ashintilile pa cibi capa kati alelila. Palya, mukulekelesha, ifintu fyonse fyali cimo cine nge fyo namwene mucimonwa!

Nalyendele ukuya ku mwinshi wa kuntanshi kabili natile kuli Mr. Himmel, "Bushe ucili naukwatera icitetekelo muliine?" Ena alyaswike, "Ndecita Munyina Branham." Nalimwebele ukutila anjeleleko, lelo tekuti mwebe akashita akapitilepo ukutila ine nalitampwile kuntanshi ya cimonwa. Ine nomba natile, "Ndetela umwana." Ena aendele ku busanshi, asendele umwana, kabili aishile aleenda kuli ine. Ine lyena nalipepele, "Tata, munjeleleko ukufuma pesamba lya mutima wandi ukutila umubomfi wenu acitangilila icimonwa. Lelo njeleleniko mwe Shikulu, kabili lekeni aba bantu beshibe ukutila Imwe muli Lesa kabili ine ndi mubomfi Wenu. Mwi Shina lyakwa Shikulu Yesu, ndesosa umwana ali no kuba no mweo."

Ilyo ncili ne ndupi shandi pa mwana, apo pene ena atendeke ukubilikisha, "Tata! Tata!" kabili aishilebuka ku kwishiba. Umwana aposele amaboko yakwe ukukumbata wishi, kabili cila umo atendeke ukubilikisha no kulila no kupunda. Natile, "Sendo mwana kabili mulalike pa busanshi. Pantu eflyo wasosa Umupashi, cili nokuba nshiku shitatu ilyo imbafu shakwe ishinono shili nokufungululwa umupwilapo ukulingana ne cimonwa. Pali ilya nshita cili no kwisa citika ukutila umulumendo ali no kuba umutuntulu."

Pa bushiku bwa citatu abengi balilongene ukuya kunga'nda uko mulumendo ali. Umukashi wandi aile kulya nga kambone. Ulupwa talwaishibe nali mukwisa, lelo ilyo nyina aiswile cibi no kumona ine atile, "Owe uyu apa Munyina Branham. Ingileni. Umulumendo alibwino." Kabili ilyo naingilemo, umuntu onse alongene ukushinguluka amawindo ukumona ico calecitika. Naliminine shilili kabili nshatalile ukwisula akanwa kandi, ukwishiba ukutila Lesa ali no kusunga icebo Cakwe. Cali kwati ni Paulo uyo waiminine pa bwato pa bushiku bwa 14 ubwa cikuka, panuma malaika wakwa Shikulu aiminine kumbali yakwe, kabili atile, "Ninjishiba ukutila cili no kuba nge fyo ena aosele, pantu nalicetekela Lesa." Nalishibe umwana ali no kwenda ukwisa kuli ine. Naliminine palya pakashita fye.

Elyo mulumendo munono, alolekeshe pali ine, aishile ukupita palya, abikile amaboko yakwe muyandi, kabili atile, “Munyina Branham, ndi mutuntulu nomba.” Aleluya, ubulayo bwakwa Lesa tekuti bufilwe! Ilyo icimonwa cafikilishiwa, cilaba icapwililika.

*Icimonwa icakundapwa ica mukashana uwalemana:*

Nomba pa lwaciputulwa cimbi ica cimonwa: naebele ulukuta lwandi ukutula icifulo cimo mwi sonde, kwaliko umukashana uwakwete ukuboko no kulu ukwatintwa, ukutula nao ali no kundapwa mukufikilishiwa kwa cimonwa. Nalimo imilungu ibili yalipitile. Mukulekelesha ubushiku bumo ilyo naleisa ukufuma ku ncito yandi, cibusa wandi, Herb Scott, umukalamba wa ncito wandi, atile kuli ine, “Bill, iyi nkalata yobe.” Nali no mulimo pali iyi nshita, kabili nabikile kalata mwitumba lyandi, lelo ilyo natendeke ukwika pamatabo, icintu cimo camoneke ukusosa, “Belenga iyo kalata.” E ico naliswile yena kabili mupepi fye nge fyo ngingebukisha yena, yalebelengwa nge fi:

Mutemwikwa Munyina Branham: ninkwata umukashana uyo uli nalimo imyaka ya kufyalwa 14. Ena alecushiwa mukuboko kwakwe, ukuboko kwakwe no lubafu lwa ku kulyo, kabili fyalitintilwa fyonse mukati kuli anthritist. Ifwe twaba ku Lukuta lwa Methodist kabili ifwe twikala pa South Boston, Indiana. Ifwe twalibelenga akalibuku kobe akanono akainikwa YESU KRISTU CIMO CINE MAILO, ILELO, NO MUYAYAYA. Kacema wesu atile takuli nangu cimo kuli cena. Ukutula cali fye *icikomo* cimbi. Lelo panuma ya kulongana kwa mapepo nalipokelele imyumfwile ya maka ukukulembela iwe. Ine ndesunguka nga iwe kuti waisa no kupepela umwana wandi umwanakashi ukutula icipeshamano cingacitwa . . .

Mubufumacumi nine,

Mrs. Harold Nale

Icintu cimo calilandile kuli ine ukutula uyu ali e mukashana. Nalilangishe kalata ku mukashi wandi, kabili ena nao atile ukutula ulya alingile ukuba eo. Nalipangile ukuya ku South Boston. Nshatala yako kulya, kabili nshaishibe uko kwabelele, lelo Munyina Wiseheart, dikoni mukuluta lwandi, atile ukuti ena atontonkenye ena alishibe kabili ali no kuya pamo na ine.

Umwaume no mukashi wakwe, uweshina lyakwa Brace, nabo baile muli motoka yandi—na mayo alyundepwe mukulongana kwandi kabili ena no mulume wakwe balefwaya ukuya pamo ukuya mona icimonwa ukufilikishiwa. Nangu cibe fyo, ifwe twalisankene mu misumba yesu no kwensha ba mailoshi bamo abanono ilyo tatulasanga incende iyalinga. Mukulekelesha twalitungulwilwe ku musebo umbi, kabili ilyo naleensha, nalikwete imyumfwile iyaibela nganshi. Camoneke

kwati ine tekuti mpeme. Nkashi Brace alolekeshe pali ine no kusosa, “Icintu cimo nacilubana; ulemoneka uwabuta sana.” Nalyaswike, “Iyo mayo, malaika wakwa Shikulu ali mupepi.” Naliminike motoka no kufuma panse kabili nabikile ukulu kwandi pa cishinbi ca ku cingilila kunuma ya motoka. Elyo naishilelekeshe kumbali, kabili kulya kwali nshishi. Nalilolekesha pa fyakulwa pa nshishi, kabili moneni, ukulembwa pali fyena pali amashina yamo yene ne mpendwa ifyo namwene mucimonwa. Naishilebwelela muli motota kabili natile, “Ifwe tuli pa musebo uwalungama.” Mrs. Brace atendeke ukulila. Ifwe twalile ba mailoshi na bambi pantanshi, kabili mukulekelesha naishile sosa, “Ilyo twafika palya petuka apapatukana imisebo pantanshi, umwaume umukote na ofoloshi ya blue ne cisote ca mutuntula ica kodolo alaisafuma no kututungulula ifwe.” Bwangu ifwe twaishilefika kwituka na pantanshi apa pentwa umutuntula, kabili mupepi na ena pali yane atemwa amayanda yasano. Natile, “Ino e ncende.”

Lilya line elyo naenseshe ukuya pantanshi, ukufuma mwi tuka mwaishilefuma umwaume ne toloshi lya blue, no mwefu wabuta, na kasote aka kodolo. Mrs. Brace, ilyo amwene ici, afwile umutombo muli motoka. Ilyo mwaume apaleme mupepi kuli ifwe nalipwishe, “Bushe walishiba uko Harold Nale ekala; umwaume uwakwata umwana umwanakashi uwalemana?” Ena alyaswike, “Ee, mukwai; cinshi ico ulefwaya ukwishiba?” Nalyaswike, “Shikulu ali no kundapa uyu mukashana. Nangisha uko nga’nda ibelele.” Nalilolekeshe pa mwaume umukote kabili filamba fyatendeke ukukonkoloka palya pa masaya yakwe aya mwefu wamfwi, kabili imilomo yakwe yatendeke ukututuma ilyo ena atusontelele ifwe ku ncende.

Ilyo nafikile pa mwinshi bali mposeshe kuli nyina wakwa na mayo wa caice. Ena atile, “Niwe Munyina Branham. Nalikwishibe ku cikope cobe.” Ena alitwitile ukwingila, kabili palya, nge fyo nalangishiwe mucimonwa, pali icitofu icakale ica nkuni, ipepala lya mutuntula, ne fikope ifyakashika pali yena, na bedi ikulu iya butale, umukashana alele pali bwena filya fine nge fyo calondolwele, kabili icishibilo pa cibumba, “LESA APALE INGA’NDA YESU.” Mrs. Brace afwile umutombo umuku wacibili. Elyo icintu cimo calicitike. Naisangile ne mwine ukuya ku busanshi uko uyu mukashana ali. Nabikile ukuboko kwandi pali ena, kabili natile, “Lekeneni amaka Yenu yeshibikwe mukundapwa kwa uyu mwana ukulingana ne cimonwa ico Imwe mwalangisha.” Lilya line fye ukuboko kwakwe ukwalemana kwalyololweke. Ena alibukile ukufuma pa busanshi, kabili ulubafu lwakwe lwaishileloloka. Mr. Brace aishilelenga fye umukashi wakwe ukubuka nakabili mu nshita ukumona umukashana ukwima, kabili ena alifwile umutombo umuku wacitatu, aile fye ukuponena mu maboko ya mulume wakwe. Umukashana aimine pankasa shakwe, aile mucipinda

cimbi, ailefwala ifyakufwala fyakwe, kabili aishilebwela nasakula imishishi yakwe, no kuboko uko kwali ukwalemana. Ici cacitike kuti cashininkishiwa na Mrs. Harold Nale uyo wikala pa Salem, Indiana pa nshita ilyo ici calembelwe.

## ICIMONWA CA V—

### ICIMONWA CA KU MILLTOWN

Imilungu inono iyapitapo panuma ya cimonwa icafumako, nali nakabili ku nga'nda ya ba mayo. Nge fimonwa nafimbi ifingi, ici cimo caishile kuli ine nalimo tu atemwa fili koloko mulucelo. Camoneke ukutila nali mu mitengo iyatikama, kabili ilyo nalelulumba naumfwile ukulila ukwabulanda nganshi. Camoneke kwati naleumfwa umwana wa mpaanga alelila. Natontonkenye, "Nikwisa uko cilya cintu icibusu icinono cibebele?" Kabili natendeke ukufwaya yena ukupita mu makumbi ne mfifi. Pakubala natontonkenye ukutila yena yalesosa, "Bah-h-h-h Bah-h-h-h." Lelo ilyo iciunda calepalama, caumfwike nge shiwi lya muntu ukusosa, "Mil-l-l-town, Mil-l-l-town."

Cisuma, nshatalile umfwapo lilye shina akale, kabili lilya line fye naishilefuma mucimonwa. Natendeke ukweba abantu bandi ukutila kucifulo cimo kwaliko imo pa mpaanga shakwa Lesa mubucushi, kabili cali mupepi ne ncende itwa Milltown. Umwaume uwe shina lyakwa George Wright, uyo walesangwako ku lukuta lwandu asosele ukutila ena alishibe pali Milltown kulya kwali fye intamfu inono ukufuma uko aleikala. (Keyala yakwa Munyina Wright ni De Pauw, Indiana.) E ico Cibelushi uwakonkelepo naile ku Milltown.

Ukufika kulya, nalilolekesha mumbali lelo tekuti mbe uwakumona icintu icili conse ico Shikulu alemfwailapo kulya. Mukulekelesha nalisalile ine nali no kukwata ukulongana kwa mu musebo pa ntanshi ye tuka, lelo Munyina Wright, uyo wali pamo na ine, atile ukuti ena alikwete amakwebo ayakucita intanshi, kabili alipwishe nga kuti naya nankwe. Ine nalyaswike, "Ee, mukwai, nalacita." Ifwe twalyenseshe pa mulu wakapili kabili nalimwene ulukalamba Ulukuta lwa Baptist, ulwabelele mupepi na kunshishi. Munyina Wright atile, "Iyi chalichi taibomfiwa nakabili kano fye ku fililo." Lilya line fye ilyo asosele cilya, naumfwile cintu cimo ukusela pa mutima wandi. Palya epo Shikulu alemfwaya ine. Ilyo naebele Munyina Wright ici, ena alyaswike, "Nalaya no kusenda imfungulo ukuleka iwe wingile mukati pakutila ningalolekesha pali cena." Ilyo ena aile nalikele pa matabo nokupepa, "Tata uwa mu Mulu, nga apa epo Imwe mulefwaya ine, njiswileni ici cibi." Shikulu asuminishe cilya ukucitika, kabili ine nalibilishe ukulongana. Lelo lilya ine nalimwene ukutila imibombele ili nokuba iyakosa nganshi, pantu inkuta kulya shalisambilishe abantu ukususha Ukundapa kwa Bulesa.

Umwaume wakubalilapo uo naipwishe ukwisa mukulongana, atile kuli ine, “Ifwe tuli ne ncito sana ukuya ku kupuputulwa ukuli konse; ifwe tulateka inkoko kabili tatwakwata inshita pa cintu icili conse nga cilya.” Nangu cibe fyo, panono panuma ya cilya, uyu mwaume alifwile, e ico ena tatekele nkoko nakabili.

Cibelushi iya konkelepo ifwe twatendeke ukupuputulwa. Abantu fye bane balisangilweko kabili bena bali ulupwa lwakwa Wright. Inshita ya bushiku iyakonkelepo yaliko bwino panono. Pa nshita ya bushiku iya citatu, umwaume uwa mimonekele iyakalabana aishile pa mwinshi wa chalichi, akuntile imito ukufuma mu mupaipi wakwe, aishileingila, kabili aikele kulya kunuma. Elyo ena alipwishe Munyina Wright, “Alikwisa ulyo munono Billy Sunday? Ndefwaya ukulolekesha bwino pali wene.” Munyina Wright aishile kuntanshi no kunjeba ine ukutila ubwafya ubwakosa nganshi elyo bwaisa fye mucikulwa. Nangu cibe fyo, ilyo kulongana takulapwa lilya line mu bushiku, ena ali kucipailo ukulilila kuli Lesa. Ishina lyakwe ni William Hall kabili ena ni kacema uwa lulyo lukuta nombamba.

Lilya abengi baleisa, kabili nalilumbwile ku bantu pa lwa cimonwa. Elyo Munyina Hall alishile kabili atile, “Cinshi Munyina Branham, kuliko umukashana kulya pa kalupili palya, uyo walebelenga ibuku lyobe ilitwa YESU KRISTU CIMO CINE MAILO, ILELO, UMUYAYAYA. Ena alala fye pa myaka cinekonse konse ne myeshi pabula, kabili tatala ima ukufuma pa busanshi. Ena akwata icifuba cantandabwanga, kabili bashinga’nga batile imyaka iyapitapo ukutila takwali isubilo. Ena ali nombamba nalimo ne myaka yakufyalwa 23. Ena nalala kulya alepwa kabili afina fye nalimo ama pound amakumi yane. Umukashana alalomba no kulilila iwe ukwisa kuli ena, lelo abafyashi bakwe baba ku lukuta lumu kuno, kabili calibilishiwa kuli lulyo lukuta kutila nga uuli onse uwa bena balile ukukumfwa iwe, bena bakatamfiwa mulukuta. Lelo, bushe walaya?”

Nalyaswike, “Nalaya, nga kuti mwasenda ba wishi na ba nyina ukusoso kutila cena cili fye bwino.” Naumfwile ukutila Lesa alentungulula ine muli ulyo musango. Ishina lya mukashana lyali Georgie Carter kabili bawishi, ndecetekela, bali ni ba supretendent ba ncende babulako amabwe. Nyina atumine shiwi ukutila ine kuti naya kulya no kumona umukashana, lelo ukutila nangula ena na pamo wishi bali no kuba mu nga’nda lilyo nali no kuba kulya.

Ilyo naingile mucipinda, nalimwene ibuku lyandi ilinono lili pa busanshi kabili nalipwishe, “Bushe walicetekela pafyo wabelenga?” Ena alyaswike, “Ndecita, mukwai.” Ici calilandilwe mwi shiwi ilya kutotosha nganshi icakutila

naishilepalama mupepi nganshi pakutila ningomfwa ifyo asosele. Pali ilya nshita nshakwete ukwiluka nganshi nge fyo ncita nomba palwa kundapa, lelo nalepepela abantu ilyo nalemona bena ukundapwa mucimonwa. E ico nalimwebele ena palwa mukashana wakwa Nale uyo waundepwe, kabili napandile amano ukutila ena alingile ukupepa ukutila Lesa akantungulula ine ukupitila mucimonwa ukupepela wene. (Panuna, nalisambilile, mucine, ukutila bonse kuti baundapwa pa cucetekela Icebo cakwa Lesa, nangula Lesa acili alesokolola kuli ine ukundapa ukwingi ku cimonwa.)

Ukulongana kwalitwalilile. Lesa alitwalilile ukupala mpaka kwali abantu imyanda ingi abasangilwepo. Ubushiku bumu nalikwete umulimo umo uwakubatisha pa Totton Ford pa Mumana wa Blue. Lilya mucungulo nali no kubatisha bamo amakumi yatatu atemwa abantu amakumi yane. Panono ilyo takulaba ici, muli iyi ncende, kapyunga alikwete ukulongana kulya kabili alishimikile ukususha ukwibisha. Lelo lilya mucungulo Lesa alangishe amaka Yakwe mu musango wa kutila ukucila ikumi limo na fisano pa bantu bakwe baishileenda ukwingila mu menshi na bafwala ifyabo ifisuma kabili balibatishiwe.

Nomba onse ulya mulungu Georgie alepepa, “Owe Shikulu, tumeni Munyina Branham ukwisamonako nakabili; mulangisheni ku cimonwa kutila ine ningondapwa, pakutila ningabatishiwa na bashala muli bena.” Ilyo ubushiku bwakubatisha bwaishile, umukashana takwete umutende kabili alitwalilile ukulila. Banyina balyeshe ukumutalalika, lelo mutima wakwe walikontweke kabili ena tekuti atalalikwe.

Panuna ilyo kubatisha kwapwile, naile kunga’nda yakwa Munyina Wright ku cakulya ca cungulo. Munyina Brace, uyo wali pamo na ine munshita ya kufikilishiwa kwa cimonwa cimbi, epo ali nakabili. Lelo pali iyi nshita Umupashi walandile kuli ine, auti “Wilya icakulya nangu cimo nomba, lelo kabiye ku mitengo kukupepa.” E ico natile, “Nalaya mukupepa pakashita, lelo ilyo icakulya ca cungulo cateyanishiwa, lisheni nyenjele (bena balikwete iyakale iya calo inyenjele ya cakulya ca cungulo) kabili ine nalaisa.” Ine lyena nalile mu mitengo apataliko no kutendeka ukupepa.

Lelo cali icakosa ukupepa pantu kwaliko bacilasa abengi ukwingila mufyakufwala fyandi, kabili nalitwalilile ukutontokanya ukutila nalacelwa mukulongana. Nangu cibe fyo, nalitendeka ukupepa no mutima wandi onse, kabili lilya line nalingile mu Mupashi. Mukulekelesha naumfwile ishiwi lileita ukufuma ku cifulo cimo mu mitengo. Nalimine; akasuba kalingile kabili kwatendeka kufita. Inyenjele yacakulya ca cungulo yalilile lelo nshatalile ukumfwa yena, kabili abakufwaya balituminwe ukunsanga ine. Ilyo naleesha



ukwima nalimwene ulubuuto lwa mutuntula ukubalika mulya mu mitengo ukufuma ku mulu. Ishiwi lyalandile ukusosa, “Kabiye ku nshila ya bena Carter.” Ifi fine epela fye. Elyo ine kuti naumfwa amashiwi mu fiputulwa ifingi ifya mitengo ukwita, “Owe Munyina Branham, Owe Munyina Branham.” Natendeke ukufuma mu mitengo kabili mupepi fye nabutukile mu maboko yakwa Munyina Wright. Ena alinjebele, “Icakulya ca cungulo caciteyanishiwa pali ora kabili ifwe twacila kwita. Bwafyanshi?” Ine nalyaswike, “Ine tekuti ndye. Ifwe tuleya ku nshila ya bena Carter. Shikulu nantuma kuli ilya nshila kukundapwa kwakwa Georgie.” Ena alyaswike, “Mucine nganshi?” Ena alitile, kabili Munyina Brace alishile. Ifwe twaingile muli motoka no kutendeka ukuya kubena Carter, ico cali nalimo ba mailoshi cinelubali ubutali. Ifwe twaebale bambi ukulya kabili elyo bese ku chalichi. Ifwe tekuti tubalolele bena, pantu icimonwa calilandile kuli ine ukuya lilya.

Lesu alebomba kumbali shonse shibili isha mushilwa. Muleibukisha cali ulya musango ilyo malaika alandile kuli Petrol; abantu balilongene pa nga'nda yakwa Marko kabili bonse fye balepepa. Georgie aishileba uwafulunganishiwa nganshi pali iyi nshita. Ba nyina balititikishiwe nganshi icakutila bena baile mucipinda cimbi nokutendeka ukupepa. Batile, “Shikulu, ni cinshi ico nalacita; ulya muntu Branham acisa kuno no kulenga umukashana wandi ukufulunganishiwa nganshi, kabili ena aba mu mibele ya kufwa pa myaka pabula. Ni nani uyu mwaume nangu cibe fyo?” Panuma ya cilya ena aingile mu mupashi wa mapepo. Apo pene ena aumfwile shiwi ilyo lyasosele, “Lolekesha pamulu.” Ilyo ainwine umutwe wakwe ena atontonkenye ukutila ena amwene icinshingwa pa cibumba. Ena amwene cali muntu kabili camoneke ukuba Yesu. Ena alipwishe, “Shikulu ni cinshi ico ningacita?” Mucimonwa Shikulu asosele kuli ena, “Ninani uyu uleisa pa mwinshi?” Elyo ena alimwene ine na baume babili balekonka. Ena alinjishibe ine, ku mpumi yandi iyalepa, kabili na Baibele iyo nasendele pa cifuba candi. Ena atendeke ukusosa, “Ine nshilelota, ine nshilelota.” Ena alibutukile mucipinda cimbi no kubilikisha, “Georgie, icintu cimo nacicitika!” Ena atendeke ukulanda icimonwa kuli ena. Ilyo ena ali fye mupepi no kupwisha ukulanda cena, aumfwile icibi ukwisalwa. Ena alilolekeshe kabili palya elyo nalefika fye. Ine nshakonkwenshe. Naingile fye pa mwinshi nokwisamo. Nyina aponene mucipuna, mupepi no kufwa umutombo. Nalyendele ukutonta fye kulubali lwa busanshi kabili natile, “Nkashi sansamuka. Yesu Kristu, Uo iwe ubombela kabili no kutemwa kabili no kupepako, naumfwa amapepo yobe kabili natuma ine ukulingana ne cimonwa. Iminina pankasa shobe pantu Ena nakundapa iwe.”

Nalimwikete pa kuboko. Ibukisheni ena tatalile imapo umwine mu busanshi pa myaka ingi. Bena balefilwa ukubika

insalu yakulalapo pesamba lyakwe, ena ali ne filonda monse fye. Umutwe wakwe wamoneke mupepi ngo wapapatala; amenso yalifonkele nganshi kabili amaboko yakwe yamoneke ngo tumuti twacipyango pa cifulo twakula. Lelo ilyo nasosele ukutula Yesu Kristu na mundapa ena, ena lilya line alibukile nokwima pankasa shakwe! Banyina batendeke ukupunda. Palya ena amwene umwana wakwe umwanakashi pa muku wakubalilapo mu myaka pabula, ukwenda palya panshi, teku maka yakwe umwine, lelo ku maka ya Mupashi wa Mushilo, kabili ukwabula ubwafwilisho bwa muntu nangu umo. Ilyo napilibwike ukuya ukufuma mucikulwa, nkashi yakwe aishile butuka ukwingila, kabili ena nao atendeke ukupunda.

Panuma, ilyo bawishi baishile kunga'nda no kumona umwana wabo umwanakashi naikala pali piano alelisha, ena mupepi afwile umutombo. Ena aile mukati mu musumba no kutendeka ukweba abantu bonse ico cacitike. Umukashana aile mulubansa, aikele panshi pa cani nokutendeka ukupala icani pamo na mabula. Ena alolekeshe mu mulu ukusosa, "Mwe Lesa, ifyo Imwe mwaba basuma kuli ine." Ena ali uwansansa nganshi.

Pa chalichi lilya ubushiku icikulwa caliswile. Ilyo pa Mulungu pa fikile ifwe twalikwete kubatisha nakumbi. Bonse babili Georgie kabili no mukashana wakwa Nale balibatishiwe pa Totton Ford pa Mulungu uwakonkelepo. Georgie aba nomba kalisha wa piano pa Milltown Baptist Church kabili ali mubumi busuma ubwapwililika. Ibukisha, kabelenga umunandi, Yesu Kristu aba cimo cine mailo, ilelo, no muyayaya.

#### KULI UYO CINGAKUMAKO:

Nali mubusanshi panuma yandi pa myaka 8 ne myeshi 9 na T.B. kabili bashinga'nga balindekeleko. Nshatalile ukufina 50 lbs. kabili camoneke ukutula isubilo lyonse lyalipwile. Elyo kufuma ku Jeffersville, Ind., nalimo ba mailoshi 35 ukufuma ku mwesu, kwaishile Rev. Wm. Branham, mucimonwa ico amwene umwana wa mpaanga uwaikatwa mu matololo kabili alelila 'Milltown' (Kulya eko njikala.) Munyina Branham tatala ukubako kuno atemwa ukwishibikwa no uli onse ukufuma kuno. Ukwingilamo, ena abikile ndupi shakwe pali ine no kupepa, ukwita pali ine ishina lya mutemwikwa wesu Shikulu Yesu. Icintu cimo camoneke ukunjikata ine kabili pa muku fye umo nalimine no kutotela Lesa pa maka Yakwe ayakundapa. Naile panse pa nshita yandi iyakubalilapo mu myaka cinekonse konse, elyo nalibatishiwe mu mumana. Ine nomba ndi kalisha wa piano pa lukuta lwa Baptist kuno. Nafimbi ifingi fileya pamo no ku kundapwa ukukalamba.

Nshikwete incende muli ubu bunte ukulemba fyonse.  
Ndi no kulemba ne nsansa no kulanda fyonse ku uli  
onse usekeshiwe mukundapwa kwandi.

Georgia Carter, Milltown, Indiana

## ICIMONWA CA VI—IFIMONWA IFILANDA KU KUNDAPWA KWAKWE

Icimonwa cimbi ico capilibula ifingi kuli ine kabili ico cakuma kukundapwa kwawamisha uko nali no kupokelela, caishile kuli ine lilya line fye panuma ya cimonwa nakwete icakwa Kristu. Camoneke kuli ine ukutila nali uwansansa nganshi, kwati fye elyo nalipibwilwe. Naletoloka toloka, ukusangalala kabili ngo waleposa inkonya mukusambilila, ilyo naleya mulya mu musebo. Kwalifitile kabili ilyo naleya ukulaenda, apo pene camoneke kwati ikulu imbwa iyafita ya butukile kuli ine. Natontonkenye yali no kunsuma ine, kabili napantile yena no kubilikisha, “Kabiye, we mbwa.”

Ilyo nacistile ici, yalimine kabili nalimwene ali umukalamba, umutali, umwaume uwalemoneka umufishi, afwele ifyafita. Atile, “Bushe wacinjita imbwa eflyo wacicita?” Nalyaswike, “Unjeleleko sana. Nacitontokanya yaciba nimbwa pantu iwe waciba panshi na maboko yobe na makufi.” Ena alisaswike, “Iwe wacinjita imbwa; ine nalakwipaya.” Kabili ukufuma pesamba lya mushipi wakwe ena afumishe utali umwele uwatwa. Nalipapete “Napapata ngu’mfweni ine, mukwai. Nshacishiba ukutila iwe uli muntu; nacitontokanya iwe uli mbwa.” Ilyo ena apaleme kuli ine, ena aishilemoneka nge ciwa. Ena alintitikishe fye kulya kwine fye kucibumba, kabili nokusasuka, “Nalakusambilisha. Nalakwipaya.” Naishile asuka, mukwai, “Nshili no mwenso wakufwa, pantu nalipokelela Yesu mu mutima wandi. Ena ni kafwa wandi kabili maka yandi. Ici fye ndefwaya iwe ukwishiba caciba icilubo ukutila ine nacasosa cilya.” Lelo ena nalyo line atile, “Nalakwipaya.” Nalimine ukwabula amaka ukushintilila kucibumba kabili abwesesho ukuboko kwakwe ukulasa ine.

Nalibilikishe, lelo pali ilya ine fye nshita, naumfwile congo ukwisa ukufuma ku mulu, kabili ukwika ukufuma mulwelele kulubali fye lwandi kwaishile malaika uwakosa, kabili ena alolekeshe fye no kulolekesha ukwa kosa pali ulya umwaume no mwele ukalamba no kuboko kwakwe. Umwaume aliselele kunuma, aposele panshi umwele wakwe, kabili abutwike na maka nganshi ngefyo engacita. Elyo malaika alolekeshe pali ine no kumwentula. Ukubika bwino umwingila pali ena, ena aile mu Mulu nakabili. Uyu malaika amoneke ukuba ulya wine uwampempwile panuma.

Nalilile kukusangalala, ilyo naishibe ukutila Lesa natuma malaika wakwe ku kuncingilila.

Ine mucine ndecetekela ukutila ici cimonwa califikilishiwe nalimo imyaka ibili iyapitapo, ilyo ciwa antitikishe ine mucifutu, na kulyo kutinya ukwabipisha ico cali no kusenda ubumi bwandi. Ilyo camoneke impela yalishile, lyena Lesa atumine malaika Wakwe pali ilye ncende no kumpokolola ine.

Ili yonse imyaka inono mukati ka bumi bwandi nalekwata ifyalencitikila nganaba no mwenso sana. Umusonkano umo nali fye mu cintamba ukupepela abalwele ubushiku nakasuba, ukukwata fye inshita inono iyakulala. Mu musonkano umbi ukulongana ilingi line kwaletwalilila mpaka tu koloko mulucelo. Nalishibe ukutila nalepanga icilubo mukucite ici, lelo ilyo namwene abalwele abengi nganshi kabili abacushiwa umutima wandi waley a kulya kuli bena, ukwishiba ukutila mu milandu ingi, kuli bena cali ilyashi lyabumi ne mfwa. Panono panono naishileba uwanenuka kabili no kunekuka, lelo nalilwishishe kukutwalilila. Mukulekelesha, panuma ya misonkano mu Tacoma na Eugene, naebele ba munyina abali pamo naine ukutila nalingile ukufumyapo imisonkano yonse iyo yatantikwe no kukwata ukutusha inshita itali. Mu cishinka, amaka yandi aya mwenso yalipwile nganshi icakutila amano yandi ne mwine nalisungwike nga cakutile nkatala ukubwelela mwibala nakabili.

Nalile ku nga'nda yandi mu Jeffersonville, lelo camoneke ukutila ine tekuti mbweseshemo amaka yandi. Natontonkenye ine nali no kufwa. Akasuba kamo umo uwaba dikoni bandi, Curtis Hooper, aishileisa no kunjipusha, "Bushe taulati ube bwino?" Nalyaswike, "Iyo, nshili. Cilemoneka ukutila tekuti ncicite palwandi." Atile, "Munyina Branham, ninkwata umulimo uwakuya mukubomba ku cibansa ca ndeke. Tuleya na ine, calakucitila icisuma iwe." Ilyo naile ku cibansa, nalyumfwile ububi sana natontonkenye ine tekuti nje kunga'nda nakabili. Nalile ku cikulwa no kutendeka ukupepa. Nalilile, "Mwe Lesa. Ninjishiba nalipanga ifilubo. Ndelomba Imwe mumbelele uluse. Abantu balefwaya ukucite fintu fimbi. Ndi uwafulunganishiwa onse. Imwe mweka fye kuti mwangafwilisha. Shikulu tekuti njiminine nakabili." Umusango umo nalibwelelemo kunga'nda.

Pali iyi nshita naile kuli Mayo Clinic ukuyakwata ukupimwa ukuyamona fye ico cali icalubana mucine naine. E ico mukati ka cikabilila ca mu August, nali mu Rochester, Minesota inshiku shisano. Ba shinga'nga bali abaume abasuma kabili bena balicitile ifisuma ifyo baishibisha ukusanga ico cali icalubana na ine, nge fyo bena bambikile mukupima ukwa musango uuli onse.

Pali iyi nshita nalepepa. Naebele Shikulu ukutila abantu no musango uuli onse uwakukwata umwenso baleisa mukulongana

kwandi kabili Ena alebondapa bena. Nacimbi ukutila Ena alinangishe ine ifimonwa ifisuma ifyakundapwa kwa bambi kabili bena balipokolwelwe. Nalipepele, “Shikulu, Imwe tamwatala nangishapo icimonwa icakupokololwa ukwandi ne mwine pali iyi mibele iya mwenso uwabipisha.” Amaka yandi yalipwile nganshi icakutila tacamoneke ukutila kuti nalenga ne mwine ukucetekela Icebo cakwa Lesa. Ubushiku bwakonkelepo bwali ubushiku bwakulekelesha ubwa kupimwa.

Pali ulu lucelo naishilebuka kabili natile ne mwine ukuti muma ora ayanono nalaya kulya no kuyasenda ilyashi ilya ico cali icalubana na ine. Ine lyonse ndi no kuba uwakutasha kuli Lesa pali co icacitike icakonkelepo. Ilyo line nali mucimonwa. Icintu cakubalilapo ico namwene cali umulumendo umunono nalimo ne cimo ca myaka cinelubali. Ena amoneke fye nge fyo ine nali pali cilya cimo. Naiminine na ena ukumusambilisha ena ifyakulunga. Mupepi pali icishiki icakale ica cimuti, kabili natile ku mulumendo ukuti ena tekuti aye mupepi ne cimuti pantu iciswango cakutinya calikele kulya. Nalimishe akamuti no kupuma mumbali ya cimuti. Ilyo line, ukufuma ku musambo kwabutwike akanama akanono nalimo ama inch mutanda ubutali. Kamoneke nga kanama aketwa weasel, kabili kalikwete utwacesha, utwafita, utumenso utwalemoneka utwabeka. Owe, kena kali akanama akanono akabipa!

Icakonkelepo namwene kena kali no kutulwisha ifwe. Ine nshakwete mfuti nangu imo; conse ico nakwete cali umwele unono uwakulungilako. Nalishibe nshakwete amaka na ulya umwele. Natontonkenye ukubika umulumendo kunuma yandi ukumucingilila ena, lelo camoneke pali iyi nshita ena alifuminepo. Mulubilo nge nkuba akanama katolokele pali ine. Lelo ilyo kena takalatoloka naumfwile malaika wakwa Shikulu ukulanda kulubali lwaku kulyo kwandi, atile, “Ibukisha, kena kali fye ama inchi mutanda ubutali.”

Elyo akanama kalitolokele pa kubeya kwandi ukwa ku kuso. Kena kaile ukufuma ku kuso kwandi ukuya ku kwakulyo kwandi kabili ukubwelelamo nakabili ulubilo fye nganshi nge fyo kengaya. Ine nalifililwe ukukalasa no mwele wandi kabili ilyo naiswile akanwa kandi ukusose cintu cimo, kena kalibutukile pa mukolomino wandi ukwingila mulufumo lwandi kabili katendeke ukupilibuka, nakabili nakabili nakabili nakabili. Nalilile, “Owe ni cinshi ico ningacita?” Nakabili naumfwile ishiwi ukusosa, “Ibukisha, kena kali fye ama inchi mutanda ubutali.”

Ilyo icimonwa caile, nalilolekeshe palya no kumona umwana wandi umukashana umunono, Becky, kabili no mukashi wandi nabalala mubusanshi mutulo. Nalishibe ukutila icimonwa casontelele kubwafya mumala yandi no mwenso. Pali ilya nshita tapali icingekala mu mala yandi, kabili ukufina

kwandi kwaile panshi kuli nalimo ama pound umwanda. Elyo naishileibukisha ukutula malaika alisosele, “Ibukisha, kena kali fye ama inchi mutanda ubutali.” Nalipepele, “Mwe Lesa, ngafwilisheni ukwiluka ubwilulo bwa cimonwa.” Natendeke ukutontokanya. Nalimo ilya insoselo yapilibwile ine nalimo kukwata umwensho imyeshi mutanda. Cilya tacamoneke icalungama. Elyo natontonkenye nalimo casontelele ku myaka mutanda, lelo cilya tacamoneke ukuba ubwasuko.

Mpaka ilya nshita nshatalile ntontonkanya miku inga ilyo nakwete ifya ifi ificitika ifya mwensho. Lilya line fye camoneke ukutula imilomo yandi yaleilandila ine. Namoneke ukusosa, “Nalimo ici cilepilubala ukutula ndi no kukwata fyena imiku mutanda.” Pali ilya ine fye nshita, naumfwile Mupashi wa Mushilo ukwisa pali ine na maka ayakalamba. Elyo ulubatisho lukalamba lwa Mupashi lwapitile pali ine nakabili. Elyo imiku itatu, imiku ine, imiku isano, imiku mutanda. Nalitendeke ukupenda impendwa iya miku iyo nakwete umwensho. Nshita yakubalilapo yali ilyo nali ne ciimo ca myaka cinelubali. Pali ilya nshita nalelila pantu ifintu fyalilubene mulupwa lwesu—batata balenwa sana, kabili naishileba uwabulanda no mwensho sana. Nalimo cila myaka cinelubali uyu mwensho walebwela. Nalipendele kabili uno wali filya fine umuku uwalenga mutanda. Nalisansamwike, pantu panshita fye imo nali uwashininwa ukutula Shikulu ku cimonwa alinangishe ukutula ici cali no kuba nshita yakulekelesha iya mwensho.

Nalitontonkenye palwandi ukutula ba shiga’nga bena kuti bafwaya ukutumbula no kuputulako ilya imo imishipeshipe kulufumo. *Lelo mwele wakwa shinga’nga wali umwele unono mucimonwa. Wene tapali ifyo wingacita.*

Nalile ku clinic ukukwata ukuyasenda ilyashi. Ilyo bashinga’nga baishile capamo bena batendeke ukunjipusha amepusho. Nalyaswike bena mubusuma ubo ningacita. Elyo umu uwabashinga’nga uwawetungulula alilandile, “Mulumendo, unjeleleko ukubilisha ici kuli iwe, lelo imibele yobe caba cintu cimo ico iwe wapyene ukufuma kuli ba wiso. Ba wiso balenwa ilyo iwe taulafyalwa. Iwe tawakatale ukuba bwino. Imishipeshipe yobe ilaleta ubwafya kulufumo lobe kabili cilalenga ifyakulya fyobe ukulafuma. Takwaba icingondapa ici, kabili tapali nangu cimo ico twingacita; iwe naupwa nshiku shonse isha bumi bobo!”

Tontonkanyeni fye, bashinga’nga abaishibisha mwisonde balinjebele ukutula nali uwapwa inshiku shonse isha bumi bwandi! Lelo Lesa alumbanishiwe, lintu fye bena tabalasosa cilya, Shikulu alilandile kuli ine ukupitila mu cimonwa, kabili asosele ukuti ici cali icakulekelesha ica fintu ifyabipa!

Nalile kunga’nda. Ba mayo balinkumenye kabili basosele, “We mwana nalikwete iciloto pali iwe.” Nshita imo ilyo

tabalakwata iciloto palwa ine. Cali nshiku ishinono panuma yakupilibulwa kwandi, ilyo bena bamwene ine ukwiminina pe kumbi ilya buta ukushimikila kwi sonde lyonse. (Ici mubutuntulu nacifikilishiwa nomba. Ndesubila ili line ukuya tandalila ifyalo fya ku Europe nakabili na Africa na Australia.)

Ba mayo balitwalilile, “We mwana, nshita imbi iya bushiku (inshita imo ine iya bushiku nge nshita nakwete icimonwa) nalilele kabili neka mucipinda. Mu ciloto nalebomba kabili nalikumwene iwe naulala pa busanshi pa lukungu mupepi fye no kufwa. Ine naleenekela iwe ukuya pa nshita ili yonse. Elyo naumfwile iciunda ica ibela, ngo kulila kwa nkunda. Nalibutukile apo iwe wabelele, kabili nalimwene ukulaika ukufuma mu mulu, inkunda sha buta mutanda mu musango wa “S.” Shaikile pa molu yobe imo pa nshita. Inkunda shali isha butisha sana nshatala monapo kabili shena shalesosa, ‘coo, coo, coo.’ Shena shamoneke ukucita kwati shali isha bulanda sana. Elyo iwe walisosele, ‘Shikulu alumbanishiwe.’ Panuma ya ici inkunda shakontamike imitwe ya shiko inono, kabili na kabili shapangile icilembo ca ‘S,’ no kubwelelamo ku mulu, ukulalila ilyo shaley. Icakonkelepo nalimwene iwe ukwiminina kabili iwe wali mubumi ubutuntulu ubwapwililika.”

Owe ifyo nali uwakoseleshiwa! Inshiku shibili panuma ya cilya nalikele palukungu kabili nalebelenga akalibuku akanono akakwa Muniyina Bosworth, “Ukuyebelela kwa Mwinakristu.” Elyo naliswile Baibele. Nshacetekela mukwisula Baibele, no kwenekela ukukwata imbila ukufuma pa ncende iswike. Lelo iyi nshita naliswile, kabili ilinso lyandi lyawile pali Joshua 1, apo isosa, “Kosa kabili talila. Shikulu Lesa ali no be konse uko uleya.” Lesa alilandile kuli ine ku busokololo, ku cimonwa kabili ne cebo Cakwe. Elyo ilyo line ishiwi lyaumfwike ukusosa, “Nine Shikulu uyo ukundapa iwe.” Nalisumine cena. Naile kunga’nda no kukumbata umukashi wandi kabili natile, “Mutemwikwa Lesa nang’undapa ine!”

Lesa alumbanishiwe. Nali mutemwa Wene no mutima wandi onse. Ilelo ndi mubumi busuma ukucila ifyo natala ukuba nshiku shonse isha bumi bwandi. Ndetasha nganshi. Ndi no kutotela kuli Wene ilyo lyonse ilyo ndi no mweco. Muli ora yandi iya mfifi nganshi Yesu alishile. Lesa alyaswike ipepo lyandi.



*Icipandwa ca 22*

## Ubulendo Bwa Kuciluka Bemba ku Scandinavia

Nalimo mupepi imyaka itatu ukulalikwa kwaleisa kuli Munyina Branham ukuyakwata ukulongana ukwingi ukwa kundapa mu fyalo fya Scandinavian. Amafya ayapusana pusana yalicingilile wene ukukwata ubulendo bwa musango filya, nangula ukufuma ku ntendekelo ena aumfwile kuba uwashininkisha ukutila yalya mabwite yali yakwa Lesa. Mu January, 1950, pa nshita ilyo kalemba aishileilunda kwi bumba, Munyina Branham alimwipwishe wene ukukwata ukuteyanya pa bulendo bwa ku Finland. Ici cali ulutampulo lwa citetekelo, pantu pali ilya nshita takwali indalama ishalipo isha bulendo (ama tiketi ya ndeke kuya fye kweka yali \$2200 kwi bumba ilya basano) kabili mucishinka, pa mulandu wa yamo amafya aya ili line Munyina Branham akwete imo imilimo ishaenekelwe ukubomba. Nangu cibe fyo, mu misonkano iyaliko mu nshita ya February na March, indalama ishalinga shalishilemo ukukumanisha iyi milimo no kusungisha ifipuna mu ndeke pe bumba lyonse. Kuntendekelo mu April, ibumba (ilyo lyalipo kunge ka kwa Munyina Branham, Rev. J. Ern Baxter, Rev. Jack Moore, Howard Branham kabili nakalemba) panuma yakupwishishisha inshiku shitatu isha kulongana pa Glad Tidings na Manhattan Center, mu Musumba wa New York, baliipekenye ukuya ku Europe.

APRIL 6, 1950

Pa April 6, 1950, pa fili koloko mucungulo, ibumba lyaninine ndeke ikalamba iya kuciluka babemba, Flagship Scotland, no kuya ku London, England. Cali pa April 6, 1909, ilyo William Branham afyelwe. April 6, 1917, cali ubushiku ubo America alekeleko kwi lyashi lyakwe ilyakale ilya kuipatula no kwingila mu Bulwi bwa Europe. Bakalemba belyashi lyakale balatweba ukutila cali ni pa April 6, mu mwaka 30 A.D. ilyo Kristu afwile pa Lupanda. Nalimo ba membala be bumba limbi kuti babelelwo luse pa kutontonkanya ukutila April 6, bushiku bukankala.

Ukutwalilila ukulaya ukuciluka Atlantic apasuma ukucila ba mailoshi 300 pali ora, kabili apasansama ukucila 20,000 feet, indeke iyo ya sendele ibumba lyaishile ika mu nshita ya lucelo iyakonkelepo pa Cibansa ca Northolt mupepi na London. Nshiku shingi shalibomfiwe mukupempula ifikulwa

ifyakale ne fimpashanya ifya musumba ukalamba nganshi mwi sonde. Icawamishapo icakwikala kwe bumba muli ilye ncende ikalamba cali icipempu ku chapel yakwa Wesley. Ilyo twali kulya ifwe nacimbi twalimwene inga'nda yakwa Wesley, ukwingila ku cakulekelesha pa fipinda fyonse mulya umu John Wesley alepepela cila lucelo pa faifi A.M. Ilyo tatulafumako, ifwe bonse twalifukeme panshi kabili twalikwete ipepo. Yena yali ni nshita ishakalabweko.

Panuma ya nshiku shibili mu Paris, isho shabomfiwe mukutandalila incende ishakale, ifwe twalitwalilile ubulendo bwesu ku Finland ukupitila mu ndeke ya Scandinavian. Pa April 14, ifwe twalikile pa Helsinki apo ifwe batukumenye kuli bakapyunga abengi ukubikapo Pastor Manninen, uyo watupele ifwe ubwite, kabili Nkashi May Isaacson, kelula wesu uwafyalilwe ku America, uo ukwishiba kwa lulimi lwa ci Finish kwaafwilishe apakalamba kukulunduluka kwesu kwa mu Finland. Ukulongana kwa kubalilapo pa Messuhalli kwamoneke ibumba 7000 abaliko. Panuma ya cilya, amakana abengi balilolele panse icungulo conse, ukwiminina mu mulongo uwa bane no butali hafu wa mailoshi, pa kutila bengashininkishiwa pa cipuna mu cikulwa icikalamba nganshi mu Finland.

Mu nshita yakuleka inshiku shisano, ilyo icikulwa cafilikwe ukucikwata, ibumba lyaile ku Kuppio uko kushalepa nganshi ukufuma ku Arctic Circle. Icitetekelo cali pa mulu nganshi muli uyu musumba kabili fimo ifipeshamano ifyawamisha fyalicitike. Cimo pali ifi cali ukundapwa kwa munono Veera Ihalainen, uwanshiwa mubulwi, uo icikope cakwe calangishiwa pa cifulo cimo muli ili buku. Ena alipokolwelwe bwino nganshi ukufuma mukufwala ico bamukakile kulukasa no kubomfya inkonto, panuma wene akwete mucitetekelo ukukumya ikoti lya kwa Munyina Branham ilyo ena alepita. Shibili atemwa shitatu inshita sha cungulo bushiku abantu balepita fye kabili Munyina Branham alepepa ipepo ilipi pali cila umu. Pa nshita ilyo ukulongana ukuli konse kwalepwa kwaleba umwina usuma uwafyakwendelako ne nkonto ifyo fyaposelwe. Munyina Baxter alilandile pa kulongana kwa mucungulo, kabili mbila shakwe shalipokelelwe no kusekelela kukalamba. Munyina Moore kabili nakalemba asendele ukulongana kwa lucelo, no kupepa maka maka pali bankomamatwi na bucibulu ne mpofu. Abengi nga cinelubali atemwa cinekonse konse balyundepwe pa nshita imo, umu panuma ya mubiye. Umu mulumendo asambilile amashiwi ulubilo nganshi icakutula ena alibomfiwe nga kelula kukulanshanya pamo na bambi abo abapepelwe. Cimo icacitike ico casekeshe nganshi ibumba cali bankomamatwi na bucibulu ilyo amatwi yabo yaiswike kuti basambilila amashiwi ya Cingeleshi bwangu nganshi nge ci Finnish.

Cimo ica citike, ico cishakatale ukulabwako na ba membala we bumba, kabili ico cacitike ilyo bali ku Kuopio, cali ukubusha ku mweo umwana uyo wapunkilwe no kwipaiwa mubusanso bwa motoka, amafya ayo yalangishiwe kale kuli Munyina Branham mucimonwa. Ifwe twalaleka Pastor Vilho Soininen, uwaku Kuopio, alondolole ici cacitike icikankala:

\* \* \* \* \*

“Pali Cisano icungulo icikankala kabili icintu cakupapusha calicitike ico capilibwile ifingi kuli Munyina Branham kabili kuli bamo muli ifwe abo abacitile ukuba bakambone baciko. Ba motoka batatu abo twalimo bapangile ubulendo ubushakalabweko mupepi na ku Pujio Observation Tower iyabela pa ncende iyawamisha iya pa mulu. Ubulendo bwali bumo ubwawamisha nganshi ubo ningebukisha, pa mulandu wa mapalo yakwa Lesa pali ifwe. Lyena ilyo twalebwela ukufuma ku Puijo, ubusanso ubwabipisha bwalicitike. Motoka iyali ku ntanshi yalifililwe ukutaluka ukushona abalumendo babili abanono, abo ababutukile mu musebo kuntanshi, ukuponya umo panshi kumbali ya musebo, kabili nayambi amayadi yasano ukuya mwibala. Umo mulumendo alifwile umutombo bali musendele muli motoka uwali pantanshi yesu kabili naumbi, Kari Holma, alibikilwe muli motoka yesu no kumubika mu maboko yakwa Munyina Branham na Miss Isaacson abo abaikela kucipuna ca kunuma. Ba Munyina Moore na Lindsay bali ku cipuna caku ntanshi pamo naine.

“Ilyo twabutukile ku cipatala, nalipwishe ukupitila muli Miss Isaacson, kelula, ifyo mulumendo ali. Munyina Branham, no munwe wakwe pa mipemene ya mulumendo, alyaswike ukutula cilemoneka ukutula umulumendo nafwa, apo imipemene tayaletunta nakalya. Elyo Munyina Branham abikile ulupi lwakwe pa mutima wa mulumendo kabili aishileiluka ukutula walilekele ukubomba. Ena nakabili alitwalilile ukumona imipemene ya mulumendo kabili ena tekuti amone ukupema nangu kumo. Elyo ena alifukeme panshi muli motoka no kutendeka ukupepa. Kabili ba Munyina Lindsay na Moore balipepele, nabo, ukutula Shikulu engakwata uluse. Ilyo twapaleme pa cipatala, nalimo yasano atemwa ama miniti mutanda panuma, naliloleshe kunuma, kabili ku kupapa kwandi, umulumendo aliswile amenso yakwe. Ilyo twaletwala umulumendo mucipatala, ena atendeke ukulila, kabili nalishibe ukutula icipeshamano calicitike.

“Umulumendo umbi aliletelwemo bwangu kabili ali acili nafwa umutombo. Ilyo naletwala abeni bandi ukubwelela ku hotel yabo, Munyina Branham atile kuli ine, ‘Wisakamana! Umulumendo, uyo waciba muli motoka yesu, mucine ali no kuba no mweo.’”

“Pali ilya nshita Munyina Branham takwete icishininkisho ukutula umulumendo umbi kuti aba no mweo, lelo pa mulungu icungulo bushiku ena alishininkisha kuli ine pa Mulandu wa cimonwa ico ena amwene ulucelo celo pa Mulungu, ukutula ena, nao, ali no kuba no mweo. Pa nshita ilya ine iyo Munyina Branham alenjeba ici pa hotel yakwe, umulumendo alele alefwa kucipatala. Nangu cibe fyo, ukulingana ne lyashi lyakwa shinga’nga, lilya mubushiku kwaliko ukumoneka bwino, nangula pa 28th April ilyo nalelemba ici, ena nalyo line limo limo alefwa umutombo. (Ilyashi lyakonkelepo ilyapokelelwe lyalandile ukutula umulumendo ali umutuntulu umupwilapo.) Umulumendo, uyo wali muli motoka yandi, Kari, bali mufumishe mucipatala mu nshiku fye shitatu, kabili ena aleumfwa bwino nganshi nga twamona pa mafya.

“Ukulongana kwa pali Cisano icungulo bushiku Munyina Branham alitwebele palwa cimonwa ico amwene mu America imyaka yapitapo ibili, kabili ico cafikilishiwe lilya mucungulo ilyo ena apepele umulumendo uwafwa. Malaika amoneke kuli wene lilya mucungulo bushiku ilyo takulaba ukulongana kabili alimwibukishe ena pali ici cimonwa ico ena amwene imyaka ibili panuma, kabili ico akwete pali ilya nshita ukulandwa mumakana. Nomba califikilishiwe. Munyina Branham ukwisa ku Kuopio cali muya muyayaya amapange yakwa Lesa! Ifwe fwe baku Kuopio Elim Assembly twalisungwike mulandu nshi Shikulu ali umusuma nganshi kuli ifwe icakutula Ena alipele kuli ifwe ishuko ilyawamisha ilya kupokelela umubomfi Wakwe.”

Inshita ya bushiku ifwe twafumine ku Kuopio ibumba ilikalamba ilya bantu balilongene pa citesheni kabili baleimba nge fyo bema lyonse, ishawama inyimbo sha ci Finnsh. Ilyo ishitima lyalefuma pa deport, ukwimba panono panono kwatendeke ukushima, lelo ukwibukisha ukusuma ukwa nshiku ishabomfiwe mu Kuopio tashakalabweko bwangu.

## AMAYADI IMYANDA MUTANDA UKUFUMA KU “ICIPEMBE ICACELA”

Ukubwelela ku Helsinki Munyina Branham alitwalilile ukulongana pa nshiku na shimbi ishingile mu Messuhalli. Ulucelo lumo ifwe twalile ku mpela ya “Icipembe Cacela.” Pa cifulo cimo ifwe twalifye ama yandi imyanda mutanda ukufuma ku bashilika Abakashika. Abalinshi ba ci Finnsh bashingulwike motoka yesu no kutusoka ukutula iyi yali ni ncende ishilingile ukubako. Ifwe twali abansansa ukubwelela ku hotel yesu. Icikomo ca communist namaka casushishe ukulongana kwesu, kabili mucine bakonkomeshe ukutukaka. Uwalipo kale Chief waba kapokola uwaku Kuopio, umwaume uwalumbukwa nganshi, epo ali kabili alitupapatileko ifwe,

kabili ifwe twalisuminishiwe ukutwalilila no kulongana ukwabula ukucilinganishiwa. Inshiku shitatu shalibomfiwe mukutusha pa kwisala kwa musonkano, mu cikulwa icali cakwa na mayo Umwinakristu uwacuma. Ifwe balitusungile nge mfumu ilyo twali kulya. Nangu cibe fyo, ilyo umulabasa we lyashi wa ku Moscow waiswilwe inshita imo iya cungulo bushiku, ifwe twalipapushiwe pa kusabankanya (ukwailwilwe kuli ifwe) uko kwabilishe ukutila inengu sha ku America shalebombela mukuifisa mu Helsinki. Ifwe twalishibe kuli abo umulabasa wa Moscow walesontelelako, kabili no musango onse kwali ukwishiba pa buwelewele ubo bwapelwe kuli ifwe. Mu mulandu uwa finfulunganya ifyaishileisa ilyo line, ifwe twalishibe ukutila impongolo shonse ishakufuminako shili no kwisalwa lilya line, ne mfuti sha Russia ba mailoshi fye ikumi ukufuma ku musumba ukalamba. Limo ilyashi lyalisalangene ukutila ukupatukana kwalishile pakati ka America na Russia, palwa kulasa kwa ndeke ya America kuli ba Soviet. Cashininkishiwe ukuba fye amang'wing'wi, lelo calitulengele ifwe ukukanaba umutende. Umwenso walisula mu Europe, kabili abengi abantu ba ci Finnsh balishiba ukutila ninshita fye ishilafika mpaka icishiba ca maka ya communist cikapyanga ku mipaka, no kusunkile sonde mu mafya ya Armagedon.

## BAKAPYUNGA BA LUKUTA LWA BUTEKO BWA FINNSH BASUMINA UKUNDAPWA

Ubushiku bumo ilyo twafumine ku Finland, ifwe twalipokelele kalata uwaibela ukufuma kuli umu uwabakapyunga ba Lukuta lwa Buteko, ukutwishibisha ifwe ukutila kwaliko ukulongana kwa cintubwingi icaba kapyunga balukuta, kabili ukutila panuma ya kulanshanya kwakusuminishanya, akabungwe ukupitila mukuputwa ukwa kulongana ukwakwa Branham, balisalile ukusumina bukapyunga bwakundapa. Kalata yali isuma nganshi, kabili ifwe twalesubila ukukwata yena ukulembwa muli TVH, lilya line fye ilyo twingakwata ubwilulo kwasuminishiwa. Munyina Branham alembele mukubwekesha kalata wakatasha kabili akoseleshe ba munyina ukucetekela Lesa pa fintu ifya pulamo mukati ka fifulo fyabo. Nangula twalipelwe ukwiluka ukutila ibumba lyonse abo abalongene balisalile ukusumina icine ica kundapwa kwa Bulesa, ifwe twalishibe ukutila cilya tacali icikankala nganshi ukutila kapyunga uuli onse mu Lukuta lwa Buteko balisuminishe yena. Ukutila bamo bakasusha bengamonekela pantanshi cena kuti caenekelwa, lelo kusuminisha ukwapulamo mububile ubo bwamoneke muli kalata ifwe twapokelele lulya lucelo lwa kulekelesha cali mucine icakukoselesha kuli ifwe, kabili catulengele ifwe ukumfwa ukutila ubulendo bwesu ubwa ku Finland tabwali apafye.

## NORWAY

Panuma ya kushalikanapo ukwa kulekelesha ku banensu abasuma mu Finland, ifwe twalininine ndeke kabili ama ora yabili panuma twali mu Oslo, Norway. Kulya twasangile ukusekelela kumo kwine pakati ka bantu. Nangu cibe fyo, kwaliko ukumfwa ububi mu maofeshi ya buteko ukukanya bukapyunga bwa kundapa kwa Bulesa. Health Administrator aishilebika ifunde lyakwisala kususha ukupepela abalwele, kabili ifwe ukuba abalebeshi, twalishibe ukutila nshita ifwe tatwanakile ukukukanya ifwe tukatamfiwa ukufuma mucalo. Nangu cibe fyo kwaliko icishaenkelwe kabili icacitike icikankala palwa kukanya. Ilya mu musumba ibumba lya bakapyuna mukukana kwa cintubwingi mukulongana kwabakapyunga imyanda ibili “casendele fye miniti umo mukubilisha ukusuminishanya mufyebo fyabo capamo ukutila ukususha kulingile kwacitwa.” Ukususha ukwaifi pesamba lyena kwalilembelwe no kufwatikwapo na mashina ayalumbukwa nganshi mu bumi bwa bukapepa bwa mu Norwegian.

Ku Buteko bwa Norwegian

Oslo

Mukwai:

Ukundapa ukupitila mucitetekelo kabili ne pepo caba iciputulwa cakupyana ica Mbila nsuma, kabili caba ni nanga mubumi no mulimo wakwa Yesu Kristu. Ukupita mu nshita ili sambilisho lyalikwete ukusuminisha ukwakosa mu bwikashi bwa bumi bwa Mwinakristu no kushimikila.

Iceintubwingi ca Bwinakristu ca mu Norway mwi funde beminine ngo muntu umo muli ili lyashi, nangula nge fyashika ne nshila sha kubombelamo shingapusana munkuta ne fyalo.

Abafwatike, e ico kanshi, baumfwa ubulanda nganshi pa mafunde ayabikilwe kuli bafilolo besu kabili twapanga kususha ukukana amafunde ayakukanya ayapelwe, ukufwaya ukucencentra pa kushimikila Bwinakristu. Iyi mibombele ili iyacifyalilwa ukupela umulandu ku fishinka ifya nsambu sha muntu mu calo icitungwa, kabili lilekana ifunde lya kushinshimuna mubuntungwa.

Ifwe tuletita ukuti amafunde ayakukanya yafumishiwepo ili line, ayabikilwe ne funde lyaba kwa Oslo Chamber yaba Kapokola.

Oslo, May 5th, 1950.

AMASHINA YA KABUNGWE AKALESUSHA

H. Asak-Christiansen,

General Secretary waku Norwegian Baptist.

Eivind Berggrav,

Bishop wa ku State Church.

O. Hallesby,

Professor na kalemba uwaishibikwa.

Ludvig Hope,

Chief Secretary wa ku Salvation Army mu Norway.

J.B. Jarnes,

Vice-Chairman wa Evangelical Churches Fellowship.

Nils Lavik,

Membala wa Parliament na Vice-President waku West Norwegian Home Missionary Society.

Dr. Alf Lier,

Chairman waku Non-conformist Parliament na President waku Methodist Conference.

Thv. Storbye,

Chairman wa ku Evangelical Preacher's Fellowship.

Alf Bastiansen,

District Minister waku State Church.

Daniel Braendeland,

Kalemba.

## MUPEPI NE MPANGA YA

### KASUBA KA BUSHIKU PAKATI

Ukufuma ku Norway twaile ku Sweden, uko kulongana ukwongi kwacitilwe pa Gotenburg, inshita imo iya bushiku pa Jonkoping, kabili elyo pa nshiku shisano pa Orebro apo apabela ilyalumbukwa Evangelipress, ilyo lituma kunse ifitabo ifingi ifya Bwinakristu. Ibumba amakana yasano yalisangilwe kukulongana kwakubalilapo uko kwacitilwe palwalala mucibansa. Ukwikala kwesu mu Orebro umusango onse kwali ukusuma nganshi kabili ifwe tulesubila ukwakwa fwa.

Ukufuma ku Orebro, ibumba lya Branham lyaile ku kapinda ka kuso ku Ornskoldsvik ilyo lyabela intamfu fye inono kukwa kukuso kwa Artic Circle. Bamo abantu 6000, calipendelwe, baliswilemo no kushinguluka itenti. Calilandilwe ukutula, kabili ifwe twalikwata umulandu ukucetekela ukutula cena cishinka, ukukwali ukulongana ukukalamba nganshi ukwa bukapepa mwi lyashi lya kale ilye sonde, mupepi na Artic Circle. Nangula pali ilya nshita cali cicili mukati ka mweshi wa May, kwali ulubuuto ulwalinga pakati ka bushiku ukukopa icikope cetenti!



Ukufuma ku Ornskoldsvik, ifwe twalyendele kukwaku kuso ukuya ku Stockholm uko kwabela ulukalamba nganshi Ulukuta lwa Pentecostal mwi sonde ilyabamo 6500 ba membala abalyonse na Sunday school iya nalimo 5000. Ukutandala kwesu na Munyina Lewi Pethrus no mwana wakwe, Oliver, uyo wali kelula wesu ilyo twali kulya, ali uwakusansamusha pakwikala kwesu mu Stockholm. Nangu panono tapali ubusuma mukumoneka, lelo nomba alikwete amano kuli ayo ena atungulula ukucilapo nganshi icuma ca kabungwe ka Full Gospe mu Sweden mu nshita ya myaka amakumi yane iyapitapo, Munyina Lewi Pethrus aletusekesha ifwe bonse ilyo twalekutika kuli wene mukulanshanya kwa pa mbali, ngefyo cali ishuko lyesu pali shibili inshita sha cungulo. Munyina Pethrus alikwata icitetekelo icaanguka kabili nomba ukucenjela kwa bumupashi uko kwa mwafwilisha wene ukukula imifula iyakosa, mpaka ilelo umulimo wa Full Gospel mu Sweden walumbukwa mwi sonde lyonse. Bukapyunga bwakwa Munyina Branham bwalipokelelwe bwino nganshi mu Stockholm, kabili mucine ilyo caishile ku nshita ya kuya, Munyina Pethrus alangishe isubilo ukutula Munyina Branham kuti asanga cena icingacitwa ukubwela nakabili bwangu ku Sweden. Kabili eico ubulendo bwa kuciluka bema bwaishilepwa. Munyina Branham kabili na ifwe bonse twaliipakishe ukwikala kwesu mu Europe, lelo ifwe tulingile ukusumina ukutula ifwe twali abansansa ilyo ndeke yesu ikulu yaimine ukufuma pa cibasa ca Stockholm, kabili ifwe twatendeke ubulendo bwesu ku mushi.

## KU MUSHI NAKABILI

Ilyo ndeke yesu yafikile bwino pa Idlewild ulucelo lwakonkelepo, cali no kumwentula kwansansa kutila ba membala be bumba lyakwa Munyina Branham balibikile nkasa shabo nakabili pa mushili wa America.

Munyina Branham alibwelele mu America. Ubulendo bwa ku Scandinavian bwali ilyashi lyakale. Ukukabila nganshi ena alelelekesha ku ntanshi ukutusha ukusuma no bulendo bwa cuti mumpili. Ilyo line nangu cibefyo, ena ali no kubwela nakabili ukutwalilila ukushimikila no kupyungila mu misonkano ikalamba mulusuba, no kupwisha umulimo uo Lesa amupele wene, ukwishiba ukutula Shikulu ali no kumusunga wene ukufuma ku mulimo uuli onse uwabipa, no kucingilila wene ku Bufumu Bwakwe bwa mu Mulu. Nga Daniele uwakale, ena ali nokutusha no kwiminina muciputulwa cakwe ku mpela ya nshiku.

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)